

*Bibliothèque oratoire du Jgn
Domin. St Magloire*

APHORISMES

DE

CHIRVRGIE

TIREZ D'HIPPO-

CRATE AVEC LES

Commentaires.

Nouvellement mis en lumiere,

par CHARLES GUILLEMEAU,

Chirurgien ordinaire

Roy.



A PARIS

Chez ABRAHAM PACARD, rue
Jacques, au Sacrifice d'Abraham.

M. D. C. XXII.

Avec Privilège du Roy.





A MONSIEVR

MONSIEVR HEROARD

SEIGNEVR DE VAVGRIGNEV-

se, Conseiller du Roy en ses

conseils d'Estat & Priué, &

premier Medecin de sa Ma-

jesté.



MONSIEVR,

*Si mes petits labeurs
ordinaires que ie don-
ne au public ne cou-*

*rent sous autre protectiõ que la-
stre, c'est à l'imitation des bo-
lotes, qui n'observent jamais qu'un*

mesme *Astre* favorable en leurs
plus perilleuses & lointaines navi-
gations. C'est que le *Solcil* de vostre
nom, qui respand ses rayōs par tout
l'*yniuers*, m'ayant tousiours dissi-
pé les nuages de l'enuie & de la mes-
disance, oblige tout ce qui sortira de
mon estude a l'aduenir de prendre
tousiours le premier protecteur, à
qui ce petit ouurage, tel qu'une
fleur cueillie dans l'huiuer d'une lon-
gue maladie, va rendre l'hommage
de sa naissance, attendant que quel-
que autre plus sericieux & de meil-
leure trempe, tesmoigne la sincere
affection que i'ay d'estre toute ma
vie.

Vostre tres-humble &
tres-obeissant seruiteur
C. GUILLEMEAU.

Fautes suruennës en l'impreſſion.

Page 34. lig. 22. il auoit, liſez il auroit,
p. 39. l. 20. ſentent, l. ſentend, p. 52. l. 3. ſent,
l. ſont, p. 53. l. 2. ſi ſoient, l. y ſoient, p. 61. l. 11.
ſerotum, l. ſcrutum, pag. 67. l. 4. Eraſtrate, l.
Eraſiſtrate, pag. 72. l. 12. de chaucere, l. de la
gangrene, p. 75. l. 19. ſorte, l. ſortie, p. 77. l. 25.
dures, l. durs, p. 111. l. 24. Aphoriſme, l. l' A-
phoriſme, p. 124. l. 3. tumeur, l. tumeurs, p. 125.
l. 11. ou, l. aux, p. 128. l. 23. auſquels, l. auquel
p. 152. l. 10. pirement, l. purement, p. 157. l. 21.
le cœur, l. le cuir, p. 158. l. 4. le cœur, l. le cuir,
p. 169. l. 11. channe, l. chaunc, p. 220. l. 9. ſur-
uennës, l. ſuruenus, p. 224. l. 16. obolis, l. abolies
p. 231. l. 12. patrie, l. partie, p. 308. l. 11. thorci-
ques, l. thoraciques, p. 355. l. 17. affluëctions, liſ.
affectiions, p. 360. l. dern. procedent, l. precedent
p. 370. l. 5. qui, liſ. que, p. 390. l. 4. peut, l. put,
en la meſme p. l. 6. put, l. peut, p. 406. l. 5. p.
trie, l. partie, p. 423. l. 13. laugme, l. langine, p.
430. l. 12. conmiſion, liſ. conuulſion, p. 443. l. 6.
diſtinguer, liſez diſtinguer, Aphor. 21. du
7. liu. ſanguis, liſez ſanguinis.


*Extraict du Priuilege du
Roy.*

PA R grace & Priuilege du Roy ,
il est permis à A B R A H A M
P A C A R D, Marchant Libraire en l'V-
niuersité de Paris, d'imprimer ou faire
imprimer vn liure intitulé *Aphorismes de
Chirurgie tirez d'Hippocrate avec les Com-
mentaires, Nouuellement mis en lumiere*, par
C H A R L E S G V I L L E M E A V, Chirurgien
ordinaire du Roy, & sont faictes tres-
expressees deffences à tous Libraires & Im-
primeurs, d'imprimer ou faire impri-
mer vendre ny debiter ledict liure, sinon
de ceux qu'aura imprimé ledict Pa-
card, pendant le temps & espace de
six ans, à peine de douze cens liures d'a-
mande & de confiscation desdits exem-
plaires qui se trouueront imprimez :
comme plus amplement est contenu és
lettres patentes du Roy, Donnée à Paris,
le 10. Septembre, 1621. *signé.*

PAR LE ROY.

B R A G E R O N N E.

*Acheué d'imprimer le premier Iannier,
mil six cens vingt & deux.*



L'IMPRIMEVR AV
LECTEUR.

DV pouvez dire (Amy Lecteur) que ce petit ouvrage t'explique les plus beaux preceptes, ou plustost diuins oracles de ce grand Hippocrate, lumiere de la Medecine, de qui la posterite ne peut assez celebrer la memoire. Je sçay que plusieurs, nommement Galien, qui semble par metempsychose le vray genie d'Hip-

pocrate, ont applany ce chemin roboteux , & obscur en diuers endroiçts : beaucoup de modernes mesmes ont manié ce pinceau , que l'auteur a repris apres eux, pour te rendre le tableau en sa perfection. Vouloir au surplus amplifier les loüanges deües aux Aphorismes, seroit selon le prouerbe adjoüster de l'eau à la mer : il suffit de dire que telles sentences comprennent en peu de parolles tous les secrets de la Medecine, ainsi que de la Chirurgie, partie inseparable de ce tout, à laquelle l'auteur suyuant sa profession c'est princi-

palement attaché , afin de
donner la plus methodique
& facile intelligence d'iceux
qui luy a esté possible. Mais
le Chirurgien qui desire pro-
fiter en la lecture de celiure,
doit plus porter l'esprit que la
veuë, & à l'exemple de la mou-
che a miel, ne laisser aucune
des fleurs qu'il contient, sans
sucer le miel d'vne profita-
ble doctrine , qui regarde
tant les causes des maladies,
que leurs symptomes, & avec
telle cognoissance le guide
non seulement au prognostic,
mais aussi à la guarison d'icel-
les, qui est la fin de la Chirur-
gie. Je t'assure au surplus

qu'une heureuse experience
d'autres siens ouvrages bien
reçeus du public par moy im-
primez, luy ont à ma prie-
re extorqué celuy cy, pour
le mettre sur la presse plustost
qu'il ne desiroit. Iouys donc
de ce labeur, & t'assure que
s'il t'est agreable, d'autres de
la mesme forge se prepareront
à sortir au iour, qui t'apporte-
ront autant d'utilité que de
contentement.



*APHORISMES APPARTE-
nants à la Chirurgie , tirez d'Hipocrate
Prince des Medecins , avec le Commentaire
de Galien sur chacun d'iceux : ensemble des
Annotations sur le Commentaire de Ga-
lien : Plus nouveaux Commentaires sur les
Aphorismes d'Hipocrate.*

P R E F A C E.

IL n'est pas besoin en ceste in-
scription de rien discourir
touchant la vie , mœurs &
condition d'Hipocrate , veu que cela se
traite de Galien en diuers lieux , & se
peut prendre tant de Suidas que des
histoires de Soranus , & ne faut douter
pourquoy il s'appelle de Cos : car sa pa-
trie se remarque sous ce nom , laquelle
est en Thessalie, pour faire la difference
de quelques autres anciës, qui aussi ont
esté nommez Hipocrates. Or qu'Hi-

A

hipocrate ait composé ce liure, quelques uns en ont douté, mesmes tesmoignent que ce fut un autre: aucuns maintiennent fabuleusement qu'on le trouua dans le temple d'Apollon, nous le iugions recueilli par quelque autre auteur des liures d'Hipocrate, d'autant qu'il ny a presque aucun Aphorisme qu'on ne puisse trouuer dans les liures d'Hipocrate, n'estoit que de tres-grands personnages, & entre autres Galien, l'asseurent si fermement estre de la façon d'Hipocrate: mais cecy s'offre digne de consideration, pourquoy ce liure s'inscript ou prend le tiltre d'Aphorisme, & ce qui est vraiment & proprement signifié par ce nom d'Aphorisme. Il se prend pour une resolution de médecine, presque au mesme sens qu'Axiome chez les Philosophes, & reçoit parmi nous la mesme significatiõ qu'Apotelesma parmi les Mathematiciens, chez lesquels ce mot signifie la resolu-

tion d'une proposition de Mathématique, comme il se peut voir dans Ptolomee, Iulius Firmicus, & autres tels auteurs qui escriuent de ceste matiere, ainsi que l'explique le docte commentateur de Manilius : Et ceste consideration a obligé Iules Cesar Scaliger sur le 10. liu. de l'histoire des animaux d'Aristote, d'appeller le liure des Aphorismes *librum definitarum sententiarum*, Ciceron appelle cela *Determinationem*, ils sont dits du verbe Grec ἀφορίζω qui signifie separer, ainsi ἀφορισμός diuision & separation: & pour cela les Anciens en la primitive Eglise ont vſé du mot ἀφορισμός pour signifier l'excommunication, & pour faire entendre ce qu'ils disent ἀποσυνάρμοτος c'est à dire excommunié, & celui auquel la Synagogue estoit interdite. En ceste mesme signification (dis-ie) se sont ils seruis du mot ἀφορισμός pour signifier ceux qui auoient esté separez du corps de l'Eglise,

ainsi qu'il se peut remarquer dans les Constitutions Apostoliques apud Clementem Papam l. 2. cha. 21. Partant certains Arabes ont à bon droit intitulé les Aphorismes, liure de discours separez, comme a fait Mesué au liure de Consolatione med. Aphorisme selon Isidore liu. 6. des Etymologies chap. 13. est un discours succinct qui comprend une sentence entiere. Philotee a ainsi discoursu touchant ce qui concerne l'Aphorisme, demandant que c'est qu'Aphorisme, lequel n'est autre chose selon le mesme auiheur, qu'un discours concis & succinct, accomplissant de soy une sentence entiere, ou discours par enonciation ou locution pauvre, mais riche de sens, d'où est il dit Aphorisme, de ce que la maladie est restrainte & bornee en iceluy. Or est il ainsi diuisé & distingué par ceux qui sont deuant & apres luy. Oribase a defini l'Aphorisme en la mesme sorte que si nous essaions

d'exprimer la force du nom selon Galien, faut considerer les choses que luy mesme enseignant la forme de ceste doctrine a laissees par escrit presque au milieu du cōment sur le premier Aphorisme du premier liure, où il dit, la forme de la doctrine Aphoristique restreint toutes les proprietez de la chose, au moins de paroles que faire se peut: voicy les paroles de Galien. L'Aphorisme dit en tres-peu de paroles toutes les proprietez de la chose, s'entēd de laquelle il traite. A ceste cause le moyen de l'Aphorisme ne cōsiste pas pour estre vn discours diuisé & separé: mais parce qu'il restreint les proprietez de la chose en fort peu de lāgage, Galien remarque le mesme à la fin de ceste partie, là où plustost le demonstre apertement veriable sur le 14. Aphorisme du premier liure, & cela est apres le milieu du commentaire: car comme Hippocrate eust dit, ceux qui croissent ont

beaucoup de chaleur naturelle, Galien discourt abondamment sur la chaleur des enfans & des ieunes, & monstre leur difference: mais de peur que quelqu'un ne reprenne Hipocrate de n'en auoir fait aucune mention, il dit, veu qu' Hipocrate auoit proposé en ce liure une doctrine compendieuse & aphoristique, il n'a pas amplifié son discours ainsi que ie fais maintenant, avec lesquelles paroles ont recueilli manifestement la doctrine aphoristique consister en brièfueté & non pas en separation de discours. La mesme chose se monstre du mesme Galien au 28. Aphorisme du 2. liure, où il est dit, que si le corps de ceux qui ont fièvre legere ne viét à estre diminué & amaigri plus que de raison: mais que par la force du mal il se desseiche, c'est mauvais signe; Galien dit au comment, mais s'enst esté le meilleur, si en ce qu'il dit, que de raison, il enst déconuert au-

parauant dans quelles bornes on le peut iuger: mais d'autant que la maniere aphoristique en sa doctrine porte vne extreſme briueté, nous exposant le mot ſelon la raiſon le reſerons à la grandeur de la ſieure & ce qui ſuit. En quoy il apparoist la doctrine aphoristique eſtre conſiderée & meſurée à la briueté. Ce qui ſe monſtre plus clair que le iour au liure 4. Aphoriſme 47. où Hipocrate dit les excremens liuides ou noirſtres, ſanglants ou fetides és ſieures cōtinues, ſont tous mauuais, que s'ils ſortent à l'aiſe par les ſelles ou par les vrines, ils ſont bons: mais ſi rien des choſes qui ſortent ne donne allegement, c'eſt mauuais ſigne: Galien ſemble reprendre Hipocrate au commencement de ceſt Aphoriſme, diſant, poſſible eſtoit-il conuenable à la doctrine Aphoristique, de dire plus briuement que tous les mauuais excremens, lors qu'ils ſortent

à l'aise se terminent en bien, desquelles paroles on peut manifestemēt recueillir que la doctrine Aphoristique consiste plustost en briueuté de paroles, que separation de sentences; le mesme se peut confirmer de Galien à l'Aphorisme 64. du 5. liure, où il semble reprendre Hippocrate de n'auoir gardé la briueuté deuë à l'Aphorisme. Le mesme Galien aux commentaires du 4. liure de la forme du viure és maladies aiguës, section 19. s'estonne que tel discours ne soit mis entre les Aphorismes; veu qu'en peu de mots se trouue vne grande efficace, ce qui a accoustumé de seruir aux Aphorismes. Ce qui peut seruir de tesmoigna ge, que la doctrine Aphoristique consiste en briueuté, cecy encor adionsté, quand il dit au 1. chap. des facultez des simples medicaments, qu'il appartient à la doctrine Aphoristique de comprendre beaucoup en peu de paroles. Concluons donc de ces choses avec Galien, que la

doctrine Aphoristique embrasse beaucoup de discours, & de sentences tres-brievement, qui expliquent toute la chose de laquelle il s'agit, & que l'Aphorisme est ce discours qui explique en peu de paroles toute la sentence qui se traite. Voyla donc pourquoy ce liure s'intitule des Aphorismes, d'autant qu'il comprend tout l'art de la medecine en tres-peu de langage. Partant il faut sçavoir cecy, que les choses estendues & expliquees par Hipocrate dans 80 volumes sont comprises en cestuy-cy seul sous peu de paroles. Car il n'y a en ce liure aucun Aphorisme qui ne se trouue es autres liures d'Hipocrate, dont ce liure est vn abregé de tous ceux d'Hipocrate, & comme vn manuel, ainsi qu'il se pourra voir en le lisant; Oribase diuise en quatre parties telle sorte de doctrine, disant, si l'on demande la raison de ceste doctrine elle se diuise en quatre, en intellectuelle, en complexoire qui

embrasse, en diuisante qui diuise, & definitive qui definit. On la dit intellectuelle, en ce qu'avec l'intellec, qui vaut autant que contemplation, elle poursuit & considere les maladies, tant des hommes que des femmes. Complexe, parce qu'elle embrasse & comprend tout, ne laissant rien derriere. Diuisante à cause qu'elle diuise le corps humain en parties, & declare leurs maladies en particulier. Definitive, en ce qu'elle definit toutes choses & en determine droitement. Elles ont aussi cest ordre, que la premiere est intellectuelle, apres suit la complexe, de là celle qui diuise, puis au dernier la definitive: car nous aprehendons premierement vne chose par l'intellec, apres l'auoir aprehendée comme elle est nous l'embrassons toute, de là aussi nous la diuisons, ainsi que comprise par l'intellec, & finalement diuisee pour estre comprise, nous la definissons & determinons.

APHORISME PRE-
MIER DV I. LIVRE.

Vita brevis, Ars verò longa, occasio autem praeceps: experimētum periculosum, iudicium difficile. Nec solum seipsum praestare oportet opportuna faciētem, sed & agrum, & assidentes, & exteriora.

La vie est courte, l'art long, l'occasion soudaine & hastive, l'expérience dangereuse, le iugement difficile, Et ne faut seulement s'acquitter de son deuoir, faisant les choses necessaires; mais & le malade, & les assistans, & ce qui est de l'exterieur.

COMMENTAIRE.



N' ceste œuvre d'Aphorismes Hippocrate semble auoir imité les Cosmographe, lesquels pendant qu'ils reduient tout le monde sur vne plus

petite carte, ayants obmis les espaces vuides de la terre, produisent seulement en veüe les plus celebres citez : car luy de mesme ayant retranché les plus longues demonstrations qu'il a expliquees ailleurs plus au large; il insinue icy en passât les plus difficiles parties de la medecine pratique, & remarque les plus souuerains & principaux theoremes de tout l'art, esquels il donne les preceptes de cognoistre briuement, & distinctement de prognostiquer & remedier aux maladies, proposant cependant des exemples familiers qui apartiennent à ce mesme suiet. Or si c'est vn Aphorisme ou deux, plusieurs interpretes en ont disputé: Toutesfois les plus doctes ont tousiours esté de cest aduis, ou que s'en sont deux conioints ensemblement, ou vn qui a deux parties. Car veu que la presente sentence est citee par plusieurs autheurs, comme la plus accōmodee à commencer, non seulement toute sorte d'arts: mais aussi de traitez, la partie posterieure s'obmet presque tousiours, cōme qui doit estre separee de la premiere, ueantmoins veu que Galien, qui fit à

Rome des commentaires sur ce liure, pour refuter les mauuaises opinions des Auteurs (comme luy meſme au liure des liures propres a teſmoigné) n'en face qu'un Aphoriſme : pour moy, ie ſuis auſſi de ceſte meſme opinion, que ce n'eſt qu'un ſeul Aphoriſme, ayant deux parties, & qu'il ſert ainſi que de certain proëme general de l'art. Car la premiere partie eſt, *la vie brieue*, la ſeconde, & *ne faut ſeulement* & ce qui ſuit. Or quant à ce qui concerne le proëme, Ariſtote au 3. de ſa Rhetorique chap. 14. eſcrit que cela conuient fort au proëme, qu'en iceluy on die en peu ce qu'il faut dire & faire, & que par ainſi quand on traite d'une matiere elle eſt ou importante, ou que de petite importance elle n'a beſoin de proëme, à ceſte cauſe Hipocrate ayant à faire un proëme ſur la medecine meſme, n'a ſeulement voulu dire de quoy il doit traiter, ſçauoir de l'art de medecine : mais auſſi d'une choſe de grande importāce, s'entēd en laquelle le iugement eſt difficile, l'experience trop peuſe, & l'occafion ſoudaine; Comme ſi Hipocrate diſoit, l'ay à traiter d'un

art qui est long, si on le compare à la briueeté de la vie, & auquel l'occasion est hastiue, le iugement difficile, & l'experience trompeuse: & n'a pas mal iugé Galien tels interpretes preferables à ceux qui ont dit Hipocrate auoir en ce proëme rendu raison de sa maniere d'escrire Aphoristique, & du present liure, comme si quasi à cause de la longueur de l'art & briueeté de la vie, il falloit escrire en ceste sorte; qu'en telle briueeté de temps & longueur de l'art il se puisse apprendre ce qui se fait, si plusieurs choses s'enseignent briueement comme es Aphorismes. Mais il faut voir pourquoy Hipocrate a mis seulement ces cinq choses, & non plus: Car en son liure des lieux en l'homme, il a discouru plus amplement sur la difficulté de l'art de medecine, & de l'occasion, & de la briueeté de la vie. Or ce qu'il n'a voulu dire ne plus ne moins touchant l'art de medecine; il la fait avec vn tres grand artifice, veu qu'il auoit proposé de le reseruer vne briueete Aphoristique; de sorte qu'à fin qu'il n'obmist rien de necessaire, & ne mist rien de superflu, il luy

estoit besoin de dire l'art long, duquel il deuoit traiter, & veu que c'est vn long correlatif, & qui se dit sur autre chose, il estoit contraint l'vn posé de mettre aussi l'autre, sçauoir la briueté de la vie, pour laquelle principalement la medecine est repute'e longue, & a mis deuant la longueur de l'art, la briueté de la vie, veu que c'est chose bien aduoüee & manifeste à tous : car encor que tous hommes soient tres-cupides de viure, il n'y a aucun qui paruenü à la vieillesse ne pense auoir vescu peu de temps; l'açoit qu'Aristote à la fin du liure de la longueur & briueté de vie, escriue aucun autre animal ne viure plus long-temps que l'homme & l'elephant, encor que Senèque au commencement du liure de la briueté de vie, où il appelle cecy certaine exclamation d'Hipocrate le plus grand des medecins, demonstre que nostre vie d'elle mesme n'est pas autrement courte : mais que plustost nous la faisons courte, laquelle concedee pour de tres-belles choses, nous consommons trop profusement en luxes & affaires de neant. *L'art est long; Cecy est*

digne de consideration ; pourquoy Hippocrate ayant à traiter de l'art de medecine, n'a pas dit qu'elle fut longue : mais seulement specifié l'art ; pour l'intelligence de laquelle chose on peut respondre doublement ; qu'Hippocrate a ainsi parlé d'une sorte, à cause qu'ayant à faire vn proëme quasi sur tous les arts, il deuoit parler generally ; car c'est chose tres-certaine que tout art s'acquiert par vn long temps, d'où Aristote au commencement du liure de la Metaphysique dit, que l'art se fait par plusieurs memoires & experiences, qui ne peuuent estre faites qu'en vn long-téps. On peut respondre en vne autre maniere que ces anciens auoient par excellence accoustumé d'appeller la medecine art, d'où Hippocrate a intitulé deux liures de l'art, & de l'art ancien, esquels il traite de la medecine, & Virgile a appelé la medecine art muet, & veritablement si l'on considere les particularitez de la medecine, elle est longue, si ses reigles generales courtes, que ie ne sçay qui promet enseigner en six mois dit Galien en se moquant. Au reste des trois autres

choses proposees, sçauoir l'occasion, l'experience, & le iugement, Galien les estime adioustees comme la cause de la longueur de l'art; Comme si Hipocrate disoit, l'art de medecine estre long à cause de l'occasion soudaine, experience trompeuse, & iugemēt difficile: mais encor que ie ne condamne pas cela, toutesfois ce que i'ay dit toutes ces paroles faire comme vne exclamation me plaist dauantage, ainsi que disoit Senecque. Ce qui s'est fait avec vne tres-grāde raison, de ce, veu qu'il y a principalement trois choses, par lesquelles toutes les actions humaines & les arts sont adrefsez, sçauoir l'occasion, & l'esprit mesme comme l'a escrit Platon: Or les principales operations de l'esprit sont l'experience qui est mere de la memoire, comme dit Aristote au premier de la Physique, & le iugement qui est comme certaine conclusion du propre discours, ainsi que pour cela mesme tous les Philosophes, & principalement les Septiques ont dit, qu'il y a deux moyes pour bien iuger de tous les arts, qu'ils appellent *κρισις*, à sçauoir la raison & l'expe-

rience, lesquelles choses Galien dit le plus traualier en la medecine, les appellât son soucy. Veu donc que la medecine consiste toute en l'occasion, experience & iugement, ou raison, Hipocrate ayant à monstrier tres-sagement l'art qu'il a proposé de traiter estre de tres-grande importâce, selon que requiert la nature du proëme, la prouue par ces trois seules choses sans plus ou moins. Or voyons maintenant s'il est vray que l'occasion soit soudaine, l'experience perilleuse, & le iugemët difficile; quant à l'occasion qui se nomme icy d'Hipocrate *καιρος* ou *καιρία*, c'est à dire le temps ou l'opportunité de faire vne chose ou de ne la point faire: Il est certain que rien ne fuit plus legerement que le tēps; de sorte que par fois toute la faculté de bien faire est colloquee en vn moment, comme aussi les anciens voulans signifier ceste legereté ou vistesle de l'occasion, la peignirent ieune, qui court nuë, & ayant ses cheueux espars deuant la face, sans poël quant au derriere, comme estant tres-fuiarde & difficile à empoigner, & laquelle si on ne l'arreste

aussi tost qu'offerte, vne fois eschappee, ne se peut plus apprehender, ou retenir des mains. Et c'est ce qu'infere Hippocrate au liure de l'ornement, & des lieux en l'homme, disant l'occasion estre tantost tres-viste, maintenant viste, & que qui la cognoist, cognoist aussi toute sorte de biens, admonestant que les medecins en l'exercice de leur art, soiēt principalement prompts & prudents à prendre l'occasion & l'opportunité, soit que le medecin doive donner quelque medicament ou aliment, ou appliquer quelque autre remede. Ce qu'a aussi voulu signifier le tres-elegant Celse, où au 3. liure chap. 1. il a dit qu'en faisant la medecine il ne s'approprioit moins la fortune que l'art: aussi pareillement enseigne-il assez l'experience estre dangereuse, pour la dignité de la matiere: car le medecin s'exerce autour du corps humain, qui excelle sur tous autres en dignité, & la vie duquel destinee à la felicité eternelle, & à faire de tres-grandes choses, se doit beaucoup estimer: mais il consiste d'une matiere fort caduque & labile; de sorte que la santé panche

toujours en extreme peril, & que l'on le voit souvent tomber par le premier, voire quelquesfois par le moindre accident; de sorte qu'esprouver sur luy des remedes duquel la disposition interieure ne se peut cognoistre si certainemēt, n'est autre chose que faire la derniere experience de la mort & de la vie, si bien que souvent les Latins voulans signifier l'experience, disent (*facere periculum*) faire le peril: que si elle est es autres choses nullement comparable à la dignité du corps humain, nous deüons à plus forte raison en faire beaucoup plus d'estat sur iceluy: l'ignorance aussi de la propriété des choses est cause de la trôperie des experiences: mais il y a de quoy douter si veritablement l'experience est trompeuse & dangereuse: car elle se fait par le sens, qui est le iuge plus certain, & les Septiques faisoient grand estat du iugement. C'est pourquoy l'on a accoustumé de dire l'experience estre maistresse des choses; Il faut respondre que l'experience est consideree en deux façons, & qu'elle est ou en ce qui se doit faire, ou en ce qui est fait; par ce moyen

elle est certaine, par cestuy- cy incertaine, & ne faut autrement iuger de la difficulté du iugement; d'autant que comme dit Galien, soit que nous entendons pour le iugement le discours mesme & la raison, nous sçauons combien il est extremement difficile, & combien iusques auourd'huy on a disputé sur tous les preceptes de medecine, lesquels autant qu'ils furent nous sçauons auoit presque autant causé & excité de sectes, ou soit que nous entendions la distinction faite des accidents par l'experience, on voit à plein combien c'est chose difficile de ne se point destourner du droit chemin; ou soit que nous entendions la cognoissance des causes des maladies, ou aussi mesme qui doit auenir aux malades, il n'y a rié plus difficile & laborieux que de trouuer telles causes veritables, & en iuger sainement & seulement, & ceste-cy est la premiere partie de l'Aphorisme, apres laquelle ce qui suit apporte vne merueilleuse diuersité d'opinions aux interpretes, sçauoir par quel moyen on le doit conioindre aux choses precedentes; car les vns ont

voulu que ce fut le commencement de tout le proëme, sçauoir que le medecin ne doit seulement faire son deuoir, mais & le malade & ce qui suit : d'autres au contraire ont trouué meilleur que ces paroles seruissent de certaine illation de ce qui precede, comme si Hipocrate disoit, puis que la vie est courte, & l'art long, & ce qui suit, que par consequent il faut que le medecin face non seulement de soy les choses necessaires: mais le malade, les assistans, & le dehors, comme si contre tant de difficultez à surmonter en faisant la medecine l'industrie du medecin & des seruiteurs y soit principalement requise: mais de quelque costé qu'on le prenne ie pense que c'est la mesme chose, veu mesmes que pateilles contentions n'aduancent ny profitent de rien à l'art. Il faut donc s'arrestter que celuy qui sera medecin doit considerer tout l'art consister de la partie contemplatiue & practique, lesquelles parties estans de grandes estendues, & la vie humaine si on l'examine comme il faut tres-courte, il est necessaire à celuy qui le veut acquerir qu'il

trouue quelque prompt moyen de l'apprendre, tel que l'aphoristique, laquelle aussi acquise en quelque façon il n'en faut pas demeurer là, mais descendre à son vſage ou exercice, & pour l'exercer ſeulement & ſagement le medecin ne doit ſeulement ſaire les choſes conuenables : mais le malade, & les aſſiſtans, & toutes les choſes exterieures y doiuent eſtre accommodees. Le medecin, comme remarque Galien liu. 9. de plac. Hipp. & Plato, où il explique cet Aphorisme tout au long, doit eſtre diligent & prudent, ſoit à cognoiſtre les maladies & ſymptomes ou accidēts d'icelles, ſoit à rechercher curieusement leurs cauſes, ou auſſi à porter ſon iugement, & ſecourir à propos, le malade doit pareillemēt eſtre obeiſſāt, ſe fier au medecin, d'autant que comme diſoit le meſme Hipocrate au commencement du liure des Prognostiques, celui fait plus de cure à qui plus de perſonnes ſe conſient & obeiſſent, en ſe conſiant il faut que les aſſiſtans, & ſeruiteurs, ſoient auſſi vigilans & adroits, voire eſt la dexterité ou diligence des ſeruiteurs de telle impor-


tance, que Corneille Celse discourant quelquesfois d'un tel medecin a dit, qu'à grand peine vn malade pouuoit estre guery par vn seul medecin. Or les choses que l'on appelle exterieures, sçauoir l'air, les remedes, le māger, le boire, & autres qui touchent le corps humain exterieurement, s'ils ne sont pareillemēt eux mesmes tels que requierent la nature des malades, & la maladie, l'art ne se peut prudemment exercer, si que pour ce suiet Hipocrate se propose d'estaller toutes ces choses sur le seuil de l'art, cōme sur tout necessaires d'estre sceuës du medecin mesme. Mais autour de celles-cy il-y a de certaines choses dignes de resolution & contemplation pour mettre fin à ce premier Aphorisme: la premiere pourquoy Hipocrate a voulu commencer ce diuin ouurage par ces paroles, *la vie est brieue*, ce que nous remarquons qu'aucun autre n'a fait; en second lieu pourquoy incontīnēt apres il a proposé la difficulté d'embrasser l'art de medecine: Car il sembloit plus raisonnable pour allecher les esprits de proposer plustost la facilité que la difficulté,

culté, veu que comme i'ay dit cy dessus, nous desirons plustost de nature à apprendre facilement, que difficilement; ainsi que monstrent les enfans qui ne refusent d'apprendre pour autre cause sinõ que cela s'acquiert avec difficulté, on mettra au troisieme lieu pourquoy en la seconde partie il a mis cest ordre de colloquer au premier rang le medecin, apres le malade, au troisieme les assistans, au quatrieme les choses exterieures; Quant au premier Galien est long à refuter les opinions des autres, & pense qu'Hipocrate de ces trois choses suiuanes, l'occasion est soudaine, l'experience trompeuse, & le iugement difficile, ait voulu demonstrec la briueté de la vie, & la longueur de l'art, qu'au contraire i'estime entre les autres causes qui ont induit Hipocrate à dire visstement cela, ç'a esté d'autant que veu que le principal œuure du medecin tend à conseruer à tous ceste vie (comme disoit Pline) trop souhaittee, voire la prolonger si faire se pouuoit: C'est pourquoy il a voulu encourager les hommes à embrasser cest art sans paresse, & les

admonester qu'ils n'affectent l'amour de ceste vie comme d'une chose tres-incertaine & fuitive : il a donc incontînēt voulu enseigner ceste vie estre tres-courte, & que par consequent il n'en falloit pas tant faire de conte, que nous mettions derriere elle l'exercice vertueux des arts & sciences utiles au genre humain, qu'en consequence de cela falloit veiller assiduelement, de peur que trompez par la fuite du tēps, nous perdions l'acquisition de la medecine. Quant au second point, plusieurs disent qu'Hipocrate a mis expressement la difficulté de l'art tout au commencement, pour destourner les esprits pesans & moullés de l'estude de cet art, & pour enflammer davantage les bouillants à comprendre & retenir les mysteres de la medecine. Car il a esté ainsi ordonné par la nature, que les esprits vigoureux & destinez aux grandes affaires, plus ils se trouuent embarassez en choses pēibles, plus ils se portent vaillamment, & avec de la vehemence, qu'au contraire ceux qui sont imbecilles & froids ne s'entremettent point de

choses difficiles : d'où on raconte que premier que Pytagore entreprit d'enseigner & former quelque disciple, il auoit accoustumé de luy proposer quelque chose difficile à faire, à fin que l'espreuue faite de son esprit & de la volonté, il aduisast mieux apres de ce qu'il en deuoit faire. ce qu'encore Galien dit deuoir estre plustost fait aux conférences qu'aux liures, toutesfois les anciens auoient accoustumé de le faire pareillement aux liures, comme on dit qu'Aristote escriuit ces liures de Metaphysique & Physique ainsi obscurément, de peur qu'ils ne fussent vulgairement maniez du premier venu : mais outre ceste raison qui véritablement a peu induire Hipocrate, il y en a eu encore vne autre, sçauoir pour rēdre l'auditeur principalement attentif, qu'Aristote escrit au 3. de sa Rhet. 14. cha. estre sur tout disposé à l'attention, lors qu'en l'exorde on luy propose de grādes choses, ou nouuelles, ou agreables: or monstre il assez la medecine estre vne grande chose, disant qu'elle est longue, & ce qui suit. Pour le troisieme il faut dire

qu'il n'a pas mis vn tel ordre sans raison, d'autant qu'atendu que toute la fabrique de l'art s'appuie sur le medecin, le malade, & la maladie (comme Galien l'a escrit autrepart) il appartient au medecin & au malade de s'accorder ensemble contre la maladie, s'il est question d'acquiescer la victoire, & partant il faut que premierement le medecin, puis apres le malade facent diligemment ce qui est de leur deuoir, les assistans aussi, & ce que l'on appelle de l'exterieur; Il est principalement requis qu'ils s'accordent avec le medecin & les malades, veu que meisme sans eux rien de bon ne se peut executer, or en dignité & vſage veritablement ils marchent apres le medecin & le malade, à fin que l'ordre qui est en la propre nature de la chose il semble l'auoir entierement gardé.



G A L I E N.

QVe ceste oraison soit tissue d'un ou plusieurs Aphorismes, & face le proëme de l'œuvre entier, c'est chose aduoüee presque de tous: mais ce qu'Hipocrate auoit resolu de faire, vsant d'un tel proëme les opinions en demeurant fort douteuses & differentes, ce que possible nous trouuërons venant premierement à esplüscher plus soigneusement chaque partie de l'oraison: Car ce que veritablement il a dit la vie brieue en comparaison de l'art, est manifeste à tous les interprètes du liure. Or pensay-je qu'à ceste raison il reputte l'art long, parce que l'occasion de toutes les operations naist pres-

que de moment en moment , & pour telle cause difficile à comprendre ; De sorte qu'aucun ne le peut cognoistre sans vn lōg exerci- ce en iceluy , & d'autant qu'il y a deux moyens necessaires à inuen- ter les arts ; l'vn, sçauoir l'experien- ce, tres-dangereuse, & l'autre le iu- gemēt guidé par la raison demeu- re & se trouue difficilement , si en quelque autre chose il y en a , en celle-cy il s'y trouue vne tres-grā- de difficulté. L'occasion est donc soudaine & hastiue , à cause que la matiere autour de laquelle se re- trouue l'art flux & s'escoule conti- nuellement. Veu que nostre corps est suiet aux mutations, & non seu- lement des causes de dehors : mais aussi est facilement alteré de celles du dedans ; Or l'experience est pe- rilleuse à cause de la dignité de la matiere, non de la facilité du chan-

gement d'une substance à une autre: car ceste-cy est contenuë en la mutation subite. Or quant au changement, si quelqu'un (comme i'ose asseurer) le prend pour la raison, il est tout clair qu'on le trouuera tres-difficile, veu qu'il a tousiours esté en doute iusques à ce iourd'huy. Que si quelques vns (qui pour l'experience se nommēt empiriques) pensent qu'il entende par le iugement celuy qui se fait selon les euenemens des choses par l'experience, en ceste mesme signification il s'y trouuera vne tres-grande difficulté. Mais l'auteur se monstre dogmatique en tout le commentaire; Donc la premiere partie du proëme est bornée iusques à ce lieu. Et il escrit la seconde, non comme prononçant, mais comme conseillant. *Et ne faut seulement s'esuertuer soy-mesme faisant les*

choses conuenables : mais & le malade & les assistants , & ce qui est de l'exterieur , la force desquelles paroles est telle ; Si tu dois informer & examiner la verité des choses descrites en ce liure , il ne faut pas que toy mesme medecin faces les choses necessaires : mais & le malade & les ministres , & que rien du dehors ne delinque en aucune façon. Donc la premiere partie de l'oraison embrassera ce seul chef, *La vie est brieue, mais l'art est long* : car ce qui reste en suite demonstre l'art estre long : apres celle-cy , la seconde partie aporte comme certain conseil ou paction à ceux qui le doiuent lire & en faire iugemēt. Mais que veut il dire tout au commencement du liure escriuant cecy ; la vie estre brieue en comparaizon de l'art : car nous auions proposé de rechercher cela mesmes dès le commen-

cement. Quelques vns veulent dire qu'Hipocrate l'ait fait pour exhorter les hommes à exercer l'art courageusement. D'autres au contraire pour les en dissuader; Aucuns qu'il l'a fait à celle fin d'expérimenter & discerner ceux qui doivent exercer l'art diligemment ou non. D'autres, qu'il la fait expres pour imposer vne nécessité de commentaires: Aucuns adioustent les commétaires Aphoristiques; Certains aussi veulent qu'en ce mesme discours il ait assigné les causes pour lesquelles cet art se fonde sur coniectures: mais les autres à fin d'enseigner par combien de causes il aduient que les medecins sont frustrez de leur intention. Ceux-cy donc pour commencer par les derniers, me semblent ne rien dire à propos: car comment seroit-ce vne sage inuention ou digne de

l'advis d'Hipocrate d'enseigner au frontispice de l'œuvre, ou que la medecine soit certain art fondé sur coniecture, ou que nous soyons frustrez de nostre intention, soit que cela prouienne de nous mesmes ou de la grandeur de l'art, voire mesmes que ses propres paroles (*Et ne faut que le medecin face son deuoir: mais aussi le malade, ceux qui l'assistent, & les choses exterieures*) monstrent du tout le contraire: Car il est plus seant d'escrire tout cecy à celuy qui maintient toutes les choses contenuës en son liure veritable, qu'à ceux qui confessent, que pour plusieurs causes il ne paruient à son intention: car il n'eust pas dit, *Or il faut*: mais apres ces mots, *La vie est brieue, l'art est long, l'occasion soudaine, l'experience dangereuse, le iugement difficile*: il auoit adiousté ces autres paroles suiuanes, & le medecin mesme

delinque, & le malade & ceux qui les ser-
uent. Or ceux qui disent qu'il a vou-
lu destourner de l'estude de mede-
cine en ces paroles, *la vie est bricue,*
mais l'art est long, ne me semblēt non
plus rien dire à propos: car ce se-
roit vne extreme folie d'escrire à
mesme temps des commentaites,
& les laisser à la posterité pour l'v-
tilité de la vie, & ensemble dès le
commencemēt ne destourner seu-
lement de lire & apprédre les cho-
ses que tu as escrites: mais aussi
d'estranger le lecteur de la science
en general de laquelle tu fais pro-
fession. Quant à ceux qui disent
qu'il a voulu inciter les hommes
d'embrasser cet art avec plus d'e-
stude, veu qu'estant long il ne se
peut apprendre en peu de temps,
ceux-cy disent quelque chose de
veritable, & ne les estime toutes-
fois rien monstrier assez digne du

personnage, ne d'un proëme convenable aux choses écrites en ce liure, non plus que tous ceux qui s'imaginent Hipocrate avoir expressement choisi vne telle maniere de discours pour esprouver ceux qui s'achement à l'art de medecine: Car aussi est il vray ce qui se dit de Platon; que par là principalement on essaye le courage de ceux qui doiuent apprendre vn art, quelque difficile que nous leur figurions. Or cela ne s'accomplit nullement par le liure, mais par les discours mutuels, & me semble qu'il ny auroit point de grace au present commentaire, s'il faut de necessité attacher le proëme aux choses qui sont à descrire en ce liure, si possible quelqu'un ne vient à opiner que de tous les liures il faut lire les Aphorismes premiers, & qu'à ceste occasion au proëme

du comment il ait fait vn commun discours de l'art vniuersel, voulant monstrier par iceluy que chacun ne peut pas à son choix apprendre l'art de medecine qui est l'og : mais seulement ceux qui ont le temps de l'apprendre, & le naturel plus apte à cela. Que s'il aparoiſt du tout probable que ceste-cy soit vne cōmune preface de tout l'art : ceux ne sont à reprendre qui disent Hippocrate auoir assigné la cause pour laquelle il faut escrire des commentaires. Ce qu'il a fait au liure qui s'intitule *de iudicij ratione* c'est à dire des choses qui se font en l'officine du medecin. Quiconque d'oc veut que la cause soit assignee au proëme ou de la raison de la doctrine, ou generalement de la necessité des commentaires, son opinion me semble preferable: car la methode de la doctrine Aphori-

stique, qui restraint au moins de paroles que faire se peut toutes les proprietez de la chose, est tres-vtile à ceux qui veulent en peu de temps enseigner vn lóg art, & descrire des commentaires pourquoy la vie est brieue en comparaison de l'art, a vne raison singuliere, & preferable à toutes les autres : car aucuns de nous ne suffiroit pour instituer & acheuer l'art ensemblement : mais cela doit sembler suffisant, si ce que les deuanciers ont inuenté pendant l'espace de plusieurs années, leurs successeurs qui l'ont receu, y adioustant quelque chose le remplissent & amenét à perfection quelque iour : Car ou pour l'vne de ces causés, ou pour toutes deux, il me semble auoir vsé de tel proëme comme s'il eust ainsi escrit: d'autant que la longueur de l'art surpasse la brieueté de la vie

humaine; de sorte qu'il ne puisse estre acheué & commencé par vn homme, quelque diligent & laborieux qu'il soit, c'est donc le principal de l'œuvre que les choses que chacun sçait soiēt mises par escrit, & qu'on laisse à la posterité des comments qui interpretent toute la nature des choses pour enseigner diligemment & promptement, & en langage facile. Or que l'art soit long, les paroles suivantes le monstrent, *l'occasion est precipite, l'experience perilleuse, mais le iugement difficile*, comme s'il eust ainsi dit, la vie est brieue, mais l'art est long, d'autant que l'occasion est soudaine, & l'experience dangereuse, & le iugement difficile; l'art aussi est long, à cause que l'occasion des choses qu'on doit faire est fort hastiue, sentent tres-pressante ou reduite à l'estroit, & presque d'un


moment. Davantage veu qu'il y a deux moyens par lesquels s'inuentent les reme des : sçauoir la raison & l'experiēce, veritablement l'experience est perilleuse, la raison difficile; c'est à dire non si aisée & facile à cognoistre que l'autre. Or de monstrier que les choses que l'on a dites veritables, cela se peut faire en peu de paroles: car l'occasion est soudaine à cause du suiet de l'art, i'entens le corps qui coule continuellement, & se change en vn moment de temps. L'experience est perilleuse à raisō de la matiere: Car les briques, le mortier, le bois, les pierres, les tuiles, les cuirs, ne sont pas matiere de l'art de medecine, ainsi que d'autres choses, esquelles il est licite par plusieurs moyens de s'experimenter impunement, & s'exercer autour de telle matiere, & demeurer lōg temps

en la meditation des theoremes & regles generales, ce que font les charpentiers en leurs bois, & les conroieurs en leurs cuirs : car si tu as gasté de la charpente ou du cuir en les maniât, il n'en reussit aucun peril : mais au corps humain experimenter choses qui ne soient approuuees par l'experiance n'est pas sans danger ; Veu que la mauuaise experiance se termine en la perte de tout l'animal, & certes le iugement (estant la raison mesme à cause que par elle se iugent les choses que l'on doit faire) est difficile, & le vray iugemēt ou la vraye raison ne se trouue aisement, ce que monstre le grand nombre des sectes & opinions en l'art de medecine : car à fin de confesser la verité, & ceste-cy est difficile & malaisée à descouurir, lors que plusieurs remedes donnez au malade,

on dira que quelqu'un d'iceux estre cause qu'il se porte pis ou mieux, que s'il aduiét qu'il ait dormi, qu'apres on luy ait fait quelque onction, & apres apliqué vn emplastre, que de suite il ait pris vn clistaire, ou eu vn benefice de ventre, & apres mangé & pris telles viandes, puis qu'apres toutes ces choses il sente de l'allegement ou du dommage; il n'est pas facile à dire laquelle des choses pratiquées sur luy aura nuy ou aydé; donc pour toutes ces causes le iugement est tres-difficile. Mais maintenant recueillons tout ce discours en vn chef. L'art à la verité est long, si nous le mesurons à la vie d'un seul homme: Or est il expedient de laisser des comments à la posterité, principalement compendieux & Aphoristiques: car telle sorte de doctrine est la plus

vtile, & pour la premiere discipli-
ne, & pour remettre en memoire
les choses que nous aurons apri-
ses, si dauanture on les oublie, les
paroles suiuanes se rapportent à
cela: Car celuy qui a fait vn proë-
me, auquel il a adiousté vn com-
ment, & en suite les choses qui y
doient estre descrites; C'est pour-
quoy il a adiousté fort à propos ces
mots, il ne suffit de faire soy mes-
me son deuoir executant les cho-
ses conuenables, & ne laissant rien
derriere, qui puisse seruir aux ma-
lades: mais il faut que le malade
mesme obeisse au medecin, que les
ministres se rendent soigneux &
propres, & que toutes choses exte-
rieures soient apareillees comme
de raison. Car il aduient souuent
qu'à cause d'elles la preuoyance &
la cure sont interrompues; Or les
choses exterieures sont les de-

meures propres, pleines ou vuides de confusion, & en outre ce qui s'annonce & se dit, qui peut prouoquer ire, tristesse, ou quelque autre affection au malade, comme aussi celles qui peuvent rompre le repos de la nuit, & qui peuvent arriuer à milliers: Si donc, dit il, toutes ces choses vont droitement & bien, rien ne se trouuera faux de ce qui est escrit dans ce liure.



ANNOTATIONS SVR LE Commentaire de Galien.

EN ce commentaire du premier Aphorisme, premierement Galien enseigne, soit que ceste doctrine contienne vn ou plusieurs Aphorismes, que c'est chose presque aduouëe de tous, qu'elle sert de preface à ce liure: mais il propose vn doute de ce qu' Hipocrate a voulu dire par ce proëme. Ce qui se dissoudra aisement, si premierement nous venons à considerer chaque partie de l'oraison.

En second lieu, il contemple les particules de l'Aphorisme : Car tous les interpretes de ce liure disent la vie courte, la comparant à l'art : mais l'art est long pour l'occasion d'operer nec en vn moment ; d'où il n'est pas aisé d'y paruenir ; de sorte qu'aucun ne le peut cognoistre qui n'ait long temps esté exercé en iceluy.

Au troisieme, il enseigne qu'il y a deux instruments necessaires pour trouuer les arts, l'experience, & le iugement ; le premitr se fait par le sens, le second par la raison, le premier est dangereux, le second difficile.

Au quatrieme, il enseigne l'occasion estre soudaine, parcé que le suiet autour duquel on exerce l'art de medecine s'esoule continuellement : car c'est le corps humain qui se tourne en continuelles mutations, estant alteré par les causes de dehors, & par soy-mesme aisement.

Au cinquiesme, il enseigne l'experience estre dangereuse à cause de la dignité de la matiere, d'autant que le corps humain est le plus noble de tous les autres ; Or tel danger ne vient pas à cause d'un si subit changement contenu en l'occasion si soudaine, & qui passe en vn moment.

Au sixiesme, il enseigne le iugement estre difficile, si quelqu'un par le iugement entend la raison, comme luy-mesme fait : Car iusqu'à ce

temps cy il y a des raisons de part & d'autre, la chose demeure incertaine ; Si selon les Empiriques, par le iugement nous entendons celuy qui se fait des choses qui procedent de l'experiance, par ce moyen aussi est il certain que l'art est difficile. Nous n'estimons pourtant qu'Hipocrate ait voulu dire cela estant dogmatique en tout ce liure, voire par tout ailleurs, non pas empirique, & c'est la fin de la premiere partie de l'Aphorisme.

Au septiesme, il se tourne à la seconde partie de l'Aphorisme, se faisant semblable non pas à celuy qui prononce : mais qui conseille, & ne faut seulement s'aquiter soy-mesme de son deuoir faisant les choses conuenables : mais & le malade & les assistans & ce qui est du dehors. Pour reuenir à ce sens, si tu veux diligemment examiner les choses escrites en ce liure ; Il ne faut pas seulement que toy medecin faces les choses requises : mais le malade, & les ministres, & ce qui est de l'exterieur.

Au huiëtiesme, il retourne de rechef au commencement, enseignant que ce seul chef embrasse la premiere partie de ce discours, la vie est courte, mais l'art est long ; Or les autres deux qui restent prouuent l'art estre long ; Apres

en la seconde partie de l' Aphorisme , il aporte comme vn conseil ou paction à ceux qui doiuent lire son liure & en faire iugement.

Au neuuesiesme, il doute de ce qu'a voulu dire Hipocrate par ces paroles, la vie est brieue, mais l'art est long, & il rapporte plusieurs opinions de diuers hommes: Car aucuns pensent qu' Hipocrate l' ait ainsi voulu pour exhorter les hommes à exercer l'art αἰολόγητος c'est à dire dignement, comme il est dit par Oribase en ce passage. Hipocrate tout au commencement du discours, semble plustost chasser qu'inniter les auditeurs, non toutesfois qu'il veuille du tout mettre en suite ceux qui desirent aprocher l'art de medecine: mais qu'auant que les sçauans peuuent entendre ils le mettent en leur memoire. Aucuns ont dit Hipocrate auoir vsé de ces mots pour esprouuer ceux qui denoient exercer l'art couragement, ou d'autre sorte. Autres disent que pour ces choses il a aporté la cause pour laquelle il a falu escrire ces commentaires: autres disent non pas simplement commentaires: mais commentaires Aphoristiques: autres le disent monstrier par ces mots, l'art estre fondé sur coniecture: autres maintiennent qu'il a monstré par combien de causes il aduieni que le medecin est frustré de son intension; Galien

reprend incontinent quelques vnes de ces opinions, & premierement les deux dernieres. Car cela semble indigne d'Hipocrate de monstrier au commencement que la medecine soit chose fondee sur coniecture, qu'elle soit sujete à estre frustrée de son intention, en quelque façon que cela puisse auenir, ou par le mesme art, ou par nous, il adionste que la secõde partie de l'Aphorisme les reprimende: car ceste partie conuient plustost à celuy qui croit toutes les choses escriies en ce liure estre veritables, autrement il eust falu proferer en telle maniere ceste seconde partie, & le medecin mesme fault aussi, & le malade, & les seruiteurs. Incontinent apres il reprend ceux qui sous l'ombre de telles paroles taschent à les distraire de l'estude de la medecine, d'autant que c'est vne extreme folie d'escrire des commentaires, & les laisser à la posterité: pour l'vtilité de la vie, & aussi cost dès le commencement chasser les lecteurs, & les estranger de la doctrine de laquelle tu fais profession, ceux aussi qui le disent inciter les lecteurs à empoigner l'art avec vne plus vigilante & laborieuse estude, encor qu'ils disent vray, ne plaisent toutesfois à Galien, ne mettrons point vne opinion digne d'Hipocrate, & qui se puisse inserer au proëme, & ne luy plaisent non plus

plus ceux qui tesmoignent ces choses dictes par Hipocrate, à fin d'essayer la capacité des esprits. Car iacoit que Platon escriue la mesme chose deuoir estre faite, il le faut entendre que cela se doit faire par discours mutuels, & non pas par liures, ce qui ne conuient nullement, d'autant que le proeme se doit aproprier aux choses qui sont à escrire en ce liure: mais quelqu'un pourra penser que les Aphorismes doiuent estre leus deuant tous les autres liures d'Hipocrate, & qu'à ceste cause il a fait au commencement de ce comment vn discours general sur l'art vniuersel, & par là il a voulu monstrier que chacun n'est pas propre selon son iugement à apprendre cest art: mais seulement ceux qui ont le loisir d'apprendre, & sont nais à cela. Or Galien dit, & si quelques vns en parlent ainsi ils le semblent faire probablement, d'autant que ceste cy est la preface de tout l'art, ceux ne sont aussi à reprendre qui disent Hipocrate auoir assigné la cause pour laquelle il faut escrire des commentaires. Or les semble-il reprendre presque par cest argument, d'autant qu'au liure qui s'intitule de l'officine, il a fait vn commun proeme de toutes les leçons, comme Galien a enseigné en l'exposition de ces liures là.

Au dixiesme, il loue & reçoit l'aduis de ceux qui disent qu'en ce proeme est assignee la cause de la necessité de telle doctrine & commentaires, à sçauoir la maniere de doctrine Aphoristique, s'entend qu'au moins de paroles l'on decyphre tout ce qui appartient à la chose, & d'autant qu'ainsi la vie est courte, il faut escrire des commentaires Aphoristiques, qui est vne raison preferable à toutes les autres. Car il n'y a aucun qui puisse suffire à commencer & acheuer vn tel art: mais on semble auoir assez fait si ce que les deuanciers ont inuenté en beaucoup, les successeurs qui le reçoient, adioustant autres choses à celles cy, la remplissent finalement & amènent à perfection. Car pour l'vn de ces cas ou pour tous deux, s'entend de la forme de doctrine ou de comments, ou les deux ensemble; Galien estime qu'Hipocrate ait vsé de tel proeme, comme s'il auoit ainsi laissé par escrit, à cause que la longueur de l'art de medecine surpasse la vie de l'homme: car quelque laborieux qu'il puisse estre, il ne le sçauroit commencer & acheuer, d'où faut de necessité que ce que chacun sçait, qu'il le redige par escrit, & laisse des commentaires à la posterité, qui interpretent diligemment, briuement, & en langage facile toute la nature des choses qui diuient estre enseignées.

A l'onfiesme, il retourne de rechef à exposer l'Apborisme, que l'art soit long, les causes suivantes le monstrent, l'occasion est soudaine, l'experience dangereuse, le iugement difficile : comme s'il disoit ainsi, l'art est long, à cause que l'occasion des choses à faire en iceluy est fort hastive, s'entend qu'elle est fort pressée, & passe presques en vn moment ; adiousté que ven qu'il y a deux moiens par lesquels on trouue du renfort, la raison, & l'experience, l'vne est perilleuse, & l'autre difficile, & que cela soit vray il l'a monstté en plusieurs endroits.

Au douziesme, il persuade l'occasion estre soudaine à cause de la matiere de l'art, qui est le corps humain, qui flux continuellement, & se change en peu de temps, l'experience est aussi difficile à raison de la mesme matiere. Car la matiere d'un tel art n'est pas de la pierre, du bois, ou du cuir, sur lesquels sans grande offence on peut experimenter tout ce qui vient en la fantaisie de l'ouurier, afin de s'exercer : Car si on vse mal de ces choses, le seul prix en est perdu : mais éprouuer sur le corps humain les choses qui ne sont approuuees par l'experience, ne se fait point sans danger, & hazard de la vie. Car la mauuaise experience se termine en la perte de l'homme.

Au treziesme, il monstre le iugement, c'est à dire la raison difficile par la multitude d'opinions qui sont en cest art. Car si la verité estoit facile à trouuer, tant & de si grands personnages qui l'ont recherchee ne se fussent diuisez en tant de sectes contraires, & bien que les empiriques n'entendent par le iugement que la raison mesme de ce que l'on iuge du secours inuenté par l'experience, en ceste mesme façon elle ne laisse pas d'estre difficile, veu que de plusieurs remedes essayez sur vn seul malade il est malaisé de discerner lequel aura profité, comme s'il dort, qu'on luy ait vsé d'onction, appliqué vn emplastre, après qu'on vsé de clistere, qu'une euacuation volontaire suruini, qu'après il eust mangé viandes conuenables, & qu'ensuite il en receust allegement ou detrimement: Il n'est pas facile à iuger lequel de ces moyens aura profité ou nuist. Si que par ces choses le iugement, selon les empiriques mesmes, est difficile.

Au quatorziesme, il repete de rechef toute la sentence de l'Aphorisme pour venir à la fin, l'art est long si on le compare à la vie d'un seul homme, d'où il est expedient de preparer des commentaires principalement cours & aphoristiques, à fin que par ce moyen de doctrine l'on puisse plus facilement retenir en la memoire.

re les choses que nous aurons apprises, & à fin qu'en s'echappant aussi elles s'y soient facilement ramenees, d'où ce qui suit y est approprié, qu'il faut que le medecin, luy mesme, le malade, les seruiteurs, & l'exterieur contribuent aux choses necessaires; au cas que quelqu'un veuille discerner si les choses escriptes en ce liure sont veritables; Donc le medecin doit faire ce qu'il conuient, le malade obeir, les ministres executer les commandemens du medecin, les moyens exterieurs estre preparez.

Bref Galien apprend que signifient les choses exterieures. Or sont les demeures propres ou pleines, ou vuides de tout bruit, & en outre les choses que l'on rapporte, ou qui se font & peuvent donner au malade, tristesse, colere, ouïre, ou autre chose semblable; & dauantage celles qui peuvent rompre le repos de la nuit, presque infinies à denommer. Si donc toutes ces choses se gouernent bien & droitement, rien ne se trouuera faux de ce qui est escript en ce liure.



APHORISME XXVII.

DV VI. LIVRE.

Quicumque suppurati, aut aquam inter cutem patientes vruntur, aut secantur, si pus, aut aqua vn.uersim effluerit, omnes moriantur.

Tous ceux qui ont du pus dans la poitrine, ou de l'eau entre cuir & chair, s'ils viennent à estre cauterisez & incisez, & que l'on tire la bouë ou l'eau tout à la fois, ils meurent.

C O M M E N T A I R E.



Ar cest Aphorisme, Hipocrate enseigne les fautes qui se commettent à guerir par l'operation de la main les hidropiques, & ceux qui ont de la bouë contenue dans la poitrine, là où il

pretend monſtrer comme l'on ſe doit gouuernr, de peur qu'aucune faute ne ſ'y commette, & eſt comme vne pratique de la ſentence qui ſe trouue au ſixieſme des epidemies, là où il aduertit qu'il faut toujours venir aux moyens contraires, *ἐν ἀντιθέσει*, c'eſt à dire peu à peu, & non à la fois; ce qui ſert principalement d'exemple en ceux qui ont de la bouë contenuë dans la poictrine, & aux hidropiques, par ce qu'en eux plus qu'ailleurs ſe commet telle erreur, quand on vient aux contraires, non petit à petit, mais tout d'un coup: ce qui a eſté auſſi remarqué par Hipocrate, au liure des affections internes, que Galien appelle ſur ce paſſage le grand liure des maladies, & qu'aucuns teſmoignent auoir eſté intitulé, de ceux qui ſont travaillez de la bouë dans la poitrine; apres luy Corneille Celſe, liu. 2. chap. 8. & 10. & au liu. 7. chap. 15. pareillement Cælius Aurelianus, au liure des longues maladies: bref tous ordonnent qu'en telles maladies, toutes-fois & quâtes qu'il faut venir à l'ouuerture, & donner iſſuë à la bouë, que l'on la tire petit à petit, &

non pas en abondance, Tous ceux qui ont du pus. Les suppurez, comme aussi Galien enseigne sur ce passage, Tous ceux qui ont du pus contenu entre le thorax & le poulmon sont ainsi nommez des anciens, d'où Philotee dit, les suppurez sont ceux qui ont beaucoup de pus és cauitex du thorax, lequel pus peut s'espandre d'un abscez en la poitrine, ou en l'assre artere, comme en l'angine ou difficulté de respiration, ou en la teste, soit que la matiere descende à ces parties, ou qu'estants là amassée elle vienne à se putresier, (Ou bien ceux qui ont de l'eau entre cuir & chair.)

Ce qui s'entend de l'espece d'hidropisie, nommée Ascites; car ceux-cy, comme dit Galien, ont de l'eau contenue entre le peritoine & les intestins, Philotee est de la mesme opinion, disant, Les hydropiques sont ceux qui ont de l'humour entre le peritoine & les intestins, (S'ils viennent estre cauterisez.)

On trouue fort peu de choses dites par les anciens, touchant l'vstion de ceux qui ont de l'eau entre le cuir, & ne se remarque point des modernes comment on la deust faire, toutesfois l'v-

tion se trouue dans Hipocrate; car avec deux fers rouges tres-subtils il brusloit la partie superieure du cuir autour de l'ombilic, comme si s'eussent esté deux lignes, & l'une d'icelles passoit à l'ombilic: voicy ses paroles au liure des lieux en l'homme vers la fin, donne à prendre au malade les medicaments, par lesquels l'eau se purge & sorte dehors, & les luy donne propres pour purger la pituite, que s'il n'en reçoit point d'allegeance, avec ferrements tres-subtils brusle le autour de l'ombilic, principalement à la partie superieure du cuir en deux lignes, desquelles l'une tende à l'ombilic, & chaque iour tire tant d'humour dehors que bon te semblera. Or veritablement cecy est dangereux: mais il le faut en ces choses essayer mesme avec peril: car si tu rencontres tu le gueriras, sinon (ce qui aduient le plus souuent) il souffrira long temps ce mal. Nous n'auons peu trouuer que ce lieu seul de l'vstiō des hidropiques: mais quant à l'vstiō des supurez, & les plus anciens Grecs & Latins en ont traité. Galien cite icy le liure d'Hipocrate des supurez; toutesfois il ne les faut cauteriser, de sorte que le fer rouge penetre dans la poitrine: mais Celse enseigne la

methode au 12. chap. du 3. liure, disant, Si le mal rengrege, & que ny la sieure lente, ny la toux ne se relaschent, & que le corps monstre s'extenuer, il est besoin de plus puissants remedes, & luy faut faire des vlcères avec le fer rouge, l'un sous le menton, l'autre au gosier, deux à chaque mammelle, puis au bas des os des espauls, que les Grecs appellent *ωμόπλευρας*, de sorte que ne laissions guerir les vlcères qu'après la toux finie: l'ay veu vn certain vieux liure sans nom, auquel toute ceste cure est contenue, & mesme peinte par figures, & où les lieux qu'il faut cauteriser sont fort bien designez, & Paul Æginete mesme au 6. liure chap. 44. remarque les lieux qui doiuent estre cauterisez, & en met vne plus grande quantité que non pas Celse, voicy ses paroles, Il faut faire des vlcères avec le fer rouge, vn à la commissure de la clavicule, deux petites sous le menton proches les arteres, deux plus grands sous les mammelles entre la trois & quatriesme coste, deux autres entre la quatre & la sixiesme, vn dans le milieu de la poitrine, & vn autre au dessus du cartilage xiphoide, trois au derriere, l'un au milieu du dos, & deux comme dit Leonides dans l'espace de la cinq & sixiesme coste,

en la partie où l'on aura recogneu l'absces s'estre formé penetrant iusques à la bouë.

(Et incisez.)

Nous trouuons fort peu de choses esrites par les anciens, touchant la section des suppurez : Paul Æginete en traite au sixiesme liure, chapite 44. disant, Il y en a qui osent aussi y mettre le rasoir, ils incisent le cuir entre la 5. & 6. coste, en ligne transuersale, toutesfois vn peu oblique, puis avec vn petit costeau fort poinctu, ayants percé la membrane succingente separent le pus : mais, & ceux cy, & ceux-là, qui cancrisent ou bruslent, iusques au pus ou apportent incontinant la mort, veu qu'avec le pus tout l'esprit vital se vuide aussi, ou bien ils laissent des fistules incurables ; c'est ce que dit Paul Æginete, Quant à la section des hydropiques, on en trouue plusieurs choses : mais veu qu'il y a trois especes d'hydrofie, l'ascite, tympanites, & anasarque, ils guerissoient l'ascite & anasarque par incision, mais diferente : Car comme dit Paul Æg. à la fin du 48. chap. du 3. liu. Si ceux qui sont oppressés de l'ascite ne trouuēt allégeance es autres remedes, il faut venir à la ponction ou pertusion ; C'est à dire percer le ventre.

iufques à l'eau : car il faut tirer le cuir de l'abdomen, & faire le trou, de forte que ce qui est au peritoine soit conuert par le trou de l'abdomen, quand la peau n'est pas amenee deuant luy, & ainsi on tire l'eau, Paul Æginete met tres-diligemment ceste extraction au 6. liure chap. 50. & la situation, & le lieu propre à percer, & l'instrument, & la regle de tirer l'eau selon le poux, Hipocrate au liure des maladies exterieures, que Galien iuge estre de Polybe dit (traitant de hydero) c'est à dire de l'eau entre le cuir, & s'il est allegé par les medicaments & par le viure, & que son ventre s'amolisse il suffit, si cela n'est, en incisant foy oster l'eau, ou incise, ou vers l'ombilic, ou en la partie posterieure vers les flancs mais peu en eschappent. Celse au 21. cha. du 3. liure dit telle pratique auoir despleu à Erasistrate, comme celui qui l'auoit iugee vne maladie du foye, & que partant il ne falloit comprendre la cure d'aucun, & que l'eau se tiroit dehors en vain, veu que le foye corrompu, il en renaist d'autre aussi tost, c'est la methode qui se pratiquoit en l'ascites, sçauoir par la paracentese, c'est à dire ponction: mais en l'hydropi-

lie où l'eau est contenue sous le cuir qu'on appelle anasarque, il vsoit de l'autre second moyen, duquel Aetius traite au 30. chap. du 10. liure, disant, que selon Asclepiade il falloit faire des fentes ou sections enuiron l'interieur du talon en lieu eminent de quatre doigts, au dessus du talon de la profondeur dont quelqu'un vse en la section de la veine, toutesfois il produit Leonide qui fend aussi autres parties, cōme le serotum tumefié, les cuisses, les parties hōteuses, les lieux au dessus de la iointure des mains: mais Hipocrate ne cōmande pas que l'ō face section au dessus des talons: mais de petites playes vis à vis du scrotum, & des cuisses, & enioint que sur tout on les frote de sel, c'est que dit Aetius: mais nous lisons ce qui suit dans Hipocrate au liure des lieux en l'homme; Or gueriz ainsi l'eau qui est sous le cuir des enfans, decoupe avec le rasoir ce qui sera enflé & plein d'eau en quelque partie du corps que ce soit, & ne tire pas souuent beaucoup d'eau à la fois, & fomentez & oins tousiours ce que tu auras ouuert avec vn medicament chant; toutesfois si quelqu'un desire sçauoir plus copieusement & les


instruments & les moyès d'ouvir, qu'il lise les Arabes : car ils montrent mesmes les instruments figurez. Or ceux-cy sont Albuchasis, Haliabas, & en partie Auicenne, qu'ils lisent aussi Hipocrate, Galien, Celse, Paul Aeginete, & Cælius Aurelianus : Mais telles operations ne sont plus en vſage, comme estant trop cruelles, douloureuses, & qui acheminoient promptement le malade à la mort ; c'est pourquoy ils ont dit qu'il en eschappoit fort peu ; le m'estonne neantmoins grandement de Cælius Aurelianus, qui crie de ce que l'on ne pratique plus telles operations, en referant la cause à l'ignorance des Chirurgiens ; Voicy ses paroles, *Il aduent que les Chirurgiens pour le iourd'buy sont ignorans, & n'osent pas administrer tels remedes, que s'ils les pratiquoient pendant que les malades ont assez de force, comme conseille Hipp. l'on verroit encore de nostre temps les mesmes effets : pour moy ie luy respons qu'il se trouue pour le present d'aussi bons Chirurgiens que l'antiquité ait iamais produit, & qu'au lieu de telles operations nous en auons de plus douces au grand*

foulement des malades, pour l'empie me estant faite en temps & lieu, peu en meurent, & pour la paracétese encore en eschappent-ils quelques vns. l'assistay avec Messieurs Rioland, Tognet, & Demarque à l'ouverture de la poitrine de monsieur des Marets, l'operation fut fort heureusement faite par ledit sieur Rioland, le tout a fort bien reussi, sans que le malade en ait receu aucune incommodité. En 615. i'ouury le costé dans Bourdeaux à vn soldat des gardes nommé la Montagne, en la presence de monsieur du Ion, qui s'est fort bien porté du depuis, sans qu'il luy soit demeuré aucune fistule; Ces iours passez nous en filmes autant monsieur Renier & moy à vn page de monsieur le Mareschal de Brissac, en la presence de monsieur Brayer tres-docte medecin de la faculté de Paris, lequel est guaruy heureusement. Pour la paracentese, ie n'en ay iamais veu qu'un eschappé, l'operation fut faite par feu maistre Jacques de Marque tres sçauant Chirurgien; Que nos deuanciers donc ne nous accusent point d'ignorance: Si ie vou-

lois mettre en auant tous les exemples dont i'ay eu memoire de mes compaignons, ce ne seroit iamais fait; le me suis contenté seulement de mettre ce que i'ay veu. Or qui voudra voir comme telles operations se pratiquent, qu'il lise Dalechamp, Paré, Guillemeau: car ce seroit perdre temps de les descrire, veu qu'elles se trouuent ailleurs.

(*Si tout le pus, ou toute l'eau sort à la fois, tous meurent.*) Il semble que Galien attribue l'vstion ou cautere à la supuration, & la sectiō à l'ascite, toutes-fois elles ont cecy de commun: Si tout le pus ou l'eau sortent les malades meurent, & ceey est commun aux autres semblables passions, esquelles nature ne peut souffrir de soudaines mutations; parcé qu'une grande partie des esprits se resout à meisme temps, comme dit Cribale, les vtiles sortent avec les inutilles. Quant à Philotee il assigne la cause, d'autant que les mutations vniuerselles & subites sont dangereuses, comme dissoluant la force, ou à cause que par l'euacuatiō vniuerselle & subite, l'esprit vital & animal s'euacuent, desquelles

choses la mort s'ensuit ; donc pour cela mesmes il ne faut pas faire l'euacuation vniuersellement & subitement : mais selon la proportion des forces : car il faut peu à peu tirer l'eau & le pus dehors.




GALIEN.

La accoustumé d'appeller suppurez, ceux principalemēt qui ont du pus en l'espace, entre le thorax & le poulmon, lesquels il enseigne comme il faut cauteriser au liure des passions, qui commence ainsi, *l'artere du poulmon*. Or quelques-vns intitulent ce liure des suppurez : ceux donc ont besoin d'v'stion qui ont beaucoup de pus ; de sorte qu'ils desesperent le pouuoir vuidier par les crachements : Or ceux cy sont principalement travaillez d'vne difficulté de respiration, à

cause de l'angustie du lieu , qui nous contraint aussi de les cauteriser : mais à ceux qui souffrent de l'eau entre le cuir , ces operations que les Grecs nomment paracenteles ; c'est à dire ponctions , sont les plus vſitees des Medecins. Or cecy est commun à l'vſtion & à la ponction, qu'en l'vne & l'autre Hipocrate conseille que l'on se dōne garde d'vne euacuation vniuerselle ; car il semble que cela aduient d'ordinaire , comme il dit. Or Erasistrate discourt plus curieusement & pleinement de ceux qui sont trauaillez de l'eau entre le cuir , comme s'il disoit auoir trouué par experience , que l'euacuation vniuerselle apporte les fieures & la mort. Nous voyons qu'es autres patties , ne plus ne moins qu'au thorax, quand quelque grande tumeur vient à suppurer, l'eu-

cuation vniuerselle est d'agereuse, veu que tout sur l'heure le cœur faut, & les forces sont debilitées, & qu'après telle debilité, il n'y a point de remede : Il semble qu'en ceux-cy, à cause de la grande distance des corps, & l'acrimonie du pus les orifices de quelques artères sont ouuertes, qui contenoient au parauant le pus, comme quelque vaisseau, lequel vniuersellement euacué plusieurs esprits, sortent avec luy, & sont separez, ce qui les met en danger : mais à ceux-cy qui sont trauallez de l'eau entre le cuir ; ils ne sont seulement offencés pour ceste cause, mais aussi pour la durescé du foye, n'estant nourry que d'une substance aqueuse, & tire le diaphragme en bas, & les entrailles qui sont au thorax.



ANNOTATIONS SUR LE Commentaire de Galien.

AV premier, Galien enseigne ce que signifie proprement chez les anciens, ce nom de *suppurez*; car il signifie ceux qui ont du pus contenu entre le thorax & le poulmon, au bas de la poictrine, ou en tous les deux: mais on les brusse ou cauterise, comme luy mesme l'a enseigné au grand liure, qui commence l'artere du poulmō, auquel il traite de cecy, liure qu'aussi plusieurs intitulent des *suppurez*, & que nous n'avons point.

Au second il monstre ceux qui doivent estre cauterisez; car ce sont ceux qui ont beaucoup de pus dans la poictrine; de sorte qu'ils desesperent de le pouvoir vuidier par les crachements. Or cognoit-on que ceux-cy ont grande quantité de bouë, par ce qu'ils ont grande difficulté à respirer, pour l'angustie du lieu, laquelle difficulté nous contraint de les cauteriser.

Il enseigne au 3. qu'en l'eau entre le cuir l'v-sion n'est pas v'sitee, mais plustost ceste pon-ction & ouverture nommée des Grecs *paracēse*.


Au 4. il enseigne l'vstion, & ponction auoir ceoy de commun, qu'en l'vne & l'autre Hipocrate conseille d'esuiter l'euacuation vniuerselle.

Au 5. il enseigne qu'Erastrate touchant ceux qui ont de l'eau entre le cuir, a trouué que l'euacuation vniuerselle leur apporte les fieures & la mort.

Au 6. il enseigne que non seulement au thorax : mais aussi en toute autre partie, lors que quelque grande tumeur vient a supurer l'euacuation vniuerselle est perilleuse ; car le cœur faut soudain, & les forces sont rendues debiles, & que telle debilité n'a point apres de remede, par lequel on les puisse reparer.

Au 7. il infere qu'en ceux cy, à cause de la grande capacité, ou amplitude des corps, & de l'acrimonie du pus, les bouches de quelques arteres s'ouuřent, lesquelles auparauāt contenoient le pus, ainsi que quelque conuërcle : Or tout ce pus esuacué plusieurs esprits sortent, & sont separez, de façon que les malades sont en d'āger.

Finalelement il enseigne qu'en l'eau entre, le cuir les malades ne sont seulement offencez pour les choses susdictes : mais, & que la dureté de l'ētraille, & qu'à cause qu'elle n'est nourrie que de la substance aquense, que le serpent transuersum se tire en bas, & les entrailles qui sont au thorax.



APHORISME XXXVIII.

SECTION. VI.

Quibus occulti cancri adsunt, non curare melius. Curati enim citius intereunt, non curati vero longius vitam trahunt.

On fait mieux de ne point panser les chancres occultes & cachez; car ceux qu'on pansé, meurent incontinent, & ceux qu'on ne pansé point vivent davantage.

COMMENTAIRE.



Pour l'intelligence de cet Aphorisme, il faut premierement mettre en avant la distinction du chancre, ses especes, & differences, & diverses acceptions: Il est dict Cancer de la ressemblance qu'il a avec le cancre animal,

comme dit Galien au second liure de la Methode, chap. 2. & au 2. liure à Glaucon chap. 10. à cause que telle indisposition represente en son corps celuy du cancre animal, en quelques-vns aussi es veines & arteres ; il ressemble aux pieds du cancre: mais Auicenne au feu. 3. liu. 14. traité 2. apres Paul Aeginetti & Aëtius (car il la pris deux) dit que telle maladie se nomme ainsi, à cause que comme le cancre animal elle s'attache si obstinément aux parties qu'elle apprehende, qu'à peine la peut-on arracher de la, Aëtius d'auantage, liure 16. chap. 43. dit, que tel vlcere se nomme Carcinus, ou carcinoma, par ce qu'il se fait sur le cuir certaine crouste dure, comme est celle du cancre animal, si bien donc que la raison du nom de telle maladie est ainsi diuerse, laquelle maladie ou indisposition se distingue par Galien en cet aphorisme : mais premier que ie rapporte la diuision de Galien ; il vous faut aduertir d'une chose, & c'est que si on doit lire quelque auteur sur ceste matiere; c'est le seul Celse qui en a mieux, & plus amplement traité que

pas vn; remarquez toutesfois que ce que les Grecs nomment carcinoma ou carcos, n'est pas la mesme chose dans Celse; car carcos ou carcinoma, ou cancer, n'est autre chose dans Celse, que Gangrene; de sorte que quand on lit en cet auteur, mesme au liure 6. chap. 48. du chancre de la bouche, que l'on l'entende de la gangrene du palais: Pareillement quand au mesme liure, chap. 63. il traite du chancre de la verge; entendez du chancre de la partie honteuse: pareillement au 8. liure, quand il faict mention du chancre, qui survient aux fractures & luxations; entendez toujours qu'il parle de la gangrene: de sorte que Cancer chez les Grecs, & dans Celse, ne sont pas les mesmes maladies, Cancer se nomme de Celse non cancer: mais Carcinoma, & d'iceluy le mesme Celse en faict trois especes, au liure 5. chap. 28. l'une desquelles s'appelle Ca-coethe, c'est à dire mal complexionnee, & dit que tel chancre est curable; la seconde se nomme carcinoma, qu'il dit estre incurable, duquel si quelqu'un essaye la guarison, il l'irrite & augmente
plustost

pluſtoſt que le guarir, la 3. eſpece ſe nomme carcinoma thimium, ou vlcere, dit thimium, & dict ceste eſpece eſtre la plus cruelle de toutes: mais remarquez ceste dictiõ thimiũ, que c'eſt autre choſe de l'vlcere dit thimium, & autre choſe de ce qu'on appelle ſimplement thimium dans Celse meſme; car thimium ſimplement eſt vne eſpece de Verue: mais l'vlcere, dit thimium, eſt vne eſpece de chancre, dont faiẽt mention Paul Aeginete, la plus cruelle de toutes: & comme nous auons trois eſpeces de chancre dans Celse; auſſi en auons nous tout autant chez les modernes & Arabes; car la premiere eſpece ſe nomme d'eux Sephiron, qui eſt la meſme choſe que Cacoẽte dans Celse, donc le Sephiron d'Auicenne & ſqualium & Cacoẽte ne ſõt que la meſme maladie & indiſpoſition: mais le carcinoma dans Celse eſt l'eſpece de chancre, qui eſt ſans vlcere: mais l'vlcere, dit Thimiũ de Celse, eſt le meſme que le chancre vlcereẽ chez ceux-cy. Voila la diuiſiõ dũ chãcre, ſelõ Celse & les Arabes: Mais Galien diſtingue luy meſme le chancre, en occulte & mani-

feſte : & par l'occulte il entend non ſeulement le chancre vlcéré, qui eſt caché & deliteſcent, en quelque caviété du corps, comme au palais, aux narines, dans les inteſtins, au foye, à la rate, dans l'vterus : mais auſſi il entend celuy qui n'eſt point vlcéré, bien qu'il ſoit en la ſuperficie du corps, & apparent à nos yeux : & bien que ſelon Galien le chancre ſe diuiſe en ceſte façon, il eſt toutes-fois ainſi diſtingué par les modernes, ayant diuers noms, ſelon les parties qu'il occupe ; car ſ'il vient en quelque partie de la face, ils le nomment *Noli tangere*, ſ'il arriue vers les cuiſſes ou les eſpaules, ou en quelque partie charnuë, ils l'appellent loup, ou maladie de loup, ſ'il naiſt au tronc du corps, ou au thorax, ou au ventre inferieur : ils luy donnent le nom de cincture, comme le remarque Roger. Goutdon, & pluſieurs autres, (*On faiſt mieux de ne point paſſer les chancres*) Le but d'Hippocrate eſt d'aduer-tir les Medecins, qu'ils n'entreprennent pas temerairement la cure de la tumeur chancreuſe ; c'eſt comme vn precepte curatoire ſuiuy de la raiſon, comme ſi

hipocrate disoit qu'il vaut mieux que la cure des chancres occultes ne soit point essayee, à cause que si on l'essaye les malades en meurent plustost, si au contraire, ils trainent leur vie plus longuement: l'Aphorisme donc peut estre diuisé en trois parties, en sentence, & en deux raisons de la sentence. (*Les chancres*) Paul Aeginete, qui a parlé en diuers lieux des chancres, & qu'il le confond avec le carcinoma, semble auoir compris sous luy toute sorte d'vlcere cacoete, voire l'erepelle mesme: mais selon la doctrine de Galien, le chancre est vne tumeur dure, inegale, tendante sur le noir, à cause qu'il se faict d'vne matiere terrestre, dure, telle qu'est le suc melancolic, & la bile noire. Il est inegal, tant à cause que la matiere sorte hors des veines, s'endurcit inegalement tout à l'entour, en partie aussi à cause que la matiere contenuë es veines, fait semblablement des duretez, qui ressemblent à des pieds d'escreuisses, d'où il a pris son nom. Or a-il vne couleur noirastre, à cause de la noirceur du suc melancolic, nommé d'Hypocrate au 2.

D ij

liure des Proerhet *ὑποέρχαι*, lequel tant qu'il se putrefie demeure chancre simple & occulte : mais où il est putrefié, ou bien fait de la bile noire, il acquiert vne force corrosiue, il ronge & vlcere, d'où on le nomme à lors chancre manifeste & vlcéré, d'autant qu'à cause que comme la matiere est au dedans & cachée, ceste cy de mesme occupe desia la superficie, & iusques aux parties les plus exterieures, & ven qu'il boult de tous costez, il est plus bouillant en la superficie, moins en la profondeur, d'où il aduient qu'il y a tousiours plus de douleur en cestuy-là, moins en cestuy-cy, & par consequent aussi plus de puanteur & d'horreur : & ne me plaist point ce que Galien semble auoir voulu dire au liure des Tumeurs contre nature, sçauoir que l'un ne l'autre cancre ne se font de melancolie boiillante : mais qu'ils s'ulcerent seulement par le suc melancolique plus acre, d'autant que les symptomes tres-cruels, qui accompagnent les cancers vlcerez, ne se pourroient faire sinon d'une tres-griue & cuisante ferueur : mais les Interpretes ont douté qu'Hi-

pocrate parlant des chancres occultes, si c'est de ceux qui se font es parties profondes & cachees, ou de tous ceux qui se font à la superficie qu'Hipocrate au 2. des Proerhet, appelle *αἰσχροπιάδου*, pourueu qu'ils ne soient encores vlcetes, & Paul Aeginete au liure 3. & 67. chapitre veut que cela soit proprement dit des chancres de l'vterus : mais ie suis de cet aduis, que l'on doit entendre Hippocrate parler de tous ceux en general qui ne sont encores paruenus à vlcere, soit en la profondeur, soit en la superficie du corps : Et jaçoit que ceux cy viennent principalement aux mammelles, & autres parties glanduleuses ; ils s'engendrent neantmoins aussi es autres parties, & ne doute point qu'il ne faille entendre qu'Hipocrate parle de toutes. Or pourquoy les chancres viennent aux mammelles ordinairement, & aux femmes principalement ; c'est d'autant que l'humeur melancolique s'amasse plus aisement es corps lasches & spongieux, qu'es solides & dures ; l'autre raison est, comme on recueille d'Hipocrate au liure des glandules, à cause que

les mammelles sont nourries d'un suc visqueux & crasse; la troisieme est qu'à raison de la communication de l'uterus avec les mammelles aux femmes, le sang menstrual est aisement transporté & estpanché de cestui-cy à celles-là, lequel ne s'assemblant nullement aux garçons, a fait dire à Hipocrate dās les Coaques que le cancre ne vient point aux garçons, s'il n'est avec eux. (*Le meilleur est de ne les pēser*) la diction *Σεμνέν*, se dit tāt de la guerison par les medicaments, & la diete, que par la Chirurgie. Or qu'il ne faille point entendre de la diete, c'est chose reconnuē de tous, à cause que non seulement es cancre : mais aussi en toutes autres maladies, elle est la principale entre les remedes, qu'il ne faut point aussi entendre des medicaments : L'opinion de Galien en est tres-appert au 6. chapitre du liure de la bile noire, au commencement, où il dict qu'en certaines affections melancoliques, il faut du commencement combattre vaillamment iusques aux chancres, que s'il est ainsi, il faut sans doute changer & corriger cet kumeur-là, veu

qu'il est tres-contagieux , non moins que les humeurs pestiferes , & que par consequent il presse fort le Medecin de le guerir: on laisse donc qu'il faut entendre de la cure par la Chirurgie: mais aussi touchant ceste-cy le doute n'est pas moindre, à cause que si les chancres ulcererez ne sont continuellement traittez de la main du Chirurgien, & empeschez en quelque partie ; ils deviennent tous-jours plus farouches & espouventables: c'est pourquoy il faut ainsi entendre ce que dit Hipocrate, comme s'il vouloit dire qu'on ne doit essayer quelque belle cure de Chirurgie sur les chancres occultes, en quelque partie du corps qu'ils soient, mais seulement quelque chose qui les adoucisse. Or tout ce qu'Hipocrate a icy monstré en vne tres brieue raison : Corneille Celse l'a enseigné plus amplement, & plus elegamment au 28. chapitre du 5. liure, où il dit que tous ceux qui s'efforcent d'oster vn tel mal, ou par le fer, ou par les medicamens, ou par le feu , le rendent beaucoup plus violent, & hastent la mort, d'où il commande que l'on mette dessus seulement

choses legeres, & qu'ils soient plu-
stost flatez pour les empescher de
paruenir en vne extresme vieillesse.
(*Car ceux qui sont panssez ou traitez*) Hipoc-
rate apporte la raison, pour laquelle
on ne doit pas penser les chancres; car
si on les traite violemment & genereu-
sement, on tuë plustost les malades que
de les guerir, comme aussi Celse a tres-
bien monstre; car premierement les
Medecins desirant d'oster du tout la
mort, autant que faire se peut, ou du
du moins la differer au plus long temps.
Or pour la reculer à ceux qui sont tra-
uaillez de chancres, ou occultes, ou vl-
cerez, il y a deux bats, l'un que le mal
soit retranché par le fer ou par le fen, ce
que quelques-uns ont accoustumé de
faire, l'autre qu'il soit appaisé, Hipocra-
te donne vn precepte du premier, que
l'on ne l'esprouue nullement; & Galien
tesmoigne que ceux qui ont voulu en-
treprendre de guerir les chancres, ou
occultes ou apparents, qu'ils ont rendu
le mal non seulement plus aspre & grief:
mais aussi qu'ils ont auancé la mort, ou
par douleurs, ou par fieures, ou à cause

qu'ils ne sceurent amener les vlcères à cicatrice: Au reste Galien dit de l'autre but, & bien que l'on ne doit preserer à toutes les autres, & l'accomplir par ces remedes, qui peuuent desrger les sanies putrides & puantes, sans aucune acrimonie soit que l'on inuente tels remedes par experience ou par indication: Mais on doute premierement en ce passage, quel est la vraye raison pour laquelle si on tasche de guerir les chancres, ils apportent de si grands maux; d'auantage pourquoy Hipo rate, afin de destourner de la guerison des chancres, fait mention du prolongement & abbreviation de la vie, plustost que de la douleur, & autres grieux accidens qui suivent la cure Chirurgique des chancres: Au premier, ie croy qu'on peut dire ce que disoit Platon au Timée, scauoit que toutes les maladies melancoliques, plus on les agite, & plus elles s'empirent, par ce que malaises à dompter estans agitees par les medicamens, elles s'espendent & s'enflament d'auantage, d'où elles engendrent vne puante & felle pourriture, de laquelle sortent de tres-grandes douleurs & puanteurs

nompareilles, & en fin la mort tres-espouventable. Au second, on doit respondre que c'est vn desir naturel & commun de tous les animaux de viure le plus long temps que faire se peut, voire en miseres & douleurs: c'est pourquoy entre les indications, celle de la vie est tenue la principale, laquelle s'entend indiquer, les moyens non seulement de conseruer & maintenir la vie, mais aussi de la prolonger; de façon qu'Hipocrate entendant cela, a faict mention de la vie & non pas des autres accidents, qui ne se peuvent esuiter avec les chancres, comme on peut faire par estude & diligence que la maladie ne tue pas si soudainement, par ce moyen que Galien a enseigné en ses Commentaires, auoit esté caule qu'aucuns trop cupides de la guerison ont aduancé la mort, qui pouuoient sans tant de peine prolonger la vie du malade; cet Aphorisme est vtile pour exercer la Medecine, non seulement es chancres; mais aussi es autres tumeurs occultes, comme Schyres legitimes, qui mesmes ont accoustumé de se conuertir en chancre, lors qu'on les

traite imprudemment : quelques-vns, comme dict Galien ont estimé , veu qu'Hipocrate parle seulement des occultes, qu'il n'a toutesfois pas nié qu'on ne les peut guerir superficiellement, ἀρρηξῶς ; en les coupant avec leurs racines, qui sont veines , remplies à l'entour d'humeur melancolique ; ce qu'Hipocrate au 7. des Epidemies, raconte auoir esté faict à vn qui auoit le cancer à la bouche: mais outre que telle guerison , à cause qu'elle est horrible & pleine d'incommoditez , elle n'atraîne pas vn petit danger avec elle ; de sorte que c'est beaucoup le meilleur de n'en traiter aucuns, voire mesme il faut estimer qu'Hipocrate a parlé des occultes, c'est à dire non vlceréz : car si ceux-ey ne se doiuent traiter, ne par le fer, ne par le feu, ne par autre violence : à plus forte raison beaucoup moins le faut il faire aux vlceréz, sous lesquels les corps sont desia ylez, les forces escoulees, & desia rendus impuissantes à supporter de grands tourments.



G A L I E N.

La dit les chancres occultes, ou ceux qui sont sans vlcération, ou ceux qui sont cachez au dedans; c'est à dire qui n'apparoissent point: ce qui signifie de rechef la mesme chose, comme si on disoit qui sont au profond du corps, mais la cure en est double, l'une de faire tout ce qui se peut pour ramener la partie à santé; l'autre d'apporter vne preuoyance conuenable au mal, c'est à dire le ramolir, & rendre plus doux, & lors principalement qu'il y a vlcération; car alors il est nécessaire que du moins ne faisans autre chose, nous netoyons la sanie, vsant de quelque medicament humide, non pas du premier venu,

mais inuenté par l'experience, ou
 l'indicatió, qui ne sont pas propres
 de nature à pourrir ou irriter la
 partie: Il ne se faut d'óc abstenir de
 telle cure, mesme les chancres sans
 vlceration en ont besoin d'vne
 semblable: mais quant à l'autre cu-
 re qui se fait par section ou vsion,
 qui sont les seuls remedes des
 châcres; il conseille que nous n'en
 vsions point es chancres occultes.
 Or que ceux qui sont cachez au
 plus profond ne desirent tels re-
 medes; l'experience aussi l'ap-
 prend: veritablement ie sçay que
 tous ceux qui ont entrepris la cure
 de pareils chancres les ont irritez
 dauantage, & fait mourir les mala-
 des en peu de temps; car ceux qui
 ont cauterisé ou couppe vn can-
 cer venu au palais, & au siege, & au
 sein de la femme, n'ont peu amener
 les vlceres à cicatrice, & les patiēts

macerez du soin & d'affliction, les ont gardez iusques à la mort, que s'ils n'y eussent du tout point touché, les malades auroient vescu plus longuement avec moins d'incommodité; n'essayons donc de guerir en aucune façon semblables chancres. Or quant à ceux qui sont attachez à la superficie du corps; coupons-les seulement du mieux qu'on pourra avec leurs racines; car il n'y a point de mal de nommer les racines du cancer, les veines qui sont remplies du sang melancolique, & s'estendent où s'espanchent iusques aux lieux circonuoisins; car plusieurs Medecins de grande reputation, ne permettent pas que l'on guerisse ceux cy par operation de la main: mais seulement ceux qui sont vlceréz, & ensemble trauaillent les malades; de sorte qu'eux-mesmes de-

mandent l'operation manuelle, & sont aussi scituez en telles parties que nous les pouuons retrancher ou cauteriser avec leurs racines. Or quelques-vns ne souffrent pas mesme qu'on les amolisse : mais conseillent que l'on s'abstienne de tous les remedes qui peuuent seruir en toute la nature du chancre. Or qu'Hipocrate n'ait iamais conseillé de guerir actuellement les chancres arrestez aux plus profondes parties du corps, on le peut coniecturer de la propre nature du mal: mais qu'il parle aussi des chancres attachez à la superficie du corps ; c'est chose incertaine, autant que l'on peut coniecturer par les paroles de l'aphorisme : Mais cela mesme a esté escrit par les sectateurs d'Artemidore, & Dioscoride l'a aussi enseigné iusques à ces paroles, c'est le meilleur de n'y point toucher.



ANNOTATIONS SUR LE Commentaire de Galien.

A V 1. Galien enseigne qu'il faut entendre par les chancres occultes, ou ceux qui sont sans vlcere, comme disoit Aetius auoir esté l'opinion des anciens, ou bien ceux qui sont cachez, c'est à dire qu'on ne voit point, & c'est tout autant que si on disoit ceux qui sont au profond du corps.

Au 2. il enseigne que guerir le cancer, se peut entièdre en deux façons guerir en vne façon, en procurer par tous moyens, que la partie affligée du cācer soit remise en sātē, le guerir en l'autre est faire seulemēt les choses cōuenables, c'est à dire l'amolir & adoucir : mais cela se fait principalement lors que l'vlcération y sera; car bien que nous ne voulussions faire autre chose, du moins faut-il deterger la sanie, & la nettoyer, vsans de quelque medicament humide, lequel nous scaurons par experience ou indication, n'auoir la faculté de pourrir, ou irriter; Hipocrate ne reiette point ceste cure-là, mais condamne la premiere, qui est la vraye cure

des chancres, faite par section ou vstion.

Au 3. il enseigne que l'experience apprend que les chancres mesmes qui sont es plus interieures parties du corps ne doiuent estre ainsi gueries : car tous les Medecins qui ont essayé de les guerir ainsi ont irrité les chancres, & dans peu fait mourir les hommes, & incontinent apres il rapporte quelques accidens, comme si quelqu'un auoit vn cancer au palais, ou au siege, ou qu'il en suruint vn au sein de la femme, qu'il voulust guerir, & qu'il le cauterisast ou coupast, tel ne pourra amener les vlceres à cicatrice, & tiendra les malades en sa cure affligez, & macerez iusques à la mort, que si tu ne t'entremets de le guerir, le malade viura plus longuement, & avec moindre incommodité, & ceux qui du temps de Galien les ont ainsi voulu guerir, en ont reduict les malades, ou ceux de nostre temps sont reduicts, si les malades sont ainsi traitez par quelques charlatans & coureurs, lors qu'ils seront trauallez d'un cancer es susdictes parties ; car alors nul Medecin de reputation n'entreprendra la vraye cure d'un cancer occulte.

Au 4. Galien infere que l'on ne doit pas seulement guerir semblables chancres : mais que l'on ne doit pas toucher à ceux qui sont en

la superficie du corps, si ce n'est que l'on puisse enlever toute la partie affectée, sans peril de mort: de sorte que l'on arrache toutes les racines du cancer; car nous pouuons prendre au cancer les veines remplies de sang melancolique pour racines.


Au 5. Galien enseigne que les Medecins de grande auctorité, ne permettent pas mesme de guerir ces cancers, ou toute la partie lezeé peut estre retranchée: mais on doit guerir seulement ceux qui sont vlceréz. & qui monstrent d'eux-mesmes qu'ils doiuent estre gueris, & sont en telles parties, qu'on les peut arracher avec les racines.

Au 6. il enseigne que d'autres excellens Medecins ont absolument reiecté les remedes en toute nature de cancer.

Au 7. il retourne à Hipocrate, disant qu'il n'a iamais conseillé de guerir actuellement les chancres cachez es plus profondes parties du corps: & cela est de la propre nature du mal, quant aux chancres qui sont en la sommité du corps sans vlcere: pour moy ie n'entends point ce qu'il veut dire par ces paroles, autant principalement que l'on peut coniecturer par les paroles de l'Aphorisme.

Finalement il adiousté que les Sectateurs

d'Artemidore & Dioscoride n'ont pas escrit
cet Aphorisme entier : mais seulement iusques
à ces mots. Le meilleur est de ne les
point guair.



APHORISME LXV.

DV V. LIVRE.

Quibus tumores in vlceribus apparent non conuellantur maxime, neque insaniunt. Verum his euanescentibus de repente : quibusdam à tergo conuulsiones, & distentiones fiunt : quibusdam antè insania, vel dolor lateris acutus, vel suppuratio, vel difficultas intestinorum, si tumores sunt rubicundi.

Ceux auxquels les tumeurs apparoissent aux vlcères, ne tombent pas d'ordinaire en conuulsion, & en frenaisie: mais ces tumeurs venantes à s'esuanouir soudain, à quelques vns il suruient conuulsions, & tensions de nerfs, si l'ulcere est derriere, & à ceux qui ont l'ulcere au deuât; il leur arriue, ou frenaisie, ou douleur aigue de costé, ou suppuration, ou dysenterie, principalement si les tumeurs sont rougeastres.

COMMENTAIRE.



ETTE mesme sentence est contenue au 2. liure des Epide-
mies section 3. mais differente

en certaines choses, comme nous mon-
strerons puis apres; Or est le but d'Hi-
pocrate d'enseigner ce que l'on doit
prognostiquer par les tumeurs des vl-
ceres : de sorte que toute la sentence
assez lōgue, est vn prognostique laquelle
neantmoins se peut communement di-
uiser en trois paries principales, en la
premiere desquelles il enseigne que
c'est vn bon signe quand les tumeurs
s'enslent, en la seconde il enseigne ce
que l'on doit attendre des tumeurs sou-
dain disparoissantes en la partie poste-
rieure du corps : mais à la troisieme il
monstre quels accidents sont à craindre
lors que les tumeurs des vlceres de la
partie de devant s'esuanouissent; En-
treprenons donc la premiere partie qui
est (*Ceux auxquels des Oedemes, & ce qui
suit.*) En laquelle aussi Hipocrate dit
qu'ou il attriue aux vlceres des tumeurs,
les malades ne tombent pas souuent en
conuulsion ny en frenaisie, s'entend en
quelque lieu que soient les vlceres : car
la diction *o dūpa*, comme Galien dit icy,
& souuent ailleurs, est prise des anciens
pour toutes tumeurs contre nature, sous

lesquelles ils comprenoient aussi le phlegmon, ou l'inflammation. Or les anciens attribuoient aussi le nom de phlegmon, à ceste indisposition que les modernes ont nommée φλαήγσις, c'est à dire embrasement, qui est vne grande eschaufaisō de quelque partie du corps sans tumeur, donc la sentence d'Hippocrate est, s'il suruient des tumeurs aux vlcères, à sçauoir l'inflammation, ou quelque autre, que les malades ne tombent gueres, ne en conuulsion, ny en phrenaisie : comme s'il eust voulu dire, qu'à la verité cela arriue quelquefois qu'ils tombent aussi en conuulsion avec les tumeurs, & en phrenaisie, mais rarement, si ce n'est lors que les tumeurs acquierent quelque notable grandeur ou malice, ou encores que quelque autre indisposition s'y conieigne, capable de causer la phrenaisie ou conuulsion : mais il faut voir la raison pourquoy ils tombent rarement en conuulsion, & en phrenaisie, lors que les tumeurs suruiennent aux vlcères, & pourquoy ils y tombent au contraire, lors que les tumeurs suruiennent grandes &

malignes : car quant à ce qui concerne le premier poinct, la conuulsion qui se faiet de repletion est vne passion de nerfs, toutes fois & quantes que les nerfs remplis s'acourcissent ou retirent. Or la manie se faiet lors que les humeurs bouillantes, ou les vapeurs malignes sont portees au cerueau, & corrompent la temperature du cerueau & des esprits : toutesfois & quantes donc que telles humeurs ou vapeurs suruiennent aux vlceres, & demeurent-là esleuees en tumeurs, laissant les parties principales, elles ne les offensent point, d'où elles ne causent, ne conuulsions, ne manies, si toutesfois les humeurs n'estoient si abondantes & enflées, & les vapeurs, qu'ensemble ils fissent des tumeurs, & bleçassent les autres parties : ce qui aduient toutesfois rarement : si bien que pour telle raison Hipocrate a prudemment dit, qu'ils ne tombent gueres en conuulsion, ou en manie, c'est à dire souuent & beaucoup. Or que les grandes & malignes tumeurs des vlceres causent ces maux, la raison est, que d'autant, qu'où elles sont

grandes, elles ne peuuent pas estre reiglees de nature, ne plus ne moins que quand elles sont malignes, d'où retournant es plus nobles parties, & principalement à la teste, elles causent diuers maux. (*Mais elles disparues*) voicy la 2. partie : Hipocrate disoit au 2. des Epidemies, que tout ce qui dispartoit sans signe est sans assurance : par consequent es tumeurs des vlceres, si elles disparoissent soudain, c'est à dire sans signe de coction: il ne s'y faut nullement fier, vne tumeur estoit suruenüe au genouil de Calmus Larisien, dont Hypocrate faict mention au 3. des Epidemies, laquelle disparoissant hors de saison, il tomba en resuerie, & mourut le 3. iour. Or icy les tumeurs des vlceres qui viennent & disparoissent subitemēt, si les vlceres sont en la partie du derriere du corps, elles font des conuulsions : & ce qui s'appelle tetanus, à cause que la mouelle de l'espine, dont les nerfs sont dispersez au corps, est premierement offensée par les humeurs, qui retournent ou refluent de la tumeur de l'ulcere, apres communiquee au principe des nerfs,


nerfs , la lésion engendre la conuulsion , ou le tetanus : ainsi aussi apres la guetison des varices, s'engendre la manie ou phrenaisie, comme il aduint à Marius, qui n'ayant osté que les varices d'une seule cuisse en devint beaucoup plus cruel, & furieux. (*Mais aux parties du derriere du corps*) Ceste-cy est la troisieme partie, que si (dit Hipocrate) les vlcères desquelles les tumeurs s'évanouissent soudain, sont es parties du devant du corps, autres diuerses maladies s'engendrent. (*Les manies*) Pourquoi Hipocrate a mis la manie au premier rang, la cause a peu estre d'autant que les humeurs qui retournent des vlcères aux parties de devant, comme bouillantes ont accoustumé le plus souvent de s'esleuer à la teste par les veines & arteres que Galien dit veritablement estre en grand nombre en telles parties. Or maintenant, veu qu'elles se portent à la teste, à bon droict, aussi elles se destournent en la partie anterieure du cerueau, à cause de la droicture, & là offençants grieuement la partie rationatiue, engendrent la manie, & Galien

a dict aux progn. qu'Hipocrate comprend sous ce nom toutes grandes alienations d'esprit. Celse aux proceret. & en cet Aphorisme a traduit folie ou phrenaisie, signifiant aussi d'ordinaire en Latin, toute grieue alienation d'entendement (*Des douleurs aiguës de costé.*) Galien dit que telles douleurs s'engendrent de l'humeur qui racourt de l'ulcere tourné vers le Torax : Il comprend aussi la pleuresie sous ce nom, d'autant que comme douleur aiguë, aussi sont celles cy. Or pourquoy la douleur est portée à quelques-vns à la teste, aux autres au Thorax, la cause peut estre pour le voisinage de l'ulcere à ceste partie cy, ou à ceste-là, ou à la disposition des propres parties recipientes, ou de l'impetuosité de l'humeur plus grand ou moindre, causé, ou de chaleur, ou de subtilité, ou d'espoisseut : car veu que les humeurs qui font les tumeurs aux ulceres sont le plus souvent bilieuses & bouillantes : & partant meslees avec le sang, lors qu'elles sont portees aux parties susdictes, elles causent les indispositions susdictes, sçavoir

la phrenaisie, & phrenaisie, laquelle venant à suppuration, & tombant dans la poitrine le termine quelquefois aussi en empyeume. Hipocrate dict que les douleurs aiguës se font, à cause que les douleurs des membranes prouenuës principalement d'humours bilieuses, ont accoustumé d'estre poignâtes, qu'hipocrate appelle icy aiguës, au 2. des Epid. La clause manque (*ou suppuration*) mais cela n'importe, veu que c'est chose assez reconuë que les pleuresies se conuertissent en empyemes. l'humour s'entéd qui fait la maladie, n'estant euacué ne dissipé, (*ou dysenterie.*) Il est escript simplement au 2. des Epidem. ou dysenterie rouge: mais Hipocrate dit icy, ou dysenterie, si les tumeurs sont rouges. Or maintenant la dysenterie rouge est celle quand le sang se iette au siege, & se vuide sans vlcere, & qui s'appelle improprement dysenterie, veu que c'est plustost flux de sang: elle est toutesfois ainsi nommée d'Hipocrate & de Galien, au liure de la nature humaine, & au 3. chap. des Epid. & au 14. liure de articles, si bien que soit qu'on l'escriue de sçona

ou d'autre, il est certain qu'Hipocrate parle de la dysenterie, sans playe des intestins, qui se faict quand les tumeurs des vlceres sont sanguines, & par consequent rouges, desquelles les humeurs separees par quelque moyen tombent dans les intestins, & là font ceste hydropisie, de laquelle Hipocrate a si souuent parlé, & laquelle il disoit au 6. des Aphorismes Aphorisme 46. & au 1. des proerhet, liberer ceux qui sont trauallez de la ratte, & les podagres ou gouteux, lors qu'elle leur arrive, comme celle qui se faict avec beaucoup de sang, sans accidents, & alleige tousiours, & faut remarquer que non seulement les choses qu'a dict Hipocrate aduenient apres la subite disparition des tumeurs aux vlceres: mais plusieurs autres comme susdites ophtalmies vomissemets de sang, & accidents semblables qu'Hipocrate n'a point nommez, content d'auoir seulement apporté quelques exemples: Il faut aussi remarquer ce que dit Galien, que les conuulsions & manies suiuent indifferemment les vlceres suruenus tant es parties de

deuât, qu'ez posterieures du corps: mais plus souuent aux posterieures; ce qu'Hipocrate dict aduenir & auoir esté par luy-mesme remarqué. L'vtilité de l'Aphorisme est assez manifeste pour la pronostication: mais aussi pour la guerison, par ce qu'où la tumeur disparoist es vlceres, il faut tascher d'y reuoquer & faire reuenir les humeurs avec ventouses, qui s'appliquent aux parties les plus proches, & avec medicaments: aussi il faut semblablement pouruoir incontinent à ces parties auxquelles les humeurs retournees semblent incliner, ou en repercutant icelles, si ce sont parties nobles, ou en relaschant si elles sont ignobles.



G A L I E N.

Hipocrate nomme toutes les tumeurs contre nature Oedemes, c'est à dire inflations ou enflures, sous lesquelles sentend les inflammations enflées qui y

font aussi contenuës : & tous les anciens adaptoient ce nom d'inflammation aux inflammations qui sont sans aucune tumeur. Voycy donc la substance de ce qui est dit, ceux auxquels les tumeurs surviennent aux vlcères ne tombent pas souvent en conuulsion , non plus qu'en manie ; Cela sert donc d'indice, que quelques-uns d'eux souffrent la conuulsion & la manie: mais cela rarement, sçauoir quand ils ont receu vne grandeur ou malignité digne d'en parler, que si les tumeurs viennent à s'evanouir soudainement, sensuiuent des conuulsions & distentions, quand c'est aux parties de derriere; c'est à dire si les vlcères sont au dos. Or ce qui se dit apres si elles sont aux parties de deuant, il en tire ceste consequence, veu que les parties posterieures sont nerueu-

ses, & les anterieures pleines de veines & d'arteres, quand donc l'humeur qui cause la tumeur s'est transporté des parties vlcerées à quelque partie principale, alors aux parties nerveuses de derriere, se feront des cōuulsions & distensions; car se sont proprement maladies des nerfs: mais aux anterieures, ou en celles de deuant la manie suruiendra si l'humeur est porté à la teste, & vne douleur de costé, si l'humeur est transferé au Thorax. Or le plus souuent ceux cy suppurent si l'humeur ne se resout: mais il diét qu'une difficulté & douleur d'intestins suruiendra si les tumeurs estans rouges l'humeur se tourne la soudainement, s'entend ceste difficulté d'intestins qu'il nomme sanglante, qui est vne euacuation du sang par l'intestin sans vlceration. Que si dōc par fois

il aduient , qu'ou au dos ou aux parties anterieures qui luy sont opposees les tumeurs s'esuanouissent sur l'heure, les malades tombēt en telles indispositions , & nous l'auons veu : toutes-fois Hipocrate luy-mesme ne nous a pas declaré s'il parle de les seules parties, ou simplement de toutes : de sorte qu'en ce discours les extremittez des membres sont aussi comprises: de sorte donc qu'aux jambes es parties de deuant, il n'y a point de muscles, qui se terminent en de grosses cordes & tendons: mais à la cuisse es parties de deuant du genouil, nous y voyons vne grande corde & tendon, en laquelle par forme d'vne sympathie de souffrance: il est plus raisonnable que la couuulsio se face qu'en quelqu'vn des muscles qui sont aux parties posterieures de la cuisse; car elles

sont toutes charneuses : partant ce qui se diët vniuersellement ne sembleroit pas veritable, que les conuulsions aduiennent seullement es parties de derriere : on voit veritablement que cela se faiët pour la pluspart, non aux jarets seuls : mais aussi aux mains, possible à cause que toutes ces parties sortent directement de la mouëlle du dos ; les nerfs de l'extremité des membres des muscles du dos, prennent leur naissance d'elle.



ANNOTATIONS SUR LE Commentaire de Galien.

AU premier, Galien enseigne ce qu'on doit entendre dans Hipocrate par ce nom de οἰδῆμα ; car cōme il auoit enseigné plus haut au 34. Apborisme du 4. liure, œdeme & tumeur dans Hipocrate, & les anciens, ne sont que mesme chose, d'où les anciens disent

E v

autant les parties tumefiees, que non tumefiees & enflammees auoir vn Oedeme : Il est neantmoins veritable que ce nom de pblegmon, c'est à dire inflammation, s'attribue plustost des anciens à ces inflammations qui n'ont point de tumeur, comme en ce passage aussi Leonicens interprète.

Au 2. Galien expose l'Aphorisme : car Hipocrate dict que ceux qui ont des tumeurs aux vlcères ne sont gueres suiets à tomber en conuulsion ou manie, dont Galien tire vn indice qu'ils y sont quelquefois suiets bien que rarement : & cecy pour deux causes, ou pour l'abondance de la matiere, ou pour sa malignité, que si les tumeurs disparoissent incontinent, lors qu'elles sont es parties posterieures du corps, les conuulsions & distensions s'en ensuiuent ; mais si aux parties de deuant, des manies & douleurs de costé aigues, & semblables accidens s'engendrent.

Au 3. Galien donne la raison de ces choses : car si la tumeur es vlcères des parties posterieures se remue & change de lieu, veu qu'en icelles parties il y a plusieurs nerfs pour ce subiect, il conuient que des conuulsions & distensions si fassent, que si cela

aduient aux parties de deuant telle matiere se peut transporter en diuerses parties, si à la teste la manie s'engendre, & toute sorte de manie se peut faire selon les humeurs qui sont esmenés, si l'humeur se porte au Thorax, s'ensuit vne douleur de costé, voire que'quesfois portee au Thorax, si l'humeur ne se resoult & n'en sort, elle suppure, si la tumeur est rouge & se tourne aux intestins, vne douleur d'intestins suruieni, non toutesfois à cause de la bile selon Galien: mais à cause du sang, quand le sang est esuacué par l'intestin sans vlceration. De là tu peux recueillir que la douleur des intestins peut estre sans vlceration des intestins, toutesfois la vraye douleur des intestins se pourroit faire en ce lieu par l'excoriation des intestins à cause de la bile.

Au 4. Galien doute si Hipocrate a entendu seulement en ces parties, auxquelles suruiennent ces inuersions, ou simplement en toutes les parties, encorq. que ce soient extrémités comme les jarrets; car si nous entendons toutes les parties, ce qui est icy dict ne semble pas veritable que la conuulsion se face en la partie postérieure: car aux jambes es parties de deuant, il n'y a point de muscles qui se termi-

nent en gros tendons, & en la cuisse es parties du deuant du genou, il y a vn grand tendon, auquel par sympathie il est plus raisonnable que la conuulsion se face, les conuulsions se font donc aussi aux parties de deuant : Toutesfois cela mesme qu'Hipocrate a dict que la conuulsion se faict plus es parties posterieures, semble opposé à l'experience, non seulement aux jarests, voire mesme aussi aux mains : mais Galien dict que cela aduient fortuitement, par ce qu'elles sont au droict de la moëlle du dos, de laquelle les nerfs de l'extremite des membres & des muscles du dos prennent naissance.

APHORISME LXVI.
DE LA SECTION. V.

*Si in vulneribus fortibus, & prauis
tumor non appareat, ingens malum.*

Si aux grandes playes & malignes, il n'apparoist point de tumeur; c'est vn tres mauuais signe.

COMMENTAIRE.



A cononction du present Aphorisme, avec le precedent est cy apparente, qu'il ne fait presque aucune peine à la trouuer, d'autant principalement qu'au 1. des Epid. à la fin de la 3. section ces deux Aphorismes sont conioincts; car comme au precedent il a traité des tumeurs qui suruiénēt aux vlceres, ainsi discourt-il au present Aphorisme des tu-

meurs des playes. qui mesme ont esté cōfondues soubs le nom d'vlcere par les anciens: de sorte que le but d'Hipocrate est d'enseigner ce qu'on doit prognostiquer aux grandes & malignes playes, où nulle tumeur n'apparoist, comme au precedent il a enseigné où sont les tumeurs: mais où elles disparoissent subitement, & ce qui suit, car c'est vne pure sentence prognostiquée sans autre raison, & sans aucune division. Or ce qu'Hipocrate icy dit, est que quand es grandes & malignes playes ne se faict aucune tumeur, c'est mauvais signe (Si des playes) *τρώμα & τραῦμα*, ont accoustumé d'estre pris des Grecs pour toute sorte de grande lésion prouuenue de cause externe, comme Galien l'a tesmoigné en l'explication des dictions d'Hipocrate, & au 6. des Epidem. section 5. & souuent ailleurs, luy mesme aussi au liure de la constitution de l'art, deffinisant que c'est que *τραῦμα*, a dict que c'estoit vne solution de continuité faicte en la chair par chose trāchante. Or si elle est ainsi prise en ce lieu, ou pour vlcere, cōme en l'Aphorisme precedent, sça-

noir qui se faict de cause interne, l'un & l'autre est veritable, d'autant que comme en l'ulcere cela est simplement mauvais, que les tumeurs suruenues se recachent soudain: ce n'est pas vn moins mauvais signe, lors que l'ulcere ou la playe estant grande ou maligne, qu'aucune insigne tumeur ne se face à l'entour (*Grande*) la diction Greque *ἰσχυρῶς*, vsurpee icy d'Hipocrate, signifie la mesme chose que *granda*, grande. Or la playe s'appelle grande, comme dict Gallien au 4. & 6. de la Meth. en trois facons, ou à cause de la noblesse de la partie, comme les playes de la teste sont tousiours dites grandes d'Hipocrate au liure des playes de la teste, ou à cause de la grandeur du mal, comme s'il est long, large, & profond, ou à cause de l'itéperature. Or playe se prend icy en la premiere & seconde maniere: car il entéd la troisieme sous la diction qu'il faut suivre, à sçauoir *κακοῦς*, qui signifie, ou des malignes (*Tumeur.*) Icy aussi cōme en l'Aporisme precedente la diction *œdema* signifie toute sorte de tumeur: mais principalémēt sanguine, & qui enflame, ou inflammatoire:

car veu qu'aux playes & sur tout des parties nerueuses, quelque douleur se ioinct tousiours, & que c'est le propre de la douleur d'attirer des humeurs à la partie doléte, & principalemēt le sang, s'il ne s'en tire point, c'est signe, ou que la faculté expulsive est plus debile que de raison, ou que les mesmes humeurs sont enuoyées en autres lieux plus nobles, & nō point ignobles & debiles, parce qu'elles fondroyēt plustost sur la partie lalée, qui est la plus foible de toutes (*Mauuais signe*). Galien remarque qu'il se lit en trois façons, & approuue plus qu'on lise ainsi, *si es vlcères qui sont malins nulle tumeur n'apparoist, c'est vn grād mal*: Car Celse au ch. 26. du 5. liu. escrit ainsi, *S' enfler trop à la playe est perilleux, ne s'enfler point du tout tres-perilleux, cestuy est indice de grande inflammation, cestuy-la d'vn corps mort*. Or maintenant qu'vn corps soit mort, il n'y a personne qui ne le repnte entre les grands maux, comme a dict Hipocrate: mais la raison de Galien y conuient fort bien, sçauoir que le mal est grand, à cause du toupçon, sçauoir que les humeurs que doiuent faire la tumeur se

tournent aux parties principales , ou qu'elles ne soient tournées , ou qu'elles ne s'y doivent tourner, ainsi qu'a remarqué fort à propos Oribase. Or la cause de la deffiance est d'autant , qu'encor quil y ait d'autres lieux ignobles, esquels la matiere puisse tomber, elle n'est point autre , sinon entant que la matiere qui court aux vlcères , est enuoyée des plus nobles parties , lesquelles nature a accoustumé de deffendre deuant les autres , & les esputer des humeurs superflues. Or lors qu'elle est contrainte de destourner les humeurs en quelques parties , si donc elles ne sont enuoyées , c'est à cause que la faculté expultrice des parties nobles est imbecille , d'où veu que la maladie est grande , & que la faculté qui gouverne le corps est aussi imbecille , vn grand peril de mort est eminent, à cause que le passage de la matiere à la playe est empesché, d'où necessairement la matiere recourt au lieu dont elle couloit ; car c'est chose tres-esprouuée , que toutes choses qui se poussent avec violéce, comme caillous, balles & autres semblables , si on les

empesche, elles retournent au lieu duquel on les a iettees. L'vtilité de l'Aphorisme n'est seulement pour le prognostic : mais aussi pour instituer la droicte cure des grandes playes, veu nommemēt qu'ou les playes sont grandes comme aux nerfs, à la teste des tendons, apres des jointures, & d'autres semblables: Il ne faut pas au commencement vser de repercussifs, qui empeschent l'inflammation, comme Galien a dict que quelques Medecins faisoient mal à propos : mais il faut vser de remedes vn peu humides, & qui eschauffent, comme est la therebentine, le jaune d'œuf, l'huile d'hypericum, le baulme de Arceus ; car il y a plusieurs autres accidents, esquels il se faut au commencement abstenir de repercussifs, lors que la maladie est en l'emonctoire, lors que la matiere qui flux est veneneuse, lors que le corps sur tout est fort replet, & lors que la matiere est crasse, froide, ou suffocative.



G A L I E N.

ON peut adiouster, & au dernier mot de l'Aphorisme, & en la premiere partie (*c'est vn grand mal*) car il en resultera vn tel sens, les playes estans malignes, si aucune tumeur n'apparoist, c'est vn grand mal, où bien l'on en tirera vne telle consequence, les playes estans malignes, si vne grande tumeur n'apparoist c'est mauuais signe; car il aduient que le mot (*ingens*) se peut dire indifferemment, comme s'il eust ainsi dict, si es playes malignes vne grande tumeur n'apparoist, c'est vn grand mal. Or à mon iugement, le meilleur des trois sens est tel: *Si les playes estans malignes, nulle tumeur n'apparoist, c'est vn grand mal;*

car aussi a-il esté dict auparavant, que tumeur se dict généralement de toutes tumeurs contre nature. Or faut il estimer que les playes malignes sont dictes celles qui se teneontrent tant à l'origine qu'à l'extrémité de muscles, & principalement lors qu'ils sont nerveux; car comme aux testes des muscles les nerfs viennent à naistre, ainsi les tendons naissent de leurs extrémités. Ainsi donc vn peu auparavant qu'il condamnoit toutes tumeurs qui se desenfloient soudainement; aussi maintenant condamne-t'il celles qui n'auient aux playes grandes & malignes; car en celles-cy on doit craindre que les humeurs qui fluent aux vlceres ne se tournent aux parties principales, & faut croire que cela aduient principalement aux playes, ausquelles il y a

veritablement de la douleur , à cause de laquelle il y fluë tousiours quelque chose. Or les Medecins la repriment avec medicaments fort froids & adstringents, comme pareillement si la douleur en est absente on n'esmeut point la fluxion : or les parties nerveuses souffrent le plus de douleurs qui desirerent des remedes eschauffants & dessicatifs.

ANNOTATIONS SVR LE
Commentaire de Galien.

A V 1. Galien enseigne que la diction *μεγα*, c'est à dire grande, peut estre appliquee & à la tumeur, & à ce mot de mal, afin de pouvoir lire grand mal, & à l'une & à l'autre partie, afin que l'on trouue grande tumeur & grand mal.

Au 2. il enseigne que le nom *œdema* se diët communement, & indifferemment de toutes les tumeurs contre nature.

118 Aphorisme LXVI. de la section V.

Au 3. il enseigne qu'on appelle proprement *ulceres malins*, ceux qui sont aux testes ou extremittez des muscles, esquelles naissent les nerfs, & où les tendons prennent leur origine des bouts d'iceux. Or comme il condamnoit cy-dessus les tumeurs qui s'esuanouissoient soudain, ainsi cōdāne il icy les tumeurs qui n'aduennent point aux playes malignes; car nature pour secourir la partie, luy enuoye là du sang & des esprits, partant les leures ou bords des playes se doivent enfler: mais s'il ne survient point de tumeurs, il est à craindre que les humeurs qui doivent couler aux bords des playes ne se transmuient aux parties principales: & faut estimer que cecy aduient en ces playes ausquelles se trouue la douleur, & à cause de la douleur les matieres courent là, de façon que les Medecins, pour y pourvoir, appliquent des medicaments soit froids, & adstringents, que s'il n'y a point de douleur, on se garde de l'esmouuoir à la playe. Or si tu desirer sçauoir quelles parties souffrent ces douleurs; elles sont principalement nerveuses, lesquelles si on veut guerir, ont besoin de medicaments, qui eschauffent & desseichent.



APHORISME LXVII.

DE LA SECTION V.

Tumores molles , boni : crudi verò, mali.

Les tumeurs molles sont bonnes : mais les crues ou dures sont mauvaises.

COMMENTAIRE.



E mesme Aphorisme est mis au 2. des Epidem. à la fin de la 3. section, apres l'Aphorisme precedant : mais il est icy couché en termes differents, sçavoir que les tumeurs molles sont bonnes, & les crues mauvaises, au lieu que là il est escrit, les playes lasches ne sont point mauvaises, mais celles qui rempent en haut sont dangereuses. Or de quelque façon que l'on lise le precedent Apho-

risme, & cestui-cy, ils sont tellement conioints ensemble, qu'à bon droit Galien a dict que celui-cy estoit vne partie de l'autre; car ceste sentence est aussi toute prognostique & brieue: mais qui peut neantmoins estre diuisee en deux parties, desquelles la premiere est, *les tumeurs molles sont viles* (χαῦμα) dictiō qui est icy vsurpee d'Hipocrate. Galien au 1. chap. sur le premier des Epidem. l'interprete pour les tumeurs molles, & qui cedent iusques au fond en les pressant des doigts, comme sont les corps lasches & spongieux, auxquelles les tumeurs crues reluisantes & dures s'opposent. Au reste pourquoy les tumeurs lasches & molles des playes (car c'est d'elles que parle Hipocrate) sont bonnes: Galien semble l'auoir attribué à la coction, comme si telle mollesse & lascheté estoit signe de coction, du moins commencee, & que par tant le signe en est bon, & la cause bonne, aussi sçauoir de la diminution de la douleur, & tolerance du malade; car comme les choses qui tendent & sont dures font de la douleur, ainsi les lasches & molles n'en font

font point, veu qu'elles n'ont ne tension ny autre solution de continuité, & mesme aussi lors que les humeurs fluent & ne tendent point trop la partie, c'est signe d'une douce impetuosité en l'humeur qui court, & que telle humeur n'est pas maligne, & ne s'en faut esmerveiller, attendu que les humeurs malignes & abondantes, & qui causent tensions amènent les douleurs & la mort: les benignes au contraire qui sont modérées en leur mouvement, & quantité, veu qu'elles ne tendent point la partie, mais la laissent molle, débilent le malade, & de convulsions & d'autres maux: Quelques interpretes ont estimé que pour lasches on deust entendre les playes mesmes, non les tumeurs, & ces playes desquelles fluë vne sanie louable: mais l'ignorance de la langue Grecque les a trompez, veu qu'il y a escrit avec le gêrenutre, les meslees sont bonnes, ils ont pensé qu'on devoit adiouster playes, ne sçachants pas que les tumeurs sont nommees par Hipocrate au genre neutre aussi œdemes: mais telles erreurs sont pardonnables, à ceux auxquels la


lâgue Greque est presque inconnuë. La
seconde partie suit, qui est celle-cy:
(*Mais les crues sont mauuaises.*) Aucuns ven-
lent que ces mots signifient dans Hipo-
crate des tumeurs reluisantes, qui pour
la plus-part sont crues ou indigestes, &
qui en quelque sorte semblent esleuees
en haut. Or celles-cy sont mauuaises,
tant à cause qu'elles signifient l'imbeci-
lité de la chaleur concoctrice, & princi-
palemēt lors qu'elles sont de duree, tant
à cause aussi, que par la continuation de
la douleur elle vse & debilité les mala-
des de plus, & en partie aussi qu'à cause
que telles tumeurs à peine viennent la-
mais à supuration: Hipocrate disoit au
vingtiesme Aphorisme, que les douleurs
prouenuës de froid empeschent la sup-
uration, d'où il aduient, qu'où le mala-
de perit, ou l'vlcere se termine en vn
schirre tres-mauuais; l'Aphorisme sert
pour le prognostic: mais il ayde aussi à la
cure, d'autant que l'on apprend de luy
qu'il faut traitter les tumeurs dures des
vlceres avec medicaments remollients,
digestifs ou concoctifs & suppurants.



G A L I E N.

M. A.

C E discours est la cause du precedent, Hipocrate enseignant que toutes tumeurs molles indifferemment sont tres-bonnes, & les dures leurs contraires mauvaises; on oppose donc proprement au mol ce qui est dur & reluisant. Or Hipocrate a nommé la tumeur dure, crue, d'autant qu'il ne se peut faire que la tumeur soit reluisante; si la nature du membre affligé cuit, & digere bien les humeurs qui y fluent.



ANNOTATIONS SVR LE Commentaire de Galien.

Galien enseigne que cet Aphorisme est une partie du precedent ; Car Hipocrate dict icy que toutes les tumeur molles sont bonnes , & les dures leurs contraires mauvaises : mais à cause que l'on oppose proprement au mol, que luy-mesme appelle χαλκον, la diction σκληρον, qui signifie dur, tu pourras à bon droit douter par consequent pourquoy le mot dur n'y est pas oppose ; mais respondant à cecy qu'Hipocrate n'a pas dict dures, mais crues, à cause que la tumeur ne peut estre dure & reluisante, si naturecuit bien les humeurs qui fluent à la partie, de sorte que si elles sont crues, elles sont par consequent dures & reluisantes, d'où il ne se faut esmerveiller s'il a dict crues pour dures & reluisantes.



APHORISME LXVII.

DE LA SECTION V.

Molles boni, crudi vero mali.

Les tumeurs molles sont bonnes, & les dures mauuaises.

COMMENTAIRE.



ET Aphorisme n'a non seulement aucune connexion avec le precedent; mais aussi ceux qui suivent sont la plus part tellement separez, qu'ils meritent d'estre veritablement appelez Aphorismes, c'est à dire sentences separees. Or l'intention d'Hipocrate est de monstret par l'exemple de l'Eresipele, qu'il est tousiours bon que les maux se iettent des parties internes ou exterieures: mais non pas pourtant tousiours bon, qu'elles se tournent des externes

aux internes. La sentence est purement prognostique, de laquelle on peut faire deux petites parties, desquelles la premiere sera (*L'ereſipele se tourner des parties externes aux internes n'est pas bon*) & la der- niere (*des internes aux externes, bon*) Parlans donc de la premiere partie, premiere- mēt nous voulons aduertir de cecy que la mesme sentence se trouue tant au premier liure des maladies, que dans les Coaques; car en toutes deux la premie- re partie est aucunemēt differēte de cel- cy, d'autant qu'ou Hippocrate dit en l'A- phorisme *εξ εζωθεν*, qui signifie, n'est pas bō, au premier des maladies, il dit *κακόν*, c'est à dire mauuais: mais aux Coaques il dit *θανάσιον*, qui signifie mortifere. Or d'ou prouient telle difference, il n'est pas facile de le descouurir: mais pour mon particulier, i'estime qu'Hippocrate trou- ua par experience en sa vieillesse, que cela n'est pas tousiours mauuais & mor- tel, si l'ereſipele ou autres maux se tour- nent des parties externes aux internes; voire que quelquefois il est bon; mais quelques-fois indifferent, de sorte qu'il n'en resulte ne bien ne māl. Galien sem-

ble auoir en son interpretation suiuy la diction du premier liure des maladies, où il est escrit que cela est mauuais, que l'eresipele se tourne des parties externes aux internes. Au reste quant à ce qu'il adioust qu'Hipocrate a dict plusieurs choses semblables au liure des Aphorismes, scauoir qu'en vn seul exemple il a tout embrassé en son discours; cela est tres veritable, & quasi le propre office de ceux qui se sont proposez d'enseigner beaucoup en fort peu de paroles. Or veu qu'Hipocrate parle icy de l'eresipele, & que c'est vne tumeur contre nature; on pourroit icy demander à bon droit, si la sentence se doit interpreter des seules tumeurs, ou aussi des intemperies, & de chacune autre maladie. Et certes il me semble conuenir plus au stile & à l'esprit d'Hipocrate, que nous l'entendions de chaque maladie, veu que toutes les parties internes sont tousiours les plus nobles, attendu mesme que le propre cuir qui est la plus exterieure partie du corps, est la plus ignoble; si bien que toutesfois & quantes qu'il se fait vn renuoy d'elle aux

parties plus internes, il se faict de necessité vn esloignement de la plus ignoble partie au plus noble du corps; ce qui certes ne peut iamais estre bon: partant comme dit bien Galien, cecy n'est bon, ne comme signe, ne comme cause, jaçoit qu'il ne soit pas tousiours mauuais; car Bion, comme rapporte Hipocrate au deuxiesme des Epidemies, traicte d'une tumeur externe en la ratte, elle r'entra du dehors au dedans; il en fut liberé par les voyes de l'vrine. La mesme tumeur, comme rapporte Schechius en les Observat. a esté purgée & finie par les hemorrhoides, mais cela est rare. Or aduient-il souuent que l'erepsiele r'entree se termine, ou en la mort, ou en quelque autre mal pire qu'elle. Et voicy quant a la premiere partie, sur laquelle quelque curieux pourroit desirer de scauoir quand cela est bon, ou quand cela est mauuais, & quand mortel des externes aux internes, ausquels ie respondray qu'il n'est pas bon quand la matiere est benigne, & que le lieu auquel elle se tourne n'est pas noble, qu'il est mauuais quand où le lieu est noble avec la ma-

tiere benigne, ou au contraire : mais qu'il est mortel quand & la matiere est fort mauuaise, & le lieu noble. La seconde partie de l'Aphorisme suit, sçauoit qu'il est bon, lors que l'erepsele se tourne des parties internes aux externes, & cela est non seulement vray, comme cause qui deliure les vlceres & autres parties nobles de mal & de danger : mais aussi comme signe qui presage que nature se porte tres-bien, qui se décharge par les lieux conuenables, & surmonte la mesme matiere, laquelle de quelque qualité qu'elle soit, le meilleur est tousiours qu'elle se remue des parties internes aux externes, comme il a aussi dict ailleurs de l'angine qui se faict par le sang : Mais eccy est dig. e de recherche, veu que telle conuersion est vn mouuement de nature, sçauoir mon aussi, si afin que tel mouuement soit bon & vtile, le signe de coction, & le iour critique y sont necessairement requis, comme es autres mouuements : à quoy il faut respondre, que si cela se faict avec signes predits, c'est veritablement beaucoup le meilleur : mais à cause que

tel mouuement procede d'une droite operation de nature, & que de la propre nature il est tousiours bon, cela ne semble pas necessaire que les signes de coction, & le iour critique y concurrent ou contribuent, comme cela est requis des autres mouuemens douteux, qui peuvent estre & bons & mauuais : l'Aphorisme est utile, & pour le prognostic, & pour la cure, veu que le Medecin apprend de la qu'il est tres bon que le mal soit tire des parties internes aux externes, comme au contraire iamais, bon qu'il se tourne aux internes, d'où il aduient que la matiere maligne estant à l'entour de quelques parties internes & principales ; il est salutaire de l'attirer au cuir par frictions, ventouses & vesicatoires.



G A L I E N.

NOus deuous estimer vn bon signe & vne bonne cause, non seulement l'eresipele : mais

tout autre sorte de mal qui du dedans & des parties principales se transporte au cuir, si au contraire du dehors, il r'entre dedans, cela est mauuais. Or Hipocrate semble auoir dict plusieurs autres choses, comme certains exemples proposez de discours vniuersels, par lesquels nous pouuons auoir l'experience plus manifeste, de ce qui doit arriuer; car il faut que les exemples soient tels.



ANNOTATIONS SVR LE Commentaire de Galien.

A V premier, Galien enseigne qu'il faut entendre cet Aphorisme vniuersellement, & que non en la seule trespéele tout ce qui se transporte des parties internes & principales au cuir; c'est vn bon signe & vne bonne cause, & que quand cela aduient au contraire, c'est mauuais signe.

132 Aphorisme LXVII. de la section V.

Au second, il enseigne qu'Hipocrate a mis quelques semblables particularitez, comme exemples de discours particuliers, par lesquels nous pouuons auoir vne manifeste experience des choses qui ont acoustumé d'auenir. Or il faut que les exemples soient tels que ceux qui se trouuent en cet Aphorisme, & au suivant.



APHORISME XLVI.

DV VII. LIVRE.

Quicumque suppurati vruntur, vel secantur, si pus purum fluxerit & album, euadunt, si vero subcruentum, & fæculentum, ac fætidum, pereunt.

Tous ceux qui sont suppurez & empyiques, s'ils sont cauterisez, ou ouuerts, & que le pus en sorte pur & blanc, ils reschappent: mais s'il sort sanglant, fæculent, & fætide, ils meurent.

COMMENTAIRE.



DN CET Aphorisme le dessein d'Hipocrate est manifeste, sçauoir ce qu'on doit attendre, lors que les suppurez sont canterisez, d'où la sentence est pu-

rement pronostique, sans autre consideration, laquelle toutesfois se diuise en deux parties, dont la premiere est (*Tous ceux qui trauaillez du pus*) & ce qui suit: la seconde: *mais s'il est sanguinolant*; & quant à la premiere partie, il est certain que les malades de l'empieume, desquels selon Galien parle Hipocrate en ce lieu, s'appellent proprement ceux à qui quelque grande quantité de pus s'amasse au thorax, apres quelque inflammation supuree, ou de matiere qui descéd de la teste, & se pourrit en la poitrine, comme nous auons dict cy dessus avec Hipocrate. Or aduient-il aussi quelquefois, & c'est chose certaine, que les anciens Medecins beaucoup plus hardis que nous, auoient accoustumé, pour consumer & tirer le pus hors du thorax, maintenant d'ouuir, tantost de cauteriser quelque lieu entre les costes, afin que non seulement tel pus s'esuauast par l'ouuerture qui se faisoit là: mais aussi afin que ceste chaleur putrescente s'exhalast ou sortit par l'ouuerture. Or que ce fut vne coustume vsitée des anciens, Galien le prouue, voire par le tes-

moignage de Platon le Comique, qui parlant de Cinesie fils d'Euagore, qui de pleuretique deuint empyique : Il escrit qu'iceluy Cinesie auoit esté marqué au corps de plusieurs escarres par le Medecin Euriphon : mais cela se peut encores beaucoup mieux prouuer par le mesme Hipocrate, chez qui rien n'est plus frequent que la mention faiëte de semblable remede, comme nous auons amplement monstre cy-dessus, (*Si le pus* *fluc pur & blanc*) Les bonnes qualitez du pus se descriuēt d'Hipocrate au premier des prognost. dernier ch. & aux Prorethiques, à sçauoir qu'il soit blanc, esgal, pur, & sans aucune puanteur, & là mesme parlant de ces suppurez que l'on cauterise, diët que ceux reschappent, auxquels le pus sort blanc, pur & sans puanteur ; au second des maladies, il ne parle point de puanteur : mais si on poise bien la chose, c'est veritablement vne diuersité, & non pas vne contradiction, veu que les principales qualitez requises à la bonté du pus, sont qu'il soit pur, c'est à dire non meslé à aucune autre humeur, ou excrement ; car veu que le pus

se faict par le moyen des parties solides qui sont blanches, il leur ressemble de nécessité, toutesfois & quantes qu'il doit auoir sa naturelle generation: au reste il ne dit rien de l'odeur, par ce que le bon pus n'en a presque point, ou s'il est mauuais il en a fort peu, si mesme il est veritable que le musque ne soit rien autre chose que l'aposteme de certain animal tourné en pus, on trouuera que le pus en quelques animaux deuiet de bonne odeur (*Sont preseruez*) Hippocrate dict en sa langue *στυφνόντα*, qui euadunt, c'est à dire qui reschappent, aux prognost. *σώζοντα*, qui seruantur, c'est à dire qui se sauuent: mais c'est la mesme chose, au second des maladies il dict *ὀξείνη τὰ πύμα*; il guerit le plus souvent; laquelle diuersité de paroles me faict croire que les maladies du pus en la poitrine qui sont cauterisez ou ouuerts, peuvent veritablement esuiter la mort, mais non iamais retourner à vne premiere & parfaicte santé: à cause que le pus detenu longuement en la poitrine, il ne se peut faire qu'il n'imprime vne maligne qualité en ces parties, qui ne se

peut presque plus efforcer, comme nous voyons ceux qui eschappent d'une tres-grande maladie, se porter tousiours plus mal de quelque partie, de sorte qu'Auicenne a dict à bon droict, que quelque partie demeure tousiours blecée à ceux qui ont eu une maladie aiguë, comme Auerroes tesmoigne luy estre aduenue à luy-mesme, qui d'une tres-griue maladie, dont il eschappa par le benefice d'un seul Dieu, il demeura gouteux : voicy quant à la premiere partie. la seconde suit maintenant (*Que si il est sanguinolent.*) Hipocrate dit que si à ceux que l'on a ouverts ou cauterisez la poitrine, il sort du pus sanguinolent puant, & fœtide ils meurent ; de sorte qu'il a ainsi remarqué le bon pus par deux qualitez seulement, le mauuais par trois : mais plusieurs choses se presentent icy dignes d'estre examinees, pourquoy il n'a pas donné autant de qualitez au bon pus qu'au mauuais, veu qu'ils ont mesme nature de contraires : La seconde pourquoy il condamne icy le pus sanguinolent, & le loüe au second des maladies, *ἰνός* & *ἰνός αἵματος*, c'est à dire qui

est, ou avec fibres, ou avec fibres du sang: La troisieme quel pus est nommé d'Hipocrate *βορβορώδες*, c'est à dire impur ou boueux; quand au premier il faut dire qu'encor qu'en effect ils ne semblent purs, que toutesfois ils le sont en puissance, veu qu'il est compris sous le nom de pus, qui est en Grec *καθάρων*, à cause aussi qu'il n'y a point de mauuaise odeur; car où est la mauuaise odeur, faut que necessairement l'impureté y soit aussi; de sorte que la pureté & blancheur suffisent à tesmoigner la bonté du pus, sçauoir comme n'estant iamais sans quelque sorte de fleur, mais non pas violente. Or quant à ce qu'au second des maladies il loie le pus, où il y a des fibres de sang, veu qu'icy il reprouue celui qui est *εργασίαν*, c'est à dire sanguinolent; c'est à cause que tant les fibres que filets de sang, monstrent ou indiquent la matiere benigne, qu'aussi la matiere sanguinolente signifie la chaleur naturelle ne surmonter point la chaleur pourrissante & fiévreuse; car attendu que la matiere qui se doit tourner en pus est le sang, soit pituiteux, ou

d'autre sorte, la chaleur naturelle tasche à le conuertir en parties solides, & separer le pur de l'impur, dont il aduient qu'il faut qu'il deuienne blanc. Or quand la couleur du sang demeure tellement, que telle matiere ne soit pas vray sang, ne veritablement blanche; on l'appelle proprement sanguinolente, & cellecy monstre qu'à la verité le sang a changé sa couleur naturelle: mais non de sorte qu'il soit blanchy, qui est vn tres-mauuais signe du tout; car ceux ne peuuent esuiter la mort, ausquels la chaleur naturelle est desia tellement indisposée, qu'elle ne peut mener le pus commencé à sa perfection: mais plustost le laisse pourrir; de façon qu'il rend vne puâteur. Au regard du troisieme, il faut dire qu'Hipocrate oppose au pus qui est pur, iceluy qu'il nomme *Boſſopœides*, qui est comme si on disoit impur ou boueux: maintenant donc à fin que le pus soit louable, veu qu'il doit auoir les conditions qu'a enseignées Hipocrate à la fin du premier des Progn. & aux Prorethiques, reste qu'il soit blanc, esgal & leger, estant

chose certaine qu'où se trouue l'impureté, l'inegalité y est aussi, s'entend qu'aucunes parties sont plus crasses, celles-cy plus subtiles, celles-là crues, autres demy cuites, & partant inegales : Maintenant il ne faut pas demander que c'est que *morbus*, c'est à dire foetide, comme il ne faut douter qu'où il y a de la puanteur, il y a tousiours de la pourriture, comme a escrit Galien au cinquiesme des simples medic. chap. 15. & que par consequent cela est tousiours mauuais : l'Aphorisme sert à prognostiquer tant la mort que la vie, & ensemble à cognoistre les qualitez tant bonnes que mauuaises du pus : aussi sert-il à connoistre quels sont les principaux & derniers remedes pour guerir les malades de l'empyeume, à scauoir le cautere actuel, & la section, desquelles Celse Aece, & Paul Aeginete enseignent la pratique au liure 6. chap. 44. comme nous auons amplement monstré en l'Aphorisme precedent.

G A L I E N.

La de coustume de nommer
suppurations, non seulement cel-
les qui sont en la poitrine : mais
aussi les petites tumeurs changees
en pus, de quelque partie du corps
que ce soit. Or il nomme principal-
lement seuls supurez ceux qui ont
du pus amassé entre le thorax & le
poulmon, que les anciens auoient
accoustumé de cauteriser, par ce
que dit Platon le Comique de Ci-
nesie en ces mots, apres ces choses
Cynesias fils d'Euagoras, deuenu
sec pour vne douleur de costé exēt
de bouē, ayant les cnisses menuës
comme bastons, presage d'vne fu-
ture attenuation de tout le corps,
ayant eu le corps brulé par Euri-
phon en plusieurs endroits vint à


l'assemblée. Or personne n'ignore que le pus blanc ne soit bon, le fœculent & fœtide mauvais.

ANNOTATIONS SUR LE Commentaire de Galien.

Au premier, Galien enseigne que signifie le mot supuration: car la coustume d'Hippocrate est de nommer supurations les petites enfleures qui s'esleuent en chascune partie du corps qui se tourment en pus: mais pour le present il nomme supurez ceux-là seuls qui ont du pus assemblé entre le thorax & le poulmon, que les anciens auoient accoustumé de cauteriser.

Au second, il enseigne par la sentence de Platon le Comique, que les anciens cauterisoient les supurez: car il dit que Cinesie guerit d'une pleuresie, & cauterise par le medecin Eurabbon, auoit plusieurs escars sur le corps, auquel lieu on voit que les anciens faisoient plusieurs escars, cōme enseigne Eelse aux lieux sus alleguez.

Au 3. Galien enseigne que personne n'ignore le pus blanc estre bon: mais le fœculent & fœtide mauvais.



APHORISME XIX.

DU VII. LIVRE.

In ossis denudatione, erisipelas malum.

L'Erisipele suruenant à la nudation de l'os, cela est mauuais.

COMMENTAIRE.

Pourquoy Hipocrate a esté si diligent ailleurs, & long à amener les exemples des symptomes qui suruiennent tant és autres symptomes qu'és maladies (ce que possible il n'a fait en aucune autre chose) quelqu'un en pourra soupçonner la cause, en ce que, comme dit Galien au premier & troisieme liure; Les maladies malignes procedent principalement des crises par semblables symptomes ou accidents; De sorte que comme

ils sont differents en toute sorte de maladies , ainsi semblent ils desirer vne diuersité d'exemples , comme n'ayant point vne tant certaine generation, l'Aphorisme est chirurgique & prognostique (*En la nudation de l'os*) Galien dit en ce lieu, que l'on deust entendre auparauant (κακόν) s'entend que cela est mauuais, comme a remarqué Hollier d'autant que l'ereſipele ne ſuit pas tousiours, & n'est inſeparable à la nudation de l'os: mais lors que l'ereſipele ſuit, cela eſt tousiours mauuais. Or maintenant οσὴ ψάωσις, ne ſignifie pas ſeulement en ce lieu la ſeparation de la chair & des nerfs: mais auſſi du propre perioste d'avec l'os qui en eſt du tout attaché, laquelle ſeparation, bien que ſans ereſipele eſt tousiours mauuiſe, d'autant que les os ainſi denuez ont accouſtumé de perdre leur chaleur, qu'ils ont fort petite, & pour ce ſuiet deuenir noirs & ſe corrompre; de ſorte qu'il les faut neceſſairement couper ſ'ils ne tombēt d'eux melmes, comme il aduient quelquesfois. Or maintenant l'ereſipele ne ſe fait par l'os meſme: mais elle ſuit la nudation, & s'engendre

en

en la chair, qui est autour de l'os desnüé, quant à la cause, pour laquelle l'erysi-
pele a accoustumé de suruenir en tels
accidents, encore qu'elle ne soit decla-
ree par Galien, celle-cy est pourtant
veritable, qu'entre les causes de la denu-
dation de l'os, rapportees par Hipocra-
te en diuers lieux, la principale est
quand les Ichores acres & corrosifs
rongent toutes les parties qui sont au
dessus de l'os, auquel accident, veu
qu'aussi des Ichores bilieux fluent en-
semble sur la partie affectee, qui ne sont
pas si corrosifs, ceux-cy endurcis sous
le cuir, causent l'erysi-
pele, ce que par
consequent Hipocrate dit estre mau-
uais, tant à cause que c'est vn signe que
la denudation se faict par des suc-
s malins & corrosifs, qui est la pire cause de
toutes celles qui denuent les os: partie
aussi en ce qu'elle est cause que la denu-
dation s'estend & gaigne d'auantage,
& qu'ainsi le mal & le peril s'accroissent;
de sorte donc, que pour semblable dan-
ger le present Aphorisme ne semble
pas peu vtile, tant à pronostiquer,
qu'à esuiter le mal.

G A L I E N.

EN ce lieu il faut adiouster ce mot, mauvais; mais il ne dit pas qu'en tous les os denuez & destituez de leur perioste, que l'erecipele arriue : mais il faudroit prendre du tout le contraire, qu'en telles affections des os l'erecipele arriue rarement. Or que ce soit vn mauvais signe, la cause est que la chair qui est à l'entour de l'os, est apprehendee & consommee par l'erecipele.

A N N O T A T I O N S S V R L E
Commentaire de Galien.

Galien iuge qu'il faut principalement adiouster en ce lieu la particule, malum, c'est à dire mal ou mauvais; car l'erecipele ne peut suivre la denudation de l'os, sinon avec

une vehemente putrefaction, qui empesche la consolidation en la chair, & gaste tellement l'os, qu'il le faut necessairement separer : à ceste raison s'engendrent des vlcères d'un an, voire qui durent plus long temps, n'estime pourtant que l'erepsele mauvais en l'os descouvert, soit bon en l'os couuert.

En la denudation de l'os, c'est à dire quand l'os sera descouvert, la cause s'entend que tous les os de nostre corps sont couverts, horsmis les dents.

L'erepsele ou feu sacré qui se fait de matiere bilieuse, adionste que cela est mauvais, à cause qu'il signifie une grande pourriture, en laquelle il est necessaire, que l'os soit gaste & difficile à guerir ; apres s'entend toutesfois que l'erepsele est en la chair, non en l'os, toutesfois Paul Aegin. commande quand l'os est despouillé que l'on le coupe: Philotee interprete le present Aphorisme en ceste maniere, la nudation de l'os est vnr priuation du vestement naturel ; si donc à la nudité de l'os, ou priuation des chairs & de la peau, survient (s'entend l'erepsele) cela est mauvais ; car elle monstre l'affluence d'une matiere plus sanguine, qui ronge & consomme les chairs qui sont au dessus ; car l'erepsele se fait du sang le plus rouffatre & bilieux.



APHORISME II.

DV VII. LIVRE.

*Ab erisipelate putredo, aut suppuratio,
malum.*

Quand la putrefaction ou sup-
puration prouient de l'érésipele,
cela est mauuais.

COMMENTAIRE.



ERTES le present Apho-
risme ne semble seulement
contigu au précédent : mais
aussi comme certaine partie
d'iceluy, ne plus ne moins que si la sen-
tence de tous les deux pouuoit estre
adaptee en ceste sorte, qu'en la denuda-
tion de l'os, cela est mauuais si l'Eres-
pele se faict, de mesme, cela est mauuais
en l'érésipele, si la putrefaction ou sup-

puration suruiennent, de façon que le but d'Hipocrate est d'enseigner les mauuaises yssues que les eresipeles ont accoustumé d'auoir, si bien que la sentēce est prognostique, simple & indiuisible (*En l'erysipele*) Quoy que ceste oraison puisse auoir double sens, sçauoir qu'elle s'entende, ou de l'eresipele suivie d'une denudation d'os, ou simplement de tout eresipele; toutesfois Galien semble auoir plustost embrassé la seconde interpretation, comme aussi elle a pleu à beaucoup d'autres: toutesfois la premiere n'est pas à condamner si nous faisons Hipocrate comme rendant cause pourquoy il est mauuais que l'eresipele suruienne à la denudation de l'os, sçauoir à cause qu'à tel eresipele succede, ou suppuration, ou putrefaction, qui sont toutes choses mauuaises: mais comme i'ay dit aussi la derniere interpretation est confirmee, & par raison & par experience (*Putrefaction en pus*) C'est chose tres manifeste, que la suppuration differe de putrefaction, à cause s'entend que ceste-cy se faict d'une chaleur environnante & contrē

nature, au contraire celles-là de la seule chaleur naturelle, comme ç'a esté vne tres-notable sentence d'Aristote & de Galien : & ne me plaist l'opinion de ceux qui ont estimé qu'Hipocrate vse de de deux dictions pour vne seule & mesme chose ; car cela est fort discordant à la gravité & coustume d'un precepteur, qu'il adioust des paroles sans raison, aussi n'est-il iamais bon que l'erecipele vienne à suppuration, d'autant que comme cela est assuré d'une tres-certaine suppuration, par fois neantmoins quelque suppuration se fait, non tant exacte, en laquelle la chaleur contre nature a plus, & la naturelle moins de force, donc il ne faut point qu'elle puisse arriuer à l'erecipele, lors principalement que l'erecipele n'est pas simple : mais phlegmoneux, de laquelle suppuration, si nous entendons que parle Hipocrate, sans doute elle conuiendra à la gravité, comme s'il eust voulu enseigner qu'il suruint à l'erecipele, tantost quelque suppuration, maintenant quelque putrefaction, & que tout cela est mauvais, soit que nous

parlions del'ereſipele, qui ſuccede à la denudation del'os, ou vniuerſellement de tout autre que ce ſoit: car ce que dit Galien, qu'il eſt manifeſte qu'en tres-peu de paroles telle ſentence ſe doit entendre des ereſipeles malins, eſquels ſe faiët putrefaction ou ſuppuration: en cela il teſmoigne auſſi de ce que nous auons dit, ſçauoir que ce n'eſt pas vraye ſuppuration qui ſuit les ereſipeles, & eſt mauuaïſe, ou pluſtoſt baſtarde, auſſi ne faut-il point douter que quelquesfois Hipocrate, ſoubs le nom de ſuppuration n'entende la non veritable, comme au ſixieſme des Aphoriſmes, au 2. Aph. où il dit que le ſang hors des veines reſpandu dans le ventre, vient de neceſſité à ſuppuration (*Mauuais*). Ceſte particule ne ſe trouue point en pluſieurs exemplaires: toutesſois il eſt certain qu'on la doit entēdre & ſupléer, encor qu'ainſi le ſens ne ſera pas mauuais, ſi nous prenons toute la ſentence comme ſignificatiue, cōme ſi Hipocrate euſt voulu enſeigner, que l'vn & l'autre peuuent ſuruenir à l'ereſipele, ſçauoir la putrefaction ou ſuppuration: car le plus ſouuent, comme

dit Galien au quatorzième de la méthode, ceste indisposition qui appartient au cuir, & qui a accoustumé de s'engendrer des ichores plus subtils, se guerit volontairement par les seuls medicamens discussifs, d'où si quelquefois elle ne se guerit, & que le mal continue, il faut toujours craindre qu'elle n'ait esté engendree, ou des pires lues, ou pirement bilieux ou meslez de sang, lesquels nullement affermis sur le cuir, mais offensants la chair plus profondement, ou la rongent ou la corrompent, ou amènent putrefaction, ou mauuaise suppuration: De sorte qu'il ne faut pas seulement venir en la cure, aux medicamens dessicatifs: mais aux caustiques, & au feu mesme, comme on le tient de Corn. Cel. liure 5. chap. 29. Cecy est dōc mauuais, & comme cause, & comme signe, lors que la suppuration ou pourriture suivent l'erepèle: partant cet Aphorisme est vtile comme le precedent.

G A L I E N.

CEt Aphorisme est clair de soy,
par lequel Hipocrate entend
parler des accidens & symptomes
qui arriuent aux creſipeles ma-
lins.



APHORISME XX.

DV V. LIVRE.

Vlceribus, frigidum quidem mordax, cutem obdurat, dolorem insuppurabilem facit, liuorem obducit, rigores febriles, conuulsiones, distentiones.

Aux vlceres le froid est mordicant, endureit la peau, faict vne douleur insupurable, ameine vne noirceur ou liuidité à l'entour, apporte des rigueurs, fieures, conuulsions, & distentions,

COMMENTAIRE.



HIPOCRATE s'est tellement pleu par tout de l'usage du chaud & du froid, & du nom qu'il a inuenté luy mesme, & diuulgé en son liure des

humeurs naturelles, que toutesfois & quantes qu'il tombe sur ce discours, il ne peut (comme ont dit) retirer sa main du tableau, & cela se peut facilement entendre au present traité, là où il montre les effects du froid immoderé & importun, entre lesquels pourquoy il en conte quelques-vns, dont il auoit nagueres parlé, ie le diray cy-apres: car Hipocrate n'a point accoustumé de repeter aucunes choses, sans quelque raison. Or la sentence est à la verité vn peu longuette, qui concerne la pratique: mais sans diuision de demonstration (*Aux vlcères*) Hipocrate vse communement du nom d'ulcere en ce lieu: mais non pas en toutes maladies, comme nous auons dit qu'autrefois il a vse ailleurs de ceste diction indifferemment: mais selon qu'elle embrasse tout ce que proprement on nomme ulcere, que la playe mesme qui est vne diuision de la chair, en laquelle, veu que la chair est despoüillée du cuir, elle s'expose facilement aux iniures (*Mordicant.*) Galien fait le mordicant de deux sortes, l'vn qui s'appelle ainsi proprement: mais l'autre

par quelque ressemblance, cestuy-cy s'appelle proprement, qui s'estant pris au cuir l'offense incontinant, & qui est tousiours chaut ou subtil, ou du moins fort chaud. Or le mordicant par ressemblance est celuy qui, ou en esteignant la chaleur naturelle, ou la desséchant trop, altere la chair, & se peuvent estre aussi choses froides, soit ou l'air ou quelque cause séblable, pour lesquelles nous deuons tousiours garder du froid les parties vlcerées, ainsi auons nous accoustumé de dire que le froid brusle par ressemblance, d'où Virgile a dict, *Boreæ penetrabile frigus adurit*, ainsi voyons nous que les yeux quelquefois picquez d'un air froid, & aspre; iettēt des larmes, comme tesmoigne Aristote en ses problemes: de meisme en font les oignons, lesquels estants tres-chauds, en mordant les yeux leur attirent des larmes: car Aristote à la 20. section, probleme 22. demandant pourquoy certaines choses mordicantes, ne font pas pleurer, si on ne les mange, comme le cresson, pourquoy les autres mangées & approchées font pleurer comme les oignons, & les

autres n'attirēt les larmes en aucune façon comme l'origan. Il respond que les choses veritablement mordicantes doivent estre chaudes, humides, & lentes, & partant pleines de vapeurs comme l'oignon, lequel pour ce sujet mangé, enuoye des vapeurs aux yeux, & lequel estant approché s'attache, & pour ceste cause prouoque les larmes, au contraire l'origan ne iette point des vapeurs, & ne s'attache point. Quant au cresson il enuoye des vapeurs : mais il ne s'attache ou n'adhere point ; c'est pouquoy il na'tire les larmes qu'apres qu'il est mangé : mais l'huile approchée, les prouoque, à cause qu'elle adhere & mord. (*il endurecit le cœur à l'entour*) Galien parlant des choses qui endurecissent au cinquiésme liure de la faculté des simples medicaments, chapitre cinquiésme, disoit que les choses qui s'endurecissent souffrent cet accident, ou de siccité, ou de concretion, ou de trop grande repletion, ou de la concurrence de toutes, ou de plusieurs. Or maintenant le froid endurecit, & à cause qu'il esprint l'humidité, & à cause qu'il congele,

comme nous voyons en huiuer l'eau froide, ou autre chose froide ne pouuoir pas, comme dict Galien, tellement penetrer le cœur qui se porte bien, qu'elles le mordent: mais s'arrestant sur le cuir elles resserent la substance, & la congelent: de sorte qu'il deuient dur, & a dict Hipocrate à bon droit, endurecit à l'entour, à cause que le froid s'entend seulement en la superficie, non pas plus auât, vëu que luy mesme se coupe le chemin de passer outre: Et certes lors que Galien attribuë ses effets à l'eau froide, ie ne croiray iamais qu'il aist voulu dire que ceste qualité n'appartinist qu'à elle seule, mais à d'autres aussi, sçauoir à l'air aux medicaments, & autres semblables: jaçoit qu'au liure de l'usage des choses humides, ou se trouue la mesme sentence, Hipocrate semble parler du froid, comme il a faict icy aussi. Or vn doute suruient, sçauoir si le froid endurecit aussi l'intetieur; car Hipocrate ne l'asseure icy que du cuir seulement, au reste au sixiesme de l'epidem. section 5. texte 26. il dict que la refrigeration endurecit aussi les choses qui sont dans le

ventre, ce qui se prouue par l'experience, veu qu'en hiuer les excremens s'endurcissent. Il faut respondre qu'immediatement rien ne se peut endureir au ventre par le froid : car il ne peut estre si grand qu'il face cela dedans comme dehors : mais il fait mediatement comme Galien le declare en ce lieu, sçauoir que l'anús estant restreint par le froid, les excremens sont retenus dedans, lesquels retenus tandis que les parties plus subtiles se consomment les terrestres qui y sont demeurees, ne s'endurcissent pas autrement que les pierres en la vessie : de sorte que ce n'est pas menterie que quelques-vns ont ietté par les intestins des troussaux de pierre, comme ont remarqué Forestus & Schenchiús en ses obseruations, (*Fait vne douleur insupportable*) La douleur ne se dict pas veritablement souffrir suppuration : mais c'est la matiere mesme, qui sert à la suppuration. Or d'autant que cest Aphorisme est ainsi cité de Galien au premier du comment. sur le liure des articles, & que Philothee le lit de mesme : aussi il faut expliquer ce que veut

dire Hipocrate, que le froid en restreignant, en dissolvant & mordant, faict la douleur : mais non pas celle qui a accoustumé de suyre la suppuration, & de laquelle parloit Hipocrate au deuxiesme liure des Aphorismes au 45. quand il a escript que les douleurs se font plus grandes, tandis que le pus se forme, qu'apres qu'il est formé : mais la douleur qui prouient de la seule mordication, empesche plustost qu'elle n'augmente la suppuration : car veu qu'en toutes vlceres il y a certaine partie contuse, il faut que necessairement elle vienne à suppuration. Or les suppurans, comme dit Galien au cinquiesme des simples medicaments, doiuent estre chauds & humides, & qui bouchent, d'où le froid à cause qu'il chassé l'humidité, & diminue la chaleur naturelle : il est certain qu'il empesche la suppuration, & que la douleur qu'il fait n'est nullement suppurante, mais qu'elle endurecit le cuir, & les levres des vlceres à l'entour (*Noircisseures*) Si toutes ces choses ne s'attribuent aux vlceres; à peine se peut-il faire qu'hipocrate ne semble superflu,

à cause qu'au dixseptiesme Aphorisme, parlant pareillement des effets du froid, il a dit que le froid faisoit *μλασμός*, c'est à dire des noirceurs, & l'a enseigné en cet endroit vniuersellement. Or maintenant il parle seulement des vlceres, à qui le froid a noircy non seulement les bords, mais aussi les vlceres mesmes; & cela est veritable, à cause que le froid congele le sang, d'où s'ensuit la noirceur, & esteint les esprits qui viuifiēt les parties, ou du moins les chasse de la partie: Quant à ce que j'ay dit de la noircisseure ou denigration, il faut aussi entendre la mesme chose quand à la rigueur de la fièvre suruenue en tel accident, & de la conuulsion & de ce qu'on appelle *Tetanus*: mais pourquoy Hipocrate a-il voulu repeter cecy des vlceres, veu qu'il en a plus amplement parlé cy-dessus? c'est à cause qu'extremement versé es operations de Chirurgie; il a remarqué le froid fort ennemy des vlceres, & en ceste consideration il a voulu admonester le Medecin, particulièrement qu'il auisast en la cure de tous les vlceres & playes à se donner bien garde

des medicamens froids en puissance, & principalement en effect; precepte qui sert aussi pour ceux, qui vsans imprudemment des medicamens refrigerants & repercussifs, tant dedans & dehors aux inflammations & crespelles, ils donnent par ce moyen occasion aux Scyrrhes de se former ou laisser des tumeurs, qui difficilement se peuuent guerir, ce qui donne à cognoistre combien est grande l'vtilité du present Aphorisme, principalement à la guérison des vlcères, & aussi pour les autres accidents du froid qu'il faut esuiter, jaçoit que cela ne profite pas peu aussi pour deffendre & preserver les parties saines: car Galien mesme au quatriesme des simples medicaments, a confessé auoir tant en temps serain que neigeux, le vent soufflant, enduré vne notable mordication aux yeux, & en toute la face: & ne faißt rien qu'Aristote ait dit à la troisieme section, probleme vingt-troisieme, que les yeux n'endurent pas grand froid; & au huitiesme, probleme sept, que nous herissons esgallement, ou de l'eau trop

chaude, ou trop froide que l'on iette sur nous, à cause que comme dit Platon, au Timee cela n'aduient, à raison du feu, duquel les yeux sont composez: mais d'autant comme cela n'est pas incompatible, que diuers effects sortent diuerſement d'une meſme choſe, diuerſement affectee; ainſi n'est-il pas abſurde & hors de propos que les yeux, bien que froids & humides, à cause de la quantité de la greſſe qui les couure, ne ſoient point offenzeſ du froid exterieur, & qu'à raison de l'eau froide iettee, leur chaleur ſ'eſteigne, & que par l'eau chaude le froid ſe retire au dedans; ſi bien qu'en l'une & l'autre maniere, l'horreur ou heriſſement puiſſe aduenir.

GALIEN.

SI nous vsons du propre mot, le Schaud est mordicant : mais à la ressemblance du sens, l'eau est aussi nommée mordicante, non lors qu'elle tombe simplement sur le cuir entier, mais quand il est vlcéré & entamé : car en ce qu'il doit devenir mordicant, il faut qu'il penetre la substance de ce qui doit estre mordu, ce que l'eau ne scauroit faire sur le cuir, qui est en son habitude naturelle, d'autant que le cuir est plus espois qu'il ne convient à sa substance : mais quant aux parties vlcérées, comme celles qui sont plus rares, le froid peut penetrer par leur substance, se coulant au profond. Or a on discoursu plus amplement de la nature des

mordicans éś liures de la faculté des simples medicaments : le froid est donc mordicant aux patties vlcerées : quant aux entieres, il n'est pas mordicant : mais il endurecit le cuir, espoississant, ou condensant sa substance, & cause à la verité vne douleur insupurable, refroidissant la chaleur qui meinc les vlceres à suppuration, & empesche que les choses qui causent la douleur ne s'y euaporent. Quant à ce qui suit ce sont choses qu'il a desia dites, touchant les liuiditez, rigueurs, fieures, conuulsions, & distentions.

ANNOTATIONS SUR LE Commentaire de Galien.

AV premier, Galien enseigne que la mordication se fait proprement de chaleur : mais au quatriesme liure de la faculté des simples medicaments, il monstre la difference entre

la mordication du chaud & du froid, que pour la ressemblance du sentimēt, en la mordication faite du chaud, & celle qui est faite du froid, l'eau froide s'appelle aussi mordicante; De sorte que par le froid Galien semble eniēdre icy l'eau froide: mais entendons que l'eau froide est mordicante lors qu'elle tombe sur le cuir vlcéré.

Au second il apprend que ce qui est mordicant doit peneirer & entrer dans la substance de ce qu'il mord, ce qui ne se peut de l'eau froide sur nostre cuir s'il n'est vlcéré: mais lors qu'il est vlcéré le froid peut entrer par la partie de l'ulcere, qui est beaucoup plus molle que le cuir, & apporter nouvelle situation & forme, & d'oū aussi s'engendre la mordication.

Au troisiēme, Galien conclud que le froid est mordicant aux parties vlcerees, & qu'aux non vlcerees, c'est à dire entieres, il n'est pas mordicant; toutesfoi comme nous apprend Galien au 4. liure des simples medicaments au 1. chap. que le froid est aussi mordicant aux parties non vlcerees: mais plus molles, car le froid mord les yeux & les narines.

Au quatriēme, il enseigne que le cuir devient plus dur par le froid, qu'il espoissit sa substance, & resserre les pores.

Au cinquiesme, il rend la raison pourquoy

le froid fait la douleur insupportable, insupportable à la verité, à cause qu'il refroidit la chaleur naturelle, l'office de laquelle est d'amener les vlcères à supuration. Or il fait la douleur, parce qu'il empesche que les vlcères n'euaporent les humeurs nuisibles, & par conséquent les parties s'estendent, & la douleur survient.

Finalemēt. il infere que tout ce qui suit comme liuiditez, rigueurs de fièvres, conuulsions, & distentions, n'est qu'une repetition d'Hipocrate, qui en a discouru au 17. Aphorisme les exposant au mesme liure.



APHORISME IIII.

DV VI. LIVRE.

Vulnera circumglabra, prava sunt.

Les playes chauues, & qui n'ont point de poil à l'entour, sont malignes.

COMMENTAIRE.



Ncor que nulle autre chose ne monstrest cet Aphorisme cy estre d'Hipocrate, le caractere de la diction & la merueilleuse briueté de laquelle il a accoustumé d'vser d'ordinaire, le decouure entierement : mais comment que ce soit, l'intention d'Hipocrate est d'enseigner ce qu'on doit prognostiquer des vlceres lors qu'une priuatiõ de poil se voit aux enuiron (Chauues à l'entour.)

La

La mesme sentence se trouue au 6. des Epid. & en la section 8. Aphorisme 2. & suit incontinent le precedent ; Ce qui peut estre vn argument de continuatiō. Or il se lit en trois façons : car quelques liures ont *μαδάδια*, d'autres *μαδάνεα*, d'autres *μαδάρα*, & cette derniere lecture semble preferable aux autres, à cause qu'Eroscian le lit ainsi, prenant vn indice de ces deux passages : car la diction *μαδάρος*, signifie pierre & chaune, ce qu'Hesichius appelle *ἀσπίς*, & *μαδός*, c'est à dire où les cheueux sont clairs & deliez. Or Eroscian appelle tels vlceres *ἀπφα*, *αὔπφα*, *αἰόματα*, mais sans doute il faut lire *ἄφρα*, comme s'il disoit vlceres sans suc & inegaux. Au reste Galien descriuant ceste chose en son commentaire dit, *où au lieu ou les poils tombent d'alentour des vlceres*, ou bien, *où le cuir iette insques en la superficie de petites escailles*, sçache quand les choses se passent ainsi que les malignes humeurs coulent dans l'ulcere & qu'il est fort exedant ou corrosif : car il ne peut corrompre les racines des poils, & ensemble permettre que la partie vlcerée vienne à cicatrice ; desquelles paroles on recueille

que ce sont les vlceres nommees *κακοήδεις*, auxquelles les parties circonuoisines pelues sont denuees de leurs poils, à cause des humeurs malignes qui y fluent. (*Maligne.*) La diction *κακοήδεις*, vsurpee és vlceres embrasse diuers moyens de malignité : car quelquesfois elle signifie ceste sorte d'ulcere que l'on ameine difficilement à cicatrice, quelquesfois celuy qui s'engendre avec les maladies malignes & pestilentes : mais le plus souvent cest ulcere qui se fait des humeurs mauuaises & malignes, comme aussi Hipocrate a accoustumé de nommer les erisipeles malins, *cacoetes* ; Desorte que Galien a dit avec la verité au 4. de la Meth. chap. 2. que les vlceres se nommēt cacoêtes en deux façons, ou à cause de leur intemperie, ou à cause de la malignité de l'humeur qui y coule. Or sur ceste sentence quelques choses se presentent dignes de consideration. La premiere si la cheute des poils sans ulcere se peut dire maligne : car le plus souvent apres de grandes maladies, & apres la verole la teste demeure sans poil. Et Aristote aussi au liure de l'hi-

stoire des animaux chap. 2. & au 4. des Prob. 19. Probl. disoit que les sourcils tombent à ceux qui sont trop adonnez aux femmes: L'autre consideration est, si la depilation ou perte de poil se peut faire de la seule mauuaise intemperie seche, laquelle donnant vne rareté au cuir fournit d'occasion à la cheute du poil (la troisieme & derniere consideration, c'est pourquoy Hipocrate a laissé cest Aphorisme à la posterité: car ce qu'Hipocrate puisoit des liures Epidem. par ses longues experiences faites, & qu'il reduisoit en Aphotismes n'est pas à mespriser. Quant à la premiere, il faut dire que la cheute du poil est ou naturelle, comme la chauueté, ou causee de maladie. La premiere n'est iamais maligne, iacoit qu'elle arriue plustost aux vns qu'aux autres; Or celle qui procede de maladie est encore douteuse, ou qui suit les vlceres, ou autres maladies: celle qui suit les vlceres est tousiours maligne, à cause qu'elle se fait de mauuaises humeurs & corrosiues; Quant à celle qui suit les autres maladies, comme verolle, fieures malignes & pestilen-

tes, elle est aussi en partie maligne, en partie non, elle est maligne selon qu'elle se fait de mauuaises humeurs, & que quelquesfois le poil ne reuiet pas, elle n'est point maligne en ce qu'elle est sans peril, comme quand la cheute du poil se guerit à la naissance des varices: ainsi que disoit Hipocrate au 6. des Aph. 14. & Aristote en ses Problem. Celle là se doit nommer maligne, qui se fait de mauuaises humeurs. Iacqoit que non erodentes ou corrosiues, sçauoir du suc melancolique, qu'Hipocrate nomme farrouche & indomptable, bien qu'il se guarisse à la seule naissance des varices; Quant à la seconde, i'estime qu'il faut dire que la cheute du poil se peut veritablement faire de la seule intemperie seche, comme en ceux qui sont tombez en marasme, & à ceux qui sont prests de mourir; Or telle cheute de poil ne se peut veritablement pas dire maligne, veu qu'elle ne prouient ny de cause, ny d'humeur maligne: mais du seul defect de l'humidité; C'est pourquoy Hipocrate dit au 4. Aphorisme qu'elle prognostique la mort prochaine, nous pou-

uons dire que la cheute du poil prouiet de siccité, qui cause vne luxure immoderee, par laquelle Aristote dit au 4. des Problemes 28. & 2. que le corps est refroidi & desseché, & que pour se suiet les yeux & les fesses s'abaissent à ceux qui vsent trop du coït; En fin quelle intention a eu Hipocrate en l'Aphorisme proposé, à peine le voit-on d'abord: mais si on l'examine plus auant il n'est pas croyable qu'il ait laissé ceste sentence si bricue pour neant. De ma part j'estime que son dessein fut de monstrier aux medecins le chemin qu'il faut tenir en la cure de semblables vlcères, s'entéd qu'il n'y faut pas procéder par la saignée: mais par remedes avec lesquels on combat l'intemperie Or sont-ce principalement le bon regime de viure, par lequel les bons suc s'engendrent, & les mauuais se corrigent aucunement; la purgation aussi par les medicaments qu'Hipocrate & Galien ont enseigné, qui conuiennent à la cacochimie; De là donc se manifeste l'vtilité de l'Aphorisme, non seulement à la cure des vlcères qui depilent les parties d'alentour:

mais aussi à guérir la cheute du poil
mesme qui se fait par la malignité des
humeurs, laquelle encore que nous
ayons dit ne se guérir que par les seuls
medicaments purgatifs, la saignée ne-
antmoins y sert quelquesfois, sçavoir
quand pareille cacochimie est meslee
avec le sang, laquelle par consequent
fort aussi avec le sens.

G A L I E N.

QUand l'on s'apperçoit que les
poils qui sont à l'entour de
l'ulcere viennent à tomber, ou
bien qu'il s'engendre à l'exterieur
du cuir des croustes en forme d'es-
cailles, l'on doit estre asseuré que
cela s'engendre par vne quantité
de mauuaises humeurs qui affluent
en la partie, & qui entretiennent
l'ulcere en sa virulence; car il ne se
peut faire que les vlceres soient

amenez à cicatrice, tandis que
celles humeurs descendantes sur
la partie, rongent & mangent la
racine des poils pour en procurer
la cheute.

INNOTATIONS SUR LE Commentaire de Galien.

Galien rend la cause pourquoy Hippo-
crate a dit en cet Aphorisme que les ul-
cres chaudes & denuez de poil à l'entour
estoyent malings, là où il adionste encore vne
circonstance quand au mesme cuir d'alentour
d'ulcere, l'on void des croustes s'essleuer en
forme d'escailles : & cela arrive, dit-il, à
raison des mauuaises humeurs qui affluent en
la partie, lesquelles si elles ne sont tariées &
diurées, il est impossible que l'ulcere soit
amené à cicatrice.



APHORISME XLV.

DV VI. LIVRE.

*Vlcera quacumque annua sunt , au-
etiam diuturniora , os abscedere est neces-
sarium , & cicatrices canas fieri.*

En tous les vlceres qui sont d'un an , ou de plus long temps , il est necessaire que l'os abscede & se le- pare , & que les cicatrices deui- ent creuses.

COMMENTAIRE.



ET E sentence est du tout pronostique & chirurgique, par laquelle Hipocrate en- seigne ce que nous devons iuger des vlceres inueteres. (*Les vlceres d'un an*) Que c'est qu'vlcere, cea est assez manifeste, comme aussi que c'est

qu'vlcere d'un an, & de plus long temps
ſçauoir qui ataignent ou paſſent vn an.
Combien il y a de ſortes d'vlceres, Ga-
lien l'enſeigne tres-abondamment au
commentaire, où il eſcrit en premier
lieu, que tels vieux vlceres demeurent
ainſi, ou pour ne pouuoir iamais eſtre
amenez à cicatrice, ou ſi d'auanture on
les ameine, ils s'ouurent de rechef, &
que cela aduient aux erreurs des Medecins,
ou par celuy des malades meſmes,
où s'il n'y a point d'erreur, que cela ſe
fait, ou à cauſe de l'abondance des mau-
uiſes humeurs qui tombent ſur la par-
tie, ou à cauſe de la mauuiſe diſpoſition
acquiſe à la partie affectee, par la fluxion
des mauuiſes humeurs, ou à cauſe de la
carie de l'oſ corompu en ce lieu, tels &
ſemblables accidens cauſe de ces vlcere-
res, qui s'appellent ſimplement d'un
nom commun *δυσίατα*, lors qu'ils vien-
nent à ſ'acroiſtre & ſ'empirer iournal-
lement: les anciens ont accouſtumé de
les appeller *φαιδαγεναι*, phagedenes, aus-
quels les autres modernes, & qui ſont
venus, depuis ont impoſé d'autres
noms: au demeurant tous les vlceres

qui comme dit Galien , rongent les parties circonuoinnes, sont sans putrefaction, ou avec putrefaction, s'ils sont sans pourriture, ou ils rongent seulement la superficie du cuir, & se nomment simplement *τὰ ἑρπητα* herpetes, c'est à dire rampās, ou rōgent aussi la chair la plus profonde, & se nōment propremēt *φάγεδα*, phagedenes, si elles sont sans pourriture, mais avec grāde inflāmatiō, l'antrax ou charbon se fait, qui est vn vlcere plein de croustes & escharres, avec embrasement, que s'il se fait avec putrefaction l'on l'appelle vlcere rongeant ou corrosif, duquel escrit Galien, que ce n'est pas vn propre genre d'vlcere, mais que c'est vn certain composé de l'vlcere & de la pourriture, veu que souuent la putrefaction aduiert sans vlcere. Or maintenant les vlceres desquels traite icy hipocrate sont, comme veut Galien, ceux là qui aduiennent sans les qualitez susdites, & qui pour ce suiect se nommoient simplement des anciens vlceres : Au reste, veu que la chose se passe ainsi, il faut voir certains points pour vne plus facile & meilleure intelligence

de la sentence proposee, sçauoir qu'il n'est pas aisé de trouuer ailleurs dans Hipocrate, pourquoy il a donné vn an aux vieux vlceres, veu que les autres maladies sont nommees longues apres le quarantiesme iour. Le second, quelle necessité il y a, pour laquelle l'os qui est dessous l'ulcere se corrompt, de sorte qu'il s'en separe de necessité ; Le troisieme, pourquoy l'os separé, il faut que necessairement les cicatrices qui s'en ensuiuent demeurent caues. Quant au premier, il faut dire que la raison des vlceres est differente de celle des fieures & d'autres maladies, d'autant que si les vlceres reuiennent par l'imprudence de ceux qui les traitent, ils ont accoustumé d'estre comme esgouts, par lesquels les excremens du corps s'esuacuent & cestuy-cy est exempt d'autres indispositions, comme il apparroist és canteres qui sont totalement vlceres : & tant s'en faut qu'ils nuisent par la longueur, qu'au contraire le plus souuent ils aydent beaucoup à la santé, & cela ne se trouue point aux autres maladies, qui vsent plustost les corps que de les con-

seruer : puis donc que la chose est telle, ce n'est pas de merueille si Hipocrate a escrit que les vlceres duroient vn an & d'auantage sans estre nuisibles. Or pourquoy ils durent tant comme ie disois, tantost apres Galien, ou c'est à cause que la matiere fluë continuellement d'ailleurs, par laquelle la partie vlcerée estant renduë molle ne se peut amener à cicatrice, qui est vne œuvre de la seule siccité, comme disoit Galien au troisieme & quatriesme liure de la methode, & hipocrate au liure propre des vlceres, ou c'est qu'il y a quelque defaut en la partie vlcerée, qui ne luy permet point de s'vnir & desseicher. Or tel vice ou deffaut est vn cal comme aux fistules, lesquelles pour ceste raison sont de tres-longue durée, ou c'est la mauuaise intemperie, pour laquelle la coction de la nourriture de la partie empeschée, produict des excremens humides qui s'opposent à la desiccation & vnien, ou consolidation d'icelle ; de façon qu'hipocrate ne rapporte pas mal à propos les vlceres d'vn an. Le second point estoit quelle necessité il

y a pour laquelle il faut qu'és vlceres d'un an l'os s'escaille, cōme cela est aussi demonstřé par luy-mesme au liure de l'art & des fractures, ce que pour estre entendu il faut suposer cecy, que devant les autres Hipocrate parle des vlceres qui ont les os scituez fort proches d'eux, de faon qu'ils sont desnuez ou corrompus en quelque sorte, à cause du voisinage; car les vlceres des poulmons, du foye, des reins, ne sont pas de ceste sorte. Or la cause pour laquelle il faut necessairement que l'os se separe ou s'escaille, est d'autant que si les os sont atteints de l'air, estant comme desnuez, & pourueus de fort peu de chaleur; il est tres-malaisé que du moins ils ne se corrompent en la superficie, laquelle corruption, veu qu'elle ne peut estre corrigee: s'ensuit, qu'ou la nature, ou l'art separe la partie corrompuë de la saine, bien mesme qu'il soit corrompu d'un suc vicieux qui l'auroit touché. Or maintenant, lors que l'ulcere se guerit parfaitement: (car Galien veut qu'Hipocrate parle d'un tel ulcere, & qu'il soit grand, mais non pas comme

ce qu'on appelle cautere) il est totalement necessaire, ou qu'il se guerisse devant vn an, ou qu'estant au dessus de l'os voisin, finalement il le descouvre, ou du moins à cause du voisinage qui le gaste, de sorte que nature soit necessairement contrainte de separer la partie corrompue de la saine. Quant au troisieme, ce n'est pas chose difficile d'en rendre la raison, d'autant que les os sont fabriquez pour soustenir les nerfs, arteres, veines, & principalement la chair, en quelque partie que les os sont defectueux & manques, necessairement les parties soutenues d'iceux s'abaissent & descendent iusques à ce qu'elles trouuent autre chose sur quoy s'appuyer & soustenir: mais l'experience semble estre au contraire, veu que iournellement on remarque que mesme sans separation de l'os les vlceres deuiennent caues, & que tout au rebours vne chair croist au dessus; de façon que la cavitè des os separez se remplit: à quoy on doit respondre qu'il aduient quelquefois que la partie vlceree, bien qu'elle ne perde aucun os, les veines neant-

moins se perdent , & y demeure vne mauuaise habitude , qui ne permet pas à la partie de regenerer autant de veines & de chair qu'il en faut, pour remplir le lieu vuide , comme il estoit auparauant. De rechef il aduient au contraire que l'os estant separé , il demeure tant de chaleur , & de veines qu'elles peuvent fournir de chair spongieuse du moins, ou mesme saine, qui suffit à remplir la cavit   du lieu , & par consequent    regenerer le cuir ; car Aristote    la dixiesme partie , probl. 29. rendant la raison pourquoy    cicatrices des cheuaux & des asnes les poils renaissent, non pas en celles des hommes, escrit , que le cuir de l'homme est comme certaine propri  t   de la chair, laquelle fort changee en vne playe, ou en vlcere, ainsi aussi est-elle de necessit   priv  e de ses anciennes qualitez , entre lesquelles estoit l'  mission du poil : cet Aphorisme est vtile principalement pour le pronostic: mais aussi pour ordonner de la cure ; car par luy on apprend qu'ou l'vlcere ne se guerit dans vn an, qu'il ne le faut pas amener    cicatrice que l'os ne soit   -

caillé : mais qu'on doit descouurer l'os, s'il ne s'est volontairement descouuert, & à lors avec vn fer rouge, ou avec medicaments fort dessicatifs l'escailler: ce qu'estant faict il faut apres venir à la parfaicte guerison de l'ulcere: car ainsi faisant, l'art imitant la nature operera bien.

G A L I E N.

EN tous vlceres qui demeurent long temps en quelque partie, ou la cicatrice ne se pouuant faire, ou lors qu'elle est faite suiette à se r'ouurer, bien que les Medecins n'obmettēt riē de ce qui est requis à la cure : Il faut de necessité, ou qu'à cause de la fluxiō des mauuais humeurs, ou qu'à cause de quelque indisposition aturee à la partie par la fluxion des mauuais humeurs, ou à cause de la corru-

ption de l'os en ce lieu, tels vlcères
soient difficiles à guerir : de sorte
done qu'ils s'en faiēt de plus grands
& pires vlcères que les anciens
nommoient tous phagedenes, c'est
à dire rongeantes. Or les moder-
nes ont aduisé de les distinguer,
imposant à chacun d'iceux vlcères
son nom particulier, appellants les
vns Chironiens, d'autres Tele-
phiens, & quelques-vns Phagede-
nes. Or nous suffiroit-il de nom-
mer aucuns d'eux qui occupent le
lieu circonuoisin herpetes, c'est à
dire rampants, lors qu'ils occupent
seulement la superficie du cuir, &
les autres Phagedenes qui corró-
pent la chair au dessous d'eux ; car
l'ulcère qui se nomme putride &
corrois de quelques-vns n'est pas
vne propre difference d'ulcère,
mais vne maladie impliquee d'ul-
cère & de pourriture. Or sçauons-

nous que mesme sans vlcere la pourriture se forme d'elle-mesme en plusieurs parties du corps: on appelle anthrax, c'est à dire charbon vn vlcere escarotique, auquel se ioin& vne grande ferueur, ou inflammation des parties d'autour: ces vlceres-cy donc ont eu chacun leur nom particulier, à sçauoir anthrax, phagedene, & herpes. Quât à tous les autres vlceres qui aduién& sans les susdicts accidents, les anciens auoient accoustumé de les nommer indifferemment vlceres, desquelles parle maintenant Hipocrate, enseignant deux particulièrement, que de quelque qualité qu'ils soient ils tirent en longueur. Or l'experience semble se conformer à la raison, & souuent plusieurs de semblables vlceres, apres auoir esté par vn long temps amenez à cicatrice, s'enflament de re-

chef, & se rouurent leur cicatrice rompuë. Or cecy aduient pour quelque semblable cause, à lors que par l'application des medemens, la chair qui est au dessus de l'os entamé desseichee a faict la cicatrice, & qu'incontinent la santé semble restituée : mais de rechef peu à peu quelque sanie venant à couler de l'os corrompu au plus profond de la partie, l'inflammation reuient de nouveau, & la generation du pus la suit, duquel la cicatrice est rongee, & la chair ulcerée ; quelle est donc la guerison de telles vlcères, nulle autre, certes que celle qu'a descrite Hippocrate en son liure des vlcères, & qu'il a demonsté ailleurs ; car il faut desseicher tous les vlcères, principalement ceux esquels l'os endure. Or la borne de la dessication est à la separation de la par-

tie corrompuë de l'os ; partant n'est-ce pas sans raison, s'il aduient que les cicatrices demeurent aussi caues que l'absçès a eu d'espoisseur.

ANNOTATIONS SUR LE Commentaire de Galien.

AV premier, Galien donne trois causes qui retardent la cicatrice aux vlceres, pourueu qu'il n'y ait point eu de la faulte des Medecins, l'une est la fluxion des humeurs corrompus, l'autre l'indisposition attirée à la partie par fluxion des humeurs, la troisieme quelque passion ou alteration de l'os en icelle partie.

Au second, il enseigne que tous les autres vlceres demeurent plus grands & pires, que les anciens nommoient d'un nom general Phagedenes; c'est à dire rongeurs; mais les modernes ont inuenté des noms curieux, les distinguans en especes, sçauoir en Chironiens, Telephiens, & Phagedenes.

Au troisieme luy mesme apprend qu'il suffit de les nommer par les circonstances du lieu qu'ils occupent, de façon que quelques vlceres

lors qu'ils sont à la superficie de la peau se nomment herpetes, c'est à dire rœmpants, les autres phagedenes, qui corrompent la chair au dessus d'eux; car l'ulcere putride & rongeant n'est pas vne propre difference, mais vne maladie impliquee d'ulcere & de pourriture, veu que la putrefaction mesme sans ulcere se met en plusieurs parties du corps; car l'ulcere est avec solution de continuité, ou parfaicte, ou imparfaicte: mais la pourriture est le plus souuent en quelque partie du corps, sans aucune solution de continuité, partant la pourriture est vne indisposition à l'entour de l'ulcere, mais non pas vne vraye difference d'ulcere; iacoit que les ulceres se distinguent quelquefois par putrides & non putrides.

Au quatriesme pour affirmer ce qu'il a dit, sçauoir que la pourriture n'est pas vne difference d'ulcere, mais certaine indisposition autour de l'ulcere: il dit aussi que l'anthrax, c'est à dire charbon, est vne ulcere escarreux, auquel s'adioint vne grande ferueur, ou inflammation des parties circonuoisines, comme la pourriture se ioinct aux ulceres corrosifs.

Au cinquiesme, il inferre que ces ulceres, sçauoir l'anthrax, phagedene, & herpes, ont chacun leur nom particulier: mais que les autres

ulceres qui restent avec ceux-cy, sont ceux desquels parle maintenant Hipocrate, & que les anciens nommoient simplement, sans adiouster autre distinction, ulceres, & ce sont ceux qui durent long temps. Ce qui ne se manifeste pas seulement par la seule raison : mais se peut aussi prouuer par l'experience, veu que plusieurs de ces ulceres venus à cicatrice, s'enflamment, & s'ouurent de rechef, leur cicatrice s'estant rompue: le mesme aduient, s'il y a corruption en l'os, & lors que la cicatrice a esté faicte par medicaments dessicatifs, la santé ayant semblé reuenir à la partie : mais certaine sanie provenant de l'os corrompu se coule dans la chair, qui fait nouvelle inflammation, & le pus s'engendre, par lequel la cicatrice est rongee, & la chair ulcerée de rechef.

Finalement il demande quelle est la guérison de telles ulceres, & respond que c'est celle qu' Hipocrate met au liure des ulceres, & que luy mesme monstre au troisieme liure de l'art de guerir; car tous ulceres se doiuent desseicher, & ceux principalement esquels l'os est offencé, & la borne de la dessication est que la partie corrompue de l'os soit separée, & que partant ce n'est pas sans raison que les cicatrices demeurent aussi caues, que l'os separé a eu d'espoisseur.

APHORISME XXI.

DY V I. LIVRE.

In insanientibus si varices, vel hemorrhoides superuenerint, insania solutio.

Si les varices & hemorrhoides suruiennent aux furieux & phrenetiques, la furie & phrenaisie s'en va.

COMMENTAIRE.



N cest Aphorisme le dessein d'Hipocrate est d'enseigner aux medecins par quel moyen ils doiuent salutairement imiter la nature, & ce que par fois les maux extremes peuuent prognostiquer de bon par l'effusion du sang qui tombe de son lieu naturel en vn autre. Car l'Aphorisme est veritablemēt prognostic : mais aussi curatif. (*Aux mania-*

ques ou phrenetiques.) Celse au 1. liure ch. 8. semble auoir voulu transporter ce passage lors qu'il a escrit: *Mais la varice aparue, ou vn flux de sang par l'orifice des veines, ou des trachees & douleur de ventre emportent la manie*, auquel lieu toutesfois la diction de trachees qui ne se trouue nullement, est adioustee, Galien en son comment dit qu'hipocrate icy sous le nom de manie entend certaine melancolie, comme il la prend souuent en mesme signification aux Coaques. Or encor que ce que dit Galien ne soit pas inutile à Hipocrate, ie n'estime pas toutesfois que cette melancolie ne s'entende que de ceux qui sont veritablement maniaques: mais aussi de plusieurs autres maladies de la teste, que l'experience iournaliere monstre qui sont gueries par le premier abscez suruenant aux parties interieures, comme aussi l'a signifié Hipocrate au 2. des Epidem. Partant soit que nous l'entendions ou de la melancolie, ou de la manie, sans doute que la varice & les hemorroides suruenues allegent le mal, neantmoins lors que les furieux ou maniaques ont du
tout

tout perdu l'entendement, les hemorroides ou autres secours naturel ne les allegēt aucunemēt. (*Par les varices*) Que c'est que varice Galien l'explique au commentaire, mais affin que nous voyons succinctement toute la nature des varices & leurs causes, il faut premiere-ment sçauoir que ceux qu'Hipocrate nomme icy κίρσις, & que les Atheniens appelloient κίρσις, sont nommez *κίρσις*, par Aristote au 4. liure des Probl. Probl. 21. & au 6. Probl. 3. & aussi en l'histoire des animaux chap. 2. & ailleurs, mesme Galien escrit en l'exposition des langues qu'Hipocrate les nōme ainsi quelque-fois, ce qui se peut aussi voir dans Pol- lux, Hesichius & autres, & Dioscoride les a aussi nommez apres Hypocrate au second des Proerhet. *Βότρυς*: les no- stres les nomment communément va- rices, comme tesmoigne Galien au liure des langues, qui ne sont rien autres cho- ses que veines dilatées en la cuisse & aux iarrets, ainsi que dit Galien en ce com- mentaire, & il a dit proprement veines, car les arteres dilatées causent l'aneuris- me; or faut-il sçauoir que Galien a ainsi

definy varice en ce lieu, à cause qu'il a creu qu'Hipocrate parloit seulement en ce lieu des varices des iarrets & des cuiffes, car luy mefme au liure des tumeats contre nature chap. 16. & Paul Aeginete liure 6. chapitres 64. & 82. ont dit que les anciens auoient nommé toutes veines dilatées & principalement au Serotum, *κίρσοις*, Hipocrate au liure des maladies & en celuy des indispositions internes escrit qu'il peut auffi venir des varices aux poumons, que Plaute a nommées, ramices, car Chafinus difoit à ce fujet en fa comedie intitulée le marchant, qu'il s'eftoit rompu vne veine du poulmon en courant, paffage lequel comme l'a bien interpreté Nonius Marcellus, ainfi l'ont mal entendu Lambin & autres. La cause contenant de telle maladie eft ou au chemin excessif, ou en la grandeur acerue: elle eft icy mife de Galien au liure de la bile noire, vn fuc efpois & melancolic, chaffé par nature aux plus ignobles parties: mais au quatriefme de comp. med. fecund. gen. chap. 2. escrit que la pituite contribue auffi à la generation des vari-

ces, mais Aristote au 3. de l'histoire des animaux chap. vnze, a dit que les varices prouenoient du sang corrompu & surabondât, mais au quatriesme des Probl. 21. Probl. il disoit quelles s'engendrent de la flatuosité, & que par consequent la puissance d'engendrer s'esmousse & s'amoindrit, tant aux bestes brutes, qu'aux hommes, lors qu'il leur vient des varices, à cause que la flatuosité qui deust faire la tention, s'espanche & descent aux varices, c'est pourquoy Aphyrte a dit que les cheuaux qui ont des varices aux testicules ne sont pas propres à saillir les cheualles. Au reste les causes naturelles d'un tel mal sont le plus souuent en premier lieu, l'aage, & le sexe, desquels parlant Aristote à la 10. part. des Prob. Prob. 39. & au premier liure de la generation des animaux a dit que ny les enfans (ce qu'a dit aussi Hipocrate en ses Coaques des varices des iambes,) ny les chastrez, ny les femmes, à qui principalement leur mois coulent ne sont sujettes aux varices: quant aux causes externes ce sont l'air grossier & semblables regions, dequoy traictant Hypo-

crate au liure de l'air , de l'eau , & des lieux , il disoit qu'aux peuples scituez vers l'Occident , & qu'à ceux qui vsent de mauuaises eaux , il survient des varices aux iambes, le cheuaucher aide aussi à faire venir les varices ausdites iambes, comme tesmoigne Hipocrate à la fin du 7. des Epidem. Qu'un certain Eupuche habitant proche la fontaine nommée Elealcis , auoit eu pour le violent exercice du cheval, des douleurs de cuisses, des tumeurs aux aines, & des varices l'espace de six ans , pource que Germanicus auoit les iartets gressés , les medecins de Rome luy ordonnerēt qu'il s'exercast à cheval , & principalement apres dîner. Or scauoir si Hypocrate parle seulement en ce lieu des varices des iartets & des iambes, comme Galien semble auoir esté d'aduis , ou aussi de celles qui viennent aux aines & au scrotum, i'en doute fort, veu que le mesme Hypocrate au deuxiesme liure des Epidem. section 5. disoit que les varices au scrotum grossissent la voix, & à la section 4. que les abscez par les varices sont bons aux maladies, comme aussi au troisieme

liure des articles text. 36 il disoit que les gibositez ou bosses, qui se font dessoubs le diaphragme par quelques maladies s'en vont quelque fois à la venue des varices. (*Ou par les hemorroides.*) Pour quelle raison les hemorroides suruenantes liberent & guerissent les maniaques, cela se fait à cause que la teste enuoye l'humour melancolic aux parties inferieures, & à cause que la sorte d'abscez qu'Hipocrate a toujours recommandee trouue ses effects aux hemorroides plus qu'aux varices, à cause que la matiere nuisible dans les varices qui y dure longuement, est encores retenu en elles, au lieu qu'és hemorroides elle est iettée hors du corps, car Celse & Galien ne doutent point qu'Hypocrate n'entende icy les hemorroides qui iettent du sang, jaçoit qu'en ce lieu Galien ne dise rien clairement des hemorroides, bien qu'il inferre tacitement & le confirme dauantage à l'onzieme Aphor. de ce mesme liure; or ces deux remedes seulement ne profitent en toutes les grandes maladies de la teste, mais il n'y a point de doubte que toutes grandes euacua-

tions & abscez qui suruiennent, ne seruent & contribuent aussi à leur guérison, & faut noter qu'Hipocrate a vſé d'une diſtion contrariante & non copulative, veu qu'à peine ſe peut-il faire que quelqu'un ait les varices & les hemorroides enſemble. l'Aphorisme eſt ſurtout vtile pour le prognostic, & aussi pour la guérison, parce qu'il apprend au medecin que non ſeulement aux maniaques, mais qu'en toutes autres indispositions de la teſte le ſang tiré des parties inferieures eſt tres-vtile, ou par l'ouverture des hemorroides, ou par la ſcarification des iarrets, ou par l'incision des veines du iarret, ou du malleole, ce qu'on voit que Galien practiquoit en la cure des melancolicques, & vertigineux, & des epileptiques, par ſon liure du moyē de guerir par la phlebotomie, & de la vient que ie ſuis de contraire opinion à ceux qui avec ligatures, bandages & peaux de chien, s'efforcent de comprimer & empêcher les varices, veu que tel ſang impur venant à replet il y a danger qu'on ne le repouſſe oſt en la teſte, ou en la poitrine, ou en autre

partie du dedans : & on raconte de Marius qu'il deuint plus cruel apres s'estre fait couper la varice d'un iarrest, ce qui ressemble à ce qu'escriit Hypocrate en ce mesme liure des Aphorismes, au treinquatriesme, sçauoir que la chauueté est guerie à la venue des varices, & qu'elle se renouuelle si tost que les varices disparoissent, Aristote aussi au 3. de l'histoire des animaux chap. 2. ayant suivi l'opinion d'Hipocrate que toutes-fois il ne recherche iamais, dit à la fin du chap. 2. qu'aucuns qui ont des varices ne deuiennent point chauues, & que s'ils sont chauues & que les varices leur suruiennent, que le poil renaist quelque fois.

G A L I E N.

IL nomme icy ceste manie qui est proprement dite melanco-
lie, non pas ceste fureur qui pro-
uiēt de la bile : or la varice est quād


les veines deuiennent plus larges aux cuisses & aux iarrests, ce qui aduient par le moyen de l'humeur grossier & melâcolic, nature poussant aux parties plus ignobles les humeurs qui font la manie, bien qu'elles soient principalement melancolicques & crasses, de là procede la generation des susdites indispositions & la guerison de manie.

ANNOTATIONS SUR LE Commentaire de Galien.

A V premier Galien enseigne qu'Hypocrate en ce lieu nomme manie ceste espece qui est proprement dite folie, & qui se fait de la bile noire, & non pas celle qui prouient de la bile, qui fait ceste maladie que les Latins appellent *furorem*, fureur.

Au second il enseigne que l'on appelle les varices, les veines eslargies aux iarrets & aux cuisses, qui deuiennent ainsi par le sang grossier.

& melancolic, car nature pousse à ces parties plus abiectes l'humeur qui fait la manie, & lors principalement que telles humeurs sont melancoliques & grossieres, les susdites indispositions s'engendrent, & de la s'ensuit la solution ou guerison de manie, c'est pourquoy le medecin indicioux les doit prouoquer a tels accidens maniaques.



APHORISME II.

DV VII. LIVRE.

In osse egrotante caro liuida, malum est.

La chair liuide en l'os malade, cela est mauuais.

COMMENTAIRE.



La noirceur ou liuidité est vn effect du froid ; & comme son premier eschelon , en quoy quelque curieux de rendre tous les Aphorismes contigus pourroit dire que c'est vne liaison du present Aphorisme avec le precedent qui commence *in morbis acutis frigus* , & ce qui suit , à cause que l'un & l'autre traicte de ce que signifie la frigidité des

parties du corps , lesquelles refroidies ont accoustumé de deuenir tousiours liuides , & noiraistres: ce que veut donc enseigner Hypocrate est que lors que la chair au dessus de l'os malade deuiet liuide cela est mauuais , c'est vne sentence prognostique qui appartient principalement à la chirurgie ; par laquelle sentence Galien dit seulement cecy en fort peu de parolles, sçauoir que la liuidité de la chair au dessus n'aduient point és mediocres lésions ou blessures d'os , mais aux grandes pourritures , ausquelles la chaleur naturelle est esteinte , & partant la gangrene qui est le chemin de la mort a accoustumé de la suyure: or cecy est digne de recherche comment les os qui sont froids & secs peuuent attirer la pourriture en vn corps viuant, veu qu'és corps morts où il suruiet de grandes pourritures nous voyons que les os se conseruent sans putrefaction; car il sembleroit que le contraire deust plustost aduenir tant à cause que la pourriture de la chair infecte d'auantage és corps morts, qu'aussi les corps viuants ont des esprits & vne chaleur

naturelle & vitale, en consideration de-
quoy ils sont à bon droict preseruez de
pourriture, joint sa froide & seiche tem-
perature qui est ce qui a accoustumé de
garder les corps de putrefaction, princi-
palemēt causée de chaleur & d'humidi-
té. Vn autre point est à cōsiderer, pour-
quoy les os pourris ne se peuvent cor-
riger par autre moyen que par leur se-
paration avec le fer ou le feu. Quant au
premier que j'ay remarqué n'auoir ins-
ques icy esté proposé de personne, il
faut sçauoir que ceste sentence d'Hy-
pocrate & de Galien ne se doit enten-
dre seulemēt de la pourriture desia fai-
te, mais de celle aussi qui se fait, d'autant
que veul l'un & l'autre moyen, cela si-
gnifie que la chaleur s'esteint ou est
esteinte, c'est sans doute vne necessité
que la couleur est des os que de la chair
qui les couvre deuenne liuide en la
pourriture qui se fait, & qu'à celle qui
est faite elle se change en noire, si ces es-
prits vinifiants qui ont accoustumé de
donner la splendeur & blancheur aux
parties s'en vont & que encore les os
ayent de l'humidité & quelque chose

de chaleur naturelle qui les fassent pourrir, jaçoit que moins tant qu'elle demeure. Au reste ce qu'és corps morts ils ne pourrissent point comme l'experience iournaliere nous l'apprend, la raison est d'autant que cest humeur onctueuse & grasse qui a accoustumé de causer la pourriture, tant que le corps vif est consommé : or se consume-il tant par la violence des maladies, qu'à la mort qui est la mesme consommation de l'humidité naturelle, mais il y a aussi vne autre cause : car à cecy la seule humidité n'est pas necessaire à faire que les os se pourrissent, mais la chaleur naturelle qui se doit corrompre, & l'exterieure sett aussi à la corruption. Que si on dit que les chairs mesmes privées de semblables humidités ne laissent pas de se corrompre incontinent, il faut respondre comme Plotin au deuxiesme des doutes de l'ame qu'il a resté és corps morts certaine mediocre chaleur naturelle, comme il reste aux foyers apres qu'on a osté le feu, à raison dequoy il disoit que s'engendrent les ongles, le poil, & autres semblables excremens, ainsi

aussi la chaleur extérieure est de telle puissance qu'elle peut soudain corrompre ceste foible & petite chaleur naturelle, & ainsi causer la pourriture en la chair, mais non pas en ces os, esquels il n'est rié resté d'humidité ny de chaleur naturelle, voire mesme que les dents sont iusques-là priuées d'humidité & chaleur, que non seulement elles ne pourrissent pas, qu'aussi (comme dit Plin) elles ne sont pas domptées par le feu, veu que toutesfois par vne continue fluxion de pituite elles se pourrissent & consomment, mais quand au second on doit dire qu'il est necessaire de cauteriser ou separer les os putrefiez à cause que leur pourriture ne se communique seulement aux autres os contigus, mais aussi à la chair, aux nerfs, aux cartilages, & autres parties qu'ils soustiennent, outre encore qu'à cause que lors qu'ils deuiennent carieux & aspres par la pourriture, leur coustume est de poindre les membranes circonuoinnes qu'on nome periostes, & en poignât causer de tres-griefues douleurs, telles que souffrent ceux qui ont la verolle. Partât


nous apprenons cecy d'vtile en cest Aphorisme, que l'on sçait qu'aussi tost que la chair commence à deuenir liuide, il y a à soupçonner de la pourriture de l'os, & que par consequent il se faut soudain efforcer à le descouvrir, & descouuert ou que l'on separe ce qui en est corrompu, ou qu'avec le fer & le feu on empesche que la pourriture ne s'estende au long & au large és parties tant osseuses que charnues.

GALIEN.

TElle espee de couleur liuide ne vient point à la chair circonuoisine és mediocres blessures des os, mais en de fortes & grandes putrefactions, où la chaleur naturelle est esteinte en eux.

ANNOTATIONS SVR LE
Commentaire de Galien.

GAlien enseigne pour le present que telle
espece de couleur, sçavoir la linide, ne se
peut faire en la chair si la pourriture n'est ve-
hemente, car és mediocres putrefactions &
blesseures des os telle couleur ne se peut faire,
& n'a point accoustumé de venir, car elle se fait
en eux la chaleur naturelle esteinte, c'est pour-
quoy il faut que ce soit vne grande pourriture
qui corrompe ainsi la chair, & esteigne la cha-
leur naturelle. Or par la couleur pasle nous en-
tendons icy celle qui tire sur le noir, & la noire,
& la verte, & en vn mot toute couleur qui si-
gnifie vne mortification de la chaleur na-
turelle.



APHORISME XXI.

DV VII. LIVRE.

A forti in vlceribus pulsu , profluvium sanguinis, malum.

De la forte pulsation aux vlceres
le flux de sang, cela est mauuais.



Le present Aphorisme est cō-
joint avec tous les prece-
dents, parce qu'il traicte des
symptomes ou accidents
qui suruiennent en telles maladies, mais
il se lie principalement avec les derniers
à cause que comme là il a enseigné que
quelquefois la putrefaction ou suppu-
ration succede à l'eresipele, ainsi au pre-
sent il mōstre qu'es vlceres qui ont vne
vehemente pulsation succede le flux de
sang. (*En la pulsation vehemente.*) Oribase
remarque qu'Hipocr. à peine a vsé du
nom de pulsation qu'en quelque gran-

de & remarquable pulsation de quelque artere, & maintenant afin que cela s'entendit sur tout il a voulu vter de la particule *ἰσχυρῶς*, & Corneille Celse au second liure chap. 7. transportant tout cest aphorisme, *où les veines* (dit-il) *sont violemment agitées au dessus des vlcères* il y aura flux de sang, & m'esmerueille pour quoy il a plustost voulu emprunter la particule (*Εν*) qui signifie (dessus) (*In*) qui signifie (aux) veu que les veines qui ont à ietter du sang, que mesme aussi les arteres sont aux vlcères dessus, & le plus souuent dedás les vlcères mesmes, mais toutesfois cela est de peu d'importance soit que nous le prenions en l'une ou l'autre façon, comme aussi nous le pouvons lire avec la particule (*malum*) cela est mauuais, ainsi que font les anciens Interpretes, & sans elle, comme il semble que Galien la leu, qui a dit tres-souuent, ainsi au premier & quatriesme de la difficulté du poulx & au second des lieux affectez, & ailleurs, que les anciens ont seulement specifié le poulx ou pulsation aux inflammations, mais qu'Hypocrate a aussi attribué ce nom à tous

les mouvemens des arteres, qui sont remarquez tant par les malades mesmes, que par les assistans. Or il semble qu'Aristote ait pris ce mot de pouls en autre signification en son liure de l'aspiration ou respiration, ou sistole & diastole, où il a aussi quelque fois entendu la palpitation ou tremblement de cœur : au reste il faut voir comment si la pulsation est vehemente, elle predit le flux de sang à venir, Galien escrit & bien à propos que le pouls duquel il fait icy mention, est vn certain sentiment fascheux des fausses arteres, lesquelles arteres ne sont nullement' apperceues des malades lors que le corps est en santé, bien qu'elles se remuent avec violence, voire mesme qui ne se remarquét pas en tous les malades ne par tout le corps, d'autant que leur mouvement ordinaire & accoustumé ne se distingue nullemēt par le sens, comme disoient les Phitagoriciens que l'harmonie des cieux ne se sentoît nullement par les esprits qui y estoient accoustumez, tant à cause de la capacité du lieu que des espaces, semblables arteres ne frapperont pas les muscles &

les nerfs, de sorte que leur bastement ne peut estre apperceu, mais bien lors que quelques parties sont occupées, d'une tumeur phlegmoneuse, de façon que les arteres se priuent de leur estendue accoustumee & necessaire, & alors plus promptement esmeue ont un mouvement plus fort que l'ordinaire, & heurtantes plus rudement les parties qui leur sont superieures, font ce triste sentiment la, que non seulement Hypocrate au present Aphorisme & les autres medecins, mais le vulgaire mesme nomment le poulx, qui est un mouvement augmenté des arteres, auquel survient par fois le flux de sang, d'autant que la faculté expultrice s'efforçant de chasser tout ce qui la fasche, opere quelquefois si vaillamment qu'elle espanche le sang mesme, jaçoit qu'elle ne fasse pas tousiours cela, car Hypocrate n'a pas dit cela, scauoit que le flux de sang suiue tousiours la violente pulsation des arteres, mais que c'est l'un des accidents qui survient quelquefois aux ulceres propres, lesquels veu qu'ils ont les veines & arteres plus debiles & des-

nees, le sang s'espanche beaucoup plus facilement en eux, & aux veines mesmes auxquelles les arteres sont tousiours suiettes, & jacoit que la pulsation prouienne d'elles le sang neantmoins en sort rarement, à cause qu'elles sont composées de plus de tunicques & plus dures, afin qu'ailement elles ne se rompent par le mouuement: donc ce que le sang sort quelquefois és pulsations vehementes aux vlceres se fait à cause que par tel mouuement les bouches ou orifices des veines s'ouurent, ou cela se fait par l'abondance du sang mesme attiré à l'vlcere, à cause de la douleur. Or ne me plaist l'interpretation de quelques vns qui ont estimé que le flux de sang ne deuoit aduenir par la mesme partie vlceree & batue de pulsatiō, mais par quelque autre partie, comme les narines, le siege, ou l'vterus à cause que cecy n'est nullement artificieux & n'a aucune apparente euidence, comme aussi ne me plaist ce que d'autres ont dit que par la pulsation il falloit entédre nō le poulx de la partie, mais plustost du cœur, d'autant que jacoit qu'il puisse arriuer que

quelque fois aux vlceres le cœur soit violemment esmeu, lors principalement qu'il y a quelque grande inflammation en la partie vlceree, mais toute la cause est contenue dans le propre vlcere enflammé, de sorte qu'il ne faut tant en reietter la coulpe au cœur, qu'aux arteres qui font la pulsation, & ne faut point douter qu'à semblable flux de sang suivant la pulsation, cela ne soit mauvais, tant comme signe que comme cause, & pour ce sujet plusieurs textes n'ont pas sans raison ce mot (*malum*) *cela est mauvais*) encor que Galien n'en ait fait aucune mention; l'Aphorisme est non seulement vtile pour faire la prognostication du flux de sang à venir, mais aussi pour s'en donner garde veu que le medecin est aduerti, qu'où il remarque es vlceres vne grande pulsation, s'il pense qu'un flux de sang y doive arriuer, qu'il peut avec remedes opportuns y obuier par la saignée, ventouses, ligatures, & application de medicaments astringents & repercussifs sur la partie malade.

G A L I E N.

LA pulsation se fait aux vlceres enflammez lors que la chair qui est sur les arteres ne peut souffrir ladite violente agitation, mais sent du mal, si tost qu'esleuées elles viennent à cheoir & s'abbaisser, car semblable pulsation est certain sentiment avec douleur, qui pro- uient de l'emotion des arteres, qui du commencement nous ne fentions pas mouuoir quād les mem- bres se portoient naturellement bien, en partie à cause que leur ad- herence n'incommode pas, en par- tie aussi qu'elles ont leur mouue- ment en vne espace plus estendu, mais aux membres enflammez, & l'angustie ou petitesse des lieux, & la disposition douloureuse appor-

te vn triste & fascheux sentiment aux malades , par ce mouuement des arteres, que non seulement les medecins , mais tous hommes generalement appellent le poulx. Or semble il qu'icy en telles indispositions les mouuements des arteres s'augmentent: or on a monstré aux commentaires des quatre facultez naturelles qu'il y a en elles certaine faculté qui separe les choses estranges, qui fait & leurs sueurs critiques, c'est à dire par lesquelles on iuge de la maladie, & le flux de sang, & les cours de ventre, & tous autres semblables accidens , dont selon ceste faculté nature operant quelquefois plus violemment, elle fait vn grand & violent mouuement d'arteres, desirant chasser les choses nuisibles , & par ainsi elle cause le flux de sang.

ANNO-

ANNOTATIONS SVR LE
Commentaire de Galien.

AV premier, Galien enseigne qu'és ulcères enflammés la pulsation s'y fait, à cause que la chair qui est dessus les artères, ne peut souffrir leur agitation ou mouvement, mais sent de la douleur, d'autant que les artères eslevées s'abaissent.

Au second, il apprend que telle pulsation est certain sentiment avec douleur provenu de la motion des artères. Que si tu doutois pourquoy tel mouvement n'offençoit pas auparavant, iacoit qu'il y fust; Galien semble respondre que l'on ne le sent point que l'ulcere ne soit venu, à cause que les membres estoient en leur temperament naturel. Or alors qu'ils sont ainsi, l'adherence des artères n'incommode pas, & aussi leurs mouvement a plus d'espace; mais quand les parties sont enflammées & que le lieu du mouvement s'estrecit, & que la disposition qui apporte la douleur s'y trouue, les malades ont vn triste & douloureux sentiment, par la pulsation ou mouvement des artères, que non seulement les Me-

decins, mais tout le monde nomme le pouls.

Il dit au troisieme, que semblable mouvement d'arteres s'augmente en semblables dispositions, car il a esté dit aux Commentaires, quant aux facultez naturelles elles ont certaine force d'expulser & mettre dehors ce qui est estrange, & que telle force fait les sueurs critiques, & les flux de sang, & le cours de ventre, & tout ce qui est de semblable.

Au quatriesme, il enseigne que nature use quelquesfoi de ceste faculté expultrice trop violemment, & qu'elle cause une grande & vehemente pulsation d'arteres, desirant mettre hors ce qui l'offence, d'où prouient le flux de sang.



APHORISME XVIII.

DE LA SECT. VI.

*Vesica discissa, aut cerebro, aut corde,
aut septo, aliquo ex tenuioribus in-
testinis, aut Ventriculo, aut iccore,
lethale est.*

La vescie percée ou couppée, le
cerueau, le cœur, le diaphrag-
me, quelqu'un des intestins
groses, le ventricule, le foye,
cela est mortel.

COMMENTAIRE.

EN cest Aphorisme Hipo-
crate donne vn prognostic
des playes des parties no-
bles, & de celles de l'office
desquelles la vie ne se peut passer, qui
sont toutes plus ou moins mortelles,

c'est à dire tellement dāgereuses, qu'ou de necessité ou pour la pluspart elles apportent la mort, plus mortelles à la verité plus elles sont amples & grandes, moins si elles ne sont grandes ne profondes : Or vne playe en general peut estre mortelle en quatre manieres; la premiere, à raison des symptomes suruenus, que produit la cause efficiente de la maladie, ou le transport de la matiere, telles que sont les playes des jointures ou arteres & des parties nerveuses, ausquelles survient grande inflammation, resuerie, convulsion, apoplexie, & choses semblables; car comme il n'est pas necessaire que tels accidens arrivent, s'ils surviennent aussi cest presque vn certain desespoir. L'autre maniere à cause de la grande noblesse & dignité des parties blessées, ou interception de leur office necessaire à conseruer la vie, car les principales parties blecées par vne grande playe, les esprits instruments de la vie, sont espuisez deuant que la solution de continuité se puisse reunir, par fois la mort se glisse, quand quelque action du tout

necessaire à la vie est empeschée ou interceptée, comme l'action de respirer le poulmon estant blecé, de cuire, de distribuer, & de ietter hors le petit ventre, ou les intestins sont offensez. La troisieme maniere par les accidés conjoints, s'entend comme alors qu'une grande Hemoragie est conjointe, ou une impuissance de guerir, car de mesme le foye blecé, ou de grosses veines couppees, une telle Hemoragie survient que la mort arrive auparavant que la solution de continuité puisse estre réparée & remise en son entier. En quatrieme lieu quand les parties internes sont blecées, d'où la mort sensuit, à cause qu'on ne peut y appliquer des remedes: Bref ce qui de soy estoit guerissable, devient incurable par l'evenement, comme quand un dard est empoisonné, ou lors qu'il y a une grande impureté des entrailles, ou que l'on fait quelques lourde faute en la diette, ou regime de viure, cela estant ainsi il faut soigneusement & exactement prendre garde aux playes des parties desquelles il est icy fait mention.

Les playes de la vescie, qui est vne partie necessaire à la conseruation de la vie, attendu son office, ne sont pas toutes mortelles, si vne extremité de douleur, inflammation, & fièvre continuë ne suruiennent & s'impliquent à la blesseure: mais beaucoup de ses playes demeurent incurables, à cause qu'elles ne se peuuent consolider, non toutesfois mortelles, car les playes qui penetrent iusqu'à la capacité ou profondeur interieure, la tunique estât toute coupée & percée par quelque grand coup, à peine les peut on guerir. Les playes autour du col de la vescie sont curables le plus souuët, par ce qu'il est charneux, comme on le peut voir en l'extraction de la pierre, pourueu qu'icelle pierre attachée & adherente à la vescie, ne soit tirée de force avec les tenailles, & que par ce moyen la vescie ne soit coupée, & n'attire vn phlegmon. Les playes aussi que reçoit la vescie par où elle s'attache à l'os *sacrum*, se guerissent plus rarement; toutesfois elles sont guerissables à cause qu'avec l'aide d'un bandage les parties diuisées se resoudent &

reprennent. Quant à ce que Fallope escrit auoir remarqué d'un Soldat qui rendoit son vrine par vne playe receüe au femur : cela aussi a esté veu en plusieurs par la rupture de la vescie à l'extraction de la pierre, ou par vn vlcere prouenu d'autre façon. Lors aussi que l'intestin droit est blessé on en a veu à qui couloient la fiente & l'vrine par la playe, qui ont neantmoins traîné leur vie fort longuement. Les signes de la vescie blecée sont les bleceures en la partie de l'os *pubis*, vers le siege, & vne eiection d'vrine par la playe, ou du sang par le conduit de la vescie.

Les playes de la teste, les vnes appartiennent aux os, les autres aux membranes, vaisseaux, nerfs, aucunes à la substance du cerueau, d'autres aux ventricules du cerueau; toutes ces sortes de playes sont mortelles. Celles pourtant le sont moins esquelles les os seuls sont rompus. Les playes qui penetrent iusqu'aux membranes, principalement iusqu'à la pie mere, sont mortelles, parce que ceste subtile membrane qui enveloppe le cerueau, ne peut iamais estre

blecée seule, & que le cerueau ne soit offencé avec elle, comme le cerueau ne le peut estre aussi sans communication de la pie mere: car soit ou vne simple intemperie, ou qu'une affluence d'humours enuahisse l'un des deux, il faut de necessité que cela se communique à l'autre: Mais la dure mere à cause que fort distante du cerueau, peut estre blecée seule. Les playes qui penetrent iusqu'à la substance du cerueau sont les plus mortelles de toutes, tant à cause de la grandeur des accidens qui suruiennent, comme sont inflammation, fièvre, conuulsion, paralyse, letargie, respiration difficile ou autres obolys, qu'aussi de la noblesse & dignité d'une principale partie: car d'autant qu'elle est principale, les esprits en sont tout soudainement espuisez, & le dōmage se communique à tout le corps par priuation ou abolition de la faculté animale: Toutesfois plusieurs histoires tesmoignent que plusieurs sont reschappez de telles bleceures, car Hipocrate adioust qu'il y en a plus qui meurent de ceux qui sont blecez en la partie de deuant

de la teste, que de ceux qui le sont en la partie de derriere. Galien au huiëtiesme liure de l'vsage des parties, fait mëtïon de certaines playes qui penetrent mesme iusques au ventricule : En Smyrne ville d'Ionie, il veid vne playe guarie qui penetroit iusques au ventricule de deuant, mais les Medecins, dit-il, iugerent que cela estoit fait par l'expresse volonté des Dieux : car si l'autre ventricule eust esté aussi bien blecé, le malade fust mort. A quelques vns par vne grande playe l'on coupe quelquefois & le crane, & la substance du cerueau, qui neantmoins guarissent ; ainsi qu'a remarqué mon pere à vn vallet de chambre du Mareschal de Biron, appelé de Lorme, qui ayant receu vn coup penetrant iusques à la substance du cerueau, en reschappa, il est encore plein de vie : toutesfois & celuy-cy & celuy-la, sont du nombre de ceux qui guarissent rarement.

Toutes les playes du cœur sont absolument & necessairement mortelles, ou sur l'heure, ou incontinent apres, sur l'heure si elles sont grandes & pro-

fondes, incontinent apres si elles sont petites : Or ne sont elles seulement mortelles pour le perpetuel mouuement du cœur, mais à cause aussi de la durescé de la chair, subite resolution d'esprits, obstruction des conduits & des ventricules par le sang amassé, ou à cause de l'inflamation qui suruient necessairement; car si la playe a penetré iusques au ventre du cœur, l'ame s'exhale par le flux de sang qui suruient de necessité, principalement si le ventricule gauche est blecé qui contient le sang vital, plus pur de beaucoup, que si le coup est au cœur sans paruenir iusques aux ventricules, le malade pourra languir vn ou deux iours, mais l'inflamation suruenüe, aussi tost apres il mourra. Quelques vns ont remarqué du cal au cœur dur comme vne pierre, d'autres le cœur plein de poils; Aucuns rapportent qu'vne biche fut trouuée qui portoit depuis long-temps la pointe d'vn dard fichée dans le cœur. Galien assure auoir veu des victimes ou bestes sacrifiées, qui crioient & fuyoient apres qu'on leur auoit arraché le cœur. En la

presence de Monsieur Rioland Medecin & Professeur ordinaire du Roy en l'anatomie, i'ostay le cœur à vn chien, qui courut puis apres du bout d'une chambre à vn autre, il est vray que i'auois auparauant lié les quatre vaisseaux, & ce que i'en fis estoit pour esprouuer si ce qu'auoit remarqué le docte Scaliger en ses exercitations contre Cardan, estoit veritable, mais il faut tenir cela entre les prodiges.

Les signes que le cœur est blessé, sont vne soudaine defaillance de forces, du sang noir qui sort principalement si l'on a atteint le ventricule droit, ou vn grand flux de sang suruient, le pouls languissant, la couleur fort passe, des sueurs froides & puantes, les extremittez froides, & la mort presque sur le champ.

Les playes du Diaphragme plus elles approchent de son centre, plus elles sont mortelles, les plus reculées le sont le moins: Celles qui sont en la partie charneuse se peuuent guerir, en la nerueuse elles ne se peuuent reprendre ou consolider, d'autant qu'à son mouuement perpetuel se joint vne sub-

stance nerveuse qui ne peut nullement estre consolidée, comme il se verra par l'Aphorisme suiuant: Iacqoit que si les playes du Diaphragme ne sont ne grandes ne profondes, elles peuuent estre gueries, mais rarement, non seulement à cause du perpetuel mouuement du Diaphragme & de sa substance nerveuse, mais à cause aussi de la vehemence des accidens qui suruiennent, tels que sont la resuerie, & la difficulté d'auoir son haleine; outre qu'aussi les playes de la partie charnue, bien qu'elles ne sortent point dehors, mais procedent de quelque vaisseau rompu dans le Diaphragme, ou fortuitemēt, ou par cheute, ou par cōtusion, ou si quelque grande inflammation suruient, elles sont tres difficiles à guerir, s'entend à cause de la retention du sang, qui sorty de ses vaisseaux naturels, vient aisément à suppuration; de là se forme le pus lequel n'ayant pas tousiours libre issuë & ne se pouuant vider ne par les poulmons, ne par les parties inferieures, tombe dans le peritoine, & amene de tres-griefues douleurs, & vn mal peril-

leux non seulement au Diaphragme, mais aux parties aussi contenuës dans le peritoine, d'où il aduient que non seulement la respiration s'empire, mais le foye aussi, le cœur, & le ventricule, à cause du voisinage, & le cerueau à cause de la grande cōmunication de nerfs, & euaporation de fumée en sont fort offencez. Les signes du Diaphragme blecé, sont vne contraction des entrailles en haut, douleur de l'espine du dos, peu d'haleine, du sang plein d'escume, vn ris sardonien selon Aristote au 3. des parties des animaux, chap. 10.

Les playes des intestins sont mortelles principalement des petits, nommement de celuy qu'on appelle Iejunum, à cause de la grandeur des vaisseaux, de sa tunique mince & deliée, de sa nature nerueuse, voisinage du foye, de son aptitude à receuoir la bile, & difficulté de guerir; on a neantmoins veu quelquefois que le Iejunum blecé, s'est guarý la playe principalement receüe en sa sommité, comme a remarqué Forestus, mais ie ne le puis croire. Quāt aux gros intestins nommez Coecum, Colon &

Rectum, d'autant qu'ils sont plus charnus, la cure en est plus facile, si l'inflammation & la colicque ne surviennent, lors toutefois que les playes sont grandes, & vident par leur orifice la nourriture ou la matiere fecale, & que les playes ont esté données en trauers, elles sont mortelles, à cause que leurs leures s'escartent entre elles & se des-joi-gnēt par vn cours perpetuel d'humeurs corrompuës, & ne souffrent pas l'application des remedes comme il faut: Or les playes petites & droites sont moins mortelles, parce que leurs bords plus proches & se touchans quasi l'vn à l'autre se conglutinent & reprennent plus facilement, la solution de continuité droite se reunit beaucoup plus tost, & celle qui est de trauers plus tard.

La Tunique du petit ventre blecée guerit aisément, mais la playe qui descend iusquès à la sinuosité interieure, guerit malaisément; la playe autour de la profondeur à moins de peril, mais quelque grande playe en son orifice nerueux est desesperée & incurable,

tant à cause de l'excellence de la partie qui communique avec le cœur & le cerueau, qu'à cause de sa nature exangue ou qui n'a point de sang, & de la difficulté d'appliquer les remedes.

Les playes en la superficie ou sommité de foye guerissent, mais celles qui offencent les portes du foye, les grosses veines ou sa concavité, iamais : car les playes qui penetrent iusques aux grosses veines d'iceluy, ou bien à l'endroit par où elles separent sa patrie gibbeuse d'avec sa concavité, ou par le meslange & mutuelle liaison de plusieurs veines, la propre substance du foye nagueres semblable à du sang caillé, s'espart çà & là deuant que la playe puisse estre consolidée, si bien que l'ame s'exhale & s'en va dans l'effusion du sang. Les playes qui penetrent sa substance sont mortelles, veu qu'il faut qu'en suite & de necessité l'entraille s'enflame & soit ulcerée par l'abscez qui suruient. De là coniecture Hipocrate, que tous les blecez sont gueris & preseruez par les playes & abscez du foye que l'on cauterise, si sa substance n'estant point of-

fencée le pus est seulement contenu dedans la tunique d'iceluy, mais que ceux ausquels la corruption est paruenüe iusques en l'interieur du foye meurent. Or vne petite playe és fibres ou lobes du foye qui n'altere point sa substance, peut estre guerie, mais lors que la corruption du foye arriue & que l'ulcere vient à fluer perpetuellement, tant à cause du defect de nourriture, que d'une puante exhalaison, le foye se flestrit peu à peu, & en fin le malade meurt: car depuis que le foye est gasté, dit Galien au 3. des lieux affectez, les animaux meurent de faim, toutefois en telles indispositions ils peuvent traîner.

En fin Galien croit que ceux ont menty qui disent auoir guery de profondes bleccures és lobes du foye, ou retranché de ses lobes & fibres sans mort, comme vn certain coureur & impudēt charlatan a voulu faire à croire en ce temps cy. Les signes du foye bleccé sont beaucoup de sang espanché souz l'hypocondre droit, les entrailles ramenées vers l'espine du dos, vn plaisir que l'on sent à estre couché sur le

ventre, des ponctions & douleurs iufques au gosier, & au costé des espaules, la bouche tenduë, quelquefois vn vomissement bilieux, les yeux enfoncez, la face palle & de couleur morte, vne mort angoiseusse le mesme iour.

Les playes de la moüelle de l'espine du dos ne sont pas autrement que celles du cerueau, d'autant qu'estant sci- tuée souz le chef, elle fait les mesmes fonctions du cerueau, & a presque toutes choses communes avec luy, la substance, le principe des nerfs, la faculté du sentiment presque pareille, deux meninges produites des meninges du cerueau, & la troisieme forte & nerveuse: Il les faut donc mettre entre les mortelles, à cause de la dignité de sa partie, de sa nature nerveuse, de la grandeur des accidens qui suruiennent, de la sympathie du cerueau & des parties voisines, & de la difficulté de guerir, ses playes toutesfois sont plus mortelles aux vertebres superieures qu'aux inferieures, à cause que les superieures sont les plus excellentes de toutes: les grandes playes profondes & de trauers

sont aussi plus mortelles, & si elles rencontrent plus de vertebres, que si elles ne penetrent pas profondement & qu'elles soient faictes à coup de pointe.

Les playes des grosses veines & arteres telles que sont la veine caue, la grande artere, les grandes veines & arteres qui sont alentour du gosier, s'entend comme les iugulaires, ou au iaret, les plus grâdes veines aux aiscelles, aux genoüils, & en ces parties qui parviennent iusques au siege & aux testicules, toutes lesquelles veines & artetes sont nommées par Hipocrate *παιεῖς*, c'est à dire grosses, à cause qu'elles iettent beaucoup de sang, sont de necessité mortelles, à cause du flux de sang immodéré, de leur nature nerveuse, du mouuement des arteres, & de leur situation profonde, par où il aduient que les medicamēs ne peuuent operer avec leurs forces entieres, ne les veines souffrir la ligature necessaire & arrester le flux de sang, ou que l'on ne les peut manier. Quant aux playes des moindres veines, elles ne sont pas du tout si mortelles, à cause qu'il n'en peut sortir vne

telle quantité de sang, qu'elle espuise l'esprit vital en l'homme, adiousté qu'il en sort peu de sang & vistemment & sans dommage en la superficie, qui mesme se coagule pour la petite ouuerture de la playe, qui empesche le flux de sang, si dauanture vn grommeau de sang retenu dās la playe n'excite des accidens, que s'ils sont gardez & pour la veneneuse qualité acquise du sang en la coagulation, n'apporte la mort; toutesfois les playes des arteres sont beaucoup plus griefues que celles des veines, non seulemēt à cause que l'effusion du sang vital qui est plein d'esprits apporte plustost la mort, que du sang naturel: mais aussi d'autant que les arteres blecées sont beaucoup plus difficiles à guerir, à cause de leur scituation que nature tiēt plus cachée, de leur agitation perpetuelle, de leur substance plus solide, plus dure, composée de plusieurs tuniques, adiousté que l'artere estant coupée bien qu'on arreste le sang, toutesfois l'Aneurisme a accoustumé de suruenir aux vns moindre, aux autres plus grand.

Les playes de l'aspre ou trachée artère ne sont pas mortelles si elles ne sont fort grandes & profondes, comme si toute l'artere avec quelque partie de l'esophague qui luy est contigu n'estoit couppee, ou si les plus grandes bronches qui sont entre le pharinx & le poulmon ne sont atteintes; le plus excellent lieu de toute la trachée artère estant offensé enuiron les parties supérieures du col & du gosier, où sont les nerfs, les veines, & les artères iugulaires, augmentent le peril, cōme on peut voir en ceux ausquels on deslie heureusement la corde de peur qu'ils ne se stranglent, & ne sont aussi mortelles les playes des ligaments qui assemblent les bronches ou dessus le gosier ou aux poulmons.

Les playes des poulmons soit qu'elles arriuent par l'ouverture de quelque veine en iceux, ou par dilaceration de leur substance: les vnes aduiennent la poitrine demeurant en son entier, comme si quelque vaisseau est rompu ou rongé par vne distillation d'humeur acre, par vne cheute, à force de crier,

par vne violence de colere, ou voix esclatante & autres semblables. Les autres playes se font en dehors le thorax, la chair du poulmon estant separée; les vnes & les autres si elles sont petites & qu'à la playe encor sanglante on y applique les medicamens requis premier que l'inflammation y suruienne elles se rendent curables, & ce encor plus facilement si le pus a son issuë par la playe en dehors. Quant aux grandes playes ou les petites mesme que l'on panse ou trop tard ou avec nonchalance & moins d'industrie qu'il ne faut, elles deuient mortelles de necessité; en premier lieu lors que non seulement la chair du poulmon, mais les grands vaisseaux aussi comme les veines arterielles, & les grands rameaux de l'artere veineuse sont blecez: car alors non seulement le sang plein d'esprits & vital se perd, mais les poulmōs aussi sont opprimez par l'abondāce ou grumeaux de sang, & les receptacles de l'esprit en sont bouchez. Secondement lors que tels grands vaisseaux pleins de sang ne sont pas blecez, mais les mēbranes de la

trachée artère ou les parties cartilagineuses le font, avec vne si grande playe que par icelle il sort plus de vapeur fuligineuse du cœur que par la bouche, qui estoit le lieu par où selon la loy de nature elle se deuoit purger. Tiercement lors qu'avec vne petite playe les vaisseaux pleins de sang à la verité, mais moindres sont rompus, ou que la chair mesme du poulmon soit entamée. Les playes sont neantmoins beaucoup pires de la substance du poulmon, que des vaisseaux: Car jaçoit que sa substance blecée vne moindre quantité de sang sorte de la poitrine, la playe est toutesfois incurable quāt à ce qui touche vne ferme & parfaicte cicatrice. Pour les playes des vaisseaux elles sont veritablement fascheuses, à cause de l'abondance du sang, mais on y obuie auparauant l'inflammation, & elles se consolident bien souuent; & Galien tesmoigne en auoir guery plusieurs qu'il auoit traitez dès le commencement de la bleceure: car semblables playes ne repugnent pas tant de leur propre nature à la reunion ou consoli-

dation, ny tant pour le perpetuel mouvement des poulmons, qu'à cause de l'inflātion suruenant, qui pourrit le sang & les poulmons mesme, d'où viēt que l'Empieme naist soudain, lequel suruenu il y a peu d'espoir de conglutiner le poulmon, si le pus n'a son issuē de la playe en dehors, & ce ou avec vne ouuerture assez grande au thorax, ou par vne vehemence de toux. Les signes des vaisseaux des poulmons blecez par vne playe en la poitrine, sont ceux-cy; le sang écumeux qui decoule, quelquesfois vermeil, quelquesfois noir, à cause que les vaisseaux du poulmon contiennent l'vne & l'autre sorte de sang; vne toux presque perpetuelle ou seiche ou humide, s'il n'y a debilité de forces, ou oppression des poulmons par l'abondance de sang, ou si la playe n'est legere & superficielle, lors que la chair des poulmons est entamée aucun crachement de sang n'aucune toux ne presse, à cause que le sang distile en la cavitē du thorax; mais il y a difficulté de respiration, vne vicissitude de chaleur & de froid, à cause des haleines ou

vapeurs du cœur, qui se resoluent incontinent; la face change de caractère, le sang est souvent retenu en la capacité du thorax, qui attraisne le peril de l'Empieme, soit qu'il tombè en ce lieu ou du poulmon, ou du thorax.

G A L I E N.

La mis le plus souvent (*ce mot de mortel*) en ce Liure cy, & aux autres de ceux qui doiuent mourir de necessité. Il le dit aussi ordinairement de ceux qui meurent pour la pluspart: C'est pourquoy il n'est pas maintenant manifeste s'il veut icy demonstrier que la mort doiue suiure infailliblement lors que ces parties sont blecées, ou si quelques vns en reschappent: Or quant à ce que la bleceure du cœur apporte necessairement la mort, c'est vne chose entre les autres

tres aduouïée de tous. Or ne se prend elle pas esgallement de la sorte és autres parties, que toute playe apporte la mort ineuitable; mais seulement celle qui est grande & profonde ce que doit raisonnablement signifier le mot (de tranchée ou couppée) de façon que l'on entende que la tunique de la vescie est couppée iusques au plus profond de la concavité, & le faut ainsi entendre de toutes les autres parties. Pour le regard de la vescie, il est bien approuué que telle playe ne se consolide point, comme aussi en la partie nerveuse du Diaphragme, & aux menus intestins, mais au petit ventre on en doute; car ils disent que aucuns y ont esté blecez, mais que peu en ont guery. Pour le foye, que non seulement vne playe profonde, mais aussi qu'une fibre coup-

L

pée a esté guerie. Or sçauons nous bien qu'au Liure des playes mortelles, l'Autheur s'efforce de guerir quelques-vnes de ces playes. Quant à ce que les parties séparées ne se peuuent reunir au cœur & au Diaphragme, cela aduient à cause de leur mouuement continuel. Quant à la vescie, à cause qu'elle est nerueuse, deliée & exagüe, ou qui n'a point de sang, nous voyons à la verité que son col est iournellement guery lors qu'on tire la pierre à cause qu'il est charnu, mais les playes du foye iettent grande quantité de sang, c'est pourquoy les blecez sont preuenus de la mort parauant que les playes se consolident. Or l'ay-je ainsi dit, desirant quel'on entende que la veine soit couppée tout à fait. Pour ce mesme sujet donc, ceux semblent dire la verité qui as-

seurent que les playes en la superficie du foye se guerissent, & qu'ils en ont emporté des fibres. Or auons nous veu le plus souuent la bleceure du cerueau guerie, & vne & deux fois en Smyrne ville d'Ionie, du viuant encore de mon precepteur Pelops, & la playe estoit assez remarquable, cela donc est fort rare. Mais il est vray que les grandes playes qu'Hipocrate a accoustumé de nommer decoupures, apportent la mort, & tous confessent que les playes du cerueau qui penetrent le moins du monde aux ventricules causent aussi la mort. Or la nature des menus intestins & du petit ventre, ne participent pas moins d'une substance charneuse, & par consequent blecez en la superficie, ils se conglutinent souuent: mais lors qu'ils sont du tout tranchez iusqu'à leur

profondeur, tres-rarement, ce qui n'aduiant pas à mon aduis à cause de leur substance: mais d'autant que nous ne pouuons appliquer le medicament aux playes interieures comme aux exterieures, c'est pourquoy l'Auteur du Liure intitulé des playes dangereuses, soit Hipocrate ou vn autre, s'efforce de guerir le petit ventre par potions.

ANNOTATIONS SVR LE Commentaire de Galien.

A V premier, Galien enseigne que quelquesfois ce mot (mortel) est dit par Hipocrate, de ceux qui doiuent mourir de necessité, d'autresfois de ceux qui meurent la plussart: C'est pourquoy il faut douter comment Hipocrate se doit entendre en ce passage, sçauoir si ces parties entierement couppées la mort doit s'ensuiure infailliblement, ou si en quelques-vnes l'homme esthappe, jaçoit que cela auienne rarement.

Au second, il enseigne que c'est chose aduouée de tous que la bleccure du cœur apportela mort, mais cela ne tire pas vne consequence infallible. Quant aux autres parties rapportées, que par leur solution de continuité la mort s'ensuiue de necessité: mais seulement si la playe est grande & profonde, comme le verbe *Ἀποκρίνεται*, qui signifie, est coupée du tout le monstre.

Au troisieme, il enseigne qu'en la vescie on doit entendre que sa tunique soit entièrement coupée iusques à sa plus profonde capacité, & ainsi aux autres parties: cōme aussi toutes les autres parties ne peuvent estre consolidées, ny aussi la partie nerueuse du Diaphragme, ny les menus intestins ne reçoient consolidation: mais pour le petit ventre, les plus anciens ont dit que quelques-uns en auoient esté gueris, toutesfois rarement. Les mesmes disent que non seulement vne profonde bleccure du foye a receu guerison, mais qu'à certain blecè vne fibre mesme coupée a esté guerie. Et Galien aussi a leu vn Liure des playes mortelles, où l'Auth eur du Liure s'efforce à guerir quelques semblables playes, nous autres n'auons pas ce liure.

Au quatrieme, il rend la raison pour-

quoy ces parties nombrées par Hipocrate, ne peuvent estre conglutinées & se reprendre, car pour le cœur & le Diaphragme cela aduient à cause du grand mouuement. Mais la vescie ne se consolide point, d'autant qu'elle est nerueuse, deliée & exanguë. Pour le col à cause qu'il est charneux, les playes se consolident, comme on peut voir iournellement à l'extraction de la pierre. Quant au foye il ne se consolide point, d'autant que la plus part de ses playes iettent beaucoup de sang; de sorte que les blecez meurent deuant que la playe se puisse reprendre. Ce que Galien a dit pour remarquer que la veine est aussi couppée, & partant il infere que ceux mentent qui disent que les playes en la sommité du foye sont curables, & encor plus ceux qui assurent qu'une fibre couppée & emportée, on a pas laissé de guerir.



APHORISME XIX.

DV VI. LIVRE.

*Persectum os, aut cartilago, aut nervus,
aut genæ tenuis particula, aut pre-
putium, neque augetur, neque coa-
lescit.*

L'os coupé du tout, ou le car-
tilage, ou le nerf, ou la partie
mince de la jouë, ou le prepuce
ne croist point, ne se reunist, ny
ne s'agglutine.

COMMENTAIRE.



ET Aphorisme est vn
prognostic de la restau-
ration & vnion des par-
ties similaires ou solides
couppees, ou de leur reu-
nion du tout impossible quand la piece

est emportée. La raison generale en fera prise de leur nature & premiere conformation estans toutes spermatiques, car les parties spermatiques telles que sont les veines, artteres, nerfs, tendons, cartilages, vne fois deperduës de substance ou diuïsées ne se regenerent iamais, comme veut Galien, ou ne s'augmentent & réunissent iamais, comme l'escriit icy Hipocrate: Car ce qu'Hipocrate appelle icy accroissement ou incarnation, Galien la nomme regeneration: or bien que ce soiët deux noms, ce n'est neantmoins qu'une seule & mesme chose, car Hipocrate appelle icy les parties s'augmenter lors que par la venue ou apposition de nouvelle quantité elles s'estendent selon la dimension triple, & acquierent vne nouvelle grandeur en leur tout. Par lequel moyen d'augmētation les parties spermatiques couppees ne peuuent s'augmenter, à cause que leur grandeur diminuée par la coupeure, elles ne peuuent iamais estre remises en leur entier par adition de nouvelle substance qui s'estende en la triple dimension, & qui

soit semblable de nature & de forme à la premiere perduë. Veritablement les parties spermaticques simplement diuifées & qui ne sont pas du tout séparées, peuuent augmenter le supplément au lieu de la partie couppee, par la nourriture que luy remet l'aliment : elles se peuuent aussi augmenter par accession ou venue de matiere lors qu'elles sont ressoudées & consolidées par le moyen d'un cal ; mais telle nourriture, bien que vraye, elle n'augmente pas tousiours toutes les dimensions, mais elle remplit seulement l'espace interieur qui est en estendue : or l'abord de la matiere n'estend pas aussi un corps en triple dimension, mais elle est seulement distribuée à vne partie, sçauoir aux léures des parties diuifées ; & ce n'est pas vne matiere semblable de nature & de forme à la premiere diuifée. Or Galien appelle restauration le remplacement de la partie perduë qui se fait par addition de nouvelle partie, laquelle addition ne se peut faire sans generation de la partie qui est adjoustée, laquelle generation de nouvelle partie à celle

qui estoit auparauant, & qui demeure encore en son entier, est vne acretion de la mesme partie qui estoit auparauant: or la partie qui est adioustée est engendrée selon Galien, en la partie qui estoit auparauant, accroist selon Hipocrate par l'apposition d'une nouvelle partie, qui s'engendre & est adioustée, ce qui est veritable selon l'un & l'autre & dict fort a propos: Or pourquoy les parties spermatiques entierement coupées & diuisées ne se regenerent point selon Galien, ou n'accroissent point selon Hipocrate, quelques-uns le referent au default de la matiere seminale, d'autre à la corruption ou cessation de la faculté conformatrice, ceux cy à la siccité des parties, ceux là au default de la chaleur de l'vterus, laquelle comme principale autrice de la forme, ne se peut trouuer en ceste regeneration: d'autres le rapportent à la foiblesse de la partie mutilée, toutes lesquelles choses ne semblent pas probables: car & le sperme iournellement & le sang seminal, s'engendrent dans les veines & en tout le corps, lequel s'il

peut suffire à la regeneration des veines & arteres au moins des petites, comme a voulu Galien, il suffira aussi à la regeneration des autres parties spermaticques : d'avantage, s'il suffit à l'accroissement du corps, il pourra suffire aussi à la regeneration de ses parties, car nous voyons que les parties spermaticques s'augmentent, & que les ulceres caues se remplissent, en ceux mesmes qui sont decrepits de vieillesse, jaçoit que de longtems l'accroissement des parties ait cessé, tant nature est soigneuse de la regeneration. Outreplus il faut adiouster que si la matiere spermaticque suffit à regenerer les dents, mesme apres la vingtiesme année, elle suffit aussi à regenerer les autres parties, si d'avanture quelqu'un n'estime avec Realdus Colombus, que les dents ne se rengendrent pas, mais seulement leurs eminences, que quant à leurs racines elles s'affermissent toutes au ventre de la mere, de sorte que les racines demeurent tousiours, & que leurs seules eminences s'arrachent & reuiennent, ou sont regenerées, joint que la faculté

formatrice n'est corrompue, ou ne cesse point, veu qu'icelle restaure & repare les parties sanguines, & les vlcères caues, la siccité n'empesche non plus la regeneration, comme il se remarque aux enfans, esquels toutes les parties spermatiques, bien que seiches de nature se rengendrent, & ne defaut aussi ceste chaleur naturelle qui estoit dans le ventre de la mere, à la premiere formation, comme celle par la vertu de qui tout le corps prend son accroissement, au moins iusqu'à certain age, & que la deperdition de substance des playes caues est réparée, jaçoit que hors du ventre maternel, quant à la debilité de la partie mutilée, elle ne peut empescher semblable regeneration, attendu que nous voïons le cal s'engendrer es os, qui sont parties tres-froides & tres-seiches, la raison donc de telle impossible generation se doit rechercher de plusieurs causes, en partie du default de la faculté formatrice, car chaque partie pour estre engendrée demande certaine forme & figure, que la seule semence en l'vterus peut donner; à mon

aduis l'indice en est aux parents en la premiere formation, ce qui ne se faict sinon que par la semence resueillée de certaine faculté propre, & née avec l'vterus qui aiguillonne la faculté de la semence endormie & cachée dans l'vterus, luy donnant le pouuoir d'agir. Ce n'est donc pas de merueille si telles parties ne se regenerent, veu qu'il manque de qui, & le lieu où elles puissent estre formées & figurées; car ce que les parties charnuës se regenerent si aisément, cela se faict à cause qu'elles n'ont pas vne borne ou limitation tant exactement prescrite, qu'ont les os ou autres parties plus solides, mais elles l'empruntent pour la plus part des parties auxquelles elles sont accommodées de nature pour les entretenir, munir, & nourrir. Ioinct aussi qu'elles obtiennent leur generation simple des parties charnuës qui en dependent ou les environnent. Outre-plus la faculté formatrice n'est pas assez puissante pour la regeneration de la partie coupée, veu que la partie blessée à cause de sa debilité & mauuais eslargissement, & ex-

tention, ne peut avec vn suffisant aliment imposer la forme & figure naturelle si tost qu'il est necessaire à la regeneration de la partie qui estoit auparavant. Quelquefois aussi les parties voisines empeschent que la regeneration des parties spermatiques ne se face: Car si les parties spermatiques n'admettent point de reuniõ naturelle à cause qu'elles sont dures, seiches, & froides; beaucoup moins admettront-elles vne regeneration de nouvelle substance, attendu que telle vnion & regeneration ne se peut faire, sinon par plusieurs iours, i'oseroiy dire mois: partant les parties charnuës circonuoisines & environnantes remplissent les espaces vuides, auparavant que telles parties exangues, froides & seiches, puissent par le moyen du sang regenerer la portion qui leur defaut. Par fois aussi la matiere loüable & necessaire à la generation manque, & qui n'est pas apte à la susception de la forme de la partie, telle qu'elle estoit dans l'vterus de la semence & du sang menstrual, y suruenant aussi la froideur & imbecillité

de la partie qui ne peut alterer la matiere, & la changer en la propre substance de la partie. Il y a plus, que nature n'appete point l'infiny, or elle l'appetera, si ce qui est formé vne fois elle le formoit tousiours, bien qu'il fut coupé ou séparé; car la nature cesse alors qu'elle a atteint son but proposé. Or elle a accompli la formation du corps en l'vterus, aussi at'elle acheué la mesure & accroissement du corps apres le trentiesme an; ces ouvrages donc acheuez elle chomme & cesse de trauailler. Or ne cesse .t'elle pas de regenerer les parties charneuses, à cause qu'elle en a besoin pour fortifier, maintenir & nourrir les autres parties qui sont ordonnées au corps comme affermissemens de sa stabilité. En fin les parties spermatiques ne sont augmentées ne regenerées, mais les playes de celles desquelles quelque portion similaire a esté emportée demeurent tousiours caues, à cause que rien ne peut estre remis ne regeneré en la place de ce qui a esté emporté: qui soit semblable de nature & de forme avec ce qui est deperi. Par ce

moyen aussi, la generation de chair prompté & facile de foy (à cause qu'elle n'est rien autre chose qu'un sang médiocrement desséché & espoussi) anticipe la generation de la partie spermatique qui a besoin d'un long-temps, mais si les playes des parties charneuses sont caues, elles ne demeurent pas en tel estat sinon par la faute du Chirurgien, veu que le sang y coule perpetuellement, par l'apposition duquel une chair plus molle se produit peu à peu pour la réparation des parties. Les playes aussi des parties spermatiques, qui sont sans perte de quelque portion de partie similaire, & esquelles les parties sont seulement diuisées, non du tout separées, de façon qu'elles ayent une substance qui contienne les pores ou conduits par lesquels comme par certains canaux l'aliment, le sentiment, & la vie s'espanche es parties diuisées: ne se peuvent reunir ne consolider par quelque substance vraiment spermatique, mais seulement se conglutiner & comme ressolder par l'interuention du cal & de certaine glus, lequel cal a

la matiere de certain humeur cru & grossier qui se donne au lieu de nourriture à la partie diuisée.

G A L I E N.

Lappelle estre augmentées lors que quelque substance, telle qu'estoit la premiere, coupée & emportée, se regenere, ainsi que la chair semble germer aux vlcères caues, mais il appelle reunir ou reprendre quand les léures de la playe ouuerte se conglutinent. Or que le cartilage & l'os ne se regenerent point, c'est chose aduoüée, s'ils se conglutinent, quelques-vns en doutent, car ils disent que l'on voit clairement que les os rompus se conglutinent. Or ceux cy s'abusent, & peuuent apprendre par le moyen des bestes brutes, des-

quelles quelque partie rompuë a
formé vn cal, car viues ou mortes
si quelqu'un les veut considerer à
la dissection, il verra manifeste-
ment que les parties rompuës des
os sont resserrées de certain cal
comme d'un lien qui les environ-
ne, que s'ils les rappent, ils verront
le fond de la fracture n'estre pas
conglutiné, ainsi doute-t'on des
choses que nous auons dites, quel-
ques-uns disants qu'ils s'augmen-
tent, mais qu'ils ne se reunissent
pas, les autres qu'ils se reunissent
aussi, mais qu'ils s'augmentent ra-
rement, les os manquent donc de
ce que l'ulceration a rongé, & ie
n'ay veu aucun semblable acci-
dent où la chair ne soit recreuë,
& que ceux se conglutinent qui
sont diuisez & non du tout coup-
pez: car ces choses different respec-
tiuellement lors que les os du tout

coupez ont vne diuision qui par-
uient iusqu'au bout de la partie
couppée. Or ce qu'Hipocrate dit
maintenant, qu'ils ne se repren-
nent pas, ce n'est point tant à cau-
se de ce qu'ils sont nerueux & de-
liez, mais aussi à cause de ce qu'ils
ont vne telle nature, que les lēures
de la playe sont fort esloignées.

ANNO TAT. SVR LE
Comment.

A V premier Galien enseigne qu'Hipo-
crate dit αὐξήσθαι, c'est à dire, estre
augmentez lors qu'une telle substance s'en-
gendre qu'estoit celle qui a esté couppée, mais
que ἐμψύχασθαι, c'est à dire, se reprendre
ou reuuir quand les lēures du corps detraché
se conglutinent.

Au second il enseigne que c'est chose tres-
aperte & recogneüe de tous, que le cartila-
ge ne l'os ne se regenerent point, mais: s'ils se
conglutinent, quelques-uns en doutent, voire


mesme ils disent que les os rompus se conglutinent, & que cela est tout manifeste.

Au troisieme Galien reprend cecy, car si quelqu'un fait la dissection d'une beste brute, viue ou morte, de laquelle quelque fracture en l'os ait engendré du cal, il verra manifestement que tel cal resserre & environne les parties rompues de l'os comme vn lien, mais s'il le racle il ne trouuera pas le fond de la fracture glutiné.

Au quatrieme, Galien rapporte qu'il y en a aucuns qui doutent de ce qu'il auoit dit, comme quelques-uns veulent que telles playes recoiuent vne accroissance de chair sans qu'elles se consolident, mais les autres qu'elles se consolident à la verité, toutesfois rarement.

Au cinquiesme, il enseigne que les playes se regenerent qui sont rouges, & principalement sur la chair, qu'il n'a iamais veu homme a qui en pareille erosion la chair ne soit creuë. Or les parties se conglutinent qui sont seulement diuisées, non du tout coupées, car elles different d'autant que celles qui sont entierement coupées, obtiennent vne fin limitée, qu'il n'est pas besoin qu'ayent les diuisées. Or Hipocrate dit icy, que celles qui sont du tout coupées ne se consolident plus, & ce non seu-

lement à cause qu'elles sont nerveuses & minces, mais aussi par ce que les lésures de semblables playes sont trop esloignées l'une de l'autre.



APHORISME IX.

DV VII. LIVRE.

*A profluvio sanguinis, desipientia, aut
convulsio malum.*

La phrenaisie, ou convulsion
procedant du flux de sang, cela est
mauvais.

COMMENTAIRE.



L y a vne grande &
assez diverse abon-
dance de maladies, les-
quelles succedantes
aux autres prognosti-
quent tantost le bien,
tantost le mal; de façon qu'Hipocrate
a esté contrainct d'en traicter differem-
ment, afin que par telle varieté de dis-
cours on peust en quelque façon les

embrasser & comprendre toutes: il demontre donc maintenant en quelle maniere les accidents suivent les maladies, apres comme d'autres symptomes suivent les premiers, ce qu'Hippocrate faict à present, lors qu'il escrit, quand la resuerie & la conuulsion suivent le flux de sang, cela est mauuais.

(*Ἰσχυρὸν*) c'est à dire, mediocre resuerie, & mediocre alienation d'esprit, elle prouient d'une intemperie chaude & quelquefois froide, comme le cerueau estant refroidy, on d'autant que (au 4. liure des maladies) toute la faculté, ou certes vne grande partie de l'intelligence ou prudence de l'homme est mise au sang: il est donc necessaire qu'iceluy euacué, la resuerie s'ensuiue; outreplus, veu que la chaleur & l'esprit sont les propres instrumens de l'ame qui entend & ratiocine s'ils se dissipent & resoluent en tels flux de sang, il faut que la resuerie s'ensuiue de necessité: la conuulsion n'arriue, & ne succede pas si souuent au flux de sang, & si elle suit quelquefois, elle n'est pas si dangereuse, sinon qu'elle procedast

d'inanition (au flux de sang) Corneille Celle liu. 2. chap. 8. a leu cest Aphorisme tout d'une suite, où il est escrit, si le flux de sang a précédé, & que la phrenesie s'en ensuive avec distension de nerfs, il y a danger de mort. Au reste, Galien en son Commentaire monstre que l'Aphorisme a esté escrit en deux façons, s'entend conjointement & distinctement, & qu'en quelque façon qu'on le lise la sentence est tres-veritable, veu que soit qu'après le flux de sang surviennent la resuerie & la conuulsion ensemblement, ou que chaque accident se face separément, tout cela est mauuais, encor que ce soit bien pis s'ils surviennent tous deux à la fois: c'est pourquoy Corneille Celse qui les a conjointés, non content de dire que cela est mauuais, a mieux aymé adjouster que le peril de la mort estoit eminent. Or ne faut il pas douter qu'Hipocrate ne parle pas icy de chaque flux de sang, mais de l'immodéré, comme aussi Galien a dit assez à propos, qu'il n'entendoit pas toute sorte de resuerie indifferemment, mais la modérée qu'il escrit

corres-

correspondre à la trement, d'autant que comme la trement se faict par la foiblesse de la faculté, qui meut les membres mesmes, ainsi la resucerie pro- vient de la debilité de la faculté ratio- cinatrice, comme semble auoir dit Ga- lien : mais on doute assauoir s'il faut rechercher quelque autre cause pour faire cela: car il est certain que la resuc- rie est vne action depraüée. Or main- tenant, selon l'opinion de Galien, au 2. liure de la meth. chap. 1. & en l'art de Med. & Auic. 21. doct. ch. 3. les actions se deprauent par le chaud, comme el- les se diminuent & abolissent par le froid; c'est pourquoy il semble que l'on doit estimer que cela ne se faict point par la debilité de la faculté ratiocina- trice qui suit vne cause froide, mais plustost par vne autre cause, & icelle chaude. Pour conclusion, il faut dire, apres Galien au 8. de l'usage des par- ties, sçauoir que les actions de l'esprit procedent de la meilleure temperature du cerueau mesme, & que par ainsi el- les se corrompent à la premiere cause, soit chaude ou froide. Iacoit que le plus

souuent les diuerses especes de corruption soient selon la diuersité des intemperies qui corrompent pour ce sujet, lors que la corruption se faict d'une cause chaude, il survient une vehemente alienation d'esprit, mais ou elle provient d'une chaleur plus douce qui faict la fonction du froid, une moindre alienation d'esprit en provient, que l'on appelle proprement desipience, ou comme l'a tourné Celse, folie; qui est à la verité une certaine diminution des operations de l'esprit, & laquelle Galien dit se faire d'imbecillité, d'autant que la vigueur & abondance de sang, par lequel se font les operations de l'esprit manquent, à cause du flux & perte de sang; & par ainsi l'esprit est rendu debile es actions de penser ou ratiociner, & iuger comme il faudroit: Or lequel il faut entendre, quand à ce que dit Hippocrate du flux de sang, c'est en chaque partie du corps, ou en quelques-unes seulement; on en pourroit douter à bon droit, mais pour mon regard, j'aimeroiy mieux qu'on l'entendit du sang

qui coule des narines , comme celuy qui approche plus le cerueau de tous, & par consequent, le plus propre à l'offenser : jaçoit qu'il se puisse entendre aussi des autres flux de sang, pourueu qu'immoderez, comme ont accoustumé d'estre ceux des hemorroïdes, que l'experience montre offenser le cerueau, & causer quelquesfois la phrenaisie (ou aussi la conuulsion) Je confesse que cecy peut estre aussi pris d'une fuite, & conjointement comme quelques-vns ont mieux aymé, toutesfois, veu qu'Hippocrate au 3. Apho. de la 55. Section, a dit que la seule conuulsion procedante du flux de sang, estoit mauuaise, suiuant lequel dessein & iugement, il eust deu maintenant adjoüster la folie ou phrenaisie, attendu qu'elle mesme seule est tousiours mauuaise & dangereuse: il sera donc plus à propos si nous lisons cecy separément, comme s'il eust voulu dire, ne plus ne moins que la conuulsion seule qui procede du flux de sang immodéré est mauuaise, qu'ainsi la phrenaisie qui prouient d'iceluy flux de sang est mauuaise, sçauoir,

comme causée par la foiblesse & defectuosité des esprits, sur lesquels toute la faculté de l'esprit semble posée (*mauvais*) Corneille Celse, comme ie l'ay desia monstté, interprete ce mot (*malum*) mortel; & de vray, tous ces deux accidents ne prognostiquent simplement la mort, mais la causent aussi, principalement la conuulsion, laquelle à cause de l'extremité des douleurs opprime violemment les forces desia fort vísées & abbattües. Galien parlant en son Commentaire de l'vtilité du present Aphorisme, dit, qu'il nous en apporte vne grande pour persuader que quelquefois la phrenaisie aduient du defect qui cause aussi les tremblements de mains & de pieds, mais encor sert-il pour le prognostic, & pour enseigner que le flux de sang, lors qu'il est excessif, & passe les bornes, se doit soudain reprimer, de peur que l'esprit ne souffre du dommage avec le corps en mesme temps.

G A L I E N.

CEt Aphorisme nous apporte vne grande vtilité pour persuader que la phrenaisie procede quelquesfois du mesme defaut que procedent les tremblements des mains & des pieds, à raison s'entend que tels membres ont leurs mouuements infirmes à cause de la foiblesse de la faculté qui les meut, & le cerueau vacille. C'est pourquoy telle sorte de phrenaisie n'est pas violente aussi, mais mediocre; & comme quelqu'un diroit d'une personne qui resue, attédu qu'Hippocrate mesme a de coustume d'appeller vne phrenaisie mediocre, resuerie. Si donc la conuulsion se joint quelquesfois à semblable phrenaisie,

la vie & santé du malade est du tout desespérée. Or quelques exemplaires sont escrits avec la diction copulative &, & les autres sont escrits avec la dis-jonctive, *Vel*, ou selon laquelle aussi la resuerie n'est pas vn bon signe apres le flux de sang immodéré, bien qu'elle arriue seule; mais la conuulsion est beaucoup plus dangereuse si elle est suruenue sans resuerie: Or le plus grand peril est la rencontre & concurrence de ces deux accidents, veu que la conuulsion prouenuë d'yne euacuation de sang immodérée, est vn accident fort pernicious & mortel, mais la phrenaisie est moins dangereuse.


ANNO TAT. SVR LE
Comment.

AV premier, Galien enseigne que nous recueillons ceste utilité du present Aphorisme, que par son moyen nous pouvons persuader que la folie ou phrenaisie provient quelquefois du mesme desaut, qui cause les tremblements de mains & de pieds; car ces membres ont leurs mouvemens imbecilles, à cause de l'imbecillité de la puissance qui les ment, & le cerueau chancelle, d'où ceste sorte de phrenaisie dont se fait icy mention n'est pas vehemente, mais mediocre: comme si luy-mesme eust dit resuerie: Et ce à cause qu'Hippocrate appelle ordinairement la phrenaisie ou folie, mediocre resuerie.

Au second, il enseigne que si quelquesfois la conuulsion se joint à semblable resuerie, la vie est du tout desesperée; il y a quelques exemplaires qui ont la diction copulative, & les autres ou; mais si aussi la phrenaisie survient seule, c'est un mauvais accident apres le flux de sang, que si elles se rencontrent ensemble, cela est mortel, d'autant que la simple

272 Aphor. IX. du VII. Livre.

convulsion qui provient du flux de sang immodéré est un accident fort dangereux & mortel, au regard de la phrenaisie seule elle est moins perilleuse.



APHORISME XIV.

DV VII. LIVRE.

In capitis ictu obstupescencia, & desipientia malum.

Au coup receu en la teste, si l'émoussissement ou stupidité, & la folie suruiennent, cela est mauvais.



IPOCRATE, pour exercer en tout les esprits des Medecins, tant que faire se peut, a voulu aussi adjoûter au traicté faict expréz pour les accidents qui suruiennent interieurement, ceux qui arriuent aux maladies prouenuës de cause externe, & a plustost pris l'exemple des coups de la teste, à cause que les plus grands & euidents périls de tous ont

M v

accoustumé d'y suruenir, ce qu'il dit donc est, si vn endormissement ou stupeur suruient aux coups de la teste, ou la resuerie mesme, que cela est mauvais, lequel Aphorisme il repete en la mesme Section, pour en monstret la consequence (*aux coups*) Les playes de la teste ont accoustumé d'engendrer toutes sortes de maladies, les contusions, & en suite les intemperies, desquelles après plusieurs accidents naissent ordinairement, & la mort comme n'a seulement dit Hippocrate au liure des playes, mais comme il a aussi prouué par de tres-beaux exemples au liure cinquiesme des Epidemies; or les playes se font par cheute, espée, bois, mesme par la seule paulme de la main, comme il aduint à vne seruante au 5. des Epidemies qu'Hippocrate raconte, pour auoir esté frappée auec la paulme de la main en la teste, estre morte longtemps après (*stupor ou endormissement*) Cornelle Celse au 2. liure chap. 7. mettant en auant ceste sentence a teu ce mot de stupeur, & n'a faict mention que de la resuerie, possible que cela a

esté ainsi escrit en son texte, mais à cause que tel accident suit d'ordinaire les coups de la teste, ie ne doute point que Hippocrate ne l'ait proposé: or comment on cognoist la difference de ce qu'Hippocrate appelle *ἐκπληξις*, & *ἁφροσύνη*, stupeur & resuerie: Galien l'enseigne, escriuant que ceux qui resuent sont recogneus par leurs gestes & discours du tout esloignez de raison, mais les stupides en ce qu'ayants les yeux ouuerts, à la verité ils demeurent en repos & sans parler, tout ainsi que ceux qui craignants quelque chose, demeurent estonnez: or pourquoy cela aduient, Galien en assigne la seule cause en ce que le cerueau est domicile des facultez de l'ame, & certes les Peripatetiques n'ont pas qu'ils puissent aisément repliquer icy aux Medecins, veu que les espreunes iournalieres apprennent qu'à la blesseure du cerueau les operations de l'ame sont incontinent offensées. Au reste, il faut que nous voyons par quel moyen les coups de la teste engendrent les stupeurs en quelques parties, ou aussi en tout le

corps: car veu que la stupeur est certaine debilité du sentiment, & par fois du mouuement, & que telles operations se font par le moyen des esprits qui portent les facultez iusques à l'origine de la nucque, d'où en apres par forme d'irradiation ils sont distribuez par tout le corps: il aduient que le passage des esprits à la nucque empesché, & de là l'illustration des facultez ostée, les sentiments & les mouuements s'ostent aussi, où si pareille distribution & illustration ne sont du tout ostées; mais que seulement elles soient moindres, ainsi aussi les sentiments & mouuements diminuent: veu donc que la teste estant blessée, il suruiendra vne fracture dedans, encor qu'elle ne paroisse point en dehors, mais quelquesfois la seule compression des nerfs autour de leur principe, ou quelque humeur transmise au cerueau, ou soit que les nerfs mesmes se grossissent par le sang, s'ensuit que le passage des esprits & de l'illustration empesché, par consequent les operations du sentiment & du mouuement soient empeschées, en autre

façon la resuerie suit quelquesfois les coups de la teste, tous lesquels accidents sont mauuais, non seulement à cause qu'ils signifient vne grande lésion du cerueau, mais aussi en ce qu'ils sont causes d'autres maux & de la mort. Et ne faut point douter que les deux susdits accidents ne puissent suruenir tour à tour, ou ensemble aux coups de la teste, comme aussi les coups de la teste peuvent estre sans eux, comme on lit au 4. & 5. des Epid. de plusieurs qui sont morts des coups de la teste sans obtusecence ou resuerie: de sorte que ce n'est pas vne necessité que ces deux accidents suruiennent en tous les coups de la teste, mais lors qu'ils aduiennent, il faut qu'ils soient mauuais de necessité, & comme signes, & comme cause ainsi qu'on l'a demonsté, & qu'ils apportent la mort tost ou tard, selon qu'ils trouuent le temperament des blesez disposé. Cet Aphorisme sert aux prognostiques, & pour aduertir les Medecins, que par leur diligence ils diuertissent semblables maux, & qu'ils regardent à faire leur iugement

douteux, estant le propre des ignorants
& charlatans de promettre assure-
ment la santé aux choses douteuses.

G A L I E N.

LA phrenaisie se cognoist lors
que les malades ne disent, &
ne font rien conforme à la raison,
mais l'obstupescence lors qu'ils
ne disent, ne font rien du tout,
mais demeurent immobiles, les
yeux ouverts semblables à ceux
qui sont estonnez, & estourdis par
la crainte. Or que tous tels acci-
dents surviennent à cause du cer-
veau offensé, cela est manifeste,
car on a monstre que la princi-
pauté de l'ame est en luy; si donc
on trouve escrit en la fin de l'A-
phorisme (cela est mauvais) il est
tout evident que cela est bien dit,

que si on ne le met point, nous pouuons neantmoins l'entendre comme nous auons dit cy-deffus d'une clause commune: & or pouuons nous à cause que semblables accidents ensemble signifient que le cerueau est offensé, considerer la grandeur de la maladie.

ANNOTATIONS SVR LE Commentaire.

A premier, Galien enseigne ce qu'il faut entendre par ce mot *ἄλογος* ou vn, c'est à dire desipience ou folie, nous la cognoistrons en voyant les hommes ne rien dire, ou faire qui se rapporte & conforme à la raison: C'est pourquoy Celse, & non pas sans sujet, l'a interpretée resuerie, à cause s'entend que ceux qui sont ainsi, resuent.

Au second il enseigne que cela s'appelle *ἔκπληξις*, c'est à dire obstupescence, lors que l'homme ne fait, ne dit rien, mais demeure en repos les yeux ouuerts, semblable à

ceux qui sont estonnez, & deuiennent stupides par la crainte.

Au troisieme, il enseigne que toutes ces choses arriuent lors que le cerueau endure, car on a monstré que la principale partie de l'ame est au cerueau.

Il dit au quatrieme, que si on adionste la clause, cela est mauvais à la fin de l'Aphorisme, que c'est bien dit, car c'est signe que le coup a penetré iusqu'au cerueau, & que si elle n'y est point il la faut neantmoins entendre comme nous auons dit cy-dessus, qu'on la doit entendre, ainsi que clause commune à plusieurs Aphorismes.

Finalement il adionste, ven que tels Symptomes indiquent le cerueau blessé, nous pouuons considerer la grandeur de la maladie, & selon icelle en faire le prognostic.



APHORISME L.

DV VII. LIVRE.

Quibus cerebrum sphacelatum, id est, corruptum est, in tribus diebus pereunt: si vero hos euaserint, sani sunt.

Ceux qui ont le cerueau syderé ou sphacelé, meurent dans trois iours, mais s'ils passent trois iours ils reschappent.

Σ φάκελος & σφακελισμός sphacele ou sphacelisme, est vne di-
 ction ambiguë & douteuse; Ga-
 lien en parle au second liure des
 lieux affectez, mais à cause que beau-
 coup de choses inusitées se traictent
 icy; nous en parlerons quelque peu:
 sphacele dans Hippocrate & Galien si-
 gnifie toute sorte de corruption de

membre en quelque maniere qu'elle aduienne, comme si le pied ou la main, ou quelque autre partie du corps est corrompuë ; on appelle aussi sphacele si quelque partie se flectrit ou noircit, de sorte qu'elle ne recoiue point de nourriture, les Latins appellent fide-
 ration ou carbonculatation, c'est à dire noircisseure, comme charbon aux plan-
 tes, qui est aussi nommée d'Aristote
 ἀσφοδολισμός, coup de gresle ou d'A-
 stre; toutesfois encor que dans Hippo-
 crate ce mot de sphacelisme se prene
 pour la corruption de chaque membre,
 il signifie proprement la pourriture
 ou corruption de l'os : Σφακελος, se
 deriue de σφάττειν: comme qui diroit
 σφάγελος ainsi que σφάγν prend son
 nom de iugulare, qui signifie estrangler,
 à cause que c'est vne indisposition qui
 estranglé tellement la partie qu'elle as-
 siege, soit charneuse ou glanduleuse, ou
 l'os quelle menace, ou de corruption
 ou de mortification, ou de la mort
 presente, ou qui doit bien tost venir:
 car Sphacelle se préd dans Hippocrate
 & Galien en trois façons, or le doit-

on prendre en sa propre signification pour la corruption de l'os, comme dans Hipocrate au 2. liure des jointures, au liure de l'Air, des lieux, & des eaux, & au liure des playes de la teste, car Hipocrate nomme la corruption & mortification des parties charneuses, non pas sphacele, mais gangrene, ainsi que les Medecins plus modernes n'appellent pas la corruption de l'os gangrene sphacele, mais carie, qu'ils prennent plus communément & moins proprement de la gangrene qui n'est pas guerrie, car la gangrene est vne mortification qui commence des parties charneuses mal-disposées, que si elle continuë plus long-temps & gaste de suite les parties avec lesquelles elle communique, & ne s'abstienne pas mesme de corrompre les os, & qu'elle priue du tout vne partie entière de vie, de sentiment, & de mouuement, elle degenerere en sphacele, c'est à dire en parfaite mortification. S'entend qu'ainsi les parties charneuses esbranlées d'vne grande inflammation, tombent en mortification, si telle inflammation

ne se peut digerer ne tourner en pus, à cause de sa grandeur & debilité de la chaleur naturelle. On la prend généralement pour toute grande inflammation, ou pour toute indisposition de quelque partie que ce soit qui se porte mal, qui menace d'un danger de corruption & sîderation, ainsi Archigene nommoit cephalalgies ou douleurs de teste sphaceles, à sçauoir celles qui jointes à l'inflammation menaçoient de sîderation au 2. chap. du 2. liure des lieux affectez. Or telle mortification est nommée proprement gangrene, ou lors qu'elle commence & consiste encore en mouuement. Mais estant déjà faicte & parfaicte, elle se nomme sphacele : elle vient quand la partie mal disposée est destituée de la chaleur qui luy est naturelle & vitale, & de l'esprit influent. Or est-elle destituée en quatre façons, à cause que la chaleur naturelle de la partie est ostée, ou esteinte, ou suffoquée, ou corrompue; la chaleur naturelle s'esteint lors qu'aux fractures des os on estreint & bande la partie trop fort, ou bien qu'ad

elle est opprimée, aux luxations mal-reduites par quelque ignorant Chirurgien, avec vne grande contusion & obstruction, car les parties ainsi estreintes & opprimées ne sont entretenues & nourries, ne de la chaleur vitale, ne du triple esprit procedant du cœur, du foye, du cerueau, par les nerfs, veines & arteres: Car il faut que le libre mouuement de la chaleur naturelle & de l'esprit vital soit dehors & dedans, & en forme de cercle. La chaleur s'esteint par yn froid vehement qui suruient de dehors, comme ceux à qui les pieds, pendant vn fort hyuer, se pourrissent, cheminants nuds-pieds à trauers les neiges. Ou lors que mal à propos & sans consideration, par l'indue application de remedes topiques, refrigerants aux parties enflammées la chaleur naturelle est suffoquée, par l'affluence de trop de sang, ou d'un mauvais suc comme és grandes inflammations, & en vne grande obstruction qui empesche par la spiration, l'attraction de l'air exterieur, la chaleur naturelle se corrompt lors qu'il se fait dissolu-

tion de la substance des parties , des-
quelles comme l'integrité consiste en
l'vnion de l'humidité avec le sec , ainsi
leur corruption aduient par la dissolu-
tion & separation de l'humide avec le
sec. Or leur diuision se faiçt par le moyē
d'vne chaleur bruslante, ou de quelque
autre cause externe qui brusle actuel-
lement, comme est le feu, l'huile, &
l'eauë bouillante, ou la pouldre à ca-
non, quand elle est allumée; Quelques-
fois aussi cela aduient par la puissance
de la chose bruslante comme est le cau-
tete, l'huile de vitriol, ou bien par le
moyen de quelque chaleur extraordi-
naire produite par quelque maling
phlegmon, laquelle consomme l'hu-
midité radicale qu'elle assiege & enui-
ronne, & dissipe quant & quant la
chaleur naturelle de la partie; par fois
aussi la mesme chaleur est esteinte par
quelque maligne qualité pestilenticie-
use ou veneneuse, comme nous voyons,
tant aux punctions & morsures des bé-
stes malignes, qu'aux charbons & an-
trax pestilentiels qui apportent la gan-
grene à la partie en moins de 24. heu-

res; la mesme chose suruient aussi pour quelque grande playe faicte en partie nerueuse, aux articles, ou proche d'icelles, ou bien quand quelques parties nobles ont esté offensées, Hippo. en l'Apho. 45. liu. 6. dict, que la matiere fœtide & puante de quelque vlcere malign peut engendrer le mesme accidēt. Doncques les causes de la gangrene, & du sphacele sont de mesme espee, mais differentes pour la façon de corruption, car la pourriture qui vient de la gangrene est encore en mouuement, mais celle qui se faict du sphacele est desia faicte, d'où vient que la gangrene est guarissable quand on y prend garde de bonne heure, faisant tous les remedes necessaires pour l'arrester, mais le sphacele ne reçoit aucun remede, si ce n'est que l'on emporte le membre pourry dans les parties saines & sensibles: Il faut icy entendre, par le cerueau sphacele, celuy qui commence à se pourrir, & à tomber dans vne corruption parfaicte, car la vraye sideration du cerueau tuë en vn mesme instant le malade, ne se pouuant faire au-

tremement , tant pour la grandeur de la maladie , que pour l'excellence de la partie ; Hipp. liu. 2. & 3. des mal. nous enseigne, que le cerueau se sydere pour plusieurs causes, à sçauoir , ou quand il est trop eschauffé, ou par trop refroidy, ce qui arrive, ou de cause occulte par le vice du dedans, ou de cause evidente & manifeste , comme sont les playes de teste, la commotion, la concussion, la cheute, vn coup receu ; Or icy Hipp. veut que l'inflammation du cerueau d'où proprement le sphacele se face tant seulement des causes manifestes & apparentes , quand pour vn coup receu à la teste, ou pour vne commotion du cerueau, les veines au dedans du crâne & les membranes estant rompuës, le sang prouenu d'icelles veines se seroit amassé par grumeaux en quelque partie, si bien qu'en se corrompant & pourrissant il auroit excité quelque grande inflammation, par le moyen de laquelle la chaleur naturelle estant dissipée, le cerueau seroit tombé en sphacele; Les signes du cerueau syderé sont vne douleur grande à la nuque

nuche du col & le long de l'espine, la surdité, priuation de la voix, les veilles, les resueries & inquietudes, flux de sang par le nez & par la bouche, & si cela arriue par quelque playe, le pericrané, le crane, le cerueau mesme deuiendront noirs & mols, ayant outre cela vne odeur fort mauuaise; or il faut qu'à ceux ausquels le cerueau commence à se syderer, qu'en ce combat ou la nature surmonte ou soit surmontée, si elle gagne le dessus le sang sort par le nez & par la bouche, il se faict vne tumeur en la partie postérieure de la teste, de laquelle sort vne grande quantité de matiere puante & foetide, si elle est surmontée le mal rengrege & augmente, la sueur froide, la stupeur, & en fin la mort suruient, ou au troisieme iour comme en cet Aphorisme ou au cinquiesme comme au liure des maladies, ou bien au 7. comme il est dans les Coaques. Au troisieme iour l'on donne iugement du danger qui peut arriuer de la syderation du cerueau, lequel estant passé entierement, il faut esperer que le malade en peut reschap-

N

per, le quatriesme iour estant d'ordinaire la fin des maladies aiguës, l'assurance que l'on en peut tirer, est que le patient ait les forces bonnes, que la fièvre & les autres accidents soient remis; Les malades n'en guarissent pas tous apres le troisieme iour, car mesme il y en a eu quelques-vns qui sont morts le 7. & le 9. iour, Hippocrate dans les Coaques recommande l'ouuerture en telle maladie, afin de donner issue & passage, tant aux fumées malignes, qu'à la matiere mesme, qui pourroit estre contenuë en ceste partie. Cet Aphorisme est utile pour le prognostic, c'est pourquoy Hipp. au 2. des Epid. Sect. 6. a dit, que c'est vne chose excellente au Medecin, & qui le met grandement en reputation, que de predire les douleurs, les accidens, & les symptomes, & la mort mesme auant qu'ils arriuent; il n'est aussi pas moins utile pour la pratique, afin que les Medecins & Chirurgiens donnent secours aux malades le plustost que faire se pourra, ou par la Section, ou par autres remedes, comme l'a remarqué Hippocrate dans les

Coaques, & au second & troisieme li-
ure des maladies.

GALIEN.

IL a souuent dit au liure des ar-
ticles, que les os se sphaceloient,
au lieu de dire se corrompoient,
icy il ne faut point entendre de la
corruption du cerueau, veu ce qui
suit, & au cas qu'ils passent trois iours
ils guarissent : car si sphacele est vne
corruption generale de toute la
substance de la partie que l'on dit
estre sphacelée, il n'y a nulle dou-
te que le malade ne meure prom-
ptement ; quelquesfois on abuse
de ce mot pour signifier le com-
mencement de la disposition de
ceste maladie qui n'est pas encore
complete ny parfaicte ; la mesme
indisposition arriue aux parties

charnuës par le moyen d'une grande inflammation qui aura apporté & une insensibilité & une couleur noire à la partie affectée; ainsi nous disons que ceux-là qui souffrent telle indisposition, sont en chemin de gangrene: De même qu'à la gangrene faite & formée ou la partie est tout à fait morte & sans sentiment, il est impossible d'y apporter remède, mais quand elle se fait encore l'on a espérance de guérison: Donc il faut dire la même chose du sphacele, il faut juger de la mortification de la partie par la grandeur de l'inflammation que les Medecins ont appelé gangrene, les Grecs sphacele, d'où il me semble que Herodote a dict, que la cuisse de Cambyses s'estoit sphacelée, ainsi quelqu'un peut dire le cerueau estre sphacelé, mais pourquoy la mort

s'ensuit si promptement, c'est tant à raison de la grandeur du mal, que de l'excellence de la partie, que si le malade passe le troisieme iour, il faut croire qu'ayant les forces bonnes & valides, il viendra à conualescence, la nature surmontant le mal.

ANNOTAT. SVR LE

Comment de Galien.

A V premier Galien enseigne qu'Hippocrate au liure des articles, a souuent usé de ce mot de sphaceler pour dire corrompre, en celien nous ne pouuons entendre de la corruption totale du cerueau, veu ce qui suit; mais s'ils passent trois iours ils sont hors de danger, car si sphaceler signifioit corruption, il seroit impossible que celuy qui auroit le cerueau sphacelé peust reconuer sa santé, ny en trois, ny en quatre iours, ains au contraire de necessité il mourroit.

N^o iij

Au 2. il enseigne que cela se doit entendre de la disposition commenceante, laquelle n'est pas encore du tout parfaicte.

Au 3. il enseigne, que la mesme chose arrive à la gangrene des parties charnues par le moyen de l'inflammation qui cause une insensibilité & noirceur à la partie affectée. D'où nous disons que ceux qui sont travaillez d'un tel accident, sont en chemin de gangrene, & ainsi qu'il est impossible de guarir la gangrene & mortification parfaicte d'une partie charnue; de mesme il ne se peut faire, qu'on puisse guarir le cerneau sphacelé, c'est à dire corrompu & pourry, mais la gangrene se faisant, peut estre arrestée, ainsi le sphacèle commençant au cerneau, peut estre empesché. Au 4. il enseigne, que l'on peut rendre la raison pourquoy la mort s'ensuit si promptement, les malades ne passant point le 3. iour; à sçavoir, que c'est à cause qu'une partie tres-noble est attaquée par une maladie tres-grande.

En fin au 5. il conclud, que si les malades passent le quatriesme iour, qu'ils reschappent, & ont les forces bonnes & valides, qui surmontent une si grande maladie, mais ie croy qu'il faut entendre, comme nous auons dit,

que lors qu'ils reschappent, il n'y a point eu de mortification parfaite, ou bien que les humeurs estoient seulement corrompues, & non point la substance du cerneau.

N. iij.



APHORISME LVIII.

SECT. VI.

Si omentum excidat, necessario putrescit.

Si l'omentum vient à cheoir, il pourrira de nécessité.

COMMENTAIRE.



ETTE sentence est couchée en mesmes termes au liure des maladies, & dans les Coaques, si bien qu'il ne faut nullement douter qu'elle ne soit véritablement de la façon d'Hippocrate : Or que c'est que l'omentum que les Grecs appellent Epiploon, les Arabes, Zirbus, les François la Crespine: Il en faut prendre la

definition en l'anatomie, c'est chose
cogneuë d'un chacun; Tous les ani-
maux sanguins en ont eu de la nature,
comme l'a remarqué Aristote liure 3.
des parties des ani. chap. 1. & 4. Pline
liv. 11. chap. 37. exceptez les animaux
qui sont engendrez des œufs. Les ana-
tomistes tiennent que l'homme en a
plus grande quantité que tous les au-
tres animaux: Ceux qui en ont plus que
les autres, sont appellez *Epiplocomistes*,
comme qui diroit, porteurs d'epi-
ploon; Il tombe hors de son lieu ou au
dedans, ou au dehors du corps, il chet
au dedans, quand par quelque effort
violent le peritoine estant rompu, il
descend au dedans du scrotum ou dans
les aines, produisant ceste espee de
hargne que nous appellons *epiplocele*;
quelquesfois aux femmes qui sont
chargées de graisse, il tombe entre l'u-
terus & le col de la veseie, & par ce
moyen la bouche de la matrice est tel-
lement reserrée qu'il est impossible
que la semence puisse avoir son passa-
ge libre, si bien que la generation en
est empeschée, comme l'a remarqué

Hippocrate au 46. Aphor. du 5. liure,
Toutes femmes grasses de leur nature, & par trop qui ne conçoient point, c'est que la graisse ou l'epiploon reserre & estremit la bouche de la matrice, & ne pourront concevoir avant qu'elles soient emmaigries; Par fois il tombe dehors le ventre quand à l'occasion d'une playe en l'epigaste le peritoine estant percé il sort dehors, comme il arrive aux grandes playes, quand les intestins mesmes sont offencez & blessez; quand il tombe au dedans il ne se corrompt point, bien qu'il soit déchiré, estendu, & rompu, par ce qu'il est en son lieu naturel entretenu, fomenté, & conserué par la chaleur naturelle, en quoy paroist la force & la vertu du lieu naturel pour l'entretien des parties, mais lors qu'il est decouvert à l'air & hors le peritoine, il se pourrit, & se corrompt incontinent, s'il n'est promptement remis en son lieu avant qu'il vienne à senoircir. Or il se pourrit promptement, à cause de la grande humidité qu'il reçoit d'une grande quantité de graisse dont il est composé, & à l'instant la chaleur naturelle s'e-

steint en ayant fort peu pour la multitude de veines & de membranes dont il est infiltré & tissu; C'est pourquoy il est facilement alteré par l'air, plus ou moins, selon la quantité de l'air, & le temps qu'il sera hors de son propre lieu; car nulle partie du dedans, qui de nature n'a point de tegument, estant privée de sa couverture, ne peut souffrir l'air sans l'interest de sa substance, ainsi la chair privée de sa peau, les intestins de l'abdomen, l'os de sa chair, & de son perioste, le cerneau de ses membranes, les poulmons & la pleure des muscles intercostaux, estans privez de ses parties comme de leur couvercle, & exposez à l'air qu'ils n'ont point accoustumé se corrompent facilement. Il ne faut donc point trouver estrange si l'omentum venant à sortir hors du ventre se pourrit aisément, veu qu'il est tres-humide, & n'a que bien peu de chaleur; le signe manifeste & infailible de sa pourriture sera la noirceur. Tout ce qui sera sorty dehors doit estre couppe avant que l'on le remette, ou avec les doigts, ou avec la sonde en son.

propre lieu, prenant garde que la pour-
riture n'ait point gagné iusques aux
parties voisines, en laquelle Section il
n'y a rien a craindre fors l'hemoragie,
à quoy l'on mettra ordre par le moyen
de la ligature que l'on fera iusques aux
parties saines, laissant pendre le bout
de fil iusques à ce qu'il tombe de luy-
mesme: Galien veut que l'epiploon soit
destiné de nature pour ayder à la dige-
stion, ce qu'il confirme par l'exemple
d'un gladiateur, qui ayant receu vn
coup d'espée au petit ventre, l'on luy
couppa la partie de l'omentum qui sor-
toit dehors, si bien que depuis ce tēps-
là il estoit contraint de se couvrir le
ventre d'une panne, ne pouuant dige-
rer autrement, mais Vesale nie cela, di-
sant, qu'il n'y sert de rien; Ce que ie
confirmeray par l'exemple de plusieurs
à qui on en a couppé la plus grande &
saine partie, sans qu'ils en ayent receu
aucune incommodité à l'aduenir. Cet
Aphorisme est vtile, non point seule-
ment pour faire le prognostique des
playes du ventre inferieur, lors que les
intestins & l'omentum sortent dehors;

mais pour admonester les Chirurgiens qu'en pareille occasion ils le remettent promptement, & sans delay, & où il y auroit apparence qu'il fust gasté & pourry, qu'ils le couppent, comme nous auons dict cy-dessus, & comme l'ont enseigné Celse liu. 7. cha. 21. & Galien 6. de la methode chap. 4.

G A L I E N.


LA briefucté de cet Aphorisme pourra faire iuger à quelques-vns qu'il n'est point de la façon d'Hippocrate, car lors qu'il dit, si l'omentum sort hors de son lieu, cela se doit entendre lors qu'il est à nud hors du peritoine; C'est pourquoy il ne peut estre remis sain & entier: de mesme qu'une autre partie, comme les intestins, ou quelques fibres des visceres, car il est bien difficile que telles

parties n'acquierent leur temperature apres estre reduites en leur lieu, si ce n'est que l'on les eust laissées vn long temps à l'air, mais l'omentum en mesme instant se pourrit, C'est pourquoy les Medecins ont de coustume de couper ceste partie qui aura pris l'air. Voila l'opinion d'Hippocrate, que si quelqu'un a veu le contraire, comme il se peut rencontrer que l'epiploon fort y ait esté reduit en son lieu sans qu'il en soit arriué aucun accident, il dira que cet Aphorisme icy n'est pas tousjours veritable, neantmoins il iugera que cela arriue le plus souvent, & que cela est commun à tous les Aphorismes, que bien que les choses ne viennent pas tousjours de mesme il ne laisse pas d'en asseurer, par ce que fort rarement elles arriuent autrement.

ANNOTAT. SVR LE
Comment. de Galien.

AV premier, Galien enseigne que cet Aphorisme semblera faux à quelques-uns qui ne l'entendent pas bien, car voila le sens de l'Aphorisme, si l'omentum sort hors de son lieu, il est bien difficile que l'on le puisse reduire sain & entier, de mesme que les autres parties qui auront esté exposées à l'air, car les intestins & les fibres des visceres, si par un long espace de temps elles ne se sont fort refroidies, facilement retournent à leur temperament naturel.

Au second, Galien n'ose point reprendre ouvertement Hippocrate, quand il dit, si quelqu'un a veu le contraire, & que l'omentum ait esté remis sain & entier en son lieu, sans pourriture, il pourra assurer que l'opinion d'Hippocrate n'est pas tousiours veritable, neantmoins il faut croire, que cela arrive le plus souvent.



APHORISME XXXVIII.

SECT. VII.

*Destillationes in Ventrem superiorem
suppurantur intra viginti dies.*

Les distillations qui se font au
ventre superieur suppurent de-
dans vingt iours.

COMMENTAIRE.

HIPPOCRATE *in medi-*
co dict, que ce mot de
ventre, se prend gene-
ralement pour toute ca-
vité insigne & manife-
ste, comme aussi Galien sur l'Aph. 20.
du 6. liu. Toutesfois nous auons ac-
coustumé de le prendre pour cavité
notable, où il y a contenu dedans vn
viscere noble & excellent, & pour ce

qu'il y a au corps deux cautez notables & manifestes , l'une superieure, l'autre inferieure, nous disons qu'il y a deux ventres, l'un superieur qui est le thorax, l'autre inferieur qui est l'epigastre, par le 6. chap. du 4. de la methode, & sur la 12. partie du 4. de *acutis*, car les anciens n'ont iamais appellé la teste vn ventre, bien que Erotianus ait nommé les quatre cautez du cerueau, ventres, C'est pourquoy en cet Aphorisme par le ventre superieur, nous devons entendre, non point la teste, mais le thorax, qui est tout cet espace, qui contient interieurement le cœur, les poulmons, le mediastin, & la pleure, exterieurement les costes, & les muscles intercostaux, qui est borné & circumscrip par le diaphragme, les costes, & les clavicules : Par ce mot de *distillation* Hippocrate entend l'inflammation qui s'engendre dans la capacité du thorax, par la distillation ou descharge des humeurs, qui se fait par le moyen du cerueau, du col, des grands vaisseaux, ou des parties inferieures, ou de tout le corps, qui charie des hu-

meurs en ceste partie , ce qui se faiët
plustost en ceste façon, que non pas par
congestion , & amas de matiere en ce
lieu. Il y a peu d'inflammations, & pres-
que point, qui prennēt leur source petit
à petit, de la partie affectée, & si d'a-
venture il s'en trouue , elles se termi-
nent ou par coction, ou par resolution,
mais rarement par suppuration; & bien
que ce mot de distillation signifie tou-
te sorte de fluxion d'humeurs, icy tou-
tesfois il se prend pour le sang, d'où le
vray phlegmon est engendré, & aussi
l'on en peut dire autant des autres hu-
meurs qui sont meslées avec le sang,
par lequel le phlegmon œdematodes,
crepematodes , & schirroides est faiët,
d'autant que toutes les autres tumeurs
qui se font des humeurs simples , &
exemptes de sang, se terminent plustost
par resolution & coction, que par sup-
puration. Il est certain que le sang seul
se pourrit & tourne à suppuration,
ayant deux qualitez, à sçauoir, la cha-
leur & l'humidité principes de pour-
riture. Le docte Mercurial veut tout au
contraire que par ce mot de distilla-

tion l'on entende vne fluxion d'humeurs pituiteux, d'où Cornel. Celsus a dicté, apres les frequentes distillations la phtisie suruiuent, voicy ces paroles ; Les plus doctes interpretes ont estimé que la suppuration ne pouuoit prouenir que de la chaleur & inflammation, en quoy ils se sont tous trompez, car les autres humeurs pourrissent aussi bien que le sang ; ce qu'Hippocrate a enseigné clairement liure 1. des maladies, en ces mots ; Quand la pituite tombe en vntas, & tout à coup dans le ventre superieur, elle se pourrit, & en l'Aph 20. de ceste Sect. de l'erepelle, &c. A cela nous respondons que les autres humeurs ne se pourrissent point, bien qu'elles se corrompēt, comme ont remarqué Gallien liu. 4. des lieux affectez cha. 8. Alexand. Tralianus lib. 7. chap. 2. Paulus Ægineta lib. 3. cap. 32. Auicenne fen. 10. tract. 4. chap. 4. si ce n'est qu'elles soient melées avec le sang, ou bien qu'elles soient tombées en quelques parties ou elles soient tellement pressées, qu'elles ne puissent receuoir la transpiration, ce qui arriue fort souuent, veu qu'il n'y a aucune tumeur contre nature qui

soit faicte d'une humeur simple, ny le
deme, ny l'eresipelle, ny l'herpes, ny
le schyrre, ny le chancre ; car quand
Hippocrate a dict en l'Aph. 20. de ce-
ste Sect. *del'eresipelle, la suppuration*, cela
ne se doit entendre que des eresipelles
malings qui ne corrodent pas seule-
ment la peau adjacente, mais mangent
& penetrent la chair ; donc des inflam-
mations qui se feront engendrées dans
les parties thorciques ; comme font
en la pleure la pleuresie, au poulmon,
la peripneumonie, desquelles la matie-
re n'aura peu ne se cuire, ne se resou-
dre, soit par le crachement au com-
mencement de la maladie, pour l'im-
becillité & foiblesse des parties dediées
pour vider tels corps estranges, soit
pour le passage restrecy à cause de l'in-
flammation, & par l'obstruction des
matieres crasses gluantes & visqueuses,
ou pour quelque tumeur contre natu-
re, si bien que le vice en sera en la quan-
tité, espaisseur, & viscosité des excre-
mens, desquels la matiere n'aura point
eu son issuë au progrez de la maladie
par les selles, il est necessaire qu'elle se

tourne à suppuration. Ainsi l'experience nous enseigne que la pleuresie se termine quelquesfois par vn flux de ventre aqueux, nature se faisant elle mesme le passage, & bien plustost la fin s'ensuit quand la douleur est venuë iusques à l'hypocondre, d'où Hippocrate en la 32. Sect. du 2. des Coaques, à dict, qu'à ceux qui sont tranaillez d'vne douleur de costé avec la fièvre vn flux de ventre aqueux & bilieux leur suruenant apporte la guatison. Le mesme Hippocrate en dict autant du flux d'vrine, Mercurial dict auoir veu plusieurs pluresies qui se sont terminées par vn flux immoderé d'vrines noirastres, le chemin n'en est point trop esloigné, à sçauoir de la veine azigos ou intercostalle dans la caue, de la caue au foye, & du foye aux rheins. Areteus tesmoigne qu'vne crise s'est faicte de pareille maladie en vn flux de sang par le nez: Valeriola liu. 4. de ses obseruations, asseure qu'vne femme en a esté deliurée par la sueur sans auoir eu autre euacuation manifeste; Hippoc. aux Epid. & au liure des humeurs, elcrit que quelques-

fois la pleuresie se guarit par les hemorrhoides; le mesme en l'Aph. 38. de la Se^ct 2. tesmoigne le semblable d'un absces qui se seroit faict derriere les oreilles; Mais si telle inflammation & humeur ne prepare la sortie par l'un de ces moyens, il n'y a nulle doute que dans le 14. ou 20. iour elle ne se tourne à suppuration. Or des maladies simplement aiguës & non point tres-aiguës, ou bien des tres-aiguës & aiguës, la terminaison s'en faict au quatriesme iour, n'ayant point esgard au nombre des iours, ny en tout ce qui se sera passé en la maladie, mais plustost il faudra prendre garde en cet espace de temps, que la maladie se sera faict paroistre par des facheux & dangereux accidens, lequel temps ne peut durer plus de deux sepmaines, qui sont environ quinze iours, quelquesfois la maladie ne se descouvre point, ny le premier, ny le second, mesme avec peine le quatriesme iour, d'ou vient que les maladies qui arriuent doucement, iusques au quatriesme iour, finissent le dix-septiesme, & celles qui ne sont point vehementes,

insques au septiesme. Mais puis apres qu'ils viennent à se mouuoir violemment & avec vîstesse & vehemence, l'on n'en donne iugement asseuré qu'au 20. C'est pourquoy selon la doctrine d'Hippoc. l'on peut assigner deux termes des maladies aiguës, l'vn interne, l'autre externe; le premier commence du iour de la maladie, l'autre du iour que les accidens se font paroistre, & que le mal augmente. Donc les inflammations de la poictrine qui n'auront point eu de crises dans le 14. iour, parce que la force du mal n'aura point commencé le premier iour de la premiere sepmaine, mais le premier iour de la seconde, elles ne se tourneront à suppuration qu'au 20. laquelle sera simple quand la matièrre de la pleuresie ou de la peripneumonie se sera amassée dans la pleure ou dans le poulmon en forme d'aposteme, ou bien qu'icelle estant ouuerte aura respandu de la bouë dans le thorax, ainsi Hippocrate l'a remarqué en l'Aph. 8. de la Sect. 5. *Ceux qui sont pleuretiques & malades de costé, & ne sont point purgez en quatorze iours, leur*

mal se conuertit en suppuration. Or bien qu'Hippocrate donne le temps de la suppuration au 20. iour, il peut arriuer neantmoins, que plustost ou plus tard les inflammations suppurent, car lors qu'elles sont engendrées d'une humeur tenuë & acre, qu'elles enuironnent vne partie molle & lasche, qu'elles rencontrent vn jeune sujet, vn temperament chaud, vn temps & vne region, avec vne constitution de l'air de mesme: il n'y a nulle doute qu'elles ne degenerent en suppuration, le 7. le 11. ou bien le 14. iour, mais au contraire, quand elles sont faictes d'une matiere froide en vn lieu froid, elles ne viennent à supputer qu'au 24. 27. & 60. iour. C'est pourquoy de telle chose, non plus que des autres absces l'on n'en peut donner aucun iugement asseuré. Cet Aph. est vtile pour le prognostic, & encore plus necessaire pour la precaution, car lors que le Medecin ou Chirurgien, voit que la teste se descharge de quelque humeur sur la poitrine, il doit apporter tout le soing qu'il peut pour destourner telle fluxion, par purgations,

tions, saignées, & cauterés, & ainsi preferuer le malade de quelque vlcere qui se pourroit faire dans le poulmon, qui apporteroit apres plusieurs incommoditez, la mort.

GALIEN.

PAr le ventre superieur, il entend le thorax qui contient le poulmon, sur lequel la teste par la trachée artere charie quantité d'humeurs, ils suppurent d'ordinaire en vingt, & non point en 22. iours, comme beaucoup écriuent. Hippocrate faisant tousiours le vingtiesme iour critique, & non point le vingt-deux, comme il enseigne au liure des iours Decretaires.

ANNO TAT. SVR LE
Comment de Galien.

AV premier, Galien enseigne ce qu'Hippocrate entend par le ventre superieur, à sçauoir le thorax qui contient le poulmon, sur lequel par la trachée artere la distillation se faict.

Au second, il enseigne que ceste distillation se tourne en bouë le 20. & non le 22. iour, comme quelques-vns veulent, car Hippocrate faict critique le 20. & non le 22. iour.



APHORISME L.

SECT. VI.

*Quibuscumque præciditur cerebrum, his
necessè febrem, & bilis vomitum su-
peruenire.*

Il faut que nécessairement la fié-
ure & le vomissement de bile
surviennent à ceux qui ont le
cerveau blessé.

COMMENTAIRE.

EN cet Aphorisme le but
d'Hippocrate est d'ensei-
gner quand le cerveau a esté
offensé, ce qu'on doit at-
tendre aux playes de la teste, dont il
appert que la sentence est partie dia-
gnostique, veu qu'il enseigne par le
vomitement de la bile à discerner les

playes de la substance du cerueau, en partie pronostic, parce qu'icelle substance blessée il faut necessairement attendre la fièvre & la mort, ou soudaine, ou dans peu de temps, avec le vomissement bilieux, (*ausquels le cerueau*) attendu que le cerueau consiste de plusieurs parties, à sçauoir, de vaisseaux, de membranes, & de substance, lors que ces parties-cy sont bleccées, de necessité celles-là souffrent, mais non pas à l'opposite; d'où quand il nomme icy le cerueau, on doit sans doute entendre de la substance, c'est pourquoy Celse n'a pas mal faict, qui discourant sur ceste matiere au liure 3. chap. 28. a dict, *Si le cerueau ou sa membrane ont receu une playe le sang sort par les narines, à quelques-uns aussi par les oreilles, & un vomissement de bile suit presque d'ordinaire*: la même sentence se trouue aussi, tant aux Coaques, qu'au premier liure des maladies, toutesfois differente en quelques choses, veu qu'il faict icy mention de fièvre, & de vomissement de bile seulement, & que là il a dit, que l'apoplexie du corps suruenoit aussi, & aux Coa-

ques que la fièvre ne s'ensuiuoit pas de nécessité, mais le plus souuent (*il faut de nécessité que la fièvre*) on peut à bon droit douter en ce passage, pourquoy aux Coaques il dit, que la fièvre suit le plus souuent, & icy, qu'il est nécessaire qu'elle suie, veu que le cerueau est vn corps froid, & si esloigné du cœur, qui est le siege de la fièvre: d'auantage, & s'il est nécessaire, d'où prouient telle nécessité. Quand au premier point on y peut respondre en deux manieres, l'une, ainsi que nous auons acoustumé de dire; sçauoir, que lors qu'il escriuoit les Coaques, il n'auoit pas encor l'experience des choses qu'il eut depuis escriuant les Aphorismes, qu'autrement on peut entendre, que la fièvre suruient apres la playe de la teste en deux façons, ou à cause qu'elle suruient tout à l'heure, ou vn peu apres: si on le prend en la premiere sorte, sans doute il n'est pas nécessaire que la fièvre s'ensuiue, mais il arriue bien souuent, qu'aussi tost que le cerueau est blecé, la fièvre suit; & il a ainsi parlé aux Coaques: si on le prend en la seconde maniere, il est du tout ne-

nécessaire que l'on la prenne comme en parle icy Hippocrate, car si la fièvre n'arriue sur l'heure, du moins ce sera le second, le trois, ou le quatriesme iour; quand au second poinct, Galien escrit que cela aduient par certaine necessité commune, d'autant qu'où quelque partie principale est blecée, l'inflammation suit qui attire la fièvre à sa suite, la chaleur de la fièvre estant aussi tost communiquée au cœur, de sorte qu'ainsi que l'inflammation arriue plustost ou plus tard, ainsi est-il nécessaire que la fièvre se fasse. Or sçauoir si la fièvre deuient incontinent putride, ou ephemerere, i'estime que plusieurs ephemereres se peuvent continuer és corps qui ne sont point preparez à receuoir la putride, la fièvre peut aussi estre ephemerere, & se changer soudainement en putride, comme és corps qui sont ja disposez à receuoir la putride: or cecy semble nécessaire que quelque ephemerere precede tousiours, comme Galien l'a signifié au liure de *inaquali intemperie* chap. 5. (*De vomissement de bile*) Au second des maladies, il escrit aussi,

que le vomissement de sang suit les playes de la teste, notamment les grandes, esquelles le sang enuoyé par les veines dilacerées du cerueau dans le palais, & de la precipité dans l'estomach, se rejette par le vomissement; au reste, ce qu'on vomit la bile le cerueau estant blessé, Galien en attribué toute la cause à la communion des nerfs, qu'ont entr'eux l'orifice du ventricule, & le cerueau mesme, mais il y a d'autres raisons plus claires, quand à ce que la bile s'engendre dans le ventricule, Arist. le semble auoir asseuré au 4. des parties des animaux chap. 2. où il a escript qu'elle s'engendroit en chaque partie du corps, toutesfois i'estime l'opinion d'Auerroes meilleure, lequel au 3. collect. chap. 3. prouue que la bile naturelle, ne non naturelle, ne se peut engendrer au ventricule, excepté la verdastre & erugineuse qui sont equiuoquement nommées biles, & se font par vn mellage de bile & d'humeurs crues, comme aussi d'humeurs melancoliques corrompues: Veü donc que la bile ne s'engendre point dans l'estomach,

il faut de necessité quand on la vomit, qu'elle y soit chassée d'ailleurs, & cela se peut en partie faire, tant du foye par les veines mesaraiques, & en partie aussi des propres intestins, principalement du duodenum, auquel semblable humeur est abondamment enuoyée pour l'expulsion des excrements: or est-elle par fois enuoyée à l'estomach par son attraction, quelquesfois aussi sans aucune attraction d'iceluy; maintenant donc la teste estant bleeée, ie tien que le vomissement de bile se faict à cause de l'attraction, d'autāt que l'estomach estant debilité pour sa communication avec les susdits nerfs, reçoit facilement & attire des lieux voisins, comme desirant porter secours à pareille blesseure, d'ou vient que non seulement la bile, mais vn suc sereux aussi est tiré avec elle, principalement en ceux esquels il abonde: il y a plus, qu'une crainte & horreur suruiennent à tous ceux qui sont griefuement blecez, & ausquels l'orifice du ventricule est aussi offensé, lequel Galien au liure des Demonst. & des opinions d'Hippocrate & Pla-

ton, a prouué estre la cause des indispositions de l'esprit: or la melancolie & la bile sont facilement attirées en iceluy, comme apprent l'experiance journaliere, qu'en ceux qui sont attristez, ou qui craignent, s'esmeuent des vomissemens bilieux, mesme qu'Arist. 27. Sect. probl. 7. disoit, que la bile est vomie par ceux qui craignent, à cause que la chaleur naturelle resserree & contraincte au dedans, fond la bile, & la chasse dehors; Pourquoy cela ne se faict pas de mesme de la pituite, il faut dire, qu'encor qu'elle demeure tousjours dedans l'estomach, toutesfois elle n'est pas facile à expulser, veu qu'elle adhère & tient fermement aux parois de l'estomach, & des intestins pour leur conseruation, aux Coaques, & au 1. des mal. & au 1. & 7. liure des Apho. il est adjousté (comme ie disois tantost) que ceux qui sont blecez au cerueau, demeurent apopletiques, c'est à dire, sans sentiment, sans mouuement, & qu'ils meurent, ce qui veritablemēt a accoustumé d'auenir aux grandes bleceures, mais non pas tousiours, veu

que l'on remarque iournellement que quelques vns mesmes le cerueau blecé en reschappent : or pourquoy ils deuiennēt apoplectiques, c'est, ou à cause que les ventricules du cerueau sont remplis du sang espanché par la playe, ou à cause qu'ils sont estrexis du coup, & communiquent tellement ensemble, que les esprits ne peuuent estre respan-
dus par le corps, & ceste illustration des esprits ne se peut faire, de laquelle consistent les operations & la vie. Or que telles playes sont aussi mortelles de leur propre nature, Hippocrate l'a dit au liure des playes de la teste, & au 2. des prorrhēt. Cet Aphorisme sert principalement à faire les prognostiques, que si il est iamais necessaire au Chirurgien, c'est sans doute en toutes les playes de la teste, & principalement du cerueau, lesquelles pour petites qu'elles soient, Hippocrate a dict, qu'il ne falloit iamais negliger, & sur tout a commandé d'en faire le prognostique douteux.

G A L I E N.

LE cerueau estant offencé ou couppé la fièvre arriue, pour la mesme raison qui est commune à tous les viscerés nobles qui souffrent inflammation, ausquels la fièvre survient aussi, le vomissement bilieux se faict par la compassion du ventricule, pour la communication & sympathie qu'il a avec le cerueau, & principalement par le moyen de l'orifice supérieur auquel se terminent vne quantité incroyable de nerfs: il arriue ordinairement qu'une grande abondance de bile affluë au ventricule quand l'on reçoit quelques desplaisirs ou fascheries, & la quantité en est plus grande, si d'avanture il est desia indisposé, & de

O. vj.

mauvaise habitude, car les humeurs se portent fort aisément ou il y en a desia d'amassées, & encore plus facilement celles qui sont d'une substance tenuë comme est l'humeur bilieux. & avec iceluy toute la serosité se melle, ainsi qu'il arriue ordinairement aux vomissemens; & de faict, nous voyons fort rarement vn vomissement bilieux, auquel il n'y ait aucune humidité meslée, ce qui arriue fort souvent à ceux qui sont en parfaite santé, & principalement aux bilieux, comme les rapports qu'ils ont à la bouche, & leurs vomissemens le demonstrent, non point seulement à raison du cerueau blecé les hommes vomissent de la bile, mais aussi cela suruient pour l'offence de la dure mere, laquelle estant fort voisine du cerueau, elle luy communi-

que fort aisément les propres passions: Or les sectateurs d'Erasistrate qui font icelle membrane principe des nerfs. veulent, que tels accidens arriuent pour la bleccure, le dis que les sectateurs d'Erasistrate, & non point Erasistrate mesme, vsoient de tels discours, Par ce que estant venu sur l'aage, il a composé des liures de dissections. par lesquels il a monstré que le cerueau estoit le principe des nerfs: Or nous parlons plus amplement de toutes ces choses aux Commentaires de Hippocratis Sectione.

ANNOTAT. SVR LE
Comment de Galien.

Au premier, Galien enseigne pourquoy la fièvre se fait, & dit qu'elle s'engendre par la mesme raison commune à tous les membres nobles qui endurent & souffrent inflammation, Ainsi à l'inflammation des

parties nobles la fièvre tousiours suruient.

Au second, il monstre que le vomissement bilieux vient pour la compassion de l'orifice supérieur du ventricule, receuant du cerueau vne quantité innombrable de nerfs.

Au troisieme, il enseigne, pour quoy le vomissement se faiet, car il vient non seulement en l'orifice & bleccure du cerueau, mais aussi aux tristesses & fascheries, & plus le ventricule endure; alors vne plus grande quantité de superfluité bilieuse y afflue, car lors qu'il endure, les superfluites des parties voisines s'y portent plus facilement, & principalement celles qui sont faietes d'une substance plus tenue comme est la bile, & les serositez bilieuses qui se meslent avec elle; que si vous prenez garde de prez au vomissement, vous trouuerez qu'il n'est iamais faiet d'une bile simple, trop bien d'une bile meslée avec la pituite: & de faiet, ceux qui sont en santé, ayants esté vn long-temps sans manger, amassent de semblables humeurs dans l'estomach, ce qui arrive le plus souuent à ceux qui sont bilieux de nature, comme il paroist tant par les rapports qu'ils ont en la bouche, que par tedit vomissement bilieux, auquel ils sont sub-

Au quatriesme, Galien enseigne que le vomissement bilieux arriue non pas seulement en l'offence du cerueau, mais aussi pour la contusion des membranes, lesquelles luy communiquent aisément leurs passions.

Au cinquiesme, il monstre que les sectateurs d'Erasistrate n'ont point dict que le vomissement bilieux se faisoit pour l'offence de la dure mere, le cerueau endurant, mais à raison de la propre nature & condition de la membrane seulement, car ils veulent que les nerfs prennent leur origine d'icelle, & non point du cerueau, & à raison de ceste membrane & non point du cerueau ils veulent que l'orifice superieur du ventricule compatisse & endure, auquel deux gros nerfs se terminent, & que si l'on dit que le vomissement bilieux suruient pour l'offence du cerueau, ils veulent au contraire que ce soit à raison des membranes, car il est impossible, disent-ils, que le cerueau soit couppe & blecé, que la dure & pie mere enueloppés du cerueau ne soient premierement offencées.

Au sixiesme il monstre pourquoy les sectateurs d'Erasistrate, & non point Erasistrate ont tenu tels discours, d'autant, disent-ils, qu'estant venu sur l'aage, il a fait des

liures de la dissection, par lesquels il prou-
ue, que le cerueau est le principe des nerfs,
mais d'iceux Galien a fait mention au li-
ure de dissect. Hippoc.



APHORISME LIX.

SECT. VII.

Quibus cerebrum aliqua ex causa concussum fuerit, necesse est statim mutos fieri.

Ceux auxquels le cerueau aura esté esbranlé pour quelque cause que ce soit, il est necessaire que tout soudain ils deviennent muets.

COMMENTAIRE.



Il ne faut pas douter que cet Aphorisme ne soit de l'invention d'Hippocrate, & qui s'accorde à sa doctrine au 1. des maladies, & qu'il est repeté aux prenotions Coaques, car Hippocrate

apprend à cognoistre quand par cheu-
te ou autre violente occasion, le cerueau
mesme, c'est à dire la substance est grā-
dement offencée, de sorte que la ten-
tence appartient à ceste partie de Me-
decine qui se nomme simiotique (est
esbranlé) au Grec il y a escrit (σεισθήν)
c'est à dire, est esbranlé ; on appelle le
cerueau s'esbranler, lors que demeu-
rant en son siege quelque chose se frois-
se avec les os, car jacoit que le cerueau
semble principalement aux femmes,
remplir tellement la capacité du crane
qu'aucun espace ne reste vuide, toutes-
fois aux vieillards, & à ceux qui sont
trop addonnez à l'amour, il a accou-
stumé de s'affaïsser & arrester de sorte
en la partie de deuant, que pour ce su-
jet quelque chose de vuide s'y faiët, &
de là vient qu'iceux deuiennent chau-
ues: or l'accident duquel parle main-
tenant Hippocrate, n'aduiet point aux
enfants, autrement il aduiendroit au
cerueau, veu les causes externes qui le
leur esbranle d'ordinaire: mais il ad-
uiet aux vieillards (par quelque oc-
casion) or Galien declarant quelle est

ceste occasion, pour laquelle tel accident arriue; il dit, que c'est vne cheute de haut, ou mesme par vn trop grand & importun mouuement, comme aussi par vne percussion vehemente, Hippocrate raconte au 5. & 7. des Epidem. que certaine femme frappée par vne autre de la paulme de la main, endura quelque chose de semblable, comme celuy qui frappé d'un Macedonien, souffrit semblables accidents, semblable accident se faiet aussi lors que la moüelle de l'espine fort esbranlée, principalement vers son origine, d'autant que l'illustration de la faculté animale n'est point transmise ou il faut, mais est toute retenuë en elle-mesme. Hippocrate, comme ie disoy n'aguertes, a le mesme aduis, au premier des maladies, mais beaucoup plus ample aux Coaques, où il est ainsi escrit, *Ceux auxquels le cerueau est esbranlé & trauaillé de coups, ou qui tombent d'autre sorte, incontinent ils deuiennent muets, & perdent la veüe, & l'oüye, & meurent la plus part, (Deuiennent muets de necessité) soit que nous lions à porys, ou à poryoi, cela n'import-*

te, comme dit Galien, mais bien de
ſçauoir que ceux ſont appellez propre-
ment ſans voix par Hippocrate, qui
non ſeulement ne peuuent rien dire,
mais auſſi qui ſont priuez de tout mou-
uement & ſentiment ſelon le choiſ. Il
faut maintenant veoir comment Hip-
pocrate, & icy, & aux Coaques, & au
premier des maladies, dit que cela eſt
neceſſaire, & pour quelle cauſe cela
aduient & ſoudainement, i'ay dit au-
tresfois, & le repete encore, qu'aucun
autre eſprit qu'Hippocrate, n'auroit
peu avec telle aſſurance diſcourir des
affaires de la Medecine, lequel à cauſe
d'vne experience tres-aſſeurée, & pour
des obſeruations certaines, & recher-
chées, ne ſe trompoit point, comme dit
Ceſe, mais en la matiere propoſée, la
raiſon irrefutable y eſt auſſi, en ce que
le cerueau à cauſe de ſa tendreur eſt ai-
ſément offencé, pour à quoy obuier, na-
ture a voulu qu'il fut premierement
reueſtu de pluſieurs tuniques, & d'os,
puis apres, & qu'il fut ſi eſtroictement
enuiſſonné, que lors qu'il ſe meut, (ce
qu'il deuoit faire tres-rarement) il ne

peust estre esbranlé & offencé, de sorte que s'il aduient que quelquesfois esbranlé, il se froisse avec les os, sans doute vn grand dommage luy arriue, d'autant qu'il est comme meu par deux mouuements contre nature, d'ou aduient que quelques espaces du ventricule du cerueau comprimé, resserrent tellement en eux les esprits animaux, qu'ils ne portent aucune faculté animale au principé de la moëlle del'espine; & par consequent ne dispercent aucune lumiere au corps, de laquelle priué, il demeure ensemble priué de mouuement & de sentiment, & souffre sur l'heure ainsi que ceste compression arriue subitement, car comme nous voyons l'illumination du Soleil se faire promptement, & cesser promptement, par mesme moyen si par l'illustration faicte des esprits animaux, celle du sentiment & du mouuement se faict à l'exemple de celle du Soleil, comme Galien le disoit au premier liure des causes des symptomes: à bon droict icelle cessant, soudainement telle illumination estant, ou presente, ou

absente, cesse aussi; & de là paroist manifestement que le cerueau est le vray domicile de la faculté motrice & conservatrice, non pas le cœur; veu qu'ice-luy estant arraché du corps, le mouvement & le sentiment demeurent encor quelque temps en l'animal : or pourquoy Hippocrate a mieux aymé dire icy sans voix, que sans sentiment & sans mouvement, veu qu'aux Coaques & au premier des maladies il a adjousté qu'ils deuenoient sans sentiment & mouvement, la raison a esté à mon aduis d'autant que la voix se perd premier qu'aucune autre action, & à cause que les muscles qui seruent à la poëtrine & à la voix, demeurent sans faculté motrice, & que l'imaginatrice se perd par laquelle la voix est formée & réglée; donc à cause de briefueté il a ôbmis le reste: or ce que i'ay dit du cerueau il en faut autant dire de la moëlle de l'espine. L'Aphorisme sert premierement, comme i'ay dit, en quelle sorte le cerueau est fort offencé, sçauoir, quand par le coup l'animal perd incontinent la voix, ce qui n'est pas si facile à remar-

quer en l'homme qu'és bestes brutes, veu que lors que les bouchers veulent tuer les bœufs, & les veaux, ils leur frappent violemment la teste d'un maillet, auquel premier coup ils tombent sans voix incontinent, il sert aussi pour le prognostic, attendu que les maladies vehementes du cerueau sont tousiours mortelles, mais il faict aussi quelque chose pour la pratique de la Medecine, veu que de-la on apprend quelle partie il faut secourir la premiere en vne subite perte de voix, sçauoir le cerueau, duquel elle tire son origine.

GALIEN

NOus trouuons en plusieurs exemplaires, même en cet Aphorisme, ce mot (*mutus muets*) en l'accusatif pluriel, & en quelques-vns (*mutum muet*) au singulier, ce qui se faict par la figure appelée solœcophane; Il n'importe,

pour le present, si nous recognoissons que la coustume d'Hippocrate, est que d'un accident manifeste & apparent, le plus souvent, à sçauoir la priuation de la voix, il veut monstrier & denoter ceux qui n'ont aucun choix & election au mouuement, c'est à dire, à un mot, qui n'ont aucun sentiment, mais ils sont de mesme que les apoplectiques, ayāt perdu toutes les facultez principales, ce qui arriue quelquesfois aussi pour autre subiect: maintenant Hippoc. faict mention de la concussion du cerueau, la faisant prouenir de toute l'habitude du corps: Or le cerueau se peut esbranler & agiter en ceste façon, comme si quelqu'un venoit à cheoir de sa hauteur, & d'un lieu eminent, telles cheutes de haut peuvent aussi apporter concussion aux vertebres de l'espine

de l'espine du dos , quand leur rang & ordre a esté esbranlé de telle façon, que la spinale medulle contenuë en telle cauité s'en ressent. Or en la concussion vehemente du cerueau, il faut craindre qu'il ne se fasse ruption de quelque nerf ; ce qui arriue souuent dans le cerueau , mesme, & principalement aux lieux qui sont vuides , ce qui se veoid le plus souuent aux vieillards ; comme nous auons monstre en nostre traicté des Dissections ; si bien que la vertu animale s'amasse & se resserre en soy-mesme, estant offencée par vn mouuement violent. Or ce qui s'est esmeu & leué , est en partie violemment estendu, en partie distraict & tiré en diuers endroicts, iusques à ce que la faculté animale s'estant tirée & vnie estroictement , rend l'animal & muet, &

P

du tout immobile: que si il arriue que le cerueau, ou vne partie d'iceluy endure conuulsion, ceux à qui il arriue tel accident, ne reuiennent point, mais meurent promptement.

ANNOTAT. SVR LE
Comment. de Galien.

Au premier, Galien enseigne que cette particule (*mutos muets*) en quelques exemplaires se retreuve au pluriel, & en quelques autres au singulier, & que s'il se retreuve au singulier, que c'est par la figure qui s'appelle *solæcophane*, y ayant faulx en la Grammaire.

Au second, il enseigne, qu'il n'importe, pourueu que l'on sçache que c'est la coustume d'Hippocrate, que par la perte de la voix qui est vn accident fort cogneu, il veut signifier ceux qui n'ont nul mouuement ny sentiment d'election, estants couchez & estendus de mesme que les *apoplectiques*, ayant prin-

tion du mouuement & sentiment, ce qui peut arriuer pour plusieurs causes, Mais Hippocrate faiët icy seulement mention de ce qui arriue par la commotion & concussion du cerueau.

Au troisiésme il dit, que le cerueau peut estre esbranlé par quelque cheute de h ut, laquelle cheute peut aussi apporter concussion aux vertebres de l'essine, quand leur rang est esmen & estonné, si bien que la spinalle medulle qui est contenue dans lenys cauitex, vient à souffrir & endurer concussion, mais il faut craindre que par vne telle esmotion, quelque nerf ne se rompe, ce qui seroit tres-dangereux, & encore plus fascheux, si la mesme chose arriuoit au cerueau, comme il s'est veu quelquesfois, principalement aux vieillards, qui sont plus subiets que les autres à auoir quelques lieux vuides & caues dans la teste, comme nous auons monstré en nos dissect. Anatom.

Au quatriésme, il monstre que la faculté animale se retire en soy-mesme, & estant trauaillée par vn mouuement violent, elle se repose, mais des choses qui sont suruenues, les vnes sont offensées suffisamment, les autres

sont distraictes & separées en diners lieux,
insques à ce que la faculté animale s'estant
amassée & assemblée, l'animal est rendu muet
par ce moyen.



APHORISME XLIX.

SECT. VI.

Quicumque morbi podagrici fiunt, hi sedata in quadraginta diebus inflammatione finiunt.

Toutes les maladies qui se terminent en gouttes, finissent dans quarante iours apres l'inflammation appaisée.

COMMENTAIRE.



Et Aphorisme doit estre mis au nombre de ceux qui traictent des maladies de longue durée, à sçauoir, de la goutte: Au reste, il est tout prognostique, comme l'intention d'Hippocrate, est d'enseigner ce qu'il est licite de prognosti-

quer lors qu'és douleurs podagriques, les parties dolentes s'enflamment: (*toutes les maladies:*) Hippocrate faiët entièrement, au present Aphorisme, ce qu'il a accoustumé de faire, s'entend sous l'appellation d'une maladie d'embrasser toutes celles qui en dépendent, car icy sous le nom de maladie podagrique, il entend toutes celles qui viennent aux articles, comme celles qui ne different entre elles qu'à raison du lieu: partant il a dict, *ποδαγρικαί τε καὶ χιταγρικαί* c'est à dire, maladies podagriques, afin de comprendre sous ceste voix pluriere, toutes semblables maladies: La mesme sentence se trouue au liure des crises d'Hippocrate, & dans Celse mesme, au liure 4. chap. 24. où parlant des douleurs podagriques & chitagriques, il vse de ceste mesme sentence, (*qui se terminent*) la diction signifie, ces douleurs articulaires, qui surviennent à ceux qui ont desia de l'aage, non pas celles qui semblent nées avec la personne, & hereditaires, car celles-cy ne finissent pas, non dans quarante iours, mais ont accoustumé d'estre presque

incurables, comme aussi celles qui sont inueterées par vne longue habitude, (*apres l'inflammation,*) Galien en son Comment a discours assez elegamment, de l'inflammation des articles, où elle se faiët, & comment elle se faiët; car pour le regard du lieu, il a creu qu'elle ne se faisoit, ne aux muscles, ne aux nerfs, mais aux ligaments & membranes, ce qu'il prouue par deux argumens; l'vn, & que la douleur s'apperçoit en icelles parties, & que l'on n'a iamais veu les podagres tomber en conuulsion, laquelle autrement a accoustumé d'auenir lors que les nerfs & muscles sont enflammez, quand au moyen de leur generation, Galien escrit aussi que la matiere excrementaire est premiere-mēt portée és lieux des jointures, apres és parties circonuoisines, iusques au cuir, lesquelles parties, depuis qu'elles sont pleines, les nerfs tendent necessairement, & les tendons, & ainsi la tumeur & douleur s'ensuiuent; or alors que les humeurs sont affluées, si elles sont subtiles, elles doiuent estre consommées en peu de temps, si au con-

traire elles sont espoisses ou visqueuses, ou visqueuses & espoisses ensemble, elles durent plus long-temps; (*dans quarante iours*) Celse au passage allegué, dit, que la douleur & inflammation cesse dans quarante iours, s'il n'y a de la faute du malade, Galien a dit aussi, que cela se faisoit, si le Medecin faict son deuoir, & que le malade obeisse. Or cecy est digne de recherche, pourquoy dans quarante iours, principalement les douleurs des podagres ou goutteux s'appaisent; à quoy il faut premiere-ment dire, qu'Hippocrate n'a pas voulu, que telle indisposition s'appaisast dans le quarantiemesme iour precisement, qui est le terme des maladies aiguës, selon leur decision: or la cause de cecy est, à cause que si on a esgard à l'inflammation, c'est sans doute vne maladie aiguë, mais si on considere le lieu, comme assez ignoble, ce deust estre vne maladie de celles que l'on appelle de longue durée, de sorte que ces deux accidents concurrens en vn, il se faict vne espeece de maladie aiguë, par decidence ou cheute des humeurs, qu'Hippocrate a

dit autresfois se terminer dans le quarantiesme iour, (*elles cessent*) ce qu'Hippocrate semble dire est, que si les douleurs s'adoucissent aux podagres, elles cessent le quarantiesme iour: au reste on peut douter si la diction (dans quarante iours) se doit referer à l'inflammation, comme semblent auoir estimé Galien & Celse, ou plustost à la diction subsequente (*elles cessent*) comme d'autres l'ont creu, & me plaist dauantage qu'elle soit rapportée aux quarante iours à cause qu'on experimente souuent, que les maladies ne guerissent iamais parfaictement, comme il aduiuent aussi quelquesfois, qu'elles soiēt parfaictement gueries: donc si dans l'espace de quarante iours la tumeur & inflammation cessent, il y a esperance que le malade sera parfaictement guery; si elles ne cessent point, ou vne parfaicte guerison ne s'ensuit, ou ce sera avec vne tres-grande longueur de tēps: or y a-t'il plusieurs moyens par lesquels l'inflammation a accoustumé de s'appaiser, ou par la discussion de l'humour flué, lors s'entend qu'il est ou se-

reux, ou bilieux, ce qui se faict de peu de durée, ou par emission & renuoy de matiere hors de la profondeur de la jointure aux parties externes, car lors s'appaise la douleur, principalement quand l'on trouue les parties superficielles esleuées & enflées, ce qui aduient quand les douleurs sont engendrées de sang pituiteux, ou quand la matiere propre vient à suppuration, laquelle chose, comme elle aduient rarement, ainsi la solution en est ordinairement tres-cruelle & difficile, où lors que les parties plus subtiles, plus chaudes, & qui causent plus de douleur estants discutées, les terrestres demeurent, lesquelles endurcies, & comme congelées, rendent le mal presque incurable, mais auant que de finir, il faut vn peu mieux examiner, si ce que Galien a dit est veritable, sçauoir que l'inflammation se faict principalement aux ligaments & membranes qui adherent aux os & à leurs cauitez inserées, mais non pas aux nerfs & tendons, car ce qui faict la difficulté est, d'autant que les ligaments & les os n'ont point de

sentiment, ne par consequent de douleur: d'où s'ensuit que les seules membranes estenduës & remplies, causent la douleur; cecy d'ailleurs semble difficile à comprendre par quel moyen les nerfs ne se remplissent point, & par consequent causent conuulsion, outre plus vne fluxion se faict par les veines, quoy qu'ait dit Fernel. Or les veines se portent non pas és cauitez des jointures, mais dans les ligaments mesmes, tendons, & muscles, pour leur nourriture. A toutes lesquelles choses on doit respondre ce que dit Galien, à sçauoir, que la matiere avec le sang portée par les veines, se vomit aux jointures, dans leurs cauitez, & que la matiere adherant là aux membranes, les estend ensemble, les nerfs & tendons circonuoisins, & qu'ainsi elle faict la douleur, tant qu'icelle matiere soit, ou dissipée de nature, ou soit chassée des plus profondes parties aux externes, ou se resolve par quelque autre maniere. Or ne s'ensuit point de conuulsion, d'autant que les nerfs ou muscles ne s'emplissent pas de tous costez, en sorte qu'ils soient

contraincts de s'accourcir , & jaçoit qu'ils s'accourcissent quelque peu, toutesfois à cause de la distance, cela ne se communique point à l'origine des nerfs parauant que la matiere efficiente du mal soit dissipée ; l'Aphorisme sert pour le prognostic aux douleurs articulaires, selon lequel prognostic, le Medecin peut aussi entendre quel but il se doit proposer en la guerison, sçauoir, de discuter les humeurs desia influées, & d'empescher la nouvelle fluxion.

G A L I E N.

L'Inflammation de ceux qui sont trauaillez de la goutte se fait par la fluxion qui tombe dans les articles ; Or cette fluxion est premierement receuë par les parties de l'articulation, en apres elle s'el pand par tous les lieux circonuoisins, iusques au cuir ; Et pour

autant que nous disons que les articulations se remplissent, il est aussi nécessaire de dire que leurs ligaments s'estendent : Mais il ne faut pas inferer de là que les chordes & tendons souffrent inflammations, biens qu'ils endurent de grandes douleurs, à cause qu'ils sont estendus aussi bien que le sarticles; c'est pourquoy nous ne voyons pas vn goutteux endurer la conuulsion, comme il arriue ordinairement aux inflammations des nerfs. L'on tire pour leur guarison la mesme indication que l'on faiët à ceux qui sont trauallez & tourmentez d'inflammation, car il faut discuter & resoudre toute la fluxion qui sera faiëte aux pieds; que si elle prouient d'une substance tenuë, cela se fera en peu de temps; si au contraire d'une matiere crasse & visqueuse, elle sera plus longue à

se résoudre, & encores beaucoup plus opiniastre aux remedes si elle est engendrée de toutes les deux. Quant à la guarison de l'inflammation, elle ne peut durer plus de quarante iours à se faire, pourueu que le Medecin ne se trompe point en son art, & que le malade aussi soit obeïssant aux remedes. La guarison de l'inflammation des parties charnuës se mesure de mesme qu'aux maladies aiguës; asçauoir, en quatorze iours, & parce que la chair est d'une substance molasse & moins dure, que celle des ligaments; voyla pourquoy les tendons, les nerfs, & les ligamēts sont plus tardifs à s'enflammer, & plus tardifs aussi à receuoir guarison, Et comme ils sont long-temps à receuoir de l'humidité, pour estre faicts & tissus d'une substance dure & compacte, aussi sont ils

long-temps apres auoir receu la-
dite humeur à la laisser , & avec
peine retournent-ils à leur naturel.
C'est pourquoy Hyppocrate a
mis le terme à la fin des inflam-
mations, non point au quatorzief-
me , mais au quarantiesme iour:
Car les humeurs , tant celles qui
sont aux articulations , que celles
qui sont tombées sur les ligamēts,
il est necessaire qu'elles s'euacuent
par euaporation, il a faict mention
du quarantiesme iour dans le Pro-
gnostique , il en a faict de plus
longs discours dans les Coaques.

ANNOTATIONS SVR LE Commentaire.

Au premier , Galien enseigne comment
l'inflammation survient à ceux qui
sont travaillez de la goutte ; à sçavoir , par le
moyen de la matiere qui tombe dans les arti-

cles, comme au pied, où cette matiere est premierement receüe par les articulations, puis par tous les lieux circonuoisins, iusques au cuir: Mais pour autant que les articulations se remplissent, les ligaments aussi s'estendent, sans toutesfois souffrir inflammation, mais bien de la douleur, à cause qu'ils sont estendus avec les articles par l'humeur qui y tombe, ce qui se prouue fort facilement, parce qu'il ne s'est iamais veu gouteux endurer conuulsion, comme il arrive le plus souvent aux inflammations des nerfs.

Au second, il monstre que l'intention de la guarison est commune avec celle de ceux qui souffrent inflammation, premierement il faut resoudre ce qui est flué dessus les pieds, si la fluxion est faicte d'une matiere tenuë, elle se rabien tost discutée: que si au contraire elle se rencontre d'une matiere epaisse, ou crasse & visqueuse, elle sera fort long temps à se resoudre, encore beaucoup plus si les deux se retrouuent ensemblement: toutesfois la guarison de l'inflammation ne passera point quarante iours, pourueu que le Medecin ne s'abuse point, & que le malade soit obeissant.

Au troisieme, il enseigne que la guerison de l'inflammation des parties charnues a le

mesme terme que celuy des maladies aiguës :
asçavoir, quatorze iours, car la substance de
la chair est molle, & moins dure que celle des
ligaments ; c'est pourquoy les nerfs & ten-
dons sont beaucoup plus tard à s'enflammer,
& plus tard aussi à guarir : & pour mesme
raison avec plus de peine ils reçoivent les su-
perfluitez qui tombent dans les articles, &
avec plus de peine aussi ils les chassent.

Au quatriesme, Galien donne la raison
pourquoy Hippocrate a escrit que la terminai-
son de l'inflammation des gouteux se faisoit
dans le quarantiesme iour, & non point dans
le quatorziesme ; parce qu'il faut que les hu-
meurs qui sont tombées dans les articles, &
sur les ligaments, s'evacuent par evapora-
tion.

Au cinquiesme, Galien dit qu'Hippocra-
te a fait mention du quarantiesme iour dans
le Prognostique, & au Livre De Decreto-
riis diebus.



APHORISME LV.

SECT. VI.

*Dolores podagrici, Vere, & Autumno
magna ex parte moventur.*

Les douleurs des gouttes, s'esmeu-
vent la plupart au Printemps,
& en Automne.

COMMENTAIRE.



N cet Aphorisme, le
but d'Hyppocrate est
de vouloir à l'exemple
des maladies articulai-
res, enseigner en quel
temps principalement
les douleurs de longue durée s'engen-
drent, ou du moins des-ja formées
s'empirent, ou en fin se renouvellent;
de sorte que ceste sentence appartient à

la patrie theoricque, & principalement
diagnostique; elle appartient aussi à la
preservative, d'autant qu'Hippocrate
laisse cet avis en intention d'avertir
les malades, qu'à cause que n'estants
point affligés de la goutte en Esté & en
Hiver, ils n'en prennent plus d'assuran-
ce & de licence pour commettre des
fautes en leur régime de vivre: Et afin
qu'en ces saisons là le Medecin soit aus-
si plus diligent à user de precaution cō-
tre la goutte (*Podagriques*,) Galien
remarque qu'Hippocrate sous le nom
de Podagrique, a embrassé toutes les
maladies des jointures; d'autant qu'au
troisième Livre, comme il denombroit
les maladies du Printemps, il a mis de
leur nombre les affections articulaires,
aussi sous lesquelles il a compris les
goutteux; & Celse au deuxième Livre
Chapitre premier, disoit, Que les ma-
ladies qui maintenant pressent, & tan-
tôt se reposent aux jointures, & aux
nerfs, reviennent & commencent au
Printemps principalement, (*& en Au-
tomne.*) Celse aussi au Livre 4. Chap.
24. montrant quasi au doigt c'est A-

phorisme, a dict, Que ceux auxquels la goutte est recidiue, ce qui a accoustumé d'arriuer au Printemps, ou en Automne, doiuent auoir vn soing particulier de leur santé; ce qui auroit possible esté cause qu'Hippocrate nombrant les maladies qui viennent en Automne a specifié, non pas toutes les maladies articulaires, mais les seules sciaticques (*s'esmeuent,*) pourquoy Hippocrate a vsé du mot *s'esmouuoir*, non pas *s'engendrer*; la raison a esté à cause que les gouteux de nature endurent tousiours quelque mal, d'autant que la source des gouttes inueterées ne tarit iamais du tout, d'où la goutte ne s'engendre pas en eux, mais s'aigrit, & est comme renouvelée en l'Automne, & au Printemps, ce qu'aussi signifie le mot (*esmouuoir,*) ce qu'a tres bien monstré Celse aux passages citez par ces termes, dont il vsé; sçauoir, presser, cesser, retourner, ce qu'Hippocrate dict pour la pluspart, & que Celse raporte à ce mot, presque, ne se dit pas en vain, veu qu'au mesme troisieme Liure, il est escrit toutes maladies aduiennent en tout

temps, mais les vnes plus en l'un, les autres plus en l'autre, car il faut croire de la goutte laquelle bien qu'en autres saisons elle s'engendre, & presse, & retourne: toutefois qu'on remarque que cela aduient au Printemps principalement, & en Automne. Il faut maintenant voir comment la goutte s'engendre, & pourquoy elle s'engendre, reprenne, & presse, au Printemps, & en Automne principalement, (*Podagricques*) comme nous l'auons remarqué apres Galien, est vne diction que les Grammairiens appellent au pluriel & neutre, telle qu'Hippocrate a accoustumé d'vser, quand il veut comprendre tout le gente d'une maladie, lors donc qu'Hippocrate dit *Podagricques*, il comprend aussi bien les gouttes qui suruiennent comme par quelque heredité, que celles qui s'engendrent volontairement, & par quelque autre moyen, & lesquelles engendrées ont accoustumé maintenant de se reposer, tantost de presser; or les causes de telle podagre ou goutte qui n'est autre chose qu'une indispositiō des pieds, (& com-

me certaine surpiile plusieurs sont externes , comme iadis on a remarqué d'Athenes , d'ont le Poëte Lucrece, parlant au quatriesme Liure, a dit, *Arthritide tentanturgressus, oculique in Achaicis* , Le dormir excessif fait principalement en lieux trop humides le trop de repos, & le trop de labeur, les ynrongeries ou desbauches frequentes, & l'usage de Venus immodéré, ce que voulant signifier Lucian, il a feint que la goutte estoit fille de Venus & de Bacchus, entre les causes internes, mais mediates; c'est vne naturelle intemperie des pieds & iointures, & vne imbecilité qui s'acquiert le plus souuent par la semence des parents; de sorte que pour ce subiet Hippocrate au deuxiesme des Prorrhet. & Plut. au Liure de la tardie vengeance des Dieux, ont mis la goutte du nombre des maladies hereditaires, & non pas sans raison, d'autant qu'eueu que les articles & les parties qui les constituent se font de semence; si elle est maladiue & vitiée, il faut aussi necessairement que les parties engendrées de là ne soient pas saines &

entieres; Bref les causes immediates & contenanttes d'icelle goutte, sont les humeurs mellées avec le sang, & séparées du sang; asçavoir, la bile & la pituite, lesquelles selon qu'elles abondent plus ou moins, ainsi naissent diverses & differentes especes de gouttes; sçavoir, les vnes plus chaudes, les autres plus tiedes, celles-cy avec plus grandes, celles-là avec moindres douleurs; or cecy toutesfois semble estably d'Hippocrate, comme maxime veritable au Liure des Indispositions internes, que la cause de la goutte est la bile mellée à vne humeur crasse & froide, sans laquelle ainsi que sans chariot l'humeur pesant & paresseux ne peut pas estre transporté en parties esloignées. Finalement pourquoy elles se font ou retournent au Printemps & en Automne principalement, Galien en a expliqué la cause brièvement, mais assez bien, lequel supposant ce qui est estably par luy mesme au Liure des Facultez naturelles; asçavoir, qu'entre les autres puissances de nature qui gouvernent nostre corps, il y en a vne qui ex-

pulſe ce qui en eſt eſtrange & ennemy, ſoit qu'il offeſſe le corps en qualité, ou en quantité, dit que pluſieurs humeurs ſ'amafferent & acument en hyuer, par ce qu'alors les hommes mangent davantage, leſquels tant par l'abondance, que par vne qualité ennemie, bleſſeant la faculté, la contraignent de chaſſer telles humeurs des parties plus eſloignées & imbecilles du corps, comme ſont les iointures, & principalement les pieds, eſquels les tendons affermis, qui ſont vne tenton aux veines & arteres amènent & la douleur, & certaine chaleur immodérée, laquelle eſparſe & augmentée dans le tout, & ſpecialement au cœur allume des fièvres, tantot plus grandes, tantot moindres, leſquelles encor que le plus ſouuent elles ſemblent Symptomaticques, elles deuennent neantmoins par fois putrides, ſelon la diuerſe preparation du corps, & tels accidents aduenient principalement au Printemps, lors que le Soleil ſ'approchant de nous, les corps ſelaſchent, & que les humeurs de l'hyuer procedent ainſi que cōgelez ſe fondent,

dent, & espanchent : au surplus ce que dict Galien à la fin du Commentaire, qu'en Automne surviennent seulement les gouttes : il s'emble certes avoir entendu qu'alors seulement les humeurs pechent en corruptiō, non pas en abondance, à cause de l'usage des fruićts de l'Esté precedent, pendant lequel la chaleur naturelle hebetée de l'exterieure, n'a pas peu faire la digestion comme il appartiendroít, d'où plusieurs excrements vicieux s'amassent : toutesfois les humeurs semblent aussi en ce temps là pecher en quantité, parce que l'abondance de toutes les humeurs, & principalement des vicieuses se faict alors, & & disoit Theophraste au Liure des causes des plantes, que pour ce subiet en Automne surviennent les dysenteries, & autres flus de ventre, d'autant qu'alors la plus grãde quantité d'humours abonde en nos corps, à cause de l'humidité du Ciel, à laquelle aussi s'adiouste ceste bile copieuse, qui s'engendre pendant l'Esté, & laquelle comblée, s'espanche apres en l'Automne, que si elle est portée au ventre elle cause les dysenteries,

Q

si aux ioinctures elle ameine les maladies articulaires, & notammét les gouttes. Mais deux doutes se leuent, l'vn est pourquoy en Esté les gouttes ne s'engendrent point de la bile, veu qu'alors l'air ne l'empesche point, & qu'il y a grande generation de bile: l'autre doute est à cause qu'Hippocrate au Liure de la nature des hommes, escrit que les maladies qui naissent au Printemps meurent en Automne: pour le premier il faut respondre que les gouttes ne se font point en Esté, d'autant que iacoit que la bile s'engrédre alors: toute fois la pituite ne domine pas, laquelle ou avec le sang ou avec la bile est propre à engendrer les gouttes: mesme que la bile qui se fait en Esté a de coustume de s'esuacuer partie par le ventre, & de causer les dysenteries, & partie par insensible transpiration est dissipée, de sorte qu'elle ne peut estre enuoyée aux ioinctures: Quand au second, il faut dire que ce n'est pas chose incompatible, que des gouttes de diuers genres aduiennent en diuers temps, car la goutte qui s'engendre est pour la pluspart de pituite & de

sang, lesquels ainsi que i'ay dict, comme congelez pendant l'Hyuer, se dissoluent au Printemps, & dissouts sont par vne faculté robuste poussez aux ioinctures: au contraire en Automne les gouttes s'engendrét de la bile, laquelle amassée en Esté & nullement dissoute, mais plustost resserrée par vn air refroidissant, & excitant la faculté expultrice, est enuoyée aux pieds desia autrement lassez, & là forme la maladie. L'Aphorisme sert tant pour preuoir la goutte future, qu'aussi pour cognoistre le temps que l'on doit venir à la guerison qui consiste principalement en l'euacuation du sang, comme en la coction & euacuation du suc, tant cru que bilieux: finalement en l'affermissement des pieds, tous lesquels remedes semblét apporter vn obstiné regime de viure, de sorte que Porphyre en la vie de Plotin, a dict à bon droit, que certain Romain fut liberé par la seule diete de ceste maladie tres-cruelle: quand au moyen du regime, il n'y a point de doute que la facilité & lubricité du ventre n'en face vne bonne partie, de maniere que pour ce subiect

Hippocrate a dicté au 2. des Prorrhet, que les gouttes de ceux sont incurrables qui ont le ventre dur, & possible qu'à mesme raison Athenée escrit, que quād il y a abondance de figues, les gouttes manquent, à cause qu'en mâgeant beaucoup elles prouoquent le ventre, & ainsi les humeurs efficientes de la goutte sont diuerties des ioinctures.

G A L I E N.

LEs douleurs de la goutte de mesme que toutes les autres des articles s'augmantent tousjours au Printemps, & de fait luy mesme vn peu plus haut au desnombrement des maladies du Printemps, il a faict mention des douleurs des articles, dans lesquelles celles des gouttes sont contenuës, elles se resueillent aussi par fois en Automne, à ceux qui

par le moyen des fruiçts auront amassé durant l'Esté vne quantité de pituite dans l'estomach. Nous auons monstré dans nos Commentaires des puissances naturelles, qu'à chaque partie ceste puissance se retrouve aussi bien que les autres, par laquelle les matieres nuisibles & contraires sont chassées & expulsées: or d'icelles il s'en retrouve qui nuisent par leur quantité, les autres par leur maligne qualité, & toutes deux les humeurs estants fondus & liquifiés, & chassés d'une partie forte à vne debile, excitent de grandes douleurs à ceux qui auront durant l'Hyuer delinqué & failly en leur regime de viure: mais selon le dernier elles s'excitent & s'esmeuent seulement en Automne.

ANNOTATION SUR LE
COMMENTAIRE DE
Galien.

Au premier, Galien enseigne que les douleurs des gouttes & toutes les autres des articles s'augmentent au Printemps: C'est pourquoy en l'Aphor. 20. du 3. Livre, faisant mention des maladies du Printemps, il y adjoûste les douleurs articulaires, sous lesquelles les douleurs des gouttes sont aussi comprises.


Au second, il monstre que les douleurs des gouttes s'excitent quelquefois en Automne, mais que cela se fait principalement en ceux qui par le moyen de l'usage immodéré des fruibz, auront amassé une quantité de phlegme dans leur estomach: Et par tels discours Galien veut inferer que rarement la goutte se faiet en Automne, mais il me semble que cela n'est pas une reigle infailible & assurée, car nous en voyons plusieurs qui en sont travailléz, les uns au Printemps, les autres

en Automne, aucuns & au Printemps & en automne, les autres quatre fois l'année, si bien qu'en exerçant la Medecine, cela se trouuera tousiours fort incertain.

Au troisieme, il enseigne qu'au Commentaire des puissances naturelles, il a escrit que nous auons quatre puissances en nostre corps, & entre autres que la vertu expultrice estoit celle qui chassoit & expulsoit les humeurs nuisibles & malignes.

Au quatrieme, il monstre qu'il y a des matieres qui nuisent les vnes par leur quantité, les autres par leur qualité maligne, si bien que ceux qui durant l'Hiver par leur mauuais regime de viure, amassent quantité de mauuaises humeurs, icelles estant fondues & liquesfiées, & chassées d'une partie forte & robuste à une foible & debile, iceux durant le Printemps tombent dans de grandes douleurs & passions: or cela n'arrive point en automne, ny par la quantité, ny par la qualité ioinctes ensemblement, mais bien par le moyen du dernier: asçauoir, la qualité, neantmoins par la quantité ils s'engendrent aussi des maladies longues en automne, mesmes aussi les gontres, que par ce que l'Esté

ayant précédé qui dessèche les humeurs, l'imbécillité de la vertu concoctrice, a aussi précédé avec la saison des fruits, desquels chacun se remplit intemperement,



APHORISME XLVI.

SECT. II.

Duobus doloribus simul, nec eundem locum infestantibus, vehementior alterum obscurat.

Lors que deux douleurs ensemble n'affligent pas un mesme lieu, la plus vehemente obscurcit la moindre.

COMMENTAIRE.



ETTE sentence qui est vn pur precepte naturel; comme dict Galien au 6. des Epid. Sect. 5. Comm. 33. ne semble pas autrement vtile & digne du genre d'Hippocrate, veu qu'il donne cognoissance d'vne chose assez claire de soy, & presque naturellement cōprise de tout le monde : toutesfois veu qu'elle n'est pas entierement sans quelque proufit (com-

Q^v

me ie le monstreray cy apres :) Hippocrate nous l'a voulu laisser par escrit, & comme aussi elle est simple nous l'expliquerons de mesme simplement : Car quand à ce qui de deux douleurs en mesme temps, qui n'occupét pas mesme lieu, la plus grande obscurcit tousiours la moindre : il n'y a personne qui l'ignore, & ne l'experimente par le propre ressentiment, partant il est besoing de considerer seulement deux choses, apres lesquelles seules aussi Galien s'est amusé : l'une, sçauoir si enuiron la mesme partie, peuuet suruenir deux diuerses douleurs, de sorte que le malade puisse discerner l'une de l'autre, car Hippocrate le semble aduoier, lors qu'il dit, *Les douleurs qui suruiennent ensemble, non pas en mesme lieu*, comme si elles se faisoient en mesme lieu & differentes : l'autre consideration est d'où prouiet la vraye cause pour laquelle deux diuerses douleurs par fois se recognoissent faictes ensemble, or quelquesfois la plus grande obscurcit tellement la moindre, que l'on n'en peut remarquer qu'une seule : Faut adiouster à cecy pourquoy Hippocrate a laissé ce

ste sentence à la posterité. Au regard du premier, Galien au Comment escrit & bien à propos, que lors qu'Hippocrate dict le mesme lieu on ne le doit pas entendre comme de petite estendue, ne selon la largeur, comme s'il disoit vne partie entiere, ainsi que le bras, la main, la cuisse, car en vn petit lieu selon le sentiment deux douleurs ne peuuent seruenir ensemble, jaçoit qu'elles le puissent selon la raison, & en vn lieu pris selon la largeur, bien que deux douleurs surviennent, l'une pour tât n'obscurcit pas l'autre: mais plustost elles s'entre accroissent mutuellement, d'où l'intention d'Hippocrate, selon Galien, est de dire qu'où la douleur n'occupe ny selo l'espace, ny la mesme partie, mais diuerses parties, cōme l'une le bras, l'autre le iarret, qu'alors veritablement la plus grande douleur obscurcit la moindre: mais selon telle interpretation de Galien, l'occasion de douter ne manque point, par ce qu'où deux douleurs surviennent aussi en mesme partie: sçauoir, l'une au plus bas, l'autre au plus haut de la cuisse, ceste cy est obscurcie de l'autre: D'auantage il

Qvj

n'est point hors de propos que deux douleurs ne puissent subsister ensemble en mesme partie, bien que petite, l'une engendrée de l'abondance des humeurs, qui en estendant les parties faict pulsation, & l'autre prouenant de l'intemperie: comme pour exemple, si quelqu'un coupe quelque partie avec vn fer rouge, (ainsi que font quelquesfois les Chirurgiens,) sans doute, ven que diuers obiects agissent, par cōséquent ils font diuers sentimens, & par ainsi diuerses douleurs. Au demeurant, veu que la resolution de Galien est de donner aussi lieu à cet Aphorisme entre les maladies de l'ame, ainsi qu'en vne seule ame il y a diuerses fâcheries & diuerses maladies, pareillement en vne seule & petite partie du corps peuvent suruenir deux douleurs: pour resolution de laquelle controuersé, il faut premierement remarquer qu'Hippocrate a vsé de la diction *ἀμάρφοι*, qui ne signifie pas comme quelques vns croyent allegier, mais obscurcir, veu que la douleur se dict proprement ostée, lors que la maladie & sa cause cessent ensemble, ce qui n'auient pas d'une au-

tre douleur : or la dict-on obscurcie lors que la maladie & sa cause durent encore, mais on ne les discerne pas, comme quand la douleur s'apaise avec médicaments stupefactifs, on ne la dict pas proprement ostée ou allegée, mais bien qui ne se descerne pas, d'autant que la maladie & sa cause demeurent, mais le sentiment est osté. On peut aussi entendre ce mot obscurcir, estre mis pour estre diminuée, ainsi l'amourose des yeux s'appelle diminution & hebetation de veüe; c'est pourquoy il faut icy faire plusieurs conclusions, l'une est qu'en deux douleurs suruenues en mesme lieu, bien que petit, & en mesme partie, ou qu'elles sont esgales, & que de leur cōfusion se faict comme certaine douleur mixte, ou que l'une est plus grande que l'autre, & qu'alors la moindre s'obscurcit, laquelle (bien que presente,) toutesfois ne se peut remarquer du sentiment distrait ailleurs, car comme quand quelqu'un surpris & estourdy d'un grand bruit ne voit pas ce qui est deuant ses yeux, à cause du diuertissement d'esprit, par mesme moyen le sentiment conduit à percevoir

la plus grande douleur, ne s'apperçoit pas de la moindre, & c'est la vraye cause que Galien propose en son Comment: sçavoir, que la moindre douleur s'obscurcisse par la plus grande.

L'autre conclusion est que plusieurs douleurs peuvent suruenir en mesme lieu, voire tres-petit, mais tellement confuses, qu'elles se peuvent plustost discerner par la seule raison, que par le sentiment: comme disoit Galien au Liure des causes des maladies, ch. 6. qu'en mesme partie se peuuent remarquer ensemble le froid & la chaleur confuse, ainsi qu'en la fièvre, diët Lypiria.

La troisieme conclusion est, qu'en mesme partie peuvent suruenir plusieurs douleurs inegales, qui se sentent toutes deux, mais de maniere que la plus petite, ou s'obscurcit du tout, ou du moins n'est pas tant remarquée par ce sentiment là, comme aussi nous voyons arriuer es douleurs de l'esprit. Et voicy quand à la premier proposition, car il falloit selon la seconde examiner quelle est la vraye raison pour laquelle la moindre douleur s'obscurcit par la plus grande, & iagoit

que i'en aye nagueres touché quelque chose, il y en faut toutesfois adiouster encore d'autres, car Galien en ce Commentaire, comparant les douleurs de l'esprit avec celles du corps, dict que comme lors que les perturbations d'esprit se font en diuerses choses, l'une est obscurcie de l'autre, qu'au cōtraire elles s'augmentent où il ny a qu'un mesme subiet, qu'il en prêt ainsi aux douleurs du corps, à cause que toute la faculté sensitive: sçauoir, le sens commun, ou bien ceste force attentive, (de laquelle font mention saint Basile en son traitté particulier, & Gesnerus en son Commentaire sur le liure de l'ame d'Aristote,) est tirée & conuertie à vne plus grande douleur. Il y a plus que l'esprit & le sang, qui seruent à l'ame sont retirez de la partie moins douloureuse à la plus dolente, d'où il aduient qu'en icelle la douleur se faict moindre, & moindre son sentiment. Mais dira quelqu'un si le vomissement se guerit par le vomissement, & le flux de ventre par le flux de ventre, comme l'enseigne Galien au 6. des Epidem. Sect. 2. du texte 9. pourquoy pareillement

n'aduient il que la moindre douleur soit du tout ostée par la plus grande, mais s'obscurcisse seulement (comme dit Hippocrate,) la response est que c'est autre chose de parler des maladies qui despendent de la matiere pure, autre de celles qui deriuent de diuerses causes: celles qui despendent de la matiere pure, veu qu'elle oste, on les oste aussi, de là vient qu'à bon droict vn vomissement emportant & euacuant la matiere par l'autre vomissement l'emporte incontinent du tout, ainsi qu'un flux de ventre emporte l'autre. Au reste veu que les douleurs en la mesme partie naissent de diuerses causes, l'une ne peut pas oster la cause de l'autre, mais seulement faire qu'elle ne soit apperceuë, à raison de ceste puissance attentive, retenue & attirée à soy-mesme, ou par le moyen du sens commun, ou de quelque autre faculté qui faict recognoistre la douleur. Pour la troisieme consideration, i'estime que plusieurs raisons ont incité Hippocrate à ce qu'il mit la presente sentence au nombre des Aphorismes, l'une a esté, dautant que les Medecins voyants d'ordinaire

qu'à l'arriuée d'une plus grāde douleur, la moindre cesse, la croyēt de tout ostée, & pour ce subiet s'esforcent à surmonter seulement la plus grande douleur, d'où afin de donner aduis qu'il n'en faut negliger non plus l'une que l'autre. Il a voulu apprendre aux Medecins que les plus grandes douleurs obscurcissent les moindres, mais ne les emportent pourtant pas du tout, & par consequent on ne les doit iamais negliger, suiuant ceste sentence d'orée qu'il a mise au 6. des Epidem. qu'il ne faut iamais negliger vne douleur si petite qu'elle soit. L'autre cōsideration a esté pour laisser ce precepte à la posterité : asçauoir, que quelquesfois la mesme chose en espee est contraire à l'autre mesme chose selon l'espee, car qu'Hippocrate ayt accoustumé d'ainsi faire, Galien l'enseigne au 6. des Epidem. Sect. 5. comme celuy s'entend qui laisse des preceptes & enseignemens en vne seule sentence. Il peut aussi y auoir vne troisieme raison, qui est d'aduertir les Medecins qu'ils doivent aucunesfois exciter vne plus grande & nouvelle douleur, afin que la douleur inue-

terée & moindre soit du tout ostée, & ce non pas tant à la guerison du corps, que des maladies de l'esprit, car ainsi que quelquesfois pour guarir les douleurs inveterées de la teste, nous employons le cautere actuel, & la Section s'entend, afin que par la plus grande douleur la moindre soit ostée : pareillement pour adoucir ou effacer quelque maladie de l'esprit, nous suscitons aux malades de plus grands soins & tristesses, comme il y a eu certains melancolicques, lesquels obstinement attachez à quelque legere tristesse, & surpris par vne plus grande crainte ou sollicitude, ont quitté la premiere, comme pour exemple ayants reçu la nouvelle supposée de la mort d'un enfant, ou de quelque autre personne fort chere.

G A L I E N.

SI l'on prend ce mot du lieu estroitement, il est impossible qu'en vne mesme place deux dou-

leurs se puissent faire: mais si l'on le prend largement cela se peut rencontrer: par ce mot de lieu largement pris, j'entends la main, le bras, le coude, le tibia, le femur & autres parties sēblables, car ces deux douleurs augmentent le mal, & affligent d'avantage la partie affectée: mais si elles se rencontrent en divers endroits, l'une au coude, & l'autre à la jambe, il ny a nulle doute que celle qui est la plus grande ofusque la moindre, & attire à soy toute la force apprehensive, sans laquelle ne peut estre la douleur. La même chose nous arriue souvent dans les tristesses & desplaisirs qui sont les douleurs de l'ame, car celles qui sont les plus vehementes, obscurcissent & effacent les moindres.

ANNOTATION SVR LE Commentaire de Galien.


Au premier, Galien enseigne qu'il faut de nécessité que deux douleurs se rencontrent en diuers lieux : & pour ceste cause il met en auant la difference du lieu largement, & estroictement pris : Celluy cy est quelque partie du corps, en laquelle il est impossible que deux douleurs se puissent rencontrer, & de là l'on peut recueillir que si l'on fait solution de continuité en quelque partie de la main, & qu'au mesme endroict quelque maligne qualité suruienne, il y aura deux causes de douleur, & deux douleurs par mesme moyen, lesquelles ne se faisant sentir & cognoistre que par vne mesme action de sentiment, elles ne seront contées que pour vne douleur. C'est pourquoy Galien a fort bien dict qu'en vne partie estroictement prise, deux douleurs ne se pouuoient rencontrer, ce qui se doit entendre à l'occasion du sentiment, & non point de la cause qui fait la douleur : or si nous prenons ce mot du lieu largement pour le bras, la main, le coude, la teste, il ny a nulle dou-

te qu'en telles parties une douleur vehemente
offusque une moindre.

Au second, il enseigne que si deux dou-
leurs se rencontrent en une partie largement
prise, la moindre est ostée par la plus grande,
non point du tout, mais elle est obscurcie &
amoindrie : par ainsi la force sensitive est di-
straiete par la moindre douleur, & se deschar-
ge, sur la plus grande : or la force sensitive se
tient ferme, & est appuyée par les esprits &
par le sang, lesquels affluēt à la partie la plus
affligée de la douleur, pour la servir & sou-
lager, d'où vient que si une douleur est au cou-
de, & l'autre au pied, la moindre est obscur-
cie par la plus grande, mais si elles sont egal-
les, l'une n'amoindrit point l'autre : Toutes-
fois il se peut faire qu'une douleur en une par-
tie sera tres-grande pour raison de sa cause, &
en une autre moins grāde, & que toutesfois celle
qui sera moindre, à raison de la cause, sera
tres-grande, à l'occasion de la partie qui sera
douée par la nature d'un sentiment tres-ex-
quis : il ny a nulle doute que la grande douleur
d'une partie fort sensible, bien que la cause en
soit moindre, obscurcira l'autre douleur, bien
qu'elle soit engendrée d'une cause plus grande,
par ce que les esprits & le sang affluent plus

cost à la plus grãde douleur; qu'à la plus grande cause. C'est pourquoy il faut conclure que la plus vehemente douleur est celle-là, qui a le plus de ressentiment, bien que la cause en soit moindre.

Autroisiesme, il apporte pour exemple les tristesses & desplaisirs de l'ame; car par le moyen des sens, elle se resioit, elle s'afflige, mais elle entend simplement sans aucun moyen. Dans les tristesses l'experience journaliere nous monstre qu'une plus grande douleur d'esprit efface & obscurcit une moindre, par exemple si l'on rapporte à quelqu'un que l'on luy a volé une grande somme d'argent il s'afflige; mais si puis apres l'on luy dict que son fils aisné a esté miserablement tué, alors il se fasche davantage, & oublie la premiere affliction: si bien qu'une plus grande douleur efface une moindre.



APHORISME XLVII.

SECT. II.

Dum pus conficitur, dolores, ac
febres accidunt magis, quam
iam confecto.

*Quand le pus se forme, les douleurs, & fièvres
surviennent plus que quand il est desia formé.*

COMMENTAIRE.



Iquelqu'un veut conioindre le present Aphorisme avec le precedent à luy permis de le faire, disant qu'Hippocrate par certain exemple confirme la sentence precedente, qu'en deux douleurs la plus grande obscurcit la moindre, comme si cela se manifestoit en ce que lors que le pus se fait, les douleurs & fièvres demeurent plus grandes, qu'alors

qu'il est desia formé, & par consequent les autres moindres douleurs semblent cesser pendant ce temps là : car qu'il ayt proposé de rapporter icy vne cause de douleur, (dont il auoit parlé cy dessus) ie ne le prend pas ainsi, dautant que ce qu'il dict semble plustost tendre à aduertir les Medecins, que tandis qu'ils voyent les fièvres & douleurs s'augmenter és inflammations & autres abscez, qu'ils ne s'en estônent point, par ce que c'est vn fort bõ signe, veu que cela signifie que le pus se forme, de sorte que ceste sentence est pronosticque & simple, laquelle pour mieux esclaircir, il faut premierement voir en peu de parolles que c'est que pus, & comment il se faict, apres pourquoy comme en la generation les fièvres & douleurs suruiennent plus grandes, qu'alors qu'il est desia formé : finalement à quoy le present Aphorisme sert aux Chirurgiens : sçauoir, si pour venir à la guérison il peut apporter quelque commodité, ce que les Grecs appellent πύον, nous le nommons pus, ce qui n'est rien autre chose, comme semble dire Galien en son Comment, qu'un sang trans-mué,
ainsi

ainsi qu'à peu près on diroit en demy-mauuais changement, & Hippocrate à la fin du premier Prognost. disoit, que les meilleures qualitez du pus sont qu'il paroisse blanc, égal, doux, & nullemēt fœtide, d'où Arist. au quatriesme de la generation des Animaux, chapitre 8. reprenoit sagement Empedocle, qui a nommé le pus, lait, veu que ce n'est pas vn sang changé en demy-mauuais: mais au contraire bien cuit & conuertý en bon suc, & de là il apparroist aussi que la sanie qui s'engendre de pituite, ou de quelques autres humeurs changées & altérées ne sont pas souvent pus, & ne doivent estre ainsi nommées, sinon improprement, comme dans l'interprete d'Aristophane, Hesychius & Athenée: ceste diction se trouue vsurpée pour ce premier lait, qui sort apres l'enfantement, que les autres appellent colostrum, comme Plaute & Galien.

Or comment la generation de semblable pus se faict, soit par vne vsion ou asfation, ou par concoction, il semble qu'on en puisse douter, car si l'exemple qu'apporte Galien de la combustion du

R

bois conuiuent entieremēt à la generation du pus , il faudra sans doute dire qu'elle se fait par vstion. Au reste veu qu'il n'est pas necessaire que les exemples representent en tout la chose mesme , il vaut mieux dire que le pus se fait plustost par elixation , laquelle comme veut Arist. au quatriesme des Meteores , elle meine à vne parfaicte & entiere coction, en laquelle la matiere est rendue propre à la nourriture , ou bien elle tourne en pourriture, qui se nomme proprement & veritablemēt σήψις, cest à dire corruption, & de faict les Anciens , voire Hippocrate mesme, ont abusément vsé de ceste diction σήψις , la prenant pour coction, jaçoit que comme la remarqué Fontanus, elle signifie corruption, ou ce qui meine à certain medium entre coction & putrefaction. En la generation du pus il n'y a ne vraye coction, ne vraye pourriture, mais certain medium selon la participation des deux extremes , de façon que Galien l'a veritablemēt appelle demy-mauuaise mutation. Or maintenant comme la coction se faict par la seule chaleur naturelle , & la pourriture de la

seule chaleur contre nature, ainsi la sup-
puration ou generation du pus se faiçt
par l'une & l'autre chaleur, selon Galien
au cinquiesme des Simples, chap. 6. &
en ce Commentaire, de sorte que la ma-
tiere qui vient à suppurar est rendue par-
tie vtile, partie du tout inutile, & jacoit
que par fois ce mot de suppuration, se
trouue nommé $\sigma\tilde{\nu}\psi\iota\varsigma$ ou putrefaction,
cela se faiçt improprement, & à la mo-
de des Anciens, comme i'ay remarqué cy
dessus. Or comment se faiçt pareille eli-
xation de sang, par laquelle le pus se for-
me, Hipocrate le semble auoir assez clai-
rement monstré au liure des Vlcères, où
declarant comme le pus se forme aux Vl-
cères, il dict que cela aduient le sang s'e-
stant alteré & eschauffé, de sorte que
pourry, c'est à dire demy-cuit, il se con-
uertit en pus, car veu que ce sang bouil-
lant vient à se brusler sans pouuoir par-
uenir à vne entiere coctio, (ainsi qu'en la
generation du lait,) & aussi ne se corré-
pant pas du tout, il se fait certaine moye-
ne generation, que l'on nomme pus, en
laquelle generation la couleur blanche
se dōne par les parties solides, dont c'est

la chaleur qui opere, ainsi que l'a tresdoctement enseigné Galien, au premier des Prognost. dernier. Au surplus il faut maintenant voir par quel moyen tandis que telle elixation se faict, les douleurs & fièvres suruiennent plus grandes, & comme icelle cessant, tous accidens diminuent: Galien au Comment dict que cela se faict, dautant que lors que le sang boult & se brulle, le cœur s'eschauffe à mesme temps, si bien qu'apres la chaleur communiquee à tout le corps, amène la fièvre, & engendre avec la fièvre la douleur, laquelle Hippocrate au Livre des principes, disoit aduenir le corps estant alteré, eschauffé, ou refroïdy, & cesser, dautant qu'ainsi que la cendre demeure apres que le feu est failly, de mesme le pus demeure la ferueur lors esteinte, de laquelle prouenoiet enséble les douleurs & les fièvres, d'où Galien semble comparer icy le pus à la cendre, & sa generation à la brulure; mais comme ie disois tantost, il ne se faut pas beaucoup soucier des exemples, & suffit assez qu'ils conuiennent au propos en quelque chose, ainsi qu'en la presente occurrence,

s'entend lors que le sang se pourrit & s'enflame, pendant lequel tēps il aduient ne plus ne moins que si quelqu'un est traicté avec quelque médicament caustique, de maniere qu'il semble imiter la brulure apres, laquelle ce qui reste est le pus, ainsi qu'apres la consōmatiō du bois demeure la cēdre. Et parce qu'une grande douleur ne suit pas tousiours l'ardeur de la fiēre, il est besoin qu'il y ait vne autre cause pour laquelle en la generatiō du pus, suruiennēt par fois des douleurs implacables & tres-aspres: or telle cause est double. l'une, d'autant que les parties nerueuses circonuoisines du lieu auquel reside l'inflammation sont elles mesmes fort affligees & enflammées, ce qui ce voit par les cautez & sinositez restantes apres l'extraction ou sortie du pus, esquelles les parties nerueuses se remarquent descouvertes, voire se separent quelquesfoiς en pieces, & alors on sent de tres-grands tourments: l'autre cause est, d'autant que lors que le sang est conuert y en pus, il desire sans doute vn lieu plus spacieux, d'autant qu'ainsi que les legumes s'enflent en bouillant, s'accrois-

sent, & demandent par conséquent plus d'espace, s'espendent à cause de lebullition: ainsi le sang & les autres corps plus espois qui s'esbouillent desirét plus d'espace, ce qui faiët qu'ils s'estendent, & l'extention fait que la solution du contenu s'ensuit, & de telle solution la douleur. Mais quelqu'un dira qu'Auicenne est de contraire aduis, lequel à la seconde du premier, doctrine troisieme, chapitre cinquiesme, dit que c'est alors que la force de la fièvre, de la douleur, & du pouls s'appaisent, ce qu'il a aussi ratifié à la troisieme doctrine, au chapitre des signes des Apostemes: voire qu'Hippocrate mesme au premier des maladies, escrit, apres que le pus est formé aux inflammations du poulmon, que les douleurs suruiennent plus grandes qu'alors qu'il se faiët. On doute encore; sçauoir, si le dire d'Hippocrate se verifie en toute generation du pus, veu que nous voyons souvent le pus s'engendrer en de vieux vlceres, & calleux, sans que neantmoins les fièvres & douleurs s'augmantent, qu'aucontraire par fois tous ces accidens s'esuanoüssent & deuïennent à rien.

Pour resolution, il faut en premier lieu, & deuant toutes choses se proposer, qu'il y a double pus: l'un loüable, qui est blâc, esgal, modérément espois, & qui ne peut nullement: mais l'autre non loüable, priué des susdictes qualitez, au moins pour la plus part, & que l'on put plustost nommer sanie & virus, que vray pus. Lors que le premier pus s'engendre, la douleur & la fièvre se font toujours plus grandes que lors qu'il est desia fait, pour les raisons susdites: mais où le non loüable se forme, cela n'aduient pas toujours de neccessité, tant à cause qu'il se peut faire que la chaleur naturelle rendüe plus debile, alors sert moins au sentiment, à cause aussi qu'un cal mis au deuant empesche la perception d'iceluy sentiment, en partie aussi que quelques fois lors que la sanie s'engendre, elle n'a pas ceste malignité qu'elle acquiert apres qu'elle est desia faiçte. L'aduis de Cardan respond à l'authorité d'Auicenne, qui porte qu'on doit interpreter sô texte cômme si quand il dict que les fièvres deuiennent tousiours moindres quand le pus se meurit, il vouloit tousiours dire qu'il fust,

desia meur : toutesfois, encor que pareille interpretation ou responce se conforme à la verité, elle ne respõt pas neãtmoins au texte latin d'Auicenne, si nous ne disons qu'il a esté mal traduit, ou qu'il y a diuers temps de la generation du pus : sçauoir, le cõmencement, l'augmentation, l'estat, & la declinaison, au commencement de la suppuration les fièvres & douleurs diminuent du tout en comparaison de l'estat, lors que toutes choses sont plus vehementes, d'où quand Auicenne dict que les fièvres & douleurs diminuet lorsque le pus meurit, il entend du quatriesme temps d'icelle suppuration, sçauoir de sa declinaison, auquel veu que l'alteration cesse desia la douleur par consequent s'abaisse. Cet Aphorisme sert donc à la partie prognostique, veu qu'il enseigne à cognoistre la presente generation du pus, & celle qui est passée, de laquelle chose Hippocrate parlant aussi au septiesme des Epidem. il disoit, que la coction du pus se cognoist quand les malades ne sont point inquietez, ne travaillent d'vne pesanteur de teste, & que les chaleurs sont tref-mode-

rées. Apres les augmentations & exacerbations de tous les susdicts accidents, jajoit qu'Hippocrate au premier des maladies, & Aristote avec luy à la premiere Section, Probleme 31. enseignent vn autre moyen de cognoistre quand les abscez sont desia suppurez, sçauoir si on met de l'argille dessus, & qu'elle se desseiche, que c'est signe de suppuration desia faicte, & cestuy-cy aprend que si la tumeur aspergée d'eau chaude se chäge, il y a desia du pus formé : dauantage ceste sentence sert à prognostiquer & consoler les malades, mesmes lors qu'ils se sentent plus tourmentez des inflammations qu'auparauant. Finalmente elle sert en quelque facon à la guerison mesme, dautant qu'ou par ce moyen les fieures & douleurs suruiennēt le Medecin se doit par mesme raisō estudier d'adoucir & mitiguer la douleur, pourueu neantmoins qu'il n'empesche point la coction & maturité, car il y a certains imprudens qui pour obeir & flatter les malades en tels accidents, ysent pour adoncir la douleur de refrigerants, qui nuisent à la propre generation du pus.

G A L I E N.

LA bouë prend son origine du sang, qui prouient, comme quelqu'un pourroit dire, d'une mauuaise pourriture & coruptiõ, non point tout à faict, mais à demy; car celle qui est simplement mauuaise, est puante & de facheuse odeur: de meisme celle qui est simplement bonne, sert pour la nourriture des parties de l'animal; or celle qui engendre la bouë obtient le milieu entre ces deux icy, car elle n'est engendrée ny par la chaleur contre nature, ny par celle qui est selon la nature; Or la chaleur qui faict l'inflammation est meslée de routes les deux; la douleur se faict & par la tension, & par l'inflammation qui se faict

en la partie. Les fièvres s'engendrent & surviennent par le moyen de l'inflammation, & de la chaleur estrange qui assiege le principe de la vie, qui est le cœur, ce qui se fait d'ordinaire, quand le sang est eschauffé outre mesure; lequel estât tout bruslé, ce qui reste se convertit en bouë, comme il est du bois qui ayant esté consommé par le feu, ce qui reste se tourne en cendre; & à l'instant la douleur & la fièvre cessent, quand la matiere est faite, & a eu issue par l'ouverture, à sçavoir quand la matiere est consommée, & la chaleur esteinte.

ANNOTATIONS SVR LE
Commentaire de Galien.

A *v* premier, Galien enseigne, comment
se fait la generation de la bouë, ce qu'il

R vj


faict pour nous donner vne plus parfaicte intelligence de cet Aphorisme, tout ce qu'il dit icy, il l'a desia enseigné au premier des differences des fièvres, & au dernier comme sur le premier du Prognostique. Or ses paroles sont telles, le pus se faict du sang lequel se faict par vne transmutation moyenne, entre celle qui est bonne & mauuaise. Car le propre office du sang est de se conuer-
tir en aliment. Quand par la chaleur naturelle il est alteré & changé, mais si au contraire, la chaleur contre nature agist, il se tourne en bouë: neantmoins la bouë se faict en partie par la chaleur naturelle, quelques-
fois par celle qui est contre nature, car la chaleur qui cause l'inflammation est meslée de toutes les deux.

Au second, il demande pourquoy en la generation de la bouë, il y a de la douleur, d'autant qu'en la tension des parties il se fait solution de continuité, & que par la chaleur estrange, la partie s'enflammant, il s'y faict vne maligne qualité, & par ainsi ce sont les deux causes de douleur, à sçauoir l'inflammation, & la tension.

Au troiesme, il rend la raison pourquoy la fièvre arrive: par ce que le principe de vie,

qui est le cœur, s'enflamme : & ainsi il communique sa chaleur à toutes les parties du corps.

Au quatriesme, il enseigne comment la fièvre & la douleur cessent, la matiere estant faicte, & l'inflammation passée.



APHORISME XX.

SECT. VI.

Si in ventrem sanguis præter naturam effunditur, necesse est suppurari.

Si du sang contre nature se respand dans le ventre, il faut qu'il suppure necessairement.

COMMENTAIRE.



La diuision ou separation de quelque partie du corps que ce soit s'ensuit d'ordinaire quelque effusion de sang, & principalement quand avec elles la chair & les veines sont couppees, d'où descoule le sang, lequel s'il fluë moderément hors du corps n'a accoustumé de faire aucun mal, mais s'il tombe d'un lieu particu-

lier dans le corps, s'ensuit ordinairement la corruption d'iceluy. Apres donc qu'en l'Aphorisme precedent il a traité de la diuision des parties exangues, il a voulu au present Aphorisme enseigner quel mal suit, de ce qu'on doit attendre lors que quelque partie sanguine couppee, le sang est retenu au dedans. Ceste sentence est prognostique, simple & inseparable: *s'il s'essand dans le ventre*, Galien remarque qu'aucuns ont voulu qu'on leut ceste particule sans l'article Grec (τῇ) dautant qu'avec luy elle signifie vne particuliere cauité du ventricule, & sans luy elle signifie en general toute cauité, soit petite, & qui se cõtemple par raison, soit grande & sensible, comme ie croy moy-mesme qu'Hippocrate ait entendu, comme s'il eust dict: en quelque cauité du corps que ce soit, *Le sang s'essanche contre nature.* Or le sang a accoustumé de s'essancher ou quand les vaisseaux sont trachez de chose externe ou rompus au dedans volontairement, soit à cause de l'abondance, ou de la qualité, de toutes lesquelles effusions on doit maintenant entendre que parle Hippocrate (*contre nature*).

re,) cecy n'est pas aussi adiousté sans raison, d'autant qu'il y a certains creux en nostre corps esquels le sang demeure naturellement hors des veines, comme en la sinuosité du cœur, ainsi qu'en certaine partie du foye, ou s'il n'est espanché d'ailleurs contre nature, il ne se corrompt aucunement, si nous ne voulons dire (& possible plus à propos) que les parties contre nature soient icy conioinctes avec le sang, comme s'il eust voulu que le sang malade suppure de nécessité lors qu'il s'espanche en quelque cavité, car cestuy-cy se tourne en pus nécessairement: (*Il faut qu'il suppure de nécessité.* Veritablemēt ce propos d'Hippocrate n'apporte pas peu de doute, veu qu'il ne semble point qu'il y ait aucune nécessité, pour laquelle le sang hors des veines espanché en quelque cavité grande ou petite doive supputer. Et quand à ce qui concerne les petites cautez, il est certain qu'és corps marquez de foïet, le sang espanché par force hors des veines en des cautez sous le cuir suppure tres-rarement, mais que plustost attenué & converty en vapeurs il se dissipe: outre plus si le sang pareillement vient à

tomber en quelque signalée cavitée, comme le ventricule, le thorax, les intestins, & semblables, on sçait qu'il ne suppure pas de nécessité, mais que plustost il deuiet en grumeaux, de sorte qu'il estrangle & estouffe plustost que de tourner à suppuration. Dauantage quand le phlegmon formé doit supurer, cela se faiet à cause que reserré en lieu estroit, il s'eschauffe violemment, & ainsi vient à suppuration, d'où les Medecins pour haster & meurir la suppuration, ont accoustumé d'vser d'emplastres qui bouchent à l'entour, & conseruent & augmentent ensemble la chaleur naturelle, avec celle qui est contre nature, par le moyen desquelles la suppuration se faiet; ainsi que l'ont souuent enseigné Galien & Auerroes, Aristot, aussi au premier Liure des parties des animax, chapitre neuuesime, prouue en vn discours assez exacte, que le sang ne se congele, ne deuiet grumeleux dans les veines, par ce qu'il est là cōserué de la chaleur que le cœur leur fournit continuellement, adioustant si quelque veine estoit separee du cœur, là le sang se pouriroit, comme celui qui s'es-

loigne fort de la vraye source pourrit. De toutes lesquelles raisons, il semble qu'on doit recueillir que le sang hors des veines espanché en lieux caires ne suppure pas de nécessité, comme en paroles tres-claires l'asseure Hippocrate au present Aphorisme proposé par Galien, qui recognoissant la difficulté a dit qu'en ce passage Hippocrate n'auoit pas pris ce mot de supputation en sa propre signification, mais pour vne conuersion en certaine sanie, ou certes pour vne corruption & mutation de l'estat naturel auquel le sang est conserué par son propre lieu, ainsi que la communauté des Philosophes a dict que tout lieu auoit certaine particuliere propriété, par le moyen de laquelle ce qui est posé en iceluy se conserue, & de là vient que lors que le sang sort de son propre lieu, incontinent il perd sa nature, & pour ce subiect est conuerty tantost en pourriture, maintenant en noirceur, & d'autresfois en grumeaux: mais il ny a point eu faute de calomniateurs qui ont osé imposer à Galien, qu'Hippocrate n'auoit aucunement abusé de la propriété de ce mot de sup-

puration pris pour corruptiō , mais qu'il l'a prise proprement , entendant neantmoins par cavité la grande, & plus chaude partie, cōme la teste, la poitrine , & les autres ventres naturels , esquels tous ils disent que le sang espanché , & longuement retenu se conuertit finalement en pus : mais cela n'est pas tousiours vray, veu que nous voyons que le sang espāché devient grumeleux en la vescie, & est rejeté ou mis hors par l'vrine, cōme aussi Hippocrate aux Coacques , tesmoigne que cela aduient au ventricule, & au thorax , & à l'vterus , & aux propres intestins, desquels nous voyons souuent sortir avec les excrements, le sang grumeleux , & retenu quelque temps , de sorte qu'il vaut beaucoup mieux qu'avec Galien pour suppuration , nous entendions tout esloignement de l'estat naturel, comme aussi l'a entendu Hippocrate au premier des maladies, quand il a dict que le sang qui tombe d'une playe dans le ventre suppure de necessité: toutefois Galien semble ne s'estre ressouvenu des choses qu'il a icy dictes lors qu'au premier Livre de la semence , chapitre quatriesme,

il a escrit ces paroles, que si le sang tombe de ses vaisseaux dans quelque instrument creux en l'animal, incontinent vn grumeau se faiet, si nous ne disons que tousiours le sang espanché dans vne cavitè deuiet au prealable grumeleux, & qu'apres ou il se pourrit, ou il se tourne en pus. Bref ce qu'a dit Aristote au troisieme de l'histoire des animaux, chapit. sixiesme, que les fièvres sont la cause de la congelation ou grumefaction du sang, & que par consequet en ces Animaux qui n'en ont point, le sang ne peut deuenir grumeleux; cela ne respond pas au sens, veu qu'il est certain que de quelque animal que ce soit le sang qui tombe de son propre lieu où il est conserué en vn autre lieu caue & plus grand, principalemēt deuiet grumeleux, de sorte qu'il faut plustost attribuer telle cause à la propriété du lieu perduë, qu'aux fièvres. L'Aphorisme sert pour prognostiquer par le sang retenu au dedans, & sorty de son propre lieu la corruption qui s'en ensuit, de laquelle par apres despendent des incommoditez presque innumerables, & s'est voulu Hippocrate aduiser de cela,

pour monstrier aux Medecins que tous-
jours il faut butter là aux playes & au-
tres coups, esquels on craint que le sang
soit tombé en quelque partie, qu'iceluy
sang soit tiré dehors, pour y paruenir
nous auons accoustumé d'ordonner des
medicaments purgatifs, & ce que l'on ap-
pelle mumie, que l'on tiét faire merueil-
le en semblable accident.

galien de medicis lib. 12. c. 1.

G A L I E N.

eloqui in medicis lib. 12. c. 1.

Quelques vns escriuent ce mot
le ventre sans article, vou-
lants uignifier toutes sortes de ca-
uitez, & en ceste façon l'on y peult
aussy adiouster celles qui sont con-
tre nature; par laquelle augmenta-
tion & addition, Hippocrate veut
entendre quelque chose de sem-
blable, s'il arriue que le sang sorte
de la propre cauite, pour entrer
dans vne autre, il est impossible

qu'il demeure en son naturel, cō-
me nous voyons tous les iours ar-
riuer & aux inflammations, & aux
echymoses, aux inflammations quād
quelque partie du sang se iette dans
les espaces & interstices des mus-
cles, & aux echymoses, quand les
espaces qui environnent les vais-
seaux sont remplis de sang. Au sur-
plus ce n'est pas biē dit que le sang
sorty de son vaisseau suppure, veu
que ce mot de supputer suppose
vne mutation faite au sang, c'est
pourquoy quelques vns le referēt
à quelque chose de plus general:
asçauoir à la corruption, disans que
cela est ainsi entendu par Hip-
ocrate, ainsi il semble qu'il se face de
mesme, & que le sang sorty hors de
son lieu naturel, n'a plus la consti-
tution ordinaire, mais quelque fois
il se conuertit en grumeaux, prin-

principalement quand il est porté
dans vne ample cauité.

ANNOTATIONS SUR LE
COMMENTAIRE DE
Galien.

A premier, Galien enseigne que quel-
ques vns escriuent ce mot de vêtre sans
article, disants qu' ainsi il se prend pour toute
sorte de cauité, & non point seulement pour
le ventre, receptacle du boire & du manger:
or si le sang sorty de sa propre cauité, pour y en-
trer dans vne autre, il est impossible qu'il
ne se tourne à suppuration, comme il arrive
tant aux inflammations, qu' aux echymoses &
contusions, lors que le sang est amassé & as-
semblé.


Au second, il enseigne que ce mot de sup-
purer n' est pas bien dict, parce que c' est le nom
qui signifie la mutation de sa faicte au sang:
C' est pourquoy quelques vns l' expliquent plus
generalement vsant de ce mot corrompuë, d' où
vient que le sang sorty de son propre lieu ne de-
meure plus sang, mais tantost il suppure, tan-

roft nourrit, quelquefois il se change en gro-
meaux, ce qui arrive d'ordinaire quand il est
combé dans vne cavité fort ample: & toutes-
fois par succession de temps il ne laisse pas de
se corrompre.

RECHERCHES SUR LA NATURE

DE LA VIE

APHO.



APHORISME XXXIX.

SECT. VI.

Conuulsio à repletionē fit vel vacuationē, ita vero & singultus.

La conuulsion se fait de repletion ou euacuation, & ainsi le singlot.

COMMENTAIRE.

GALIEN cite cet Aphorisme en plusieurs lieux, comme au premier, troisieme, sixieme des lieux affectez, & au deuxieme des Symptomes. La conuulsion est vn mouuement forcé, & inuolontaire en la partie qui se meut volontairement, elle se fait lors que les nerfs sont tendus contre nature, & quelquefois retirez. Or tel mouuement contre nature est vers le principe du muscle, & quelquefois vers l'origine du nerf, il

vient rarement à la queue ou extremité du muscle, par ainsi toute conuulsion se fait de repletion ou d'inanition. Celles-cy sont les causes generalles, non qu'il ny en ait aucunes particulieres, mais elles doiuent estre rapportées à ces deux cy. La plenitude se faict quand les nerfs sont remplis d'humeurs crasses & visqueuses, soit qu'elles s'amassét à cause de l'imbecillité des nerfs mesmes, ou soit qu'elles y coulent d'ailleurs. Secódemment la conuulsion se faict d'inanition, comme és fiéures ardentes, ainsi qu'en l'ellebore, lors que la violence du médicament tire au ventricule tout ce qu'il y a d'humidité és nerfs, par fois la sanie se retient dans le nerf picqué ou blecé, laquelle apporte conuulsion par la qualité & quantité, mais cela se doit referer à la plenitude, quelquefois en vn refroidissement vehement, la substance des nerfs s'espoissit, d'où s'exhale moins, & ainsi s'amasse la plenitude. Au regard du sanglot ce n'est pas proprement conuulsion, mais certain mouuement semblable à conuulsion, qui s'excite dans l'orifice du ventricule par inanition & re-

pletion, il peut prouenir de chaleur, comme de l'usage du poiure : mais lors que Galien au liure de la Methode, a dit que le sanglot s'excitoit par le poiure & autres choses acrés ou acidés, il semble qu'il refere cela à la qualité, mais nous pouuons dire que le poiure & autres choses semblables attirent ie ne sçay quoy de matiere à la bouche du ventricule, laquelle remplie souffre le sanglot, partant nous pourrons dire que tel sanglot arriue à cause de la quantité & plénitude : il peut aussi prouenir d'une froideur qui condense & constipe l'orifice du ventricule, de sorte que rien ne s'en peut exhaler, d'où vient la plénitude, de laquelle suit ce sanglot, neantmoins la conuulsion & le sanglot s'accordent, en ce que l'un & l'autre est en son genre suscité de mesmes causes, sçauoir de repletion ou inanition, comme ils aduiennent aussi en mesme maniere, s'entend par vne subite contraction de la partie qui est mené vers son principe, & à l'origine de son mouuement, de sorte qu'en la conuulsion le ventre & la queue du muscle, qui est le premier instrument du

mouuement volontaire , se retirent vers la propre teste d'iceluy , & qu'ensemble ceste partie du corps en laquelle le muscle s'insere y est comme attrainée par force. Mais au sanglot il y a cecy de propre , que les nerfs assez remarquables , mais courts de la sixiesme coniugaison , se glissent en rampant à l'œsophagne , à l'estomach , & au ventricule , puis recourent & remontent à leur principe & source , & entraînent avec eux la partie à laquelle ils sont inserez. Or different le sanglot & la conuulsion , tant en l'espece , qu'en la forme du mouuement , comme aussi en l'espece de la nature de la partie affectée , & du symptôme ou accident , car la conuulsion est vn mouuement contrainct de la faculté animale en la partie qui se meut volontairement. Le sanglot est vn mouuement depraué du ventricule , qui ne se faiet point de la faculté animale , mais de la nature : c'est à dire de ceste faculté qui gouerne le corps , ce qui s'entend que le sanglot aduient par vne faculté expultrice du ventricule , ou de l'orifice supérieur , ou de l'œsophagne , qui tasche à expulser le vi-

ce ou defaut impact à leurs membranes: car veu que le ventricule & principalement son orifice d'en haut participent à de grands nerfs, non par le moyen desquels le ventricule soit meu, mais qui luy donne vn tres-vif sentiment: il a acoustumé de chasser tout ce qui se presente de nuisible soudainement, selon ceste faculté inserée de nature à chaque partie du corps, au moyen de laquelle lesdites parties chassent tout ce qui les offense, tant que faire se peut. Au regard de la conuulsion, c'est vn mouuement obscur, & comme tonique qui aduient par la seule contraction. Le sanglot est vn mouuement manifeste, composé de deux contraires mouuements, sçauoir de dilatation & contraction, car au sanglot le ventricule se dilate premierement soy-mesme pour chasser plus vigoureusement ce qui nuit, après comme en recueillant ses forces, il se retient, & par vne compressiō de tout son corps faiēt le sanglot, après il retourne en son assiette naturelle, la conuulsion tombe seulement sur les parties qui se meuuent, selon ce que les Grecs appellent *τετανη*.

πικρὸς inuolontairemēt, & c'est vne propre indispositiō du muscle ou πᾶθος ψυχῆς passion de l'ame (dict Philothée.) Le sanglot vient à l'œsophagē, à l'estomac, au ventricule, parties qui sont gouvernées par la conduicte de la seule nature, & non sous l'empire de la volupté. Et ce sanglot est σωματικὸν πᾶθος, vne passiō du corps, dict Philothée. La conuulsion est symptome, d'une cause qui faict la maladie. Le sanglot selon Galien est l'accident d'une cause qui n'apporte aucune maladie, & c'est l'œuvre de la seule nature, ou de la faculté expultrice, comme l'horreur, l'esternument, la toux, le vomissement, & le rot : jaçoit qu'il puisse aussi sembler accident de cause, qui faict la maladie, ven qu'il y a tousiours quelque cause contre nature, qui excite & pousse la nature au sanglot. Et l'on voit aussi qu'au sanglot les trois facultez du ventricule sont depraüees, la retentrice qui abandonne les viandes, & ne les embrasse pas naturellement, tandis que le ventricule se dilate en sanglottāt, la motrice & expultrice qui font mouuemens du tout contraire à la nature du ventricule. (liv 2)

G A L I E N.

LA Conuulsion, comme son propre nom le demonstre, se faiet aux propres testes des muscles qui sont retirées & estenduës, & pour mieux dire, comme arrachées par force & violence, & par ainsi ce mouuement est du genre de ceux qui se font selon la nature, mais celuy-là ne se faiet iamais sans l'appetit & conuoitise del'animal. Or la conuulsion est vne passion & mouuemēt inuolentaire des parties charnuës & musculieuses, semblable à celuy qui se faiet au genre nerueux; il vient de repletiō comme nous voyons arriuer aux cordes d'instruments, pour estre exposées vn long temps à vn air fort humide, & pour ceste cause sou-

uent elles se rompent : vne pareille chose aussi leur arrive par le moyē d'un air grandement sec, car elles se retirent & s'estendent puissamment, ainsi tous les corps nerveux endurent conuulsion quand ils sont desseichez outre mesure : c'est pourquoy il ny a nulle doute que la conuulsion se fait de causes contraires. Nous dirons autrepart & plus à propos, que le hocquet est vne cōuulsion de l'estomach, mais pour cette heure nous nous contenterons de cognoistre la substance & condition de telle maladie, & trouuons qu'il est plus à propos de dire que c'est vn certain mouuement qui a quelque affinité & alliance avec le vomissement, quelquefois plus violent, car l'estomach desirant chasser dehors quelque chose qui luy est contraire, il se tourne & se iette à deux

fortes de mouuements , asçauoir, l'vn violent , qui se fait au hoquet, l'autre moins violent, comme nous voyons arriuer aux vomissemens, & de fait au vomissement il tâche seulement de ietter hors tout ce qui est contenu dedans tout son espace , mais par le hoquet il s'esforce de mettre de hors & euacuer tout ce qui est le plus caché dans son orifice. Par ce mot d'estomach ie n'entends pas seulement ce qui se prend d'ordinaire pour cette partie, mais aussi ie comprends son orifice, ou le hocquet se fait, principalement quand il tâche à mettre hors ce qui est de contenu en iccluy. Or des choses qui s'euacuent d'ordinaire avec peine & difficulté , il est aysé à cognoistre quand par le moyen du hoquet la nature les veut chasser dehors , ce qui se faict par le moyen des choses

S v

qui attrient tous les iours aux vns plus, aux autres moins. Et de faict si quelqu'un a auallé quelque chose d'acre & de haut goust, comme est le poiure, ou avec le miel, ou bien avec quelque autre chose, & qu'il vienne à boire du vin trempé avec de l'eau chaude, à mesme instant le hocquet luy viendra par le moyen du poiure qui descendra au fond de l'estomach, & par son acreté blessera ses tuniques. Or nous auons montré au Liure *De causis casuum*, que la toux & l'éternuement, & la rigueur se faisoient par tels mouuemens.

ANNOTATIONS SVR LE Commentaire de Galien.

Au premier, Galien enseigne que la Convulsion, comme l'indique son propre nom, se faiët à la teste & origine des muscles, & afin de le faire entendre plus clairement, il faut dire des muscles retirez & comme arrachez de leur origine, & de faiët de mesme que le mouvement qui se faiët selon nature, lequel ne peut estre sans l'appetit & conuoitise de l'animal, est appelle mouvement volontaire, ainsi la convulsion est au contraire un mouvement contre nature.

Au second, il enseigne que la convulsion se fait par repletion, come il arrive aux chordes d'instruments en temps humide, & pour cet effect elles se rompent le plus souvent, & en temps sec, les mesmes chordes se retirent, il en arrive tout autant aux corps nerveux desseichez par la chaleur.

Au troisieme, il inferre que la convulsion ne se faiët point sans raison de causes contraires, ce qui se peut accorder du hocquet, pour

autant qu'il est appelé conuulsion de l'estomach; & lors qu'il voudra traiter du hocquet particulièrement, afin d'en cognoître sa substance, il dit qu'il sera plus à propos de ne le point appeller conuulsion, mais plustost de le reduire au genre des vomissements, & pour monstrier que cela est tres-veritable, il faut remarquer que quand l'estomach tasche à ietter quelque chose dehors qui luy est nuisible, il se ment en deux façons, desquelles l'une est grandement vehemente, comme au hocquet, & l'autre moins, comme au vomissement. Or au vomissement, nous taschons à mettre dehors ce qui est en la cavité du ventricule, & au hocquet nous nous efforcons de chasser ce qui est contenu dedans ses tuniques.

Au quatriesme, il enseigne que par ce mot de *στόμαχος*, Estomach, il ne faut pas seulement entendre la cavité qui est nommée estomach, mais aussi l'orifice superieur du ventricule, qui est appelé estomach. Or toutes les choses qui sont contenues dedans cette partie, quand le ventre s'esforce à les ietter dehors, il le fait par le moyen du hocquet: & si quelqu'un en doute, il dict que cela se prouve par l'experience des choses que nous voyons

aux uns, plus aux autres moins, car si quel-
qu'un a avalé quelque chose d'acre & de
haut goüst, comme le poiure, ou avec le miel,
ou avec quelque autre chose, & qu'il vien-
ne apres à boire du vin trempé avec de l'eau
chaude, sans doute il sera à l'instant surpris
du hocquet, car la chaleur du brenage fait
descendre le poiure iusques au fond de l'esto-
mach, si bien que par son acrimonie venant à
picquer, & velliquer ses tuniques, il le promo-
que à chasser dehors ce qui luy est contraire. Or
Galien diët qu'au liure De Symptom. cau-
sis, il a monstré que la toux, l'esternuëment,
& la rigueur se faisoient par semblables mou-
vements.

APHORISME XIII. DE LA VII. SECT.

Propter ardores vehemētes, con-
uulsio, aut tetanus, malum.

*Si des ardeurs vehementes, la conuulsion, ou
le tetanus suruiennent, cela est mauvais.*

COMMENTAIRE.

DN cet Aphorisme, comme
aussi en l'Aphorisme 57. du
quatriesme liure, & aux A-
phorisme six, dix-sept,
vingt-deux & cinquante
cinq du cinquiesme Liure, & en plu-
sieurs autres passages, mais principale-
ment aux coacques. Hippocrate semble
distinguer ceste distention que les Grecs
appellent *τῆ τετανον*, *tetanus*, de la con-
uulsion, veu toutesfois que le tetane est
pris par tout dans Galien, pour vne

troisieme espece de conuulsion, en laquelle par vne esgale violence tout le corps est estendu çà & là, de sorte que la distension qui se faict en la partie postérieure se nomme *opisthonas*, & de la partie de deuant *emprosthotonos*. Mais si nous venons plus soigneusement à esplucher la chose selon la doctrine d'Hippocrate, nous trouuerons que la distension & conuulsion sont veritablement symptomes du mouuement depraué des nerfs & des muscles, mais tellement distinguées entre elles, que le genre de chacune d'elles est ou peut estre neutre, ainsi que l'espece, comme de l'augme, & de la pleuresie, de la fièvre putride, & de l'hectique, encore que l'un puisse suruenir & succeder à l'autre, car la conuulsion & distension different entre elles en la forme du mouuement, en la nature de la partie affligée, en la diuersité des causes, en la grandeur du mal, & en sa continuation & discontinuation en la forme du mouuement, par ce que la conuulsion est vn mouuement de contraction, par lequel se retire le milieu des muscles, qu'on appelle ventre, de la

quelle contraction le tendon auquel se termine le muscle, & avec luy le membre auquel le tendon du muscle est inséré se retirent, dont le muscle s'acourcit, non autrement que les chordes d'un violon s'acourcissent par la moiteur de l'air, & resserrent l'instrument auquel elles sont attachées: c'est pourquoy les Grecs deriuient la conuulsion qu'ils appellent *σπασμοι* du verbe *σπῶ τὸ σπᾶν*, qui signifie tirer, à cause que la conuulsion se faict par vn mouuement de contraction. Or les Latins la nomment conuulsion, de ce quelle dissout l'vnité, à cause qu'à ceste vehemente contraction de nerfs & tendons, se trouue d'ordinaire vn si grand racourcissement, que les nerfs & tendons perdent leur vnité, & sont en danger de se rompre. La distension ou tetane est vn mouuement de l'extension, par laquelle le muscle qui souffre n'est retiré ou acourcy en aucune façon, mais il s'allonge, car l'on verra tousiours les parties malades tendues & roidies, non pas retirées ou racourcies: jaçoit que certaine contraction se puisse admettre en la distension, qui se faict

neantmoins selon la largeur du muscle, non selon sa lógueur, mais la cõtraction qui se remarque en la conuulsion se faiët selon la largeur & la longueur du muscle, apres la conuulsion se faiët avec mouuement manifeste : le tetane sans mouuement, sinon occulte, & iceluy tonique ou par mesure, à cause s'entend qu'en la conuulsion les muscles qui tirent sont empeschez par les muscles contraires qui estédent, de sorte que par certaine vicissitude chacun d'eux tire & estend à son tour. Or en la distension, l'vn & l'autre genre de muscles souffre tendu deuant & derriere esgallement, d'où se faiët le mouuement tonique, où les muscles qui estendent souffrent seulement, esquels le mouuement est si vehement & violent, qu'il ne peut estre retenu par les muscles qui tirent en la distension qui a accoustumé de roidir tout le membre. Au demeurant mesmes parties ne sont pas affligées en la conuulsion & distension, d'autant qu'en la conuulsion, comme il a esté dict les muscles, qui tirent souffrent seulement, en la distension les muscles de part & d'autre

souffrent , tant ceux qui tirent, que ceux qui estendent, ou ceux qui estendent seulement. Au regard aussi de ce qu'en la conuulsion vniuerselle , les parties antérieures ou postérieures du corps travaillent, en la distension les vnes & les autres sont affligées , comme en la conuulsion le cerueau est plus affligé , en la distension la moëlle de l'espine l'est d'auantage , & le cerueau moins , & seulement par sa communication avec l'espine : car veu que par le tetane tout le corps presque se roidit , & que le tetane est vn perpetuel roidissement de tout le corps, vn si grand & si vehement roidissement ne scauroit proceder que de la moëlle de l'espine, de là tu pouras remarquer qu'au tetane toute l'espine, les mains , & les pieds sont tellement roides & estendus , qu'on ne les scauroit plier de quelque costé que ce soit , mais ces parties demeurent comme immobiles & congelées : c'est pourquoy tant les Grecs , que Celse ont appellé ceste maladie , les vns *ἔκτασις τεταύω* & les autres en latin *Rigorem* roidissement. Paul a aussi escrit que la distension appartenoit à toutes les mus-

cles du corps , auquel toutesfois ne s'accorde Aretée , qui a creu que la distension se deuoit rapporter aux muscles des machoires , possible à cause qu'au tetane on apperçoit vne manifeste extension des machoires. La conuulsion & distension different aussi en la diuersité de leurs causes , car la conuulsion a deux causes conioinctes selon Hippocrate , asçauoir repletion , & inanition , mais la distension n'en a qu'vne seule , qui est repletion , car aucune distension ne peut prouenir d'inanition , attendu qu'aucun corps ne peut estre retiré ou enroidy par les choses qui vident ou euacuent immoderément , mais bien se peut il allaschir & flestrir , car la conuulsion ne peut arriuer que par vne plenitude , ou par beaucoup de siccité , ou par vne chaleur ou froid vehemens , qui n'agissent pas foiblement & petit à petit , mais qui se ruent tout d'un coup à la fois : C'est pourquoy Hippocrate deschiffrant les causes de la conuulsion , les a toutes rapportées à la repletion ou inanition. Au vingt-neufiesme Aphorisme de la sixiesme Section , il n'a point fait mention

du tetane , mais de la seule conuulsion , & du sanglot : jaçoit qu'és autres Aphorisme il ait expressement parlé de la conuulsion , & du tetane. Or ceste plenitude qui engendre le tetane , prouient d'une humeur totalement crasse & visqueuse , & icelle froide & seiche , telle qu'est l'humeur melancolique , car il ny a rien qui rende le corps plus imbecille & moins propre au mouuement que la frigidité & siccité. La siccité qui vient à naistre aussi en abondance , & à la fois attraine la distention , non pas veritablement ceste siccité qui se coule parmy les causes qui excitent l'inanition , comme sont les euacuations immoderées , les longues veilles , les fièvres chaudes & ardentes , l'exercice trop violent. Mais bien ceste siccité qui est conioincte au froid , comme lors que l'Aquilon souffle en resserrant les pores du cuir , & restreignant les humeurs contenuës és nerfs , les congele par maniere de dire & estend aussi les muscles entierement solides d'eux mesmes , ou bien ceste siccité laquelle ioincte à la chaleur , comme pendant vn chaud violent , lors

que'elle boit & consomme l'humeur excrementeuſe contenuë aux diſtances & pores du corps , endurciſſant ainſi les propres parties ſolides. Le froid entre autres cauſes a vne faculté tres-puiſſante d'exciter la diſtention, car il fait le corps roide comme vne charogne morte, ceux ſeruent d'exemple à qui les membres ſe ſont roidis , exposez à la froideur de l'air , & que l'on rompra pluſtoſt que de plier. Les Histoires rapportent d'Alexandre , qu'apres s'eſtre long-temps baigné dans le fleuve Cadmus , il deuint roide par tout le corps , dont il perdit la parole , & non ſans grand danger de ſa vie , & en fin il reuint le quatrieſme iour , cela eſt remarqué par Hippocrate en l'Aphoriſme dix-ſeptieſme , du cinquieſme Liure , & cinquante ſeptieſme du quatrieſme , la chaleur violente auſſi ameine la diſtention , comme celle des fièvres ardentes qu'endurent les corps ſolides en les deſſeichant , & comme rotiffant. Or ainſi qu'il appert par cet Aphoriſme , la conuulſion & diſtention different auſſi en grandeur de maladie, car la diſtention eſt vne maladie tres-ai-

guë, sinon pour autre subiet, du moins pour la difficulté de respiration, car les muscles en telle maladie ne pouuants faire leur fonction, à cause du roidissement de tout le corps ne peuuent mouuoir le thorax, d'où la respiration est rendue difficile & plus empeschée, les douleurs l'accompagnent la pluspart & beaucoup plus grâdes, que non pas en la conuulsion, d'autant que la distension ne vient pas peu à peu comme d'ordinaire faiët la conuulsion, mais elle est excitée soudainement & tout à coup, dont Hippocrate Aphorisme sixiesme, liure cinquiesme, dict, *Tous ceux qui sont surpris de tetanus meurent dans quatre iours, que s'ils peuuent euitter le quatriesme ils guerissent.* Finalement la distention est vne maladie tres-rare, & fort semblable en sa cause, symptomes, & rareté à la maladie dictte catalepsie ou congelation; mais la conuulsion aduient fort souuent. C'est pourquoy à cause de la rareté du tetane, & la differente opinion des Auteurs sur son subiet, il n'est pas aisé de definir la distension, & la distinguer de la conuulsion. *Lam. ouy de cataplasmes et de*

G A L I E N.

Plusieurs Interpretes ont reconnu qu'il falloit que cet Aphorisme fust escrit en ceste façõ, mais Marinus escrit *A vulneribus, si de playes*, & de faict il tient que le precedent s'accorde avec celuy cy, veu que des grandes playes l'inflammation & les conuulsions suruiennent d'ordinaire. Mais puis que tous les interpretes, & principalement les anciens ont reconnu ceste leçon, qui porte *si la conuulsion vient de grande chaleur*, il est plus à propos que nous la retenions comme vraye & legitime. Quelques vns par ce mot de chaleur ont entendu les fieures, les autres ont voulu que l'ardeur de l'air chaud ait esté ainsi appellé, aucuns ont pris ce

mesme mot pour les cauterres & elcharies, & tous en quelque sorte que ce soit disent la verité Or ils conuiennent tous que les conuulsions & distentions des nerfs, qui suruiennent pour quelque cause que ce soit ne sont pas bonnes.

ANNOTATIONS SVR LE
COMMENTAIRE DE
Galien.


Au premier, Galien enseigne que cet Aphorisme a esté leu. en ceste façon par plusieurs interpretes.

Au second, il enseigne que Marinus ancien interprete n'a pas leu, Si la conuulsion vient de la grande chaleur, mais, si des playes, & a monstré que cet Aphorisme s'accorde avec le précédent.

Au troisieme, il enseigne que cela est bien vray, que les conuulsions & inflammations suruiennent aux grandes playes, mais d'au-
tant

tant que tous les interpretes, & principalement les plus anciens ont, à fortibus æstibus, si grande chaleur, il faut retenir ceste ancienne leçon, & croire qu'Hippocrate l'a ainsi escrit, Celse qui a esté long-temps auparavant Galien, l'a expliqué en ceste façon.

Au quatriesme, il s'addonne & se met à expliquer ceste particule, Si de la grande chaleur, & monstre que quelques uns par ce mot de chaleur ont entendu les fièvres, les autres l'ardeur de l'air chaud, les autres les canteres & eschares: il estime que tous ont eu raison, par ce que de toutes ses choses, les convulsions & distensions engendrées de siccité, sont tres-fascheuses & tres-dangerenses.



APHORISME II. DE LA V. SECT.

Conuulsio à vulnere, lethalis.

La conuulsion qui prouient de playe est mortelle.

COMMENTAIRE.



Le mot *επιγνώμερον* dans Hippocrate & Galien signifie le mauuais accident qui suruient à vne mauuaise maladie, quelques fois aussi il est prins pour bon, comme, *Si quelqu'un detenu de fièvre le frisson vient apres, c'est la guerison*, mais quand à ce qu'au quatriesme des Aphorismes, on lit *és Aphorismes cinq, huiet & soixante & quatriesme* *ἔπι τραύματι*, & autrement *τρώματι*. Philotée en faiet vne distin-

ction , d'autant (dict-il) que τραύμα est vne solution de continuité en partie charneuse , mais τραῦμα solution de continuité au nerf , en quoy il se trompe , veu que dans Hippocrate , ils signifient mesme chose , comme on peut voir aux Prorrhēt. & au liure des playes de teste. Toutesfois au cinquiesme des Prorrhēt. & au sixiesme des Epidem. Galien dict que τραῦμα signifie toute grande lésion prouenant de cause externe , comme sont luxations , contusions , absces , hemorragie causée par vne cheute , interpretant dont ἐν τραύματι , ou τραύματι de la blesseure : on demande pourquoy la conuulsion suit la blesseure , à quoy il faut respondre pour quatre causes , car quelquesfois le lieu où se faiēt la playe est remply de grandes veines & arteres , & lors s'ensuit grande hemorragie , qui attraisne la conuulsion , quelquesfois vne defaillance de cœur , mais les blesez ne meurent pas tousiours de telle conuulsion & syncopes , par fois aussi la playe s'adresse au genre nerueux , à raison de laquelle playe s'ensuit vne conuulsion des parties ner-

ueuses, qui se nomme spasme. La troisieme cause est que de là procede l'inflammation, laquelle occupant la qualité des nerfs est suivie de conuulsion. La quatrieme cause est lors que quelquefois l'orifice de la playe trop estroit, retient au dedans le pus & la sanie, qui sont acres. Or semblable retention mord & irrite les nerfs, de sorte qu'elle amene la conuulsion, cela arrive souvent aussi lors que l'ulcere n'est pas bien purgé & mondifié, ou lors que l'on le ferme plustost que de raison. Galien dict au commentaire que semblable conuulsion vient directement de la partie blessée, l'experience neantmoins montre souvent qu'où la blessure est en la partie droicte de la teste, que la gauche entre en conuulsion, & à l'opposite qu'où la partie fenestre est blessée la droicte souffre conuulsion. Or telle playe est mortelle, non comme si par necessité elle apportoit tousiours la mort (dict Galien,) mais le plus souvent, car la conuulsion qui survient à vne playe est pernicieuse, comme celle s'entend qui est sinon tousiours du moins pour la plus part suivie

de la mort. Or sous ce nom de playe, comme nous auons desia dit, on doit entendre toute grande & griesue bleissure, procedant de cause externe, comme luxation, brusleure, contusion, playe d'une partie principale, ou nerueuse, & ioincture du nerf, entre tous ces accidens il faut adiouster la playe trop tost fermée, ou qui n'est pas assez ouuerte, ou lors que la douleur s'estant augmentée au dedans, l'abondance de la matiere qu'elle attiroit se referre, & ne peut sortir, ce qui enflame & remplit le nerf, d'où s'ensuit la conuulsion; & premierement des parties qui respondent directement à la playe, consequemment de tout le corps, lors que l'intemperie, ou l'humour, ou l'inflammation sera paruenue au principe des nerfs, ce qui se fait tant pour le sentiment subtil & delicat des parties nerueuses, que pour la grande communication qu'elles ont avec le cerueau. La conuulsion aussi qui suruient à la playe suit d'autres accidens, comme vn flux de sang immodéré, comme l'humidité naturelle des parties nerueuses espuisée. La douleur vehemente, le re-

flus de l'humeur aux parties interieures, la vapeur, ou acrimonie du pus, ou la qualité nuisible, l'indeüe application d'un medicament trop acre, tel que l'euphorbe, ou le refroidissement du nerf desnüé, lors aussi que l'issüe est desnüée au pus, ou à la sanie d'une playe que l'on aura trop tost, ou imprudemment fermée : toutes lesquelles conuulsions sont fascheuses, principalement si elles surviennent en quelque partie d'importance bleüe, car en ceste façon la conuulsion est du tout mortelle, lors mesmement que la teste ou la queue du muscle sont atteintes, ou lors que les muscles des tempes sont offencez, ou la teste mesme, ou lors que la tumeur vient à s'esvanouir, qui paroüissoit auparavant en la partie de derriere de l'ulcere, ou bien lors qu'aucune tumeur ne survient aux playes, car adonc on soupçonne que les humeurs seront refluées aux parties nobles, ou lors que la conuulsion se faict en la partie opposite, comme il aduient souuent aux playes de la teste. Cet Aphorisme est vtile, & pour le prognostique, & pour la curation, car Hippocrate en-

seigne aux Medecins & Chirurgiens le soing & la diligence qu'ils doiuent apporter aux playes, afin que les malades ne tombent point en conuulsion, ce qui se fera au commencement par les remedes adstringents, qui empescheront le flux de sang immoderé, & apres en donnant par l'ouuerture de la playe libre passage & issue à la bouë, puis procurant la cicatrice de l'vlcere par remedes propres & conuenables pour le cicatrifer promptement, ayant esgard au surplus, comme en toutes maladies aux remedes generaux.

G A L I E N.

DE mesme qu'il a dict en l'Aphorisme precedent, que la conuulsion estoit mortelle, qui vaut autant à dire que perilleuse, & tendant le plus souuent à la mort, ainsi maintenant il veut que


la conuulsion qui vient de la playe soit mortelle, non pas de necessité, & apportant tousiours la mort, mais le plus souuent, c'est pourquoy en plusieurs autres Aphorismes precedents, il a esté du mot de Mortel. Donc des playes la conuulsion se faict quand l'inflammation a atteint les parties nerveuses.

ANNOTATIONS SVR LE Commentaire de Galien.

Au premier, Galien enseigne que ce mot de Mortel, tant icy qu'en ce precedent Aphorisme, & en plusieurs autres, ne signifie pas absolument que la mort s'en donne ensuiure, mais seulement le plus souuent & d'ordinaire.

Au second, il enseigne que la conuulsion vient des playes, à raison des inflammations qui suruiennent aux playes, & cela se faict d'ordinaire aux playes des parties nerveuses, ou bien quand en mesme partie l'inflamma-

tion si est faite , mais l'un & l'autre est
vray , & neantmoins l'ordre y est observé
en ceste façon , que les partie nerveuses sont
attaquées les premieres , dont aduient inflam-
mation , puis apres s'ensuit que toutes les
parties du corps sensibles sont affectées.




APHORISME XXXI.

SECT. VI.

Oculorum dolores meri potio, aut
 balneum, aut fomentum, aut
 phlebotomia, aut purgatio sol-
 uit,

*La potion du vin pur, ou le bain, ou la fo-
 mentation, ou la saignée guerissent les
 douleurs des yeux.*

COMMENTAIRE.

ETTE Sentence appartient
 à la guérison de laquelle
 Hippocrate ne faiét seu-
 lement icy mention, mais
 en beaucoup d'autres lieux,
 comme pareillement Galien au sixiesme
 Liure des simples medicaments, au cha-
 pitre *De Abrotano*, au troisieme liure
 de la methode, & au liure des differences

des fièvres, où aussi il excuse Hippocrate en ce que plusieurs le reprennent d'avoir escrit sans mettre distinction, Celse est aussi de ce nombre, d'autant (dict-il) qu'Hippocrate a remarqué les causes sans distinguer les remedes. Reste sçavoir comment nous distinguons les remedes, Celse en rapporte seulement trois, la section de la veine, le bain, & le medicament. Oribase en met quatre, car le mot de *πυλιν*, fomentation ne se lit point dans cet Auteur, toutesfois Galien l'approuve, & à bon droit. Il faut maintenant voir comment & quand l'usage du vin le plus pur est bon & utile, mais paravant l'usage du vin, nous devons diligemment regarder si le corps a besoin de purgation, ou de saignée, car il faut toujours purger le corps, s'il est cacochime, s'il est plethoricque, il y faut adiouster la saignée, après nous aurons esgard à la teste, par ce que possible la temperature est trop chaude, & attire les excrements du reste du corps, si nous voyons que la teste soit remplie d'humeurs, on tirera du sang de la cephalique: posons que le corps ne soit

pletorique, ne cacochime, & que la teste n'abonde point en excremens, si les petites veines des yeux sont pleines de sang crasse & pituiteux, tellement qu'elles s'enflent nous ordonnerons l'usage du vin, car si tu vse mal-apropos du vin en la repletiõ sanguine, ou phlegmatique du corps, ou de la teste, attendu qu'il esmeut les humeurs, il y a danger que l'ysage n'ameine, ou l'apoplexie, ou la fièvre chaude, ou quelque fièvre lente, qui rende le malade sec & tabide, mais quel vin prescrirons nous? subtil, & claret, comme le vin Narbonnois, odorant & vieil, qui soit en sa plus grande force, & nullement affoibly pour la vieillesse, tel vin eschauffe, subtilise, & discute ceste matiere crasse, car les Antiens estimoient que tout vieillissoit excepté le vin, & que la vieillesse ne le faisoit que rendre plus chaud & plus ygoureux, ce qui toutesfois n'aduiet pas aux vins de nostre país. Maintenant il faut que tel vin se boiue dans vn grand vase, comme vne coupe, dautant que lors qu'on boit ainsi, les yeux baillent & s'ouurent attentiuement vers

le vase, & par mesme moyen en quelque façon hument & conçoient la vapeur du vin, tant que ceste humeur crasse en est discutée. Pour ceste cause nous commandons à ceux qui sont trauaillez d'une crudité de veüe, qu'ils boient en des vaisseaux larges. Or n'est-ce pas assez; il faut boire du vin en grande quantité; de sorte que les larmes en tombét des yeux; il y a vn autre doute sur ce qu'Hippocrate a escrit (*Potion de vin pur*) si l'on doit tremper le vin ou non, Aëtius croit qu'il le faut tremper à celuy qui l'a accoustumé, mais moins qu'à l'accoustumée. Dauantage il y mesle de l'eau chaude, afin qu'il penetre plus promptemēt, mais à ceux qui n'ont pas accoustumé de tremper le vin, il n'estime pas qu'on leur doie tremper. Mais maintenant il faut sçauoir quand on doit donner le vin, si à ieun, ou meslé avec autres viandes: tous presque le donnent à ieun, mais aux Epidem. le vin est deffendu à ceux qui sont à ieun, & qui principalement auront la teste foible, de sorte qu'on le donnera à ieun à celuy qui aura bonne teste, & avec autres viandes à celuy qui

l'aura foible, mais Galien & autres Medecins le donnent apres le bain, mais c'estoit à cause de l'accoustumance des bains, (*Le bain*) ce remede est propre semblablement apres qu'on aura eu esgard au corps & à la teste, mais lors que la pituite est tellement crasse qu'elle adhere fermement aux yeux, il faudra parauant que venir au bain preparer la matiere avec fomentations, car cela est fort propre lors que l'humeur est acre & subtil, & aussi aux tumeurs Oedemateuses, selon l'opinion d'Æce, ainsi qu'és acres & veneneuses, selon celle de Gallien. Bref sous ce mot *μεῖν*, fomentation. Hippocrate entend toute calefaction exterieure, soit par le feu, soit par les bains, soit par linges chauffez, soit par parfums, soit par esponge. Or Hippocrate traite icy principalement de la fomentation qui se fait avec vne esponge molle, trempée dans l'eau chaude, comme l'explique Galien au sixiesme des Epidem. Toutesfois nous pouuons auourd'huy vsfer de fomentations de camomille, mauue, guimaue, quelquefois lors qu'il y a de la chaleur, d'une decoction

de Psyllium. Galien approuue plus les es-
ponges appliquées, que les sachets de
Psyllium : on peut vser où il y a de la
chaleur, de violliers & de roses. Or de-
uons nous fomentier les yeux long temps
apres le repas, deux ou trois fois le iour,
voire plus souuent, selon que la douleur
sera grande. Or maintenant la saignée
est propre lors qu'il y a grande abondan-
ce de sang, le medicament s'admet en
la cacochimie : au surplus Hippocrate
disoit cy dessus, que le flux de ventre
suruenant est bon à celuy qui a mal aux
yeux, c'est pourquoy à l'imitation de
nature, si la douleur des yeux prouient
d'une bile acree, ou de pituite crasse, ou
salée, ce ne sera pas mal faict, de purger
par le ventre, & Galien assure qu'il a
guary plusieurs ophtalmiques par la
seule purgation.

G A L I E N.

IL me semble que toutes les cho-
ses que Hippocrate a mises icy

en auant ont esté pluſtoſt reco-
gneuës par l'experience que par la
raiſon, car cela n'eſt point extra-
ordinaire, qu'vn homme eſtant af-
fligé de maladie, ſoit ſoulagé par
le bain, ou bien ne luy ayant point
donné la permiſſion de boire du
vin, n'en reſſentant aucun ſoula-
gement; ſ'il le porte à en boire, &
qu'il s'en trouue mieux, cela &
toutes les choſes qui ont eſté re-
marquées par les Medecins ſont
eſcrites ſans aucun bornement &
limitation: Ainſi il me ſemble que
Hippocrate n'a point parlé de ces
remedes icy, ny comme rationnel,
ny comme empirique: Or l'vtili-
té qui nous peut arriuer de toutes
ſes paroles, qui font mention de
telles diſpoſitions, eſt de ſçauoir,
en quelles maladies le bain eſt ne-
ceſſaire, ou bien le vin, & ainſi des
autres qui ſont icy miſes en ordre;

Or, est-il certain, que quelques-
vns trauallez des douleurs des
yeux, ont esté soulagez, les vns par
le bain, & les autres par la potion
du vin: C'est pourquoy ie me suis
persuadé d'adjouster foy aux pa-
roles d'Hippocrate, estimant qu'il
n'eust point mis telle proposition
en avant, si ellen'eust esté verita-
ble, neantmoins ie ne voy point
que cela ait esté remarqué par au-
cun Autheur antien; & ayant re-
cherché toutes les indispositions
des yeux, j'ay mis peine à faire di-
stinction des remedes selon la di-
uersité des maladies, & apres y
auoir adjouste foy, alors j'ay prins
la hardiesse d'y faire les remedes;
& premierement j'ay commencé
à baigner vn jeune enfant, auquel
vn Medecin, non sans raison, auoit
ouuert la veine, & le pensoit puis
apres avec medecines, quel'expé-

rience seule luy auoit enseignée, & neantmoins son mal estoit vne inflammation grande qui luy assiegeoit les yeux ; Mais il estoit grandement travaillé à certains accèz & paroximes , durant lesquels il disoit, qu'il ressentoit couler generally sur tous ses yeux des humeurs tres-aeres, & qu'après que telles humeurs estoient sorties, que la vehemence de la douleur se passoit, sans toutesfois qu'il fust exempt de douleur , laquelle luy a duré iusques au cinquiesme iour, augmentant tousiours de plus en plus, mais ne pouuant supporter vne si grande douleur, il s'aduisa de me faire appeler, avec vn autre Medecin oculiste , des plus experimentez de la ville de Rome, il fut d'aduis d'vfer de ses colyres, quel'on appelle emplastiques & anodins, c'est à di-

re, qui appaisent la douleur, comme sont ceux de Ceruse lauée, d'Amidon, & de Pauot ; car par les emplastres adstringentes, il se proposoit de repousser l'humeur qui fluoit sur la partie, & par les anodins, il esperoit appaiser la douleur: Quand à moy, i'eus pour suspects tels remedes dès le commencement, iugeant qu'iceux n'empeschent point la fluxion, mais font seulement que l'humeur qui faict la douleur n'est point euacué, & que par mesme moyen telle humeur estant acre par son séjour en la partie corrode & vlcere la cornée, & que si dauanture l'humeur est en grande quantité, elle faict tension, & augmente la douleur, & la rend insupportable, si le medicament n'est grandement stupefactif; mais si il est grandement stupefactif, & que par son

moyen les yeux ne ressentent, ny la douleur, ny l'inflammation, il est infailible que la faculté visive en sera blessée, & offencée, iusques-là, que l'inflammation cessant, les malades voyent fort peu, ou point du tout, & demeure à leurs yeux vne certaine indisposition, qui difficilement se peut guarir, ce que ayant recogneu & apperceu tout-ensemble que l'humeur estoit a-cte, chaude, & en grande quantité, ie iugé par experience qu'il estoit à propos d'vser de fomentation, afin de mieux recognoistre par ce remede, la nature & condition du mal: or la fomentation a accoustumé d'appaiser la douleur en quelque façon, mais elle prouoque aussi vne autre fluxion, par ce qu'elle discute & resoult ce qui est amassé sur les yeux, mais elle en appelle vne autre des lieux circon-

voisins, & pour cet effect, à l'instant mesme, ie me fis apporter & de l'eau tiede, & vne esponge, le malade me dict alors, qu'il auoit experimenté ce remede tout le long du iour, & qu'au commencement sa douleur auoit esté amoin-drie, mais que puis apres elle estoit augmentée, ce qu'ayant entendu ie leis donner l'ongt au Medecin oculiste, & promis de guarir le malade, & de le deliurer bien tost de sa douleur sans les remedes refrigerants: C'est pourquoy luy ayant ordonné le bain, à l'instant mesme sa douleur fust appaisée & dormit toute la nuit & sans appeller personne de ceux qui dormoient à l'entour de luy. L'en ay aussi guarý plusieurs autres par ce mesme remede. l'ay veu vn autre jeune homme, non loing de la ville, qui estoit trauaillé d'vne grande fluxion sur

les yeux , & la douleur continuant
toufiours de plus en plus, il se fist
apporter dans la ville, afin de pou-
voir trouuer quelque remede à sō
mal, à la premiere veuë ie luy trou-
ué les yeux bouffis, & les veines &
tuniques enflées, tumefiées, & rē-
plies de sang. Alors ie fus d'aduis
qu'il se baignast, & puis apres qu'il
vlast de vin pur pour se prouoquer
le sommeil, ce qu'il fist, & ayant
dormy tout vne nuict, il se trouua
à son reſueil ſans mal & ſans dou-
leur, ces deux exēples m'ont don-
né la hardieſſe d'vſer d'oreſnauant
de tels remedes aux fluxions des
yeux, principalement quand le
cōrps ne fera ne plethorique, ne de
mauuaife habitude. Or ce ſont icy
les puiſſans remedes pour les dou-
leurs des yeux, mais de tous ceux
cy le plus aſſeuré eſt la ſomation,
laquelle apporte toufiours vne

tres-grande vtilité, & comme signe pour cognoistre la maladie, & comme cause pour sa guarison, car quand rien ne fluë sur les yeux la fomentation dissout ce qui est impacté & amassé, & quand il arrive que quelque chose y distille encore, à mesme instât par sa chaleur douce & modérée, elle appaisela douleur en quelque sorte, mais puis apres elle l'augmente, ce qui nous sert de signe pour cognoistre la cause de la maladie, & comprenant d'où elle peut proceder, nous auons esgard à toute l'habitudedu corps, en saignant & purgeant selon la necessité.

ANNOTATIONS SVR LE
Commentaire de Galien.

A*u premier, il semble que Galien veile facilement monstrier que de cet A-*

phorisme l'on n'en tire pas grande utilité, car il est bien vray qu'Hippocrate, selon Galien, a plustost cognu ces choses par l'experience, que par la raison, car ce n'est point merueille si un homme, estant travaillé d'une douleur aux yeux, en est soulagé par le moyen du bain: de mesme aussi; cela n'est point estrange, si ayant beu du vin il en tire soulagement, car les Medecins estans spectateurs de cela, & de plusieurs autres choses, ont acoustumé de les escrire sans bornement ou limitation; ainsi Galien est de cet aduis qu'Hippocrate en a fait de mesme.

Au second, il enseigne l'utilité qui procurent de telles opinions: or ceste utilité est telle, que par le moyen d'icelles, nous iugerons des maladies qui se guarissent, les vnes par le bain, les autres par la potion du vin: quelques vnes par la fomentation: Or il faut estimer, que telle sentence est tres-veritable, car autrement Hippocrate ne l'eust pas mise en avant.

Au troisieme, il rapporte l'histoire d'un ieune enfant qu'il a baigné, auquel aussi un autre Medecin auoit tiré du sang, & non sans raison; puis avec plusieurs autres remedes que l'experience seule luy auoit enseignée, il le

pen-

pensoit , estimant que l'inflammation estoit tant seulement aux yeux. Or le ieune homme auoit de grandes douleurs à certains paroxismes: icebuy mesme se plaignoit qu'il ressentoit quantité d'humeurs acres & mordicantes, qui luy tomboient sur les yeux, mais à l'instant que telle humeur estoit sortie, la grande douleur s'appaisoit aussi, mais non point tout à fait, ce qui luy est arrivé iusques au cinquiesme iour, le mal augmentant de plus en plus: ainsi le ieune homme ne pouuant plus supporter telles douleurs, il fist appeller Galien, avec vn autre Medecin oculiste des plus experimentez de la ville de Rome, lequel Medecin fust d'aduis d'vser de remedes refrigerans & anodins, comme sont les colyres, les emplastres, les ceruse lauée, l'amidon & le panot, esperant par les emplastres d'empescher la fluxion, & par les remedes anodins, appaiser la douleur. Mais Galien dict auoir tousiours en tels remedes fort suspects, car par le moyen des remedes adstringents, l'humeur est tant seulement repriuee, mais non point espuisee & euacuée, si bien que telle humeur estant retenue, elle fait tension, d'où procedent des douleurs insupportables, si elles ne sont appaisées & empeschées par des reme

V

des stupefactifs. Que si maintenant l'on use des remedes stupefactifs, sans doute ils blesseront la faculté visive, car il arrive ordinairement que l'inflammation cessant, le malade ne voit point, ou fort peu, outre qu'il demeure une certaine indisposition dure à la cornée, qui ne peut s'en aller qu'avec grande peine. Ce que recognoissant Galien, & que ce ieune homme estoit remply d'humeurs chaudes & acrés: Au commencement il a voulu essayer d'une fomentation d'eau tiede, car elle adoucit la douleur, mais aussi elle prouoque & attire une autre fluxion sur la partie: & comme Galien eust demandé une esponge & de l'eau, à lors le malade luy dict qu'il avoit expérimenté un tel remede tout le long du iour, qui luy avoit diminué sa douleur du commencement, mais que puis apres elle estoit augmentée avec plus de violence. A lors Galien fist donner congé au Medecin oculiste, & promist de guarir le malade sans aucun remede stupefactif, & de fait dès lors il le baigna, & sur l'heure appaisa la douleur, ce qui le fist dormir toute la nuit, sans avoir appelé aucun de ceux qui dormoient dans sa chambre. Depuis ce temps-là Galien a tousiours usé du bain, quand il a apperceu quelque humeur


acere tomber sur les yeux, & que le corps n'estoit point plein ne replet; & par ce remede en a guarý plusieurs.

Au quatriesme, il faict mention d'un autre ieune homme habitant les champs, lequel ayant endure une douleur insupportable aux yeux; & voyant qu'elle augmentoit de iour à autre, se fist apporter dans la ville, il auoit les yeux sales & vilains, bouffis & enflés de sang, les veines tumefiées & grosses: Galien ordonna que ce ieune homme seroit baigné, & luy conseilla de boire du vin, ce qu'il fist, ou apres auoir dormy toute la nuit, a son resueil il se trouua sans mal & douleur. C'est pourquoy de là Galien a tiré indication quand nous deuons ordonner de boire du vin a ceux qui ont mal aux yeux: a sçauoir, quand une quantité de sang grossier est contenüe dans les veines, car en ce cas le vin subtilize l'humeur, l'euacüe & desbouche les obstructions.

Au cinquiesme, Galien infere que tels remedes sont puisas pour les douleurs des yeux, & entre tous il loue grandement la fomentation, comme un remede tres-assuré, & qui apporte une tres-grande utilité, & comme signe ainsi qu'en l'exemple premier, & comme cause, par ce qu'elle resoult l'humeur, &

460 Aphorisme XXXI. de la 6. sect.

en fin oste la douleur, car si rien n'afluë sur les yeux, elle resoulc ce qui est impacte & amassé & oste le mal, mais si quelque humeur y afluë encores, elle diminue la douleur, l'augmentant puis apres, si bien que par son moyen l'on recognoist que le corps est impur & cacochime, qu'il est necessaire de saigner, si il y a abondance de sang, de purger si les humeurs qui pechent en quantité, ce qui sera tres-facile à iuger.



APHORISME XLIX.

DE LA VII. SECT.

Ab angina habito, tumor, & rubor in pectore superueniens, bonum: Extra enim vertitur morbus.

Lors qu'une tumeur ou rougeur en la poitrine suruiennent à celuy qui est deuenu de l'angine, c'est bon signe, car le mal se tourne dehors.

COMMENTAIRE.



IPPOCRATE tant icy qu'aux Coaques & ailleurs diuerfement fous le nom d'angine, comprend toutes ses indispositions de la gorge, qu'accompagne perpetuellement vne difficulté de respirer, sans que le tho-

rax ou le poulmon participent en rien à telle maladie, ou en soient empeschez, mais à cause de l'angustie & estreccissement du lieu, la difficulté de respirer ce faict cognoistre aux plus hautes parties de la gorge, que l'on appelle Larynx, par ou la respiration a son entrée. Or le gosier, que d'autres nomment Aspre artere, est vn conduit par où l'air ou l'haléine passe aux poulmons, tel canal consiste de diuerfes parties, du pharynx, de l'aspre artere, du l'arynx, & de l'epiglote, chaque partie desquelles sont aussi composées & tissues de diuerfes parties. Pharynx est c'est espace de la bouche qui se présente au deuant de l'œsophage, & de l'aspre artere: l'aspre artere est vn canal consistant de cartilages & membranes, qui sert d'organe à la voix, & à la respiration tout ensemble. Larynx est la teste, ou plus haute partie de l'aspre artere, qui là ioinct ensemble avec le pharynx: l'epiglote est comme certaine languette qui couure le larynx, & le bouche de peur qu'en mangeant ou deuorant quelque chose elle ne fouruoye & tombe dedans le l'a-

rinx. Toutes les maladies dont qui assiegent toutes ces parties ensemble , ou aucune d'icelles separément , si elles empirent la respiration , & qu'elles ayent vne fièvre coniointe , Hippocrate les comprend sous le seul nom d'Angine: Or fait il quatre especes remarquables de ceste maladie d'angine , non seulement designées par la diuersité des parties malades , mais aussi par leurs causes, sans leur donner pourtant aucun nom propre & particulier , car il definit l'angine tout ce qu'engendre la fluxion , & dit que telle fluxion consiste d'un sang ou subtil & bilieux , ou de sang un peu plus grossier , ou d'une pituité crasse & visqueuse, qui sort de la teste, ou du col, ou aussi des parties inferieures , excitant vne tumeur en ces parties là. Or la premiere espece de ces maladies , deriue d'une tres-acre & subtile fluxion de l'humour bilieuse, qui se ruë aux petites veines des muscles interieurs ou propres, ou communs au larynx , puis apres passe par dessus les plus grandes veines du palais , si bien qu'en telle indisposition l'eresypele, ou le phlegmon est tellement

caché, qu'on ne le sçauroit discerner par le tact, ne par la veüe, en faisant ouurir la bouche au malade, soit que l'on prenne garde, ou dans la gorge, ou dans la bouche, du moins au commencement de la maladie, car depuis que le danger est augmenté, la matiere s'espanche souvent dehors d'elle mesme, à cause de l'abondance. Telle fluxion est la plus cruelle de toutes, à cause qu'elle apporte vne difficulté de respirer tres-véhemente, avec vne grande douleur. La seconde espece d'angine vient lors que la fluxion vn peu plus crasse s'arreste és veines du palais, & que s'endurcissant là, elle a apporté vne tumeur qui paroist manifeste, en faisant ouurir la bouche au malade, à cause que les veines de ces parties là sont plus larges que celles du l'arynx, & à cause que les muscles du pharynx, & ceux qui sont tant extérieurs qu'intérieurs à la langue, & à l'os hyoide. Item, tous les autres qui sont en ses parties estants affliges d'un phlegmon se manifestent par la tumeur susdite: c'est seconde espece n'apporte pas si grande difficulté de respirer que la premiere,

toutefois elle ne cause pas moindre douleur, & le plus souvent amene la mort, mais non pas du tout si soudaine. Ceste espeece a acoustumé d'estre suivie d'une enflure, tant des amygdales, tonzilles, qu'aussi du gurgulion qui pend au palais, & de la racine de la langue mesme, tous lesquels accidents appartiennent au palais. La troisieme espeece consiste d'une crasse & visqueuse fluxion, qui s'espanche en partie sur le col, sur la partie exterieure du sternum, & partie sur les muscles du col, qui descendent par les costez de l'oesophage, au cartilage scutiforme. En ceste troisieme espeece, & le col, & le gosier rougissent ensemblement, sur tout si quelque portion d'humeur bilieuse se mesle avec la pituite. La quatrieme espeece d'Angine aduient plus rarement, toutesfois elle peut aduenir lors que la premiere ou seconde vertebre du col est luxee vers la partie de deuant, & les plus recents praticiens de medecine la nomment strumeuse; ceste cy offense plus la deglution ou aualement des viandes que la respiration, & comparaison de celles qui aduiennent par

la tumeur des muscles qui flechissent le col. Or ne plus ne moins donc qu'en ces quatre especes d'angine, bien que toutes pernicieuses & tres-dangereuses, celles à la verité sont les moins mortelles, esquelles vne tumeur paroist au col, ou au gosier, & ne se cache point au dedans : ainsi à tous ceux qui auront quelque especes d'angine, si non seulement au col & au gosier, mais aussi en l'estomach vne tumeur & rougeur surviennent, qui n'auoient point paru au commencement de la maladie (comme il aduiant en la premiere especes d'angine) l'accident sera moins pestifere & mortel, que si rien de ces choses ne suruenoit, car ceste tumeur & rougeur qui surviennent indicquent que la nature est robuste, comme celle qui aura expulsé la matiere des parties interieures aux exterieures, s'entend comme des muscles du larynx, au palais, ou du gosier, au col, & à la poitrine : de sorte que non seulement telle matiere ayant laissé son premier suc espanche sa couleur, mais aussi d'elle mesme excite vne tumeur en ces parties exterieures, esquelles elle est transmise,


laquelle expulsion de nature , donne indication d'assurance & de santé , si elle aduient aux iours criticques, asçauoir en l'estat de la maladie , & la matiere estant desia presque corrigée & cuite , non pas au commencement ou en l'augment , car au commencement cela arguë l'abondance de la matiere , en l'augment l'obstination d'icelle , car nature n'a point accoustumé de mouuoir la matiere si elle n'est cuite. Bref la douleur plus paisible , la fièvre plus douce , la respiration plus prompte, & la deglutition plus facile , monstrent que nature & son pouuoir sont venus au dessus de la matiere chassée dehors , qui n'a plus aucun mauuais suc de reste au dedans, & principalement si telle matiere vient à suppuration , ou si elle se digere en vapeurs , ou que le crachement l'expulse , & si elle ne reflue point aux parties interieures , comme au poulmon.

G A L I E N.

CEt Aphorisme a esté mis en telle parolles, *Ceux qui sont malades de l'Angine, si le chainon du col leur enfle cest bon signe*: or ie l'ay exposé cy dessus en mon Commentaire, c'est pourquoy ie crois qu'il a esté icy mis par quel qu'un sans y penser.

ANNOTATIONS SVR LE
Commentaire de Galien.

A premier, Galien enseigne que cet Aphorisme a esté desia écrit par Hippocrate en ses parolles, *Ceux qui sont malades de l'angine, si le chainon du col leur enfle c'est bon signe*, il monstre aussi qu'il l'a exposé cy dessus en son Commentaire quatriesme, mais ie crois qu'il y a faute au texte, car il faut mettre sixiesme, d'autant que cet Aphorisme est le 37. du 6. Livre.



APHORISME VIII.

SECT. VII.

A tuberculi intus ruptione, exolutio, vomitio, aut animi defectio fit.

De l'ruption d'un tubercule au dedans du corps, suruiennent resolution d'esprits, vomissement & defaillance de cœur.

COMMENTAIRE.



O V s. auons dict que phyma est toute sorte de petite tumeur, principalement qui naist au dehois, quelquefois aussi elle se prend pour les tumeurs interieures, & particulierement pour toutes tumeurs contre nature prouenantes d'humeur bilieuse, qui s'augmentet soudainement & suppuret quelquefois, elle se prend pour ce qu'on ap-

pelle apôsthème, ou abscez, elle se nomme icy suppuration, ou vomica, où la matiere enfermée dans la tumeur suppure, & par son acrimonie ronge la tunique, en se faisant passage, d'où Galien veut que la dictïon *πῆξις* s'entende d'une petite tumeur du ventricule, causée de vomissement, on la peut toutesfois entendre de toute tumeur. Or faut il remarquer ce que nous avons dict auparavant en l'Aphorisme qui se commence (*tous les hydropiques, &c.*) car on doit avoir esgard à la partie, d'autant que si telle suppuratiō vient en vne partie où il se rencontre plusieurs veines & arteres, & que le pus en sorte impetueusement, ou de son plein gré, ou par artifice, il y a danger que le malade ne meure, d'autant qu'il se faict vne grande resolution & issuë d'esprits avec le pus, au reste il y en a qui pensent que le mot *ἐκλυσις* soit dict d'une legere defaillance de cœur, pour le distinguer de la lipothimie, de lipopsychie, & syncope, on appelle à la verité *ἐκλυσις* la moindre & plus legere defaillance de cœur, toutesfois en ce passage elle s'en-

tend de toute defaillance de cœur, soit grande, ou petite, lipothymie & lipopsychie se confondent & sont prises souvent l'une pour l'autre : jaçoit que lipothymie se nomme proprement defaillance de cœur, qui vient par vne perte ou resolution d'esprit vital que faiët le cœur, quand à lypopsychie, elle se faiët les esprits naturels estants dissipés : pour la syncope, c'est vne precipite prosternation & cheute des forces naturelles, (*defaillance de cœur*) à cause de la dissipation d'esprits, car en l'eruption du pus beaucoup d'esprits s'escoulent tant vital que naturel, & quelquefois animal. Or il ne nous est pas si facile de discerner les tumeurs internes plus recentes que les externes, car les externes se recognoissent à la veüe & au tact, mais les internes se discernent mieux par la raison que par le sentiment. Si les tumeurs sont grandes & eminentes en la superficie du corps, on les peut remarquer au toucher, ainsi qu'il aduient aux tumeurs du foye & de la ratte : si au contraire estants petites elles demeurent cachées au profonds du corps, on les re-

marque seulement avec coniectures artificielles. Or quand les tumeurs qui assiegent les parties internes tendent à supuration, les douleurs & fièvres qui ont precedé s'augmentent, à cause de l'ebullitiō de l'humeur, & de l'effort de la chaleur naturelle qui naist avec nous, vne bataille se donnant alors entre la nature & l'humeur, vn frisson desreiglé suruient par fois, tandis que la vapeur suppurante excite vne mordication, & tire les parties sensibles. Or au pus desja fait, tous accidents se relaschent, mais alors le pus se cache & retire au profond du corps, les forces demeurent beaucoup plus debile, le pouls devient frequent petit & languide, Il y a vne cōtinuelle defaillance de cœur, & à lors principalement que l'abscez assiege quelque partie noble. Or l'abscez ou l'aposteme creué vn deluge de pus quelque part qu'il s'espanse excite de terribles symptomes, le frisson, le vomissement, nausée, la defaillance de cœur, la resolution d'esprits, la syncope, vne fiueur froide, & qui pis est tous ces accidents arriuent ensemble, ou quelque autre se-

Ion la dignité ou condition de la partie en laquelle se faiët l'eruption du pus, & selon l'abondance & malignité du pus qui sort avec impetuosité, car si l'eruption du pus se fait au ventricule, le vomissement s'excitera, à cause que son orifice est iointe & tirassé par la pouriture d'iceluy pus, d'auantage par sa pernicieuse & puante vapeur, qui se communique au cerueau, il l'ofensera avec l'esprit animal, qui y reside, le cœur souffrira aussi, à cause de l'indisposition du ventricule, qui luy est voisin: jaçoit que la defaillance de cœur soit vn symptome familier à toutes eruptions du pus, tant internes, qu'externes, nous recueillerons donc de là qu'à peine voire qu'il ne se peut faire du tout, que le pus ne peut estre espanché & destourné par les poulmons purulents dans le ventre, ou dans les reins, se faisant passage par le ventricule fenestre du cœur, comme l'estime Galien au quatriesme chapitre, Liure sixiesme des lieux affectez, sans vne syncope violente, & sans vn peril eminent de la vie, attendu que le cœur comme la plus noble, & principalement des vise-

res, ne sçauroit souffrir non l'espace de la moindre petite heure, sans sa ruine, vne vapeur pour ce acre & fetide, & encor moins le pus à plus forte raison.

G A L I E N.

L nomme icy tubercule, ce qu'il appelle autre part suppuration: Or il diët quand la suppuration est rompue dans le ventricule, qu'il s'ensuit vomissement, de mesme quand le tubercule suppure, ou dās le thorax, ou bien dans le poulmō, il n'arrive pas seulement des vomissements, mais la toux, la courte haleine, & la defaillance de cœur, qui le plus souuent estranglé le malade de mesme que quand la suppuration se faiët dans les intestins, le pus fort avec les sceles. Or cela est commun à toutes les

suppurations grandes & promptes, qu'il s'ensuit vomissement, & defaillance de cœur, par la grande exhalation des esprits vitaux.


ANNOTATIONS SUR LE COMMENTAIRE DE Galien.

Au premier, Galien enseigne que *Φύμα*, c'est à dire tubercule, se prend dans Hippocrate, non point pour ce qui est dict proprement *Φύμα*, c'est à dire tubercule qui vient à sortir promptement, mais pour suppuration & c'est à dire pour toute sorte de tumeur qui vient à suppuration.

Au second, il enseigne qu'il faut entendre l'éruption qui se fait au ventricule, parce que à icelle survient le vomissement, de mesme qu'à l'éruption du tubercule dans le thorax, le vomissement ne vient pas seulement, mais la toux, & la difficulté de respire, qui estouffe le plus souvent le malade.

Au troisieme, il enseigne que la defaillance de cœur & exolution des esprits sont

Symptomes & accidents communs à toutes
sortes d'éruptions, d'autant qu'avec le pus,
une quantité d'esprits sort, comme il l'a re-
marqué en plusieurs endroits.



APHORISME LIX.

SECT. VI.

Quibus longo coxendicum dolore conflictatis femoris summum coxa excidit, rursusque recidit, iis mucola pituita ioidem colligitur.

Ceux qui ont esté longuement malades de la hanche, & apres la teste de l'os de la cuisse & iointure s'oste hors de sa boëte, & puis se remet, cela se fait par quelque humidité pituiteuse & gluante qui s'engendre en la cavité.

COMMENTAIRE.



L'ANATOMIE nous apprend que l'os du femur se termine en vne grosse teste, qui s'insere dans la cavité profonde de la hanche; il faut

dauantage ſçauoir que ce lien rond & court eſt tres-ferme , par l'entremiſe duquel les teſtes du femur ſe lient aux emboitements de la hanche. Or aduient il parſois que de la diſtillation du cerueau & autres parties du corps & mauuaife diſpoſition de l'vterus ſemblable lien eſt imbu de beaucoup de mucoſité , & que par cōſequēt la ioincture ſe relasche, elle ne ſe relasche pas ſeulement, car meſme quelqueſois à cauſe de la lubricité, la teſte du femur tombe hors de ſa concauité ou ſinuoſité. Hippocrate en ſon Livre des lieux en l'homme , faiēt ample mētion de telle choſe, c'eſt pourquoy ie renuoye le Lecteur en tel endroiēt. Quāt à ce lien pour ſa plus grande fermeté, il ne faut pas qu'il ſoit ne trop peu deſſeiché, ne trop peu humecté. Si l'oſ du femur tombe de ſa boēte par vne relaxation, & trop grande humidité, il tombe ſouuent en la partie interne , & deuers les aynes , & lors tout ce coſté là eſt beaucoup plus long que l'autre, quelqueſois, mais plus rarement il ſe luxe ou relasche en la partie exterieure, & adonc la cuiſſe deuient plus courte, il ſe

peut tres-rarement luxer & sortir de son lieu en la partie anterieure & posterieure. Or sçauoir si cela est necessaire, la luxuration se fait à la teste du femur, & à l'emboëtement de la cuisse, il est donc necessaire que ce soit à cause des mucositez, non est, car quelquesfois tel lien se peut rompre & cela est incurable, mais il aduiant fort rarement, d'autant que ce lien est caché trop auant: mais cela se fait plus souuent pour la cause rapportée par Hippocrate, s'entend à cause des mucositez. La diction *μύξα* signifie quelquefois dans Hippocrate vne humeur phlegmatique & pituiteuse, d'autrefois comme au Liure des articles, elle signifie vne humeur lente, visqueuse & blanche, qui naist ordinairement de l'imbecillité des cartilages, & des os aux propres ioinctures, car les cartilages & les os sont nouris d'une mucosité crasse & visqueuse, c'est pourquoy si quelque imbecillité leur aduiant, ils amassent quantité de tel excrement, qui rend la teste du femur legere & glissante, & propre à sortir de sa boëte facilement, c'est la raison qu'apporte Galien au liure des

ioinctures, qui attribuë la cause de pareille maladie à l'imbecillité des ioinctures, & des os, quelquesfois il l'attribuë aussi à l'abondance de la pituite, qui fluë aux ioinctures, & par ainsi telle mucosité peut estre engendrée à raison d'icelles parties, quelquesfois à raison de la matiere qui decoule du cerueau, & du reste du corps, comme de l'vterus aux femmes, dont plusieurs sont eshanchées. Ischias ou schiaticque est proprement vne maladie de l'Ischium ou hâche, avec tres-grande douleur, mais l'Ischium est ceste ioincture & emboëttement de l'Ischium avec la cuisse: il faut icy lire ischium, non pas coxa. Or le mot *απτεός*, quelquesfois signifie toute l'articulation qui embrasse & la teste ronde & legere du femur, & la boëte & le lien: nous appelons quelquesfois tout cela ischium comme en ce passage, derechef *απτεός* d'autrefois est pris pour la boëte de l'os, quelquesfois comme au liure de l'art pour la teste du femur, (*etombe*) retourne en son propre lieu, (*mucositez*) c'est à dire certaines humeurs phlegmatiques pesantes & blanches, (*en ceste partie*) c'est à dire en

re en ceste ioincture (ἐγγύριον) si tu lis ἐγγύριον, cela s'entend que la mucosité s'engendre à cause de l'imbecillité des parties, si ἐπιγύριον, cela s'entend qu'elle flue d'ailleurs & s'y amasse. Or l'ischias, comme nous auons dict, est vne douleur des ioinctures, c'est à dire qui occupe la cuisse, car ce que l'on appelle en latin *Coxendix*, est l'os qui reçoit la teste du femur; or telle douleur n'a pas son siege en la ioincture par laquelle la teste du femur s'insere en la cuisse, l'argument est que l'on ne sentiroit pas vne si vehemente douleur en l'ischias, veu que le lien est d'un sentiment obtus & moussé; elle a donc son siege plus haut, à la sommité de la fesse, par où les nerfs sortants des lumbes & de l'os sacrum sont portez aux jarrets, & en ce ligamēt aussi qui naist du perieoste. Si donc en l'ischias ou sciaticque de longue durée, la teste du femur tōbe hors de la cuisse, c'est à dire hors la cavité de l'os nommé ischium où il entre, soit en la partie anterieure ou posterieure, exterieure ou interieure, (car la teste du femur peut sortir hors de la cuisse, en tou-

tes ces quatre parties, jaçoit que plus rarement an l'antericure & postericure,) & que de rechef la teste dudit os vienne à retomber, & se reftablir en fa place ayfément, on ne fcauroit referer ailleurs la caufe de telle cheute & recheute; qu'à certaine humeur visqueufe & muqueufe, qui s'amaffe & croupit en ceste cavité de l'ifchium, qui s'engendre là, ou par les excrements d'icellé partie imbecille, ou qui tombé d'ailleurs, relasche les ligaments de la partie, & la rend lubrique & instable. Or l'extenuation du mefme femur caufe auffi fa cheute & recheute hors de la cavité de la cuiffe, par laquelle extenuation le cuir eft auffi rendu plus lasche, les bœufs en fervent d'argument dans Hippocrate, au Liure des articles, fection 25. & vingt-fixiefme, car les bœufs vers la fin de l'Hyuer à faute de pasture s'extenuent, ausquels l'os du femur tombe & retombe facilement,

GALIEN.


DEdans les articles le plus sou-
uent vne humeur pituiteuse
s'amasse, que l'on appelle commu-
nement mucosité, par le moyen
de laquelle les ligaments & ten-
dons qui sont aux articulations en
estant imbus & abreuez sont ré-
dus plus lasches, & pour cet effect
la teste de l'os tombe facilement
hors de la cavité, & de rechef elle
ny rentre qu'avec vne grande dif-
ficulté, ce qu'il montre mainte-
nant attriuer à ceux qui sont tra-
uaillez de la douleur de la hanche.
Or quand il dict que la hanche
tombe, il faut entendre de son ar-
tication, de mesme qu'il disoit
auiure des articles, *l'ay ven l'estante*

tomber seulement en une façon, comme
s'il eust voulu dire l'article qui se
fait en l'os humerus.

ANNOTATIONS SUR LE Commentaire de Galien.

Au premier, Galien enseigne que le plus
souvent un humeur pituiteux s'amasse
dans les articles, lequel il appelle *μύξα*,
mucosité, par le moyen de laquelle les li-
gaments estant imbus sont allongez & esten-
dus, & pour ceste cause les testes des os tom-
bent, & rentrent facilement dans leurs ca-
vitez, & dict que cela arrive à ceux qui
sont travaillez de telles maladies.

Au second, Galien enseigne que quand
l'on dict la hanche, il faut entendre l'articu-
lation de la hanche, comme il l'a monstre dé-
jà dans le livre des articles.



APHORISME LX.

SECT. VI.

Quibus diuturno dolore Ischiadico vexatis femoris caput coxa excidit, iis femur contabescit, & claudicant nisi vrantur.

Ceux à qui travaillez d'une longue douleur sciaticque, la teste du femur sort de la cuisse, à ceux là le femur devient tabide, & sont boiteux si on n'y applique le feu.

COMMENTAIRE.



L propose icy la cure de la luxation de l'Ischium ou hanche, & ensemble de la luxatiō de l'article & du lien, escoutons ce qu'il dit. En premier lieu on doit entendre que les Gindiens Me-

decins de la secte d'Aselepiade, (comme Ctesias,) estants d'autre opinion que ceux de Cos, reprenoient Hippocrate tant es autres opinions, que principalement en celle cy, en ce qu'ils disoient ne se pouoir faire que la luxation de l'ischium fut reduite : toutesfois l'experience a appris le contraire, veu qu'Hippocrate & Galien mesme l'ont guerie: s'il aduient donc que la douleur de la cuisse soit inueterée, & que par ce moyé la teste du femur sorte de sa boëte, il ne faut point douter qu'on ne la puisse guerir, & ce par deux manieres, ou par medecaments appliquez autour de la ioincture, qui ayent la faculté de dessleicher, comme Galien en a guery plusieurs, (d'enfans principalement,) ainsi qu'au genou, lors qu'à cause de la relaxatiō des nerfs & ligaments, le marcher n'est pas assez ferme, on guerit aussi pareille luxation avec le fer & le feu. Premièrement donc apres que la ioincture sera remise, nous ordōnerons le repos; apres nous appliquerons des medecamens fort dessicatifs autour de la ioincture; tierciēmens nous prescrirons yn regime de vi-

ure fort sec , & purgerons le corps , que s'il aduient que tels medicaments n'aient aucun efficace , nous viendrons au cauterer , & vserons (principalement s'il y a du pus) de ferrements rouges. Or ne deuons nous seulement considerer ce qu'escriit icy Hippocrate , mais outreplus auant qu'ordonner qu'elque chose des remedes , faudra voir si telle humeur ou mucosite est engendree à cause de l'imbecillité de la partie , ou si elle y fluë d'ailleurs nous ne proufiterons rien par ce moyen , si premierement on ne pouruoit à la partie d'où vient la fluxion , alors donc nous purgerons le corps , nous ordonnerons des clysteres acres , des vomitoires & vne sorte de regime qui desleiche , on appliquera sur la partie dolente des remedes topicques fort dessicatifs , si telle mucosite procede de l'imbecillité de la partie , nous cauteriserons & appliquerons le feu en la partie , principalement ou est la luxation , comme a remarqué Celse en ses parolles. *Premierement en la cuisse dessus le genou , au ply des fesses , dessus les malleoles quatre doigts en la partie charnueuse , mais lors*

nous esuiterons tant que faire se pourra la veine saphene, nous prescrivons aussi cependant des remedes acres, & autres remedes si la maladie est trop rebelle, & que l'humour tombe du cerneau, nous ordonnerons ce qui purge le cerneau, nous le cauteriserons, & adiousterons la paracethese à la partie posterieure de la teste: pareillement si l'humour fluë de l'utérus, nous le cauteriserons premier, apres nous viendrons à la partie affligée (à tous ceux auxquels sort,) La teste du femur est dictée proprement sortir ou tomber de sa place, & à ceux auxquels elle sort, la cuisse se desseiche & devient tabide, premierement à cause que la partie est trop debile, & par consequent ne reçoit point de nourriture, apres elle ne se meut point, & ainsi la chaleur naturelle de la partie est esteinte: tiercement la saphene est en quelque façon interceptée & destorse, de façon qu'elle ne peut porter là d'aliment, (deviennent boiteux,) d'autant que le pied sera plus long, ou plus court qu'il ne faut, si on ne le cauterise: maxime qu'il faut cauteriser avant que l'atrophie & claudication arriuent, sans negliger toutesfois

les medicaments que nous auons dictz cy dessus , autrement à peine guarira-t'on , nonobstant l'application du caustere actuel.

G A L I E N.

NOus ne deuons point separer cet Aphorisme du precedent , mais les conioignants tous deux ensemble , nous en recueillerons vn tel discours , car il veut dire , qu'à ceux qui sont travaillez de la douleur de la hanche , & ausquels à raison d'vne quantité de glaires & mucositez , l'article tombe & rentre dans son lieu , par succession de temps la maigreur leur arriue à la partie , si auparavant par le caustere actuel , l'on ne vient à desseicher telle humidité

ce qu'il conseille luy mesme deb-
voir se faire quand pareille mala-
die arriue à l'humeur, car main-
tenant c'est la mesme chose qu'il
auoit desia dicté cy deuant, quand
il conseille le cautere actuel, pour
ce qui arriue à la hanche, comme
il l'a enseigné au liure des Articles,
tant afin que toutes les mucositez
soient desséchées, qu'aussi la las-
cheté & estenduë du cuir & des
ligaments soit reserrée & r'ac-
courci, & que par ainsi l'articu-
lation soit maintenue en son pro-
pre lieu: que si pour la quantité
& abondance des mucositez, l'os
de la cuisse vient à demeurer long
temps hors de son propre lieu, il
y aura à l'instant mesme claudica-
tion, puis après la partie viendra
seiche & tabide: outre plus elle se-
ra aussi priuée de plusieurs mouue-
ments qui se font selon la nature.

ANNOTATIONS SVR LE Commentaire de Galien.

A V premier , Galien enseigne que cet Aphorisme ne doit point estre separé du precedent , mais qu'il les faut conioindre ensemble en cette façon. Ceux qui sont travaillez de la douleur de la hanche , & ausquels l'articulation tombe de hors , & rentre facilement dans son propre lieu , il est infailible que par succession de temps la cuisse ne vienne à se dessecher & emmaigrir , si premierement nous ne consommons l'humidité superflue , ce qu'Hippocrate a enseigné au Livre des articles de la luxation de l'humerus , comme nous tesmoigne Galien , sur le commentaire : Mais outre-plus il dict que c'est la mesme chose icy qu'il repete en la hanche qui doit estre bruslée , pour en consumer & absorber toutes les mucositez superflues.

Au second , il enseigne que si pour la quantité & multitude des mucositez , la

cuisse demeure long-temps hors de son lieu,
il y arrivera claudication, & la partie
deviendra sèche & tabide, estans prinée
de sa propre nourriture.

*Laus tibi Domine
Iesu.*

F I N.

TABLE
DES APHORISMES
CONTENUES EN CE
present Liure.

Aphor. 1. Sect. 1.

VITA brevis, Ars verò longa, occasio autem præceps, experimentum periculosum, iudicium difficile. Nec solum seipsum præstare oportet opportuna facientem, sed & ægrum, & affidentes, & exteriora.

La vie est courte, l'art long, l'occasion soudaine & hastine, l'experience dangereuse, le iugement difficile. Et ne faut seulement s'aquitter de son devoir, faisant les choses necessaires: mais & le malade, & les assistants, & ce qui est de l'exterieur.
page II.

Aph. 27. du 6. Liv.

Quicumque suppurati, aut aquam inter cutem patientes vruntur, aut se-

TABLE.

cantur, si pus, aut aqua vniuersim effluxerit omnes moriuntur.

Tous ceux qui ont du pus dans la poitrine, ou de l'eau entre cuir & chair, s'ils viennent à estre cauterisez & incisez, & que l'on tire la bouë ou l'eau tout à la fois, ils meurent.

page 54.

Aph. 38. sect. 6.

Quibus occulti cancri adsunt, non curare melius. Curati enim citius intereunt, non curati vero longius vitam trahunt.

On fait mieux de ne point pancer les chancres occultes & cachez: car ceux qu'on panse, meurent incontinent; & ceux qu'on ne panse point vivent davantage.

page 70.

Aph. 65. du 5. liv.

Quibus tumores in vlceribus apparent non conuelluntur maxime, neque insaniunt. Verum his euanescentibus de repente, quibusdam à tergo conuulsiones, & distentiones fiunt: quibusdam antè insania, vel dolor lateris acutus, vel suppuratio, vel difficultas intestinorum, si tumores sunt rubicundi.

TABLE.

Ceux auxquels les tumeurs apparoissent aux vlceres, ne tombent pas d'ordinaire en conuulsion, & en frenaisie : mais ces tumeurs venantes à s'esuanoïr soudain, à quelques-uns il survient conuulsions, & tensions de nerfs, si l'ulcere est derriere : & à ceux qui ont l'ulcere au deuant, il leur arrive, ou frenaisie, ou douleur aiguë de costé, ou suppuration, ou dysenterie, principalement si les tumeurs sont rougeastres. page 92.

Aph. 66. Sect. 5.

Si in vulneribus fortibus & prauis tumor non appareat, ingens malum.

Si aux grandes playes & malignes, il n'apparoist point de tumeur : cest un tres-mauuais signe. page 109.

Aph. 67. Sect. 5.

Tumores molles, boni : crudi verò, mali.

Les tumeurs molles sont bonnes : mais les crûës, ou dures sont mauuaisës. page 119.

Aph. 25. Sect. 6.

Erysipelas ab exterioribus verti ad interiora, non est bonum : ab interio-

TABLE.

ribus autem ad exteriora, bonum.

Il n'est pas bon que l'Eresipele des parties exterieures retourne aux interieures : mais quand du dedans il vient à sortir , il est bon.
page 125.

Aph. 46. du 7. Lin.

Quicumque suppurati vruntur, vel secantur, si pus purum fluxerit & album, euadunt, si verò subcruentum, & fœculentum, ac fœtidum, pereunt.

Tous ceux qui sont suppurez & empyriques, s'ils sont cauterisez, ou ouverts, & que le pus en sorte pur & blanc, ils reschapent : mais s'il sort sanglant, fœculent, & fœtide, ils meurent.
page 133.

Aph. 19. du 7. Lin.

In ossis denudatione, erysipelas malum.

L'Eresipele survenant à la nudation de l'os, cela est mauvais.
page 143.

Aph. 2. du 7. Lin.

Ab Erisipelate putredo, aut suppuration, malum.

Quand la putrefaction ou suppuration provient de l'eresipele, cela est mauvais. p. 148.

TABLE.

Aph. 20. du 5. Liv.

Vlceribus, frigidum quidem mordax, cutem obdurat, dolorem insuppurabilem facit, liuorem obducit, rigores febriles, conuulsiones, distentiones.

Aux vlceres le froid est mordicant, endurecit la peau, fait une douleur insupportable, amene une noirceur ou linidité à l'entour, apporte des rigueurs, fièvres, conuulsions, & distentions.

page 154.

Aph. 4. du 6. Liv.

Vulnera circumglabra, praua sunt.

Les playes chauues, & qui n'ont point de poil à l'entour, sont malignes.

page 168.

Aph. 45. du 6. Liv.

Vlceta quæcumque annua sunt, aut etiam diuturniora, os abscedere est necessarium, & cicatrices cauas fieri.

En tous les vlceres qui sont d'un an, ou de plus long-temps, il est necessaire que l'os abscede & se separe, & que les cicatrices deviennent creuses.

page 176.

Aph. 21. du 6. Liv.

In insanientibus si varices, vel hæ-

TABLE.

morrhoides superuenerint, infania solutio.

Si les varices & hemorroides suruiennent aux furieux & phrenetiques, la furie & phrenaisie s'en va. page 191.

Aph. 2. du 7. Liv.

In osse ægrotante caro liuida, malum est.

La chair liuide en l'os malade, cela est mauvais. page 201.

Aph. 21. du 7. Liv.

A forti in vlceribus pulsu, profluuium sanguis, malum.

De la forte pulsation aux vlceres le flux de sang, cela est mauvais. page 209.

Aph. 18. de la sect. 6.

Vesica discissa, aut cerebro, aut corde, aut septo, aliquo ex tenuioribus intestinis, aut ventriculo, aut iecore, lethale est.

La vescie perce, ou couppee, le cerueau, le cœur, le diaphragme, quelqu'un des intestins gresles, le ventricule, le foye, cela est mortel. page 219.

T A B L E.

Aph. 19. du 6. Liv.

Perfectum os , aut cartilago , aut nervus , aut genæ tenuis particula , aut preputium , neque augetur , neque coalescit.

L'os couppé du tout , ou le cartilage , ou le nerf , ou la partie mince de la joue , ou le prepuce ne croist point , ne se reuuißt , ny ne s'agglutine. page 247.

Aph. 9. du 7. Liv.

A profluuiio sanguinis , desipientia , aut conuulsio malum.

La phrenaisie , ou conuulsion procedant du flux de sang , cela est mauvais. page 262.

Aph. 14. du 7. Liv.

In capitis ictu obstupescencia , & desipientia malum.

Au coup receu en la teste , si l'émoussément ou stupidité , & la folie suruiennent , cela est mauvais. page 273.

Aph. 50. du 7. Liv.

Quibus cerebrum sphacelatum , id est , corruptum est , in tribus diebus pereunt : si vero hos euaserint , sanifiunt.

TABLE.

Ceux qui ont le cerneau lésé ou sphacélé, meurent dans trois iours : mais s'ils passent trois iours ils reschappent. page 281.

Aph. 38. sect. 6.

Si omentum excidat, necessario putrescit,

Si l'omentum vient à cheoir, il pourrira de nécessité. page 296.

Aph. 38. sect. 7.

Distillationes in ventrem superiorem suppurantur intra viginti dies.

Les distillations qui se font au ventre supérieur, suppurent dedans vingt iours. p. 304.

Aph. 50. sect. 6.

Quibuscunque præscinditur cerebrum, his necesse febrem, & bilis vomitum superuenire.

Il faut que nécessairement la fièvre & le vomissement débile suivent à ceux qui ont le cerneau blessé. pag. 315

Aph. 59. sect. 7.

Quibus cerebrum aliqua ex causa concussum fuerit, necesse est statim multos fieri.

TABLE.

Ceux auxquels le cerneau aura esté esbranlé pour quelque cause que ce soit , il est nécessaire que tout sondant ils deviennent muets. page 329.

Aph. 49. sect. 7.

Quicumque morbi podagrici fiunt, hi sedata in quadraginta diebus inflammatione finiunt.

Toutes les maladies qui se terminent en gouttes , finissent dans quarante iours apres l'inflammation appaisée. page 341.

Aph. 55. sect. 6.

Dolores podagrici, vere, & Autumno magna ex parte mouentur.

Les douleurs des gouttes , s'esmeuent la plussart au Prin-temps, & en Automne. page 354.

Aph. 46. sect. 2.

Duobus doloribus simul, nec eundem locum infestantibus, vehementior alterum obscurat.

Lors que deux douleurs ensemble n'affligent pas un mesme lieu, la plus vehemente obscurcit la moindre. pag. 369

TABLE

Aph. 47. sect. 2.

Dum pus conficitur , dolores , ac febres accidunt magis , quam iã cõfecto.

Quand le pus se forme , les douleurs, & fièvres surviennent plus que quand il est desjà formé.

page 383

Aph. 20. sect. 6.

Si in ventrem sanguis præter naturam effunditur , necesse est suppurari.

Si du sang contre nature se respand dans le ventre , il faut qu'il suppure necessairement.

pag. 398

Aph. 39. sect. 6.

Conuulsio à repletionem fit vel vacuatione, ita vero & singultus.

La conuulsion se fait de repletion ou evacuation, & ainsi le sanglot.

p. 409

Aph. 13. sect. 7.

Propter ardores vehementes , conuulsio , aut tetanus, malum.

Si des ardeurs vehementes, la conuulsion, ou le tetanus survient , cela est mauvais.

pa. 422

Aph. 2. sect. 5.

Conuulsio à vulnere , lethalis.

TABLE.

La convulsion qui provient de playe est mortelle. pag. 434

Aph. 31. Sect. 6.

Oculorum dolores meri potio, aut balneum, aut fomentum, aut phlebotomia, aut purgatio solvit.

La potion du vin pur, ou le bain, ou la fomentation, ou la seignée guerissent les douleurs des yeux. pag. 442

Aph. 49. Sect. 7.

Ab angina habito, tumor, & rubor in pectore superueniens, bonum: Extra enim vertitur morbus.

Lors qu'une tumeur ou rougeur en la poitrine surviennent à celui qui est detenu de l'angine, c'est bon signe, car le mal se tourne dehors. pag. 461

Aph. 8. Sect. 7.

A tuberculi intus ruptione, exolutio, vomitio, aut animi defectio fit.

De l'ruption d'un tubercule au dedans du corps, surviennent resolutions d'esprits, vomissement & deffillance de cœur. pag. 469

Aph. 59. Sect. 6.

Quibus longo coxendicum dolore conflictus femoris summum coxa exci-

TABLE.

dit, rursusque recidit, iis mucosa pituita ibidem colligitur.

Ceux qui ont esté longuement malades de la hanche, & apres la teste de l'os de la cuisse & iointure s'oste hors de sa boëte, & puis se remet, cela se faiët par quelque humidité pituiteuse & gluante qui s'engendre en la cavité.

pag. 477

Haph. 60. Sest. 6.

Quibus diuturno dolore Ischiadico vexatis femoris caput coxa excidit, iis femur contabescit & claudicant nisi vrantut.

Ceux à qui travaillent d'une longue douleur sciatique, la teste du femur sort de la cuisse, à ceux la le femur devient tabide, & sont boiteux si on n'y applique le feu.

FIN.



Si le sang contre nature
se respaist dans le ventric,
il faut quil suppurent
c'est saintment, page 398.

Si le ventricum vient à ch-
coir, il pourra de ut-
c'est, page. 296. —

Des gouttes, page. 358 & 359

De la forte pulsation aux vena
le flux de sang. page. 209. —

La vesic peccie ou rompue, le
crucan, le coeur, le diaphragme,
quelqu'un des intestins grossis,
le ventricule, le foye, cela est
mal mortel. page. 219. —

Des gouttes cōme ilz singent, 217.